


Ex Bibliotheca
majori Coll. Rom.
Societ. Jesu


6-7.E.3

~~6-5.E.5~~

38. ~~427~~ 28

71
E
2





D E
GYMNASIO
PATAVINO

ANTONII RICCOBONI

Commentariorum Libri Sex:

QVIBVS ANTIQVISSIMA EIVS ORIGO
& multa præclara ad Patau. um pertinentia: Doctoresq. clario-
res vsq; ad an. 1571: ac deinceps omnes, quotquot in eo
floruerunt, & florent: eorumq. controuersia: atq.
alia memoratu dignissima recensentur:

Opus vt non amplius pertractatum: sic studiosis
antiquitatis valde expetendum.

*Cum duplici Indice, altero Capitum, altero præcipuarum rerum Ca-
pitibus comprehensarum.*



1) Patauij, Apud Franciscum Bolzetam.

M. D. I I C.

Superiorum Permissu.

Martij Rutilij Vicetini,
Vicarij Episcopalis Vicetiæ,
ad Antonium Riccobonum.




DIVITE dum vena Patauinae digeris ortum,
Progressumq. Scholæ, docta q. facta virum :
Tu quoq; cum multis, quos longa aboleuerat ætas,
Deiuncta, Antoni, morte perennis eris.





PERILLVSTRIBVS, ET GENEROSIS DOMINIS,
 D. Augustino Cheuenhullero in Aichlberg, Libe
 ro Baroni in Landsron , & VVernsberg,
 Domino Hereditario in Hohenosteruutz
 & Carlsberg:

Et D. Erasmo Sigefrido Magero Inclytæ Nationis
 Germanæ Consiliario dignissimo.



Franciscus Bolzeta Patauinus S. D.



HISTORIA, siue fuerit inuentum
 Clionis Musa, vt nonnulli affirma
 runt, siue Cadmi Milesij, qui, cū
 primus animi sui sensa oratione solu
 ta expresisset, etiam primus res ge
 stas hominum dicitur conscripsisse: maximi certe mo
 menti est, maximamq. secum affert utilitatem, dum
 omnis generis pulcherrima exempla profert ad imitā
 dum

dum in omnibus actionibus ; non solum ijs, quæ Rerūp.
tractant administrationem, & administrandi, regen-
diq. prudentem, temperantem, fortem, iustam ratio-
nem retinent, omnemq. virtutem, & splendorem,
virtuti congruentem complectuntur, verum etiam ijs
quæ considerationem continent, cognitionemq. rerum
caelestium, & earum, quas à natura occultas, & la-
tentes indagare mens potest ; unde duplex felicitas,
altera agendi, altera contemplandi originem habet.
Cum autem ad hoc secundum genus exemplorum per-
tinere viderentur Antonij Riccoboni de Gymnasio
Patauino Commentarij, quibus tot sapientes viri re-
censentur, tot præclara sapientia facinora commemo-
rantur, tam illustres præstantissimorum Doctorem
actiones celebrantur ; quos Commentarios ille & be-
nigne mihi typis imprimendos concessit, & liberaliter
donauit : existimaui eos aliquibus in primis perillustris,
& Inclyta Nationis Germanæ dicandos, & addicen-
dos, quæ Gymnasij Patauini amplissima pars semper
fuit ; & præterquam quòd bellica fortitudine, iusti-
tia, mod. stia, moribus domesticis, virtutibus omni-
bus præstat, quas eximijs laudibus ornavit C. Iulius
Casar : etiam sapientie laude mirum in modum flo-
ret ; ut merito Germani ad utramque felicitatem, in
agendi, tum contemplandi nati, & facti esse videan-
tur ; & non solum dicantur Germani eam ob causâ,
quam Strabo, & Linius tradiderunt, quòd sint quasi
Ger-

Germani, & fratres Gallorum, cum vetustas vno ro-
mine Celtas nominauerit gentes Germanicas, & Gal-
licas in utraq; Rheni ripa vsque ad Oceanum oc-
cidentalem habitantes: sed etiam, ut doctissimus & li-
tamerus doctissime docuit, cui valde assensus sum,
quod Germanus, & Alemanus in lingua vestra pa-
tria totum hominem, & perfectum significet. Quam
perfectionem, non defuerunt, qui in libris suis mirabi-
liter celebrarint, tantumq. profecisse Germanos obser-
uauerint, ut humanitate Asiaticis, militari discipli-
na Romanis, Philosophia Græcis, Geometria Aegy-
ptijs, Arithmetica Phœnicibus, Astrologia Caldaïs,
opificiorum uarietate populis omnibus superiores esse
existimentur. Iam in hac præclarissima, & celeberrima
Natione cum plurimi eniteant omni uirtute præ-
stantes, omni claritate fulgentes, omni genere laudis
excellentes, inter illos splendidissimum locum vos sine
dubio videmini obtinere, Augustine, Baro Genero-
sisime, & Erasme, Consiliari præstantissime, qui cum
omnibus iis ornamentis abundetis, qua præclara vi-
deri hominibus, atq. eximia solent, generis claritate,
maiorum splendore, imaginum antiquitate, parentum
magnificentiâ, & magnanimitate, fortunarum am-
plitudine: tamen, ut ornamenta vobis propria paretis,
in hoc florentiss. Gym. ita uersamini, ut nihil aliud ui-
deamini, quàm de dignitate, et de gloria cogitare, illudq.
eē verū decus, atq. illos veros honores arbitremini, qui

à sola virtute proficiuntur, cetera vero prater hac
inania, & commentitia ducatis. Ac, ut alios pro-
pe innúmerabiles omittam, quos singulos nimis longū
esset per censere, plurimum quidem luminis importa-
runt, præstantissima familia tua, Augustine, Baro
perillustis, patris tui generosissimi, Georgius, Ioan-
nes, Bartholomæus Cheuenhulleri in Aichlberg, per
illustis viri Sigismundi Filij, Augustini Maio-
ris nepotes, Ioannis itidem Maioris pronepotes, Li-
beri Barones in Landscron, et U Vernsberg, Domi-
ni hereditarij in Hohernosteruuitz, & Carlsberg, quo-
rum primus fuit itidem hereditarius, & supremus per
Carinthiam Scutiger, et Augustissimorum Cesarum,
Ferdinandi I. Maximiliani II. Rudolphi II. à consi-
lijs, Caroli Exarchiducis Styria, Carinthia, Carnio-
la ab arcanis, & cubiculis, eidemq. supremus Au-
la Magister, Præses Carinthia, & Pisini Comita-
tus Præfectus: alter Comes in Franchemburg, supre-
mus, & hereditarius stabuli Magister in Carinthia,
Eques Aurei Velleris, Casarea Maiestatis ora-
tor perpetuus apud Potentissimum Hispania Re-
gem: tertius quoque hereditarius, et supremus sta-
buli Magister, vniuersa Carinthia Generalis belli
Dux, & Burggrabijs in Clagensfurt. Mauritius ve-
ro eorum frater, tuus Pater, ijs laudibus fuit ornatif-
simus, qua grauitate, consilio, fide, atq. officio com-
parantur. Nec parum illucet parens tuus, Erasme,
Con-

Consiliari clarissime, Generosus, & strenuus D. D.
Wolfgangus Mayer in Fuchstat, Dominus in Ma-
gerech, & Nidertruchsen, hereditarius Carinthia
Bacifer, et vniuersa Carinthia ordinatus Guberna-
tor, & Quaestor. Sed vos, cum vobiscum optime sta-
tueritis non satis valere ad summum splendorem adi-
piscendum Nobilitatem, et maiorum dignitatem, nisi,
qui nobiles sunt, etiam se generosos ostendant, et à
praestantibus maioribus nequaquam degenerantes, ad
illorum imitationem egregie compositi, et ad vnā co-
lendam virtutem excellentibus ingenijs natura forma-
ti, tempus omne honestissimo litterarum in studio, quae
sola virtutis sunt, administra, traducitis. Vnde factū
est, ut et tu, Augustine, omnibus amabilis, atq. admi-
rabilis sis, & tibi Erasme, potissimum praeceteris In-
clyta Germanorum Natio se regendam, & gubernan-
dam commiserit. In quo munere ita te gessisti, et ge-
ris, ut omnibus fidem, diligentiam, prudentiam tuam
haud obscure probaueris, & probes. His ego de rebus
cum vos ita admirarer, et colorem, ut inter omnes ue-
stra aetatis, & dignitatis Germanos tamquam inter
stellas maiora lumina splendere videremini: merito
vos selegi, quibus hoc honoris genus haberem, quod
non nisi principibus, & summis viris haberi consuevit,
& hoc opus benignitate auctoris, qui & vos, vniuer-
samq. Nationē vestrā plurimi facit, & plurimū cele-
brat, mihi donatum in vestro amplissimo nomine po-
steris

steris proderem, mea in uos propensionis, et obseruan-
tia singularis argumentum; sperans fore, ut cum opus
sit elegans, numquam amplius pertractatum, & mea
quidem sententia studiosis antiquitatis valde expetē-
dum, ne minimum quidem ad uestra Eloquentia, &
Historia studia momenti sit allaturum. quod munus
ut benigno animo accipiatis, vos etiam, atq. etiam ro-
go, meq. benignitati uestra etiam, atq. etiam commen-
do. Valete. PATAVII. Mense Augusto.
M. D. I I C.



INDEX CAPITVM;

Quæ horum Cōmentariorū sex libris cōtinentur.

LIBRO PRIMO.

DE origine Gymnasii Patauini.	pag. 1.	Ius profitentibus sub Venetis ab adeptione Patauij vsque ad bellum ex fœdere Cameracensi susceptum.	14
De confirmatione Gymnasii Patauini.	2	De Doctōribus clarioribus Gym.	
De facultate eligendi Doctores.	8	Artes profitentibus sub Venetis ab adeptione Patauij vsque ad bellum ex fœdere Cameracensi susceptum.	18
De loco Scholarum.	9	De Doctōribus clarioribus Gym.	
De horto Medicinali.	9	Ius profitentibus ab an. 1520. vsq; ad an. circiter 1570.	18
De pecunijs constitutis ad Gymnasii Doctores honorandos.	10	Catalogus Doctōrum, qui Artes in Gymnasio professi sunt ab an. 1520. vsque ad an. circiter 1570.	20
De collegijs ad studiosorum commoda institutis.	10	Catalogus alter Doctōrum, qui Artes in Gymn. professi sunt ab an. 1520. vsq; ad an. 1570.	25
De quibusdam statutis ad utilitatem, & dignitatem Gymnasii Patauini pertinentibus.	10	De ijs, quorum auspicijs Gym. est gubernatum post an. 1570.	30
De bonis artibus, quæ in Gymn. Patauino pertractantur.	11		
De Doctōribus clarioribus Gym. sub Patauinis.	11		
De Doctōribus clarioribus Gym. sub Carrariensibus.	12		
De Doctōribus clarioribus Gym.			

LIBRO SECUNDO.

DE Doctōribus Gym. Pat.	33	De Terentio Terentiano.	44
De Iacobo Menochio.	34	De Philippo Octauiano.	45
De Michaelē Quarantotto.	35	De Sebastiano Monticulo.	45
De Gaspare Fabiano.	35	De Laurentio Castellano.	45
De Guarino Pisone Soacia.	36	De Francisco Branca.	45
De Clemente Thealdino.	36	De Bartholomæo Sforcia.	45
De M. Mantua Benaudio.	36	De Bonaurentura Manento.	45
De Tiberio Deciano.	37	De Hieronymo Quaino.	45
De Martio Rutilio.	38	De Thoma Peregrino.	45
De Ioanne Cephalo.	38	De Martiali Peregrino.	45
De Francisco Mantica.	38	De Bernardino Paterno.	47
De Bonifacio Rogerio.	39	De Paulo Crasso.	47
De Francisco Zabarella.	39	De Hieronymo Mercuriali.	47
De Bartholomæo Syluatico.	40	De Hieronymo Capiuacceo.	48
De Ioanne Leonissa.	43	De Francisco Piccolomineo.	49
De Nicolao Botrono.	43	De Bernardino Truiisano.	49
De Pau. Antonio Godio.	44	De Albertino Botrono.	49

✠ De

I N D E X

De Ludouico Agnellio.	49	De Bernardino Petrella.	51
De Mariano Stephanello.	50	De Faustino Summo.	51
De Nicolao Curtio.	50	De Petro Catena.	52
De Hieronymo Nigro.	50	De Ioanne Fasco.	52
De Hieronymo Fabricio.	59	De Antonio Riccobono.	53
De Melchior Guilandino.	50	De quibusdā explicationibus an.	
De Atchangelo Mercenario.	51	1571. deficientibus.	57
De Iacobo Zabarella.	51		

L I B R O T E R T I O .

D e successoribus Iacobi Menochij.	58	De successore Bonauenturæ Mamenti.	65
De successore Angeli Matthæacij ad Pandectas.	59	De success. Hieron. Quaini.	67
De successore M. Antonij Ottellij ad caput de Regulis iuris.	59	De success. Thomæ Peregrini.	67
De successoribus Michaelis Quarantocij.	59	De success. Martialis Peregr.	67
De successore Gasp. Fabiani.	59	De success. Bernardini Paterni.	69
De successoribus Guarini Pisonis Soacia.	59	De success. Paulli Crassi.	69
De Thaddæo Pifone Soacia.	61	De success. Hier. Mercurialis.	69
De successoribus Clemētis Thealdini.	61. 79	De success. Hier. Capiuaccei.	72
De successoribus M. Mantuæ.	61	De successoribus in secundum locum Philosophiæ ordin.	73
De successoribus Tib. Deciani.	62	De success. Bernard Triuisani.	73
De successore Marci Rutilij.	62	De success. Albertini Bottoni.	74
De successore Io. Cephalij.	62	De success. Ludouici Agnellij.	74
De successore Franc. Maticæ.	63	De success. Mariani Stephan.	74
De success. Bonifacij Rogerij.	63	De success. Nicolai Curtij.	74
De successore Franc. Zabari.	63	De success. Hieron. Nigri.	75
De successoribus Bartholomæi Syluatici.	64	De success. Melchioris Guilad.	75
De successore Nicolai Bottoni.	64	De restituta explicatione simplicium in Scholis.	76
De successore Pau. Ant. Godij.	64	De success. Archæg Mercen.	76
De success. Terentij Teretiani.	64	De success. Iacobi Zabarellæ.	77
De success. Philippi Otaniani.	64	De success. Bernard Petrellæ.	77
De successoribus Sebastiani Moticuli.	64	De success. Petri Catenæ.	78
De success. Laurentij Castell.	65	De restituta explicatione lib. tertij Auicennæ.	78
De success. Franc. Brancæ.	65	De restituta explicatione Ethicorum Aristotelis.	79
De success. Barthol. Sforcæ.	65	De tertio loco Logicæ.	79
De success. Io. Ambrosij Barbauræ.	65	De tertio loco iuris Canonici Vespertini.	61. 79
		De Nicolao Andronico Rect.	79
		De restituto secundo loco Medicinæ Practicæ extraordinariæ.	79

I N D E X LIBRO QVARTO.

- V**arię opiniones de correctione
Kalendatij in Gymnasio Pata-
uino pertractata. 8
- Controuersia Antonij Riccoboni
habita cum Carolo Sigonio de
Consolatione edita sub nomi-
ne Ciceronis. 32
- Controuersia Antonij Riccoboni
habita cum Io. Mario Matio
Brixiano. 94
- Controuersia Hieronymi Fabricij
ab Aquapendente habita cum
Collegio Patauino Philosopho-
rum, & Medicorum. 94
- Controuersia Rectoris de præsef-
sione. 95
- De epistola quadam in Fabium
Paullinum Vtinensem. 95
- Côtrouersia Iasonis Denoris habi-
ta cū Bapt. Guarino Equite. 96
- Controuersia inter Bonificiū Ro-
gerium, & Angelum Matthæa-
cium caussa præsefssionis. 96
- Controuersia Antonij Riccoboni
habita cū Nicolao Colonio 96
- Controuersia Alex. Massarię, &
Herculis Saxonię. 97
- Dissensiones inter Iacobum Zaba-
rellam, & Bernardinum Pe-
trelam. 97
- Côtrouersia Iacobi Zabarella, &
Francisci Piccolominei. 97
- Controuersia Alex. Massarię ha-
bita cū Horatio Augenio. 98
- De dissidijs studiosorū tollēdis. 99
- De tollendis quibusdā Gymn.
abusio nibus, & controuersia
Antonij Riccoboni habita cū
Institutionū explicatorib⁹. 100
- De re Iesuitica. 103

LIBRO QVINTO.

- D**e victoria Naupactea in Gym-
Patauino celebrata. 107
- De Pio V. Pont. Max. iussu Episc.
patroni nostri in funere lau-
dato. 107
- De Academia Animosorum ex
Gymn. Patauino conflata. 108
- De obitu Constantini Paleocapę
Rectoris. 117
- De pestilentia an. 1576. & Gym-
reuocato an. 1577. 120
- De Imagine Beata Virg. in Aedē
Carmelitarum translata. 121
- De Aloysio Ancarano Rect. 124

LIBRO SECTO.

- D**e Legationibus Vniuersitatū
ad gratulandum Sebastiano
Venerio Principi. 127
- De Legationibus Doctorum, &
Vniuersitatum ad gratulandū
Nicolao Pontio Principi. 128
- De Legat. Vniu. ad gratulandum
Paschali Ciconiæ Princ. 129
- De Legationibus Vniuersitatum
ad gratulandum Marino Gri-
mano Principi. 129
- De Bernardo Paciſ olim Iuris Ci-
uilis in hoc Gymn. professore,
& familia Pacia. 130
- De studioſo obtruncato, alijsq. cō-
demnatis. 132
- De horribili spectaculo, quod stu-
diosis Gymnasii Patauini con-
tingit videre. 132
- De magno periculo cuiusdā Ab-
batis studioſi, & summo suppli-
cio duorum eius comitum. 133
- De testamento Francisci Gaspa-
rini. 134
- De Nicoletto Verniate Theatino,
ciue Vicetino, Gymn. Patauini

I N D E X

Philosopho primario. 134	De oratore ex Gym. Patauino Veneretias accessito ad Laurentiū Lauretum Episcopū Adriæ in funere exornandum. 143
De morte Speronis Speronij. 135	De ingressu in Theatrum ad spectandam Anatomen, & honore Anatomici. 144
De gratulatione habita ad Fridericum Cornelium Card. 135	Laudatio Di. Lucæ. 144
De aduentu Marci Cornelij ad Episcopatum Patauij. 135	Quæ essent præmia Doctorum Gym. Patauiniani. 1598. 146
De Bæchanalib. spiritualib. 136	De Stationario, seu Librario, & Typographo Vniuersitatis Iurisstudiorum. 148
De matore Gymn. Patauini propter grauiissimum casum Helisabetæ Polcenigæ. 138.	
De matore eiusdem Gymn. propter mortem Hieronymi Suriani, Præfecti Patauij. 139	

I N D E X

Præcipuarum rerum capitibus comprehensarum.

Cū cognominibus ante nomina tāquā notiorib'.

<p style="text-align: center;">A</p> <p>Acciolini Tyrannis. 2.</p> <p><i>Acorambona Virginie cedes.</i> 132.</p> <p><i>Agnelius Ludovicus.</i> 33. 49.</p> <p><i>Alexius Iacobus.</i> 79. 147.</p> <p><i>Alpinus Prosper.</i> 76. 147.</p> <p><i>Amalibeus Hieronymus.</i> 24 25. <i>Oflaius.</i> 27. 51. <i>Cornelius.</i> 136.</p> <p><i>Anatomes spectandæ facultas omnibus concessa sine ulla numerum solutione.</i> 144.</p> <p><i>Anatomici honor.</i> 144.</p> <p><i>Ancaranus Aloysius.</i> 124.</p> <p><i>Andregetius Andregetus.</i> 78. 147.</p> <p><i>Andronicus Angelus.</i> 65. 67. 147</p> <p><i>Nicolaus.</i> 79.</p> <p><i>Armosorum Academia.</i> 108.</p> <p><i>Anoalius Perlander.</i> 79.</p> <p><i>Antiquitas Gymnasii Patauini.</i> 1.</p> <p><i>Antonij Confessoris dies quando capius solemnitibus supplicationibus honorari</i> 35.</p> <p><i>Aries, quæ in Gym. pertrahantur.</i> 11.</p> <p><i>Augenius Ludovicus.</i> 69. <i>Simon.</i> 69.</p> <p><i>Fabricius.</i> 69. <i>Lalins.</i> 69. <i>Horatius</i></p>	<p>69. 90. 100. 134. 147.</p> <p><i>Auicenna explicatores.</i> 25.</p> <p style="text-align: center;">B.</p> <p><i>Bacchanalia Spiritualia.</i> 136.</p> <p><i>Bafadonna Io Baptista.</i> 128.</p> <p><i>Barisellus Benedictus.</i> 61</p> <p><i>Barisonus Antonius Iesuita.</i> 106. 137</p> <p><i>Bartolotius Saluator.</i> 67. 147.</p> <p><i>Bellonij multi</i> 77. <i>Es inter ceteros</i> 10. 77. 79. 137. 147. <i>Camillus.</i> 77. 147</p> <p><i>Bibilaqua Marius.</i> 32. 99. 100.</p> <p><i>Bidelli Generales.</i> 32.</p> <p><i>Bigolinus Galeacius.</i> 64. 127. 128.</p> <p>135. 136.</p> <p><i>Bilivotus Franciscus.</i> 137.</p> <p><i>Billus Carolus.</i> 67. 69</p> <p><i>Bimbiolus Annibal.</i> 74. 75. 147.</p> <p><i>Blancardus Vgolotus.</i> 51.</p> <p><i>Bolitus Nicolaus.</i> 105. 130.</p> <p><i>Bonafidius Franciscus.</i> 9. 21.</p> <p><i>Boxonie Gymnasium Patauinum transf-latum.</i> 1. 2.</p> <p><i>Borsatius Hercules.</i> 59.</p> <p><i>Borromæus Camillus.</i> 135. 137.</p> <p><i>Bottonus Gentilis.</i> 43. <i>Bernardus Decretalium glossator.</i> 43. <i>Bernardus</i></p>
---	---

Pra-

- Præfectus* 44. *Nicolaus* 33. 43. 59. *Deficientes an.* 157ⁱ. *explicatione*
Albertinus 33. 49. 69. 74. 75. *quædam* 57.
Bouis nomen in scholis vnde 9. 145. *Delphinus Ioannes* 42.
Branca Franciscus 33. 45. 64. 65. 10. *Denores Isen* 79. 96.
Paulus 79. *Dictandi abusu* 104.
Businellus Priamus 79. *Diedus Iacobus* 108.

C

Cæconius Fabricius 64. 65. 100. *Cæpi*
longus Acmil 73. 74. 75. 147.
Canalis Gregorius 144.
Candius Beldomandus 105.
Capinaccus Hieron. 33. 48. 110.
Carpinetus Ioannes 76. 77.
Castellanus Lauritius 33. 45. 64. 65.
Catena Petrus 34. 52.
Centonius Franciscus 135.
Cephalus Ioannes 33. 38.
Chartularius Melchior 58. *Ioannes*.
65. 146.
Chirurgia coniuncta cum simplicium
explicatione 10.
Chirurgia explicatores 25.
Ciconia Paschalis Princeps 121. 129.
Collegia studiorum 10.
Colonus Nicolaus 79. 96.
Comitius Schinella 77.
Confirmatio Gym. facta à Pontificibus
Urbano, Clemente, Eugenio. 2. 3.
Contarenius Io Franciscus 67. *Nico-*
laus 109.
Cornelius Fridericus Cardinalis 30.
alii Cardinales 135. *Marcus Epi-*
scopus 30. 106. 135. 136.
Cortusius Ludonicus 13. *Jac. Antonius*
75. 147.
Crassus Pullus 33. 47.
Crato Ioannes 93.
Cremon. Cæsar 73. 77. 100. 103. 147.
Curtius Claudius 63. 135. 146.
Curtius Nicolano 33. 50. 69.
Cythinus Sanctus 65.

D.

Decianus Tiberius 33. 37.

I N D E X

<i>Fuscatus</i> Sebast. 110.	<i>Iacobus</i> . 109	nenta familia. 45.
<i>G.</i>		<i>Mantica</i> Franciscus. 33. 38
<i>Galileus Galileus</i> . 78. 147		<i>Mantua</i> Marcus. 33. 36
<i>Galassius Syluius</i> . 122		<i>Marchesinus</i> Egidius. 65
<i>Galerius Nicolaus</i> . 122		<i>Martinengus</i> Ascanius. 108
<i>Gaspardini</i> Franc. testamentum. 134		<i>Massa</i> Laurentius. 53. 127
<i>Georgius Aloysius</i> . 121		<i>Massaria</i> Alex. 69. 97. 98. 134. 147
<i>Godius</i> Pau. Antonius. 33. 34		<i>Mathematici</i> . 28
<i>Gradonicus</i> Augusti. Abbas. 137		<i>Matius</i> Io. Marinus. 98
<i>Grandius</i> Io. Iacobus. 31. 99		<i>Matthaeus</i> Ang. 58. 62. 134. 146
<i>Gratianus</i> Erasmus. 42		<i>Memmius</i> M. Antonius. 33
<i>Grimanus</i> Marinus Princeps. 129		<i>Menochius</i> Iacobus. 33. 34. 61. 62
<i>Guarinus</i> Baptista. 96		<i>Mercenarius</i> Archangelus. 33. 51. 73
<i>Guilandinus</i> Melchior. 33. 50		<i>Mercurialis</i> Hieron. 33. 47. 120
<i>Gulielmus</i> Iannus. 92		<i>Metaphysici</i> . 20
<i>Gygas</i> Hieronymus. 63		<i>Millarius</i> Michael. 20. 4. 6. 11
<i>H.</i>		79. 146
<i>Hortus Medicinalis</i> . 9		<i>Minadons</i> Io. Thomas cum maioribus
<i>Humanitatis</i> explicatores. 28		& fratribus. 74. 147
<i>I.</i>		<i>Mocenicus</i> Aloysius Philof. 43. 70
<i>Iacobonius</i> Iulius. 88		<i>Mocenicus</i> Aloysius Princeps. 124
<i>Ianotus</i> Antonius. 35		<i>Moderatores</i> Gymnasij quida. 32. 58
<i>Iesuita</i> quidam. 92		<i>Moletius</i> Iosephus. 78. 80
<i>Iesuitarum</i> Scholę prohibita. 104		<i>Mödicul⁹</i> Seb. 33. 45. 56. 60. 64. 146
<i>Imago</i> B. Virg. Camilitarum. 121		<i>Muretus</i> M. Antonius. 53. 83. 86
<i>Inrisperiti</i> clariore sub Vener. 14. 18		<i>Musaptus</i> Io. Franciscus maior 17. mi
<i>Ius</i> Gymn. tribus modis habetur. 1		nor 17. Aloysius 17
<i>K.</i>		N.
<i>Kalendarij</i> correctio, & de tali corre-		<i>Niasius</i> Franciscus. 79
<i>ctioe</i> variae opinionones. 80		<i>Nicoliinus</i> Andreas. 133
<i>L.</i>		<i>Niger</i> Hieron. 33. 50. Antonius. 78
<i>Lauretus</i> Laurentius Episc. 143		<i>Niphus</i> Fabius. 74
<i>Leonissa</i> Iacob. 43. Ioan. 33. 43. 146		O.
<i>Leonius</i> Linius. 67. 147		<i>Ostavianus</i> Philippus. 33. 45
<i>Librius</i> Iulius. 77. 147		<i>Oddus</i> . 21. 23. 24. 73. Marcus. 73. 74
<i>Lipsius</i> Iulius. 92		<i>Ottellius</i> M. Antonius. 59. 146
<i>Liellus</i> Ostianus. 65. 100		P.
<i>Logici</i> . 26		<i>Pacius</i> Bernardus cum Pacij multis.
<i>Longus</i> Antonius. 129		130. 131
<i>Lucas</i> Di. 144		<i>Palatium</i> magnum Patanij. 2
<i>M.</i>		<i>Paleocapa</i> Constantinus. 117
<i>Macinus</i> Anthanas. 81. 108		<i>Pallanterius</i> Hieron. 65. 135. 147
<i>Manentus</i> Bonaventura. 33. 46. Ma		<i>Pancirolus</i> Guidus. 12. 62. 134. 146
		Pasqua

I N D E X

- Tasquatus Laurentius.* 148
Paruorum nālium explicator. 24
Patauinum Gym. ter confirmatum. 1
*Patauinum parui Scaligeris, Carrariē-
 sibus, Venetis.* 2
*Patanini duo non possunt esse in eodē
 munere explicandi.* 10
Paternus Bernardinus. 33. 47.
Paullinus Fabius. 95
Peltrarius Camillus. 137. — — —
*Pecunie constitutæ ad satisfaciendum
 Doctoribus.* 10 — — —
Pendafius Fridricus. 33. 73
Pesentius Bernardus. 105
Peregrin' M. Ant 43. Martialis. 33.
46. Thom. 33. 46. 10. *Petr.* 75. 147
Pernumia Petrus 77. *Iacob* 77. 135
Pesilentia 120. — — —
Petrella Bernardinus. 33. 51. 97. — — —
*Philosophi, & Medici clariores sub
 Venetis.* 18 — — —
Philosophi ordinarij 22. *extraordina-
 rij* 24. *morales* 24.
Piccolomineus Frācisus. 33. 49. 73:
97. 103. 108. 147. Aeneas. 129
Pius V. Pont. Max. 107. — — —
Polceniga Helisabet. 138 — — —
Pontius Nic. Princ. 128. *Aloyf.* 137
Portenarius Angelus. 77. 147
*Potestas, seu Prætor tempore liber-
 tatis Patavine.* 1. — — —
Practici ordinarij Medici 21.
extraordinarij 23. — — —
Præsides Patavij quidam. 30. — — —
Principes Venetiarum quidam. 30.
*Privilegio carens Gymnasium an sit
 legitimum.* 1. — — —
Privilegium Urbani IIII. 3.
Privilegium Clementis vi 3.
Privilegium Eugenij IIII. 6. — — —
Pyretus Franciscus 132. — — —
Q
Quarantius Hieronymus. 33. 46.
Quarantoflius Florentinus. 35. *Michael senior.* 35. *Michael junior.* 35
Horatius. 35. *Camillus.* 35. — — —
R
*Raimundus Petrus ex oppido S. Mar-
 tini.* 132.
Reflor vnus duarum Vniuers. 2.
Reflores duo creati. 2.
*Reflores, Prorectores, Sindicali loco Re-
 florum quidam.* 31. — — —
*Reflor præsferendus Prioribus Colle-
 giorum, Quæstoribus, Collateralibus.* 95.
*Redemptoris Templum in Iudaica Ve-
 neta.* 124.
Rhenerij. 110. 139.
Riccobonus. 53. *Andreas.* 53. *Anto-
 nius.* 30. 34. 53. 82. 94. 96. 100.
106. 108. 127. 128. 135. 147.
Rogerus Fridericus. 39. *Bonifacius.*
33. 39. 96. — — —
Roscius Oflauinus 76. — — —
Rutilius Bernardinus. 38. *Antonius.*
38 Martius. 33. 38. *Pet. Paullus.*
38. 63. — — —
S
Sacra Scriptura explicatores. 20.
Salgerius Oflauinus. 59. 146.
Salicius Ioannes. 25. *Pamphilus.* 133
Saxius Angelus. 59. 60. 146.
Saxonia Viflor. 59. 64. 65. 146. *Herc.* —
74 79 97. 103. 128. 130. 147.
Scaimus Ioachimus. 63. 146. — — —
Scholarum Locis. 9. — — —
Schola à quibus adornata. 9. — — —
*Senatus consultum de Patribus Ie-
 suitis, & dictandi abusione.* 104.
*Senatus Consultum de dimittendis qui-
 busdam explicationibus.* 60. — — —
Sforzia Bartholomæus. 33. 45.
Sigonius Carolus. 29. 82. — — —
Simplicium explicatio coniuncta cum
chi-

I N D E X

Chirurgia. 10.
 Simplicium explicatores. 27.
 Sixtus V. Pontifex. Max. 132.
 Soacia Guarinus. 33. 36. 61. 146.
 36. Thaddaeus 36. 61. 146.
 Sophisticæ explicatores. 27.
 Sotus Alphonsus. 65. 67. 147.
 Speronius Spero. 24. 80. 108. 135.
 Statuta Vniuersitatum. 2.
 Stephaneus Marianus. 33. 50. —
 Subditi Veneta Reip. debent studere
 in Gymnasio Patauino. 10.
 Summus Ioannes, & alij. 52. Faustinus.
 33. 51. 78. 108. 147.
 Surianus Hieronymus cum maioribus
 & fratribus, & familia Suriana
 origine. 139. 140.
 Syluaticus Bartholomæus. 33. 40. 62.
 123. 146. Hieronymus Eques.
 41. Aloysius. 41. 137. Petrus. 41.
 Io Baptistisla. 41. 42. 59. 146. Bene-
 dictus. 42.

T.

Taurisanum Gymnasiū dimissum. 2.
 Terentianus Alexander maior. 44. Te-
 rentius. 33. 44. 59. Ioannes. 44. Ale-
 xander iunior. 44.
 Tertia loca Patavinorum. 8. 9.
 Thealdinus Clemens. 33. 36.
 Theorici ordinarij Medici. 21. extraor-
 dinarij. 22.
 Theologi. 20.
 Theopolus Stephanus. 108.
 Thomas. Di. 145.
 Tolosa Marcellus. 137.

Tomitanus Bernardinus. 27. 108.
 Trinisanus Bernardinus. 23. 49. 69.
 75. Marcus. 65. 129. Nicolaus. 74.
 129. 147.
 Turrianus Sigismundus. 108.
 Typographus Vniuersitatis Iuris stu-
 dioforum. 148.

V.

Venerius Sebastianus Princeps. 127
 Veneti Patricij non possunt esse Do-
 ctiores Gymnasij. 10.
 Veneta Reip. benignitas. 121.
 Vernias Nicoletus. 134.
 Vesliendi antiqua in studiofis cōsuetu-
 do. 11.
 Vicetia Gymnasium Generale. 1.
 Victoria Nampacta. 107.
 Vigontia Alexander. 75. 79. 147.
 Vniuersitates Gymnasij duæ. 2.
 Virsinus Ludouicus. 132. Paulus To-
 datus. 132.

X.

Y.

Yuo Villiomarus. 95.
 Z.
 Zabarella Franciscus Cardinalis. 14.
 Bartholomæus Archiepiscopus. 16.
 Marinus. 17. M. Antonius. 17. Fran-
 ciscus 33. 39. Iacobus. 33. 51. 73.
 76. 77. 97.
 Zambertus Franciscus. 67.
 Zelenius Iacobus. 95.
 Zoncha Antonius. 64. 135. 146.
 Zucolus Felix. 121.

— — — — —
 Finis Indicis.



I

DE GYMNASIO
PATAVINO
ANTONII RICCOBONI
Commentariorum Liber Primus.

De origine Gymnasij Patauini . Cap. I.



DE GYMNASIO PATAVINO
primum carptim, vt queq; memoratu digna ex vetustate rerum omnium confectrice erui poterunt: deinde ab eo tempore, cum ego ad veterem tradendam eloquentiam Patauium accitus sum, id est, ab anno Christi septuagesimo primo supra millesimum, & quingentesimum, aliquanto enucleatius perscripturus, illud in ipso prope vestibulo narrationis meae ponam, quod mea quidem sententia ignorandum non est, hoc Gymnasium ita antiquum esse, vt eius origo vetustatis tenebris fuisse oblitterata censeatur: quod in statutis legitur Iuris studiosorum: solaq; consuetudine ortum videri; iccircoq; Iacobum ab Arena, clarissimum Iurisconsultum, eam quaestionem disputasse, vtrum tale Gymnasium legitimum esset, cum priuilegio careret; sensisseq; quoniam consuetudine longissima niteretur, doctrinas in eo tradi legitime potuisse, cum eiusmodi consuetudo sit similis priuilegio, remq; efficiat legitimam instar priuilegij, immo vero etiam priuilegium pariat: Bartholum quoque, celeberrimum I. C. dum quaestionem eandem pertractaret, illud sua confecisse disputatione, Ius Gymnasij, seu licentiam docendi tamquam ex fonte deriuari solitam esse, partim ex solo priuilegio, vt olim in Beritensium ciuitate deriuata est; partim ex sola consuetudine, vt Patauij; partim simul ex consuetudine, & priuilegio, vt Bononiae, vbi Gymnasium consuetudine receptum Lotharij Imperatoris priuilegio dicitur approbatum: & Abbatem Panormitanum conscripsisse, huiusmodi Gymnasij,

De Gymn. Pat.

ex tam longi temporis consuetudine generale esse, vt originis memoria exstet nulla: Franciscumq; Zabattellam, cum, qui S. R. E. Cardinalis fuit, litteris consignasse, nullam exstare memoriam, quando idem Gymnasium incepit, etiam si postea Imperatoria, & Apostolica priuilegia nactum fuerit. Cū autem circiter annos mille ducentos, & quattuor etiam Vicitæ Gymnasium floruerit generale apud S. Vitum, vbi publicę erant Scholę, si fides habenda est Tabulis donationis, quibus Vniuersitas studiosorum Gymnasij Vicitini Reuerēdos Fratres Monasterij S. Viti, & Modesti Cōgregationis Camaldolensis, quod nunc vocatur S. Lucię, anno millesimo ducentesimo nono, die septimo Iulij, in claustris illius Monasterij, iure donauit vniuerso, omnibusq; in rem, & in personam actionibus, quas in Ecclesia S. Viti, eiusq; bonis tum mobilibus, tum immobilibus habebat; quę Tabulę leguntur in Iacobi Marzari Historia Vicitina: vt illud silentio præteream, quod nonnulli litterarum monumentis mandarunt, multos scriptores existimare (quorum tamen fateor me nullam adhuc reperisse auctoritatem) Gymnasium Patauinum à Carolo Magno originem traxisse: memorię certe proditum est, Friderico II. Imperatore in ciuitates Ecclesię sãuiente, præcipueq; in Bononienses, propterea quòd eos cum Honorio III. Pontifice Max. consentire plus nimio contra se existimaret, dum ipse Summi Pontificis ditionem occupare conaretur, & ob eam causam sacris ei interdictum esset, quod Bononię Gymnasium erat florentissimum, translauium esse Patauium, anno millesimo ducentesimo vigesimo secundo; quadragintaq; post annis ab Urbano IIII. Pontifice Max: postea vero etiam à Clemente VI: denique ab Eugenio IIII. fuisse comprobatum. Cum autem facta est Gymnasij translatio, ciuitas Patauina, quę ab Henrico IIII. Imperatore circiter annum Christi millesimum nonagesimum libertati restituta, & Consulibus, ac Tribunis vsa fuerat, quotãnis externum hominem sibi præficiebat, eiq; tamquàm Regi omne imperium committebat, eundemq; vel à vi Regiæ potestatis, quę vitæ, necisq; in omnes erat, vel ab excellentia iuris dicundi Potestatem, seu Prætorem appellabat. Itaq; tunc erat Patauij Prætor Ioannes Rusca Nouocomensis, & quidem Prætor II. nam

eam

eam quoq; Præturam anno millesimo ducentesimo gesserat, tunc cum Patauij Palatium magnum, seu Prætorium ædificari coëptum est, postea imaginibus Mathematicis mirabiliter ornatum, primum à Petro Apono circiter annum millesimum trecētesimum duodecimum excogitatis, deinde post incendium factum anno millesimo quadringentesimo vigesimo elegantissime renouatis, vt patet ex publica inscriptione: De altera vero Prætura Ioannis Ruscæ in Annalibus Patauinis, quorum ego habeo fragmenta, legitur in hunc modum;

„ Ioannes Rusca Nouocomensis II. Patauij Prætor electus, hoc
 „ anno iuste quidem ius dixit, Friderico in ciuitates Ecclesiæ
 „ læuiente, præcipueq; in Bononiam, quam pene euerit, & stu-
 „ dium generale, illa fere penitus euersa, Patauium transtulit,
 „ protinus ab Honorio Pontifice anathemate notatus, Impe-
 „ rialiq; dignitate priuatus.

De confirmatione Gymnasij Patauini . Cap. II.

SEcuta est tēterrima Tyrannis Acciolini ab anno millesimo ducentesimo trigesimo septimo vsque ad annum millesimum ducentesimum quinquagesimum sextum. Qua quidem post annos vndeuginti Patauio liberato Gymnasium diutius intermissum restitui coëpit; cumq; in eo duæ Vniuersitates existerent, vna Iuris Pontificij, & Cæsarei, altera Philosophiæ, ac Medicinæ: primum tamen vnus deligebatur Rector, qui vtrique præesset Vniuersitati: deinde duos quidem creabantur Rectores, vnus Transalpinorum, alter Cisalpinorum; sed qui vtramque æque Vniuersitatem, non vnus vnā, alter alteram, regerent; tuncq; ab Urbano Pontifice Gymnasium est confirmatum; eaq; consuetudo etiam dominantibus Scaligeris, & Carrariensibus perdurauit, vsque ad tempus illud, quo in gratiam Francisci Carrariensis Vniuersitas studiosorum Philosophiæ, ac Medicinæ ab Vniuersitate studiosorum vtriusque Iuris segregata prorsus est: factiq; sunt duo Rectores inter se diuersi, vnus, qui vni, alter, qui alteri præesset Vniuersitati: diuisaq; statuta, quæ ante à communibus Rectoribus composita fuerant. Duobus enim annis ante Gymnasium ab Urbano Pontifice confirmatum, id

De Gymn. Pat.

est, anno millesimo ducentesimo sexagesimo, vtriusq; Vniuersitatis Rector fuit Gosaldus quidam Hispanus, qui non nulla statuta conscripsit. Anno autem proximo sequenti duo Rectores creati sunt, alter Transalpinus, Henricus à Sancta Petronilla; alter Cisalpinus, Franciscus Nonariensis; quorum vterque statuta condidit permulta. Alij vero alia addiderunt, vt legitur statutorum Vniuersitatis Iuris studiosorū libri primi capite primo. Iam post Tyrannidem Acciolini libera fuit ciuitas Patauina ab anno millesimo ducentesimo quinquagesimo septimo vsque ad annum millesimum trecentesium vigesimum secundum; imperioq; paruit tum Scaligerorum annos nouem, dato Patauio dotis nomine à Iacobo Carrariensi, qui eo fuerat potitus, Thaddææ Carrariensi, Mastino Scaligero nuptæ: tum Carrariensium, quibus rursus Patauium subiectum est, ab anno millesimo trecentesimo vigesimo secundo vsque ad annum millesimum quadringentesimum quintum, excepto eo tempore perexiguo circiter annum, & dimidium, cum à Galeacio Mediolanensium Principe hæc ipsa vrbs intercepta est; posteaq; Francisco Carrariensi anno millesimo trecentesimo nonagesimo restituta. Tempore autem Carrariensium à Clemente VI. Pontifice Max. Gymnasium est confirmatum. Et Francisco dominante anno nonagesimo nono supra millesimum, & trecentesium Vniuersitatum facta est seiunctio, de qua ita in eodem
„ statuto; Eo autem anno, vigesimo septimo die Iulij, Franci
„ scus à Mella Catellanus Ultramontanus, & Ioannes Fusuda
„ ex Regno Calabriae Citramontanus, Rectores Artium, Vni
„ uersitatis totius nomine, vt Magnifico Domino Frācisco Car
„ rariensi, tunc huius Regiæ Urbis dominium obtinenti morē
„ gerent, accepta prius ab eo donationis nomine ea domo,
„ quam nunc Vniuersitas nostra possidet, hac subiectione Ar
„ tium Vniuersitatem liberaliter exemerunt. Anno autem
„ millesimo quadringentesimo quinto Patauium in Veneto
rum potestatem peruenit; cumq; ipsi hanc urbem ad optima
rum artium studia esse accommodatiorem exiitimarent, di
misso Gymnasio, quod ante à Friderico II. Taurisanis com
probatum sub Scaligeris, & sub ipsis Venetis floruerat, solum
permiserunt Patauinum: tuncq; studiosi optimarum artium
amplif. 1

omplissimo iure utebantur tum eligendi Doctores publice doctentes, tum verò etiam reiiciendi suo ipsorum arbitrato. Et anno millesimo quadringentesimo quadragésimo nono post Urbani IIII. & Clementis VI. confirmationes, de quibus superius mentionem fecimus, etiam ab Eugenio IIII. Veneto Gymnasium Patavinum est confirmatum, quorum Pontificum Priuilegia desumpta Patavij ex volumine Priuilegiórum Sacri Canonícorum capituli hic libet adscribere.

Priuilegium Urbani IIII.

VRbanus Episcopus, seruus seruorũ Dei Venerabili Fratri Episcopo Paduano Salutẽ, et Apostolicam benedictionẽ. Lecta coram nobis Fraternalitatis tuæ petitio continebat, quòd Rectores Vniuersitatis Magistrorum, & Scholarium Padue deliberatione prouida statuerunt, Ut Scholares ipsius Vniuersitatis, qui debent in Magistros assumi, coram Episcopo Paduano presentibus Doctoribus Vniuersitatis eiusdem examinari debeant diligenter: & idem Episcopus eis, si reperiantur idonei, debeat docendi licentiam concedere. Et quòd statutum huiusmodi est, ut affirmas, inuiolabiliter obseruatum. Nos igitur tuis supplicationibus inclinati statutum ipsum, sicut est prouide factum, ratum habentes, & gratum auctoritate apostolica confirmamus, & presentis scripti patrocinio communimus, decernentes, ut qui secus ibidem sibi magistri nomen assumpserit, pro magistro nullatenus habeatur. Nulli

De Gymn. Pat.

ergo omnino hominum liceat hanc paginam nostra confirmationis infringere, vel ei auso temerario contraire. Siquis autem hoc attentare presumpserit, indignationem omnipotentis Dei, & Beatorum Petri, & Pauli, Apostolorum eius, se noverit incursurum. Datum apud urbem veterem V. Idus Ianuarij, Pontificatus nostri anno tertio.

Priuilegium Clementis V I.

Clemens Episcopus seruus seruorum Dei ad perpetuam rei memoriam.

Attendentes prouide, quòd ex litterarum scientia, veluti ex dono caelesti, spiritualiter, & temporaliter bona publica proueniunt, & priuata quoque ab ipsius professoribus, praesertim in studiis Generalibus fidelis instruitur populus, & re ducitur exorbitans ad semitam veritatis, libenter ea concedimus, quae Doctorum, et Magistrorum, ac Scholarium in studijs Generalibus insistentium commoditatem respiciunt, & per quae scientiarum fructus valent adaugeri. Sane petitio venerabilis Fratris nostri Ildobrandini Episcopi Paduani nobis nuper exhibita continebat, quòd in ciuitate Paduae de consuetudine ibidem inuiolabiliter obseruata tanto ab hinc tempore, ut de eius contrario memoria non exstet, viguit, & adhuc viget in Iure Canonico, & Ciuili,

alijsq;

alijsq; facultatibus præter sacram Theologiam
studium Generale, sicuti per totam Italiam, &
in alijs Mundi partibus est aperte manifestum.
& quod auctoritas faciendi per Doctores, &
Magistros in eodem studio residentes in Iure,
ac facultatibus supradictis examinari Scholares
ad Doctoratum, seu Magisterium promouendos
in studio supradicto, et examinatos approbandi,
seu etiam reprobandi similiter & de antiqua cõ
suetudine obtenta in eodem studio ad Episcopũ
Paduanum, qui est pro tempore, pertinet, et per
tinere etiam consuevit, & quod præfatus Ildo-
brandinus Episcopus non nullos scholares in Iu-
re Ciuili, & Canonico, ac Medicina coram se
examinari fecit per Doctores ipsius studij, ip-
sisq; postea licentiam dedit; & quibusdam ex
eis in examinatione prædicta licentiã, & aucto-
ritatem legendi, & docendi tribuit, sicuti est in su-
prædicta, & alijs etiam studijs fieri generaliter
consuetum. quodq; dudum Rectores Vniuersita-
tis Magistrorum, & Scholarium Padua delibe-
ratione prouida statuerunt, Ut Scholares ipsius
Vniuersitatis, qui deberent in Magistros assu-
mi, coram Episcopo Paduano, qui esset pro tem-
pore, examinari deberent, diligenter præsentibus
Doctoribus Vniuersitatis eiusdem: & ut eisdem
Scholaribus, si reperirentur idonei, deberet licen-
tiam

De Gymn. Pat.

tiam concedere Episcopus memoratus. quòdque de inceptis statutum huiusmodi est inuiolabiliter obseruatum. ipsumque statutum sicut erat provide factum, felicitis recordationis Urbanus Papa III. praedecessor noster auctoritate Apostolica confirmauit, decernendo, ut, qui secus ibidem sibi magistri nomen assumeret, pro magistro nullatenus haberetur; prout confirmatio, & decretum huiusmodi in litteris ipsius Urbani praedecessoris nostri de re tali confectis, quarum tenorem de verbo ad verbum praesentibus inseri fecimus, plenius continetur. Nos igitur spectantes, quòd ad ciuitatem praedictam Scholares eò promptius se causa studendi conferent, quòd studium ipsum in eadem ciuitate maiori fuerit auctoritate munitum; ac volentes propterea praefatum studium, & Doctores, Magistros, & Scholares praedictos prosequi fauorabiliter in hac parte, ipsius Ildebrandini supplicationibus inclinati consuetudinem praedictam, & ea, quae, ut superius narratur, in praedictis ipsius Urbani praedecessoris nostri litteris continentur, rata, & grata habentes, auctoritate Apostolica ex certa scientia confirmamus, & praesentis scripti patrocinio communimus; indulgentes nihilominus auctoritate praedicta omnibus, & singulis Doctoribus, Magistris, & Scholaribus, ut ipsi, dum in praedicto studio docendo, vel audiē-

do institerint scholasticis disciplinis, omnibus libertatibus, et immunitatibus, ac priuilegijs de iure communi, seu approbata consuetudine concessis, auctoritate Apostolica, Doctoribus, Magistris, et Scholaribus in studiis Generalibus commorantibus, gaudeant, et utantur; Statuentes etiam ad hoc, ut examinatio, approbatio, et reprobatio Scholarium promouendorum ad Magisterium in studio memorato semper, sicut fieri debet, cum puritate, et sine fraude procedat, ut doctores in eodem studio presentes ab eodem Episcopo requisiti ad examinandum Scholares promouendos ad Magisterium, iusto impedimento cessante venire, et illi, qui in examinatione praedictorum Scholarium ibidem presentes fuerint, de procedendo sine dolo, et fraude in omnibus, et singulis actibus in huiusmodi examinationibus opportunis, et fieri consuetis prestare teneantur in eiusdem Episcopi manibus corporaliter iuramentum, ac eidem Episcopo, seu eius Vicem gerenti dumtaxat, votum ipsorum super idoneitate, ac sufficientia scholaris examinati, utrum scilicet approbandus sit, an reprobandus, secrete, ac sigillatim, et in scriptis exponere, ac manifestare similiter teneantur. Iniungimus etiam Episcopo Paduano, qui erit pro tempore, sub virtute obedientiae, auctoritate praedicta, ut ipse in examinando

De Gymn. Pat.

dis, approbandis, seu reprobandis personis examinatis, & doctorum approbantium, seu non approbantium Scholares examinatos votis secrete tenendis sine dolo, et fraude procedat. Nos insuper irritum decernimus, & inane, si secus super his à quoquam quavis auctoritate contingeret attentari. *DICTARVM* autem litterarum tenor talis est; Urbanus Episcopus seruus seruorum Dei Venerabili Fratri Episcopo Paduano salutem, et Apostolicam benedictionem. Lecta coram nobis Fraternitatis tuae petitio continebat, quod Rectores Vniuersitatis Magistorũ, & Scholarium Padue deliberatione prouida statuerunt, vt Scholares ipsius Vniuersitatis, qui debent in Magistros assumi, coram Episcopo Paduano presentibus Doctoribus Vniuersitatis eiusdem examinari debeant diligenter, & idem Episcopus, si reperiuntur idonei, debeat licentiã docendi concedere, & quod statutum huiusmodi est, vt affirmas, inuiolabiliter obseruatum. Nos igitur tuis supplicationibus inclinati statutum ipsum, sicut est prouide factum, ratum habentes, & gratum, auctoritate Apostolica confirmamus, et presentis scripti patrocinio communimus; decernentes, vt, qui secus ibidem sibi magistri nomen assumpserit, pro magistro nullatenus habeatur. Nulli ergo omnino hominum liceat hanc pa-

ginam nostra confirmationis infringere, vel ei auso temerario contraire. Siquis autem hoc attentare præsumpserit, indignationem omnipotentis Dei, et Beatorum Petri, & Pauli, Apostolorum eius, se noverit incursum. Datum apud Urbem veterem V. Id. Ianuarij. Pontificatus nostri anno tertio. Haftenus Urbanus. Nulli ergo omnino hominum liceat hanc paginam nostra confirmationis, concessionis, statuti, immunitatis, et constitutionis infringere, vel ei auso temerario contra ire. Siquis autem hoc attentare præsumpserit, indignationem omnipotentis Dei, & Beatorum Petri, et Pauli, Apostolorum eius, se noverit incursum. Datum apud Villam Nouā Avinionensis Diœcesis. xvij. Kal. Iunij. Pontificatus nostri anno quinto.

Privilegium Eugenij. II II.

EVgenius Episcopus servus servorum Dei ad perpetuam rei memoriam.

Dum intra arcana nostra mentis solerti meditatione recolimus, quantum ad populum nostra sollicitudini commissum, Remq; publicam debite regendam viri litterarum scientia docti conferant; cura nobis iniuncta dignum, immo debitum nostrum reputamus, ut non solum contenti simus studia Generalia concessis sibi ante Privilegijs

De Gymn. Pat.

gaudere; verum etiam ipsis alia ad ampliorem eorundem studiorum famam, & gloriam utilia concedamus; ut, qui in illis voluntarios in humana eruditionis subsidium labores suscipiunt, de tanto ipsorum beneficio prater diuinum, quod non de erit, aliquod in terris munus se reportasse latentur. 'Dudum siquidem Felicis recordationis Urbanus VIII. praedecessor noster, pro felici statu, et incremento studij Patauini, quod inter cetera Italiae studia generalia antiquissimum, & celeberrimum esse constat, non nulla per Doctores, & Magistros eiusdem studij salubriter statuta, & ordinata ratificauit, & approbauit, ac ex certa ipsius scientia confirmauit. Deinde Clemens VI. praedecessor etiam noster, quae per ipsum Urbanum ratificata fuerant, grata habens, & approbans, quadam alia pro ipsius studij amplificatione statuit, & ordinauit, prout ipsorum litteris plenius continetur. Nos igitur attendentes, quod à generalibus studijs omnis diuinorum, atq; humanorum institutorum notitia proficiscitur; viriq; illa insigniti existunt, per quorum salutarem doctrinam effector omnium Deus agnoscitur, & amatur, iustitia colitur, proficientes proficiunt, instruantur indocti, & premijs afficiuntur boni, versutis autem suorum erratorum poenae, quas merentur, adiiciuntur; omnisq; humana erudi-

tionis excellentia emanare dignoscitur : nec non ad dilectos filios Uniuerſitatum prædicti Patavini ſtudioꝝ, quos ſingulos omni favore proſequimur, noſtra benignitatis oculos conuertentes, ne ipſi in ſua exercitatione commendabili aduerſus conceſſa ſibi antea priuilegia quomodolibet indebite inſeſtentur, verum potius amplioribus gratiarum attollantur impendiis: motu proprio, non ad aliquius preces, omnia, et ſingula priuilegia, libertates, exemptiones, conceſſiones, & indulta alia eidem ſtudio tam per prædictos, et alios Romanos Pontifices prædeceſſores noſtros, quàm per Imperatores, aut alios temporales Dominos hætenus conceſſa, quorum formas, et tenores in præſentibus præexpreſſis haberi volumus, rata, et grata habentes, illa auctoritate Apoſtolica tenore præſentium confirmamus, & præſentis ſcripti patrocinio communimus, omnes, et ſingulos, ſi qui inſeruerint, defectus iſdem motu, atq; auctoritate ſupplentes. Et nihilominus, quò ſtudium ipſum aliquod ſingulare ex noſtra liberalitatis dono conſequatur munus, VT omnes, & ſinguli nunc, et pro tempore in eodem ſtudio exiſtentes Doctores, et Scholaſtici, ac ipſorum familiares, et officiales omnibus, & ſingulis priuilegijs, prærogatiuis, exemptionibus, immunitatibus, libertatibus, conceſſionibus, honoribus, fauoribus, et indultis alijs quibus

De Gymn. Pat.

buslibet, quocumque nomine censeantur, & quorum formas, et tenores in presentibus pro sufficienter expressis haberi volumus, gaudeant, et utantur, quibus Romana Ecclesia, Parisiensis, Oxoniensis, Bononiensis, Salamancensis, studiorum Doctores, & Magistri, eorumque familiares, & officiales ex quibusvis Apostolicis, Imperialibus, seu aliis, Ecclesiasticis, vel temporalibus concessionibus, aut indultis gaudent, & utuntur, gaudere, & uti possunt, ac poterunt in futurum. VT Q. omnes predicti, qui beneficijs Ecclesiasticis affecti fuerint, dum ipsi ibi resederint, omnium suorum beneficiorum Ecclesiasticorum, quae nunc obtinent, & in posterum in quibusvis Ecclesiis, seu locis obtinebunt, quacumque, quā tacumque, & qualiacumque sint, et fuerint, etiam si in illis personalem primam non fecerint, residentiam consuetam, fructus, redditus, et prouentus cum ea integritate, cum qua illos perciperent, si in Ecclesiis, seu locis huiusmodi personaliter residerent, quotidianis duntaxat exceptis distributionibus, per septennium percipere queant. INSVPER VT ipsi singuli, etiam in Sacris ordinibus constituti, aut dignitates, vel personatus in cathedralibus, aut alijs Ecclesiis, vel Parochiales Ecclesias obtinentes in eodem studio legibus per quinquennium studere, legere, & disputa

re, ac in eis licentia gradum, nec non doctoratus insignia accipere libere, ac licite valeant; motu, & auctoritate predictis tenore presentium concedimus, ac de specialis dono gratiae indulgemus; non obstantibus Felicis Recordationis Honorij III. Pontificis etiam praedecessoris nostri, & aliis Apostolicis, nec non in prouincialibus, & Synodalibus Concilijs, edictis, constitutionibus, et ordinationibus, statutis quoque, et consuetudinibus Ecclesiarum, in quibus beneficia huiusmodi fuerint iurciurando, confirmatione Apostolica, vel quacumque firmitate alia roboratis, ceterisque contrariis non obstantibus quibuscumque. Volumus autem, ut beneficia ipsa debitis propterea non fraudentur obsequijs: sed debite sustineantur eorum onera consueta. Nulli ergo omnino hominum liceat hanc paginam nostrae rationis, confirmationis, suppletionis, concessionis, voluntatis, infringere, vel ei auso temerario controuentire. Si quis autem hoc attentare praesumpserit, indignationem prepotentis Dei, & Beatorum Petri, & Pauli Apostolorum eius se noverit incursum. Datum Florentiae anno Dominicae Incarnationis. MCCCCXXXIX. Kal. Decembris, Pontificatus nostri anno IX.

De Gymn. Pat.

De facultate eligendi Doctores . Cap. III.

CVM Venetus Senatus anno quadragesimo quinto supra millesimum, & quadrigentesimum quam facultatem studiosi habebant tum eligendi, tum reijciendi Doctores propter nonnullos tumultus eis ademerisset: paullo tamē post benigne concessit, vt electio ipsorum Doctorum ad eisdem pertineret, statimq; vt facta esset, Prætori, ac Præfecto aperiretur, electiq; interrogarentur, an obstringere se Venetæ Reip. vel lent, ipsisq; ita obligatis constituta in Senatu præmia persoluerentur. Anno præterea supra millesimum, & quadringentesimum sexagesimo septimo in Patavinorum gratiam S. C. factum est, vt Interpretes constituerentur duo tertij in Iure Ciuili, duo itidem tertij in Iure Canonico, ac duo similiter tertij in Medicinis, atq; artibus, dato singulis præmio in singulos annos florenorum viginti, factaq; electione ab utroq; Præside, Prætorē, Præfectoq; ab utroq; Quæstore, à Rectore Vniuersitatis, ab vno ex sapientibus Deputatis ad vtilia Patavinæ Ciuitatis, de quibus tertijs Christophori Mauri Principis ad Io. Gradonicum Præt., Bernardumq; Iustinianum Præfectum exstant litteræ. At anno millesimo quingentesimo vigesimo tertio decreuit Senatus, vt penes se esset electio Doctorum constituendorum ad præcipuas explicationes Iuris Põntificij, Iurisq; Ciuilis, ad duas ordinarias Theoricæ Medicinæ, ad duas ordinarias Practicæ Medicinæ, ad duas ordinarias Philosophiæ: reliquæ vero à studiosis, ad arbitrium nihilominus ipsius Senatus, distribuerentur. Inde statuit, vt aliarum quarumdam explicationum electio non amplius ad Vniuersitates, sed ad se vnum spectaret, & pauca quædam reseruariantur Vniuersitati Iuris studiosorum, ac solæ sex Vniuersitati studiosorum Philosophiæ, & Medicinæ, scilicet locus secundus extraordinariæ Medicinæ, locus primus, & secundus libri tertij Auicennæ, vterq; itidem locus Sophisticæ facultatis, & explicatio Philosophiæ Moralis, quod vique ad annum millesimum quingentesimum sexagesimum seruatum est, cum propter magnos, qui ea de causa oriebantur, tumultus facultas eligendi Doctores studioliis prorsus adempta est, omnisq;

omnisq; talis electionis potestas ad Senatum translata, iure tantum tertiorum Patauinis integro referuato.

De loco Scholarum. Cap. IV.

CUm Scholæ essent ad Di. Blasij in ædibus non admodum commodis, ad alias translatae sunt, quas anno millesimo quadringentesimo nonagesimo tertio, Præsides Marino Venerio Prætor, Marino Leonio Præfecto, ad Di. Martini prope forum vinarium, Iacobus Bonzaninus Patauinus, Eques, & I. V. Doctor, Bernardo Gilo Rectori Iuristudioforum in emphiteusim concessit, ea lege, ut Venetæ Reip. expensis ibi Scholæ publicæ cõstituerentur, & quotannis à Quæstoribus de Doctorum pecunijs quinque, ac quinquaginta ducati iure emphiteotico persoluerentur. cuius pensionis portio dimidiæ partis, scilicet ducatorum septem, & viginti cum dimidio anno trigesimo nono supra millesimum, & quingentesimum, Præsides Francisco Venerio Prætor, Hieronymo Cornelio Præfecto, procurantibus id Gymnasii Moderatoribus, Sebastiano Iustiniano Equite, Nicolao Theupolo Doctore, M. Antonio Venerio Doctore, facta est liberatio à Iacobo Bonzanino iuniore Iacobi senioris nepote, dum Rector esset Iuristudioforum Ioannes Petrus, Cæsareus Miles Hierosolymitanus. Atq; hæc quidem domus caupona erat cum Bouis Insigni. Quæ fuit causa, quamobrem nomen Bouis continuatum sit; scholæq; in ea domo constitutæ Bouinæ sint appellatæ. Quas postea quomodo multi Præsides Veneti magnifice adornauerint, & nouis ædificijs auxerint, atq; ad eam, qua nunc florent, pulchritudinem extulerint, breuiter adnotandum est.

1543. Io. Andreas Baduarius Prætor, Philippus Thronus Præfectus ianuam posteriorem extruendam curarunt, Sebastiano Fuscarenò Doctore, & Equite, Antonio Suriano itidè Doctore, & Equite Gymnasii Moderatoribus.

1547. Delphinus Delphinus Præt. Matthæus Dandulus Præf. post ingressum anterioris ianuæ Scalâ, & partem scholarum sinistram conficiendam mandarunt.

1550. Nicolaus Pontius, Doctor, & Eques, ac Moderator,

De Gymn. Pat.

tor, eam partem iam inchoatam perfecit.

1552. M. Antonius Venerius Doctor, & Eques Prætor, Franciscus Contarenus Præfectus partem anteriorem ædificandam iusserunt.

1559. Nicolaus Pontius Præt. Iustinianus Contarenus Præf. partem posteriorem.

1571. & 1572. Iacobus Aimus Præt. Petrus Fuscarus Præf. turrim horologii; primum Nicolao Pontio, Friderico Valaresio, Marino Caballio: deinde Ioanne Michaeli Equite, Iacobo Fuscareno Doctore, Iacobo Suriano Equite, Moderatoribus.

1587. M. Antonius Memmius Præt. Petrus Marcellus Præf. partem dexteram; Laurentio Priolo Equite, Aloysio Georgio, M. Antonio Barbaro Equite, & Di. Marci Procuratore, Moderatoribus.

1593. Ioannes Superantius Eques Præt. Fridericus Sanus Præf. scalam dexteram, prioremq; Ianuam, Io. Francisco Priolo Di. Marci Procuratore, Zacharia Contareno, Leonardo Donato Equite, Moderatoribus.

1594. Iustinianus Iustinianeus Præt. Nicolaus Guffonius Præf. Theatrum Anatomicum; Ioanne Superantio Equite, Marino Grimano Equite, & Di. Marci Procuratore, Leonardo Donato itidem Equite, & Marci Procuratore, Moderat.

De Horto Medicinali. Cap. V.

Hortum Sphaericum, amplum, irriguum inter duo templa augustissima Di. Antonij Confessoris, & Di. Iustinæ omni genere herbarum medicinalium refertum ad studiosos Medicinæ in re herbaria erudiendos Senatus constituit, suadente id Clarissimo Medico Francisco Bonafidio Patauino, qui, posteaquàm ad Medicinam Theoricam extraordinariã, & ad Practicam extraordinariam, & ad Practicam ordinariã, maxima sua cum laude, ac prope incredibili studiosorum iuuenum cum vtilitate adhibitus est, anno trigesimo tertio supra millesimum, & quingentesimum, referentibus de eo ad Senatum Gymnasii Moderatoribus Sebastiano Fuscareno, & Nicolao Theupolo, primus simplicium explicator factus
id

id muneris quàm dignissime obiuit vsq; ad annum millesimũ quingentesimum quadagesimum nonum : cui postea successit Gabriel Fallopius Mutinensis, coniuncta tunc Chirurgia cum simplicium explicatione, vt suo loco apparebit.

De pecunijs constitutis ad Gymnasii Doctores honorandos . Cap. VI.

AD soluenda Doctõribus præmia, quod vectigal antiquitus Gymnasio à Carrariensibus fuerat assignatum, plaustrorum ferratorum, & non ferratorũ, ac vectigal, quod Bucaticum nuncupatur, Senatus voluit in emolumentum ipsius Gymnasii continuari, locatum vtrumq; precio librarum sexaginta quinq; millium sexcentarum viginti septem, solidorũ decem, auctumq; anno millesimo quingentesimo nonagesimo sexto summa librarum quattuor millium, & quingentarum : adiunxitq; vectigal instrumentorum, & testamentorũ æstimationis librarum quattuor millium ducentarum triginta septem, solidorum quattuor : & vectigal de peregrinorum schedulis perfoluendum, quod valet libras quadringentas quinquaginta nouem, solidos duodecim. Summa autem harum omnium pecuniarum conficit libras octingentas viginti tres, solidos sexdecim supra septuaginta quattuor millia, idest, prope quindecim florenorum millia, qui singuli quinq; libras valent, quodq. numorum genus fere ad satisfaciendum Doctõribus vsurpatur.

De Collegijs ad studioforum commoda institutis . Cap. VII.

Adiuncta sunt ad studioforum commoditatem, eorum maxime, qui rei familiaris laborant tenuitate, percommoda quædam Collegia, quæ hic libet adscribere.

1. Pratenſe ad Di. Antonij Confessoris, institutum à Pileo, Comite Prætæ, S. R. E. Cardinali, Patavijq; Episcopo, circiter an. 1420.

2. Tornacenſe, quod Campionis est nominatum, in Vico Vinealium, institutum ab Albicio Brancasiccò Lucenſi, Canonico Taurifano.

3. Spinellium ad pontem Curuum, institutum à Bello-

C. 2 fortio

De Gymn. Pat.

Fortio Spinello filio Nicolai Neapolitani, eius, qui Ius Pontificium in Gymnasio Patauino professus est, Venetisq; Di. Marci Procuratoribus commendatum, an. 1439.

4. Collegium Feltrensum etiam ad Di. Antonij.
5. Collegium Ridium etiam ad pontem Curuum.
6. Collegium ad Di. Catharinæ, institutū à Iacobo Aquarte Medico Physico.
7. Collegium Brixianorum ad Di. Lucie.
8. Collegium ad Di. Leonardi, institutum à Thoma Philologo Rauennate, Philosopho, ac Medico.
9. Collegium Amulium quorundam patriciorum Venetorum ad pratum Vallis, institutum à M. Antonio Amulio Cardinali.
10. Collegium Cauchum etiam patriciorum Venetorum in Vico Vinealium.
11. Collegium Priolium in Vico S. Crucis similiter designatum ad commodum patriciorum Venetorum.

De quibusdam statutis ad utilitatem, & dignitatem Gymnasij Patauini pertinentibus. Cap. V 111.

1458 **P**Aschali Maripetro Principe in Veneto Senatu decretum est, vt subditi Venetæ Reip. sua exercere studia in alijs Gymnasijs non possent, quàm in Patauino; quiq; alibi studuissent, alibiq; Doctores facti essent, ij priuilegijs carerent, quibus perfruuntur Doctoris insignia in Patauinis Collegijs consecuti.

1479. Ioanne Mocenico Principe in eodem Senatu statutum est, vt nullus patricius Venetus alicuius publicæ explanationis munus cum publico præmio in Gymnasio Patauino posset obtinere, neq; ordinarij, neq; substituti nomine.

Præterea vero, vt ad vnum, idemq; explicandi munus eodem tempore duo Patauini Doctores inter se concurrentes constitui non possent, neque ordinarij, neque substituti nomine: sed in concursum Patauini semper aliquis peregrinus eligeretur.

Atq; hæc seruarentur in vtraq; facultate tum Pontificij, & Cæsarei iuris, tum Philosophiæ, & Medicinæ. quæ tamquam neces-

neceſſaria vt curarent obſeruāda, præſides Patauij Zacharias Barbarus Præt. & Propræt. eiusq; ſucceſſores, publicis litteris mandatum eſt; petentibusq; patauiniſ per legatos ſuos ſecundi capitiſ abrogationem, quippe quod veteribus ſtatutis aduerſari diceretur, idem nihilominus eſt confirmatum, atq; vt prorfus obſeruaretur, præſidibus Friderico Cornelio præt. & Franciſco Sanuto præf. eorūq; ſucceſſoribus iuſſū.
1489. Auguſtino Barbadico Principe S.C. factum eſt, vt non niſi Doctores in publicis Collegijs Laureati ad docendū in ipſo Gymnaſio admitterentur, iſs nimirum ſecluſis, qui Doctores fieri à Comitibus Palatinis conſueuerunt. de quo publicæ exſtant litteræ ad Chriſtophorū Duodum Præt. & Thomam Lippomanum Præt. quodq; duobus ante annis Antonio Venerio Præt. & Luca Manro Præt. de explicatore Tabellionatus fuerat conſtitutum.

Hiſ addi poſſunt duo, quę in primis ad Gymnaſii dignitatem, atq; honeſtatem pertinere videbantur, publicis olim litteriſ mandata, VT Doctores tum ordinarij, tum extraordinarij ingredientes ſcholas ad habendas explicationes ſuas cum minori numero, quā ſex auditorum, pœna librarum decem pro ſinguliſ huiuſmodi explicationibus punirentur.

VT quilibet bonarum artium ſtudioſus veſtem indueret oblongam vltra medias tibiaſ, aut vſq; ad taloſ; eamq; geſtaret in publicis lociſ, in Eccleſiis, in ſcholiſ, propoſita pœna iſs, qui contraſacerent, priuationiſ beneficiorum, immunitatum, privilegiorum, iuriſ ſuffragij, omniumq; emolumentorum, quibuſcumq; Vniuerſitaſ gaudet, & librarum ſex paruum, quotieſcumq; contraſiceret; ac præter veſtem, ſi ipſiſ ita videretur, ſaſciam adderent ſericam, aliudue ſignum, quod vellent, honeſtum; ingenuæ diſciplinæ, ac liberaliſ ſtudijs conueniens.

De boniſ artibuſ, quę in Gymnaſio Patauino pertrahantur. Cap. IX.

Vetus eſt inſtitutum, vt artium, & diſciplinarum, quę in precio ſunt, omnium in hac antiquiſſima vrbe vniuerſo terrarum orbi clariſſimum pateat domicilium; idque præſtantiſſimiſ vndique accitiſ Doctoriſ exornetur; & prom-

De Gymn. Pat.

promptos, expeditosque habeat, qui obscura, & numquam satis patefacta sapientiæ præcepta docendo colligant, studiosamque optimarum artium iuventutem optimis litteris publico munere erudiant. Omnis enim sapientia partim in rebus, partim in moribus, partim in ratione, & mente spectatur. Cumq. res sint trium generum, aut diuinæ, aut naturales, aut Mathematicæ; res quidem diuinas tractat Theologia, & Sacra Scriptura, simulq. Metaphysica facultas: naturales vero explicat tum Physica Medicina, cuius comes, & administra est Chirurgia, & Anatome; tum Physica Philosophia, quæ simpliciter rerum naturam perpendit: Mathematicas autem explanat scientia Mathematica. Mores præterea considerantur tripliciter; aut singulorum hominum in Ethicis: aut Rerump. in Politicis: aut familiarum in Oeconomicis. Et ad facultatem Politicam, & Ciuilem refertur Ius Pontificium, ac Ciuile. Ea vero, quæ mens ipsa, & ratio excoGITauit, quæq. extra ipsam locum non habent, disputant Logica, & Rhetorica. Ad quæ omnia enucleanda, & declaranda hoc Gymnasium omni semper Doctorum genere fuit affluētissimum; siue illud tempus spectemus, cum Patauum perfrui libertate visum est: siue illud, cum Carrariensibus seruiuit: (nam parum admodum Scaligeris subiectum fuit, & sæuiente Tyrannide Acciolini intermittere Gymnasium necesse habuit) siue illud, cum benignissimo Venetorum obediuit imperio, quemadmodum in perpetuum videtur esse obediturum.

De Doctoribus clarioribus Gymnasii sub Patauinis. Cap. X.

TEmpore Patauinæ libertalis (vt nonnullos præcipuos, & clariores commemorem) circiter an. 1300. Iacobus ab Arena Parmensis, & Rolānus Placiola Patauinus Ius ciuile in hoc Gymnasio docuerunt; quorum primus plures Commentarios edidit in Codicis libros nouem: in primi voluminis prædictarum libros duodecim: in alterius voluminis libros quatuordecim: in tertij voluminis libros viginti quattuor: de excusationibus commentarium vnum: disputationum variarum commentarium vnum: de dilationibus in legem primā,
capite

capite pandectarum, Si quis cautionibus indicio sistendi causa factis non obtemperauerit: de exceptionibus: de expendio: de positionibus: de positionibus, & interrogationibus. Alter, tamquam auctor summarum Iuris ciuilis, citatur ab Aluaroto in proœmium Feudorum. Eum narrat Bernardinus Scardeonius egregiam operam nauasse in Legatione ad Henricum VII. Imperatorem, qui Patauio insensu minis, dolis, armisq; immaniter sæuiens tollere libertatem Reip. & subijcere sibi prorsus Patauium nitebatur, abrepta iam per dolum Vicetia, quæ sub patauinorum tutela vltra quinquaginta annos quiesce, tranquilleq; egerat. Eiusdem scripta citat Baldus I. C. tamquam Iurisconsulti celeberrimi. Bouatinus vero Mantuanus, qui fuit postea Patauij Archipresbyter, Ius Pontificium interpretatus est. Eodemq; tempore Ioannes Angusola Cæsarinas Iuris pontificij explicator fuit.

An. 1310. Oldradus à ponte Laudenlis Ius ciuile explicauit; cuius exstant Consilia, & Quæstiones. Per idem tempus Richardus Malumbra Cremonensis idem Ius professus est, Iacobi ab Arena olim Auditor; qui scripsit commentarios in Codicis libros nouem: in Institutionum libros quattuor: in pandectarum libros quinquaginta: Quæstiones varias: & alia multa.

An. 1314. Floruit in Gymnasio Patauino Nicolaus Martellus Mutinensis, qui omnes libros Codicis, & Pandectarum clarissimis Commentarijs illustrauit: & non nulla alia conscripsit. Horum vitas descripsit Guidus Pancirolus, clarissimus I. C. in libro de claris Iurisconsultis, nondum edito.

Per eadem temp; ora in eodẽ Gymnasio claruit Mattheus Roncalitrius Logicus, Philosophus, Medicus clarissimus, qui magna sua cum laude prius Aristotelem, deinde Galenum interpretatus est. Et Iacobus Feroliuias, Philosophus, & Medicus celebratissimus; ex quibus ille diem suum obiit an. 1303. hic an. 1313.

De Decoriis clarioribus Gymnasij sub Carrariensibus. Cap. XI.

DVm Patauium à Carrariensibus teneretur, an. 1330. ab Vbertino III. Carrariensi Reinerius Arsendus Foroliuiensis

De Gymn. Pat.

uiensis præceptor Bartholi, & scriptor egregius, in Gymnasium patavinum honestissime accitus, ac receptus fuit.

Paullo post Bartholus Saxoferratenſis per aliquos annos Ius ciuile in eodem Gymnasio docuit; qui Commentarios in vniuerſum prope Ius ciuile conſcripſit.

An. 1345. Bartholomæus Paliarinus Vicetinus fuit ibidē clariffimus Iuris Interpres.

Similiterq. Angelus Paliarinus ex Bartholomæi fratre ortus.

Circiter an. 1353. Victor Dulcis Feltrenſis, & Ioannes Sanctogeorgianus Bononiensis, gener Ioannis Andreę, celeberrimi Decretalium, & Clementinarum explicatoris, Ius Pontificium explanarunt.

An. 1360. Richardus Salicetus magno inuitatus præmio ad Ius ciuile interpretandum huc se contulit; cuius exstant Cōmentarij in Codicem, & in primum volumen Pandectarum, & alia quædam.

Eodem tempore Saluanus Bononiensis hic Ius Pontificium publice pertractauit.

An. 1378. Baldus Vbaldus Perusinus à Francisco Carriensi ad Ius Ciuile profitendum accersitus est; atq; non multo post hinc discesſit; I. C. omnium ſui temporis celebratiffimus; cuius editi ſunt Commentarij in totum corpus Iuris ciuilis: in ſecundum Decretalium: Additiones ſpeculi: conſilia: Præctica: Margarita, ſeu Repertorium: Tractatus de Tabellionibus.

An. 1380. Nicolaus Spinellus Iuris Pontificij in hoc eodē Gymnasio Interpres extinctus est; cuius filium Bellofortium Collegium Spinellium inſtituiſſe ad Pontem curuum, Venetiſq; Di. Marci procuratoribus commēdaſſe an. 1439. ſuperius notatum est.

Circiter eundem annum 1380. Angelus, frater Baldi Ius ciuile explicauit; qui compoſuit Commentarios in codicis libros nouem: in primi voluminis pandectarum libros viginti quattuor: in alterius voluminis libros quattuordecim: in tertij voluminis libros duodecim: in Institutionum libros quattuor: in Codicis alios libros tres: in Auſtentica: Conſilia de ſequeſtro: & alia.

Eius

Eius in hoc Gymnasio collega fuit Albertus Guidelotius Perusinus.

Sub idem tempus Philippus Cassolus Reginus Ius ciuile declarauit, tantaq. fuit præditus auctoritate, vt Doctorum Doctor nuncuparetur.

An. 1385. Petrus, ab Ancarano Farnesiorum castro oriundus, Bononiensis Ius ciuile professus est, Baldi Perusini quondam auditor; qui edidit Commentarios in Decretales: in Clementinas: in caput de Regulis Iuris in sexto: in primū, & tertium volumen pandectarum: opus consiliorum. Eum Pontanus in suis Consilijs mire laudat.

Iisdem temporibus in hoc ipso floruit Gymnasio Io. Ludouicus Lambertacius, quem sibi in consulendo collegam fuisse testatur in consilijs suis Angelus perusinus frater Baldi: & constat vitam cum morte commutasse an. 1400.

Floruit itidem Benedictus Plumbinus, qui commentarios peruulgauit in aliquot libris tertij voluminis pandectarum; incipiens à capite de manumissionibus, solennesq. fecit Reperitiones, ac eodem anno decessit.

Postea vero à Francisco II. Carrariensi Bartholomæus Salicetus ex Richardi fratre ortus ad Ius ciuile declarandum adhibitus fuit; qui scripsit in codicis libros nouem: in Institutionum libros quattuor: de usu Feudorum alia.

Similiterq. Ludouicus Cortusius parauinus in interpretando Iure ciuili excelluit; quem morientem narrat Bernardinus Scardeonius contra communem mortalium morem testamentò interdixisse propinquis suis lacrymas, solitasq. funerum lamentationes Ennij clari vatis exemplo: & quæcumque lugubria solent ad inuestitiam parari, abesse prorsus voluisse; addita etiam graui multa heredi, si voluntatem suam exsequi neglexisset. Contra verò pro his acciri iussisse Musicos, cantores, citharædos, tibicines omnis generis, qui vario concentu vna cum clero funeris pompam partim præstent, partim lubesceretur vsque ad quinquaginta; ijsq. singulis mercedem dimidij numi aurei dandam statuisse: Ac mandasse, vt duodecim puellæ innuptæ, viridibus pannis amictæ; feretrum subirent, ac vsque ad sepulcrum portarent, quæ omnes pariter de more latantium, quæcumque vellent, modus

D lantes,

De Gymn. Pat.

lantes, alta voce concinerent, relicta singulis certa pecuniæ quantitate dotis nomine; sane ratum idem, quod olim Thra- ces existimarunt, luctuosa scilicet esse puerperia, & lata fune- ra, quando illa initium laboris essent, hæc finis. Sepultum esse in vetustissima æde S. Sophiæ, centum funalibus incen- sis, & viginti integris datis Clero parauino, qui longo ordine præcedebat, cum omni cucullatorum multitudine, exceptis Eremitanis, quos testamento cauerat, ne funeri suo interes- sent, nimioq. illo cucullorum nigrore exsequiarum hilarita- tem funestarent. Obiisse autem an. 1418.

Legitur quoque apud eundem Scardeonium inter claris- simos in hoc Gymnasio legum, & canonum Interpretes pa- tauinos floruisse circiter an. 1335. Antonium Sanctangelum: docuisse annos sex, & triginta: scripsisse in legem, Si insulam, capite pandectarum de verborum obligationibus: dictum esse solennem Doctorem, quemadmodum Baptista Sambla- sius in tractatu de Legali studio confirmat.

Circiter an. 1350. claruisse Bartholomæum Capiuaccem: consuluisse cum Baldo, & Paganino Sala, illustribus Iuriscō- sultis: eius exstare consultationem contra Richardum Malū- bram in volumine tertio consiliorum Baldi, consilio 419.

Circiter an. 1380. magno in honore fuisse Aicardum Alua- rotum, cuius consilia citat Grammaticus Neapolitanus in suis decisionibus, eum appellans illustrem Doctore: cuiusq. frater Aluarotus & ipse excelluit in Iure interpretando.

Valde laudatum esse Zilium Casalem, eum, qui cum Fran- cisco Carrariensi Venetias profectus in componendis pacis legibus inter Venetum Senatum, & Ludouicum Vngariæ Regem, qui Taurisum magno exercitu obsidebat, tantum profecit, vt facta pace, solutaq. obsidione Rex in patriam re- dierit, Veneti q. ea ciuitate potiti sint; quiq. ex hac vita exce- sit an. 1383.

Non parum enituisse Ottonellum Discalcium, I. C. cele- berrimum: in legibus interpretandis Doctorem egregium: principibus Carrariensibus summe charum: multis legatio- nibus, alijsq. honoribus à Francisco juniore decoratum.

Multum illuxisse Baldum Bonifacium Plumbinium Fran- cisco Carrariensi admodum gharum: in ardujs negotijs ab-

eo saepe adhibitum; præcipueq; in legatione ad Galeacium Vicecomitem Mediolani, à quo Francisci patris in custodia defuncti corpus Francisco filio dari ad sepeliendum ipse summis precibus impetrauit: denique conditorem insignis Xenodochij S. Francisci, quod postea Sibylla, eius vxor, ornatus, locupletiusq; reddidit.

Quod attinet ad Philosophiæ, & Medicinæ Doctores, inter claros huius Gymnasij Interpretes, qui temporibus Carariensium floruerunt, valde celebratur Petrus Pernumia, Medicus præstantissimus, & Medicinæ explicator celeberrimus, qui diem suum obiit an. 1345. Et Nicolaus Sanctasophia Academicæ Patauinae in Medica facultate facile princeps, extinctus an. 1350. cuius duo fuerunt præcellentissimi filij, tum Marsilius, qui scripsit commentarios in Aphorismos Hippocratis, & in Tractatum libri Rhasis ad Almaforem de curatione morborum singularium, Artemq; Medicam in Bononienfi Gymnasio docuit: tum Ioannes, qui volumen edidit inscriptum Medicinam practicam, & in centum, atq; octoginta capita diuisum, fuitq; pater Bartholomæi, egregij in Gymnasio patauino Interpretis Medicinæ, ex qua nobili familia merito sapientiæ nomen adepta prodierunt quoq; Galeacius auctor præclari operis de febribus, & Gulielmus, ambo in docendo, & medendo celebratissimi, & Bartholomæus iunior, in studijs philosophiæ florentissimus.

Celebratur quoque Iacobus Zanetinus, physicam summam gloria professus, & in re Medica maxime laudatus, non secus ac excelluerat eius pater Marcus Zanetus in Grammaticæ, & Rhetoricæ professione. Mortuus est an. 1388.

Et Sigismundus Polcastrus ad explicandam publice Medicinam cum maxima studiosorum vtilitate adhibitus, qui de humido radicali in suis commentarijs subtilissime disputauit: & opera quædam Galeni, doctissime, ac disertissime explanauit: quattuorq; filijs orbatus iam septuagenarius alteram vxorem duxit, tresq; alios filios ex ea suscepit, & eorum primogenitum Antonium Iurius vtriusq; Doctorem vidit: alterum nomine Hieronymum ipsemet philosophica laurea exornauit; annosq; natus quatuor, & nonaginta ex hac vita discessit.

De Gymn. Pat.

*De Doctoribus clarioribus Gymnasij Ius profitenibus sub Venetis ab
adeptione Patavij usque ad bellum ex sedere Cameracensi
susceptum. Cap. XII.*

Post paratum an. 1405. in Venetorum potestatem redactū Iuri pontificio explicando operam dabat Franciscus Zabarella patavinus, qui idem ius explicavit Florentiæ, & fuit Archiepiscopus Florentinus. & S. R. E. Cardinalis, extinctusq. est an. 1417. editis commentarijs in Decretales, in Clementinas, in Naturalem philosophiam: & luculentissimis orationibus, atq. epistolis: & libro de horis canonicis: & Repetitionibus varijs: & alijs pluribus; ex cuius schola constat multos, magnosq. Iurisperitos prodijisse, in primisq. Nicolaū Abbatem Panormitanum, cum, qui in Ius pontificium tam multa volumina conscripsit. Fuit autem Zabarella ob summam sapientiam suam nō solum ad Archiepiscopatus, & Cardinalatus dignitatem euectus: sed etiam cardinalium studio non indignus iudicatus ipso pontificatu ante Martinum V. cum autem praepotentis Dei voluntate eum adipisci non potuisset, Constantia, vbi Sacra Synodus celebrabatur, extinctus est, maximo omnium moerore, ac prope incredibili Sigismundi Imperatoris dolore, qui Serenissima sua praesentia, Caesareaq. Maiestate funus eius cohonestare grauatus non est, tunc cum Pogius Florentinus de eo funebrem habuit orationem.

An. 1424. Petrus Maurocenus, qui postea fuit Cardinalis, librum sextum Decretorum explicavit cum Prosdocimo Comite patavino.

Exstat Mauroceni insigne volumen in ipsum librum sextū Decretalium.

Comitis autem liber de differentia legum, & canonum in consanguinitate, & affinitate: prima, & secunda pars in Decretales.

Sub idem tempus idem Ius explanarunt Io. Franciscus Patavinus Patavinus, cuius legitur, tum Relatio ad Pontificem Max. de Bonaventura à Balneo regio, qua ostenditur illum dignum esse, qui inter sanctos referatur, tum Baculus Pastoralis: Cosmus contarenus Venetus: Antonius Capilistius Abbas,

bas, & canonicus Patauinus: quibus successerunt Franciscus Breuius Venetus an. 1475. & Dionysius Franciscus itidem Venetus an. 1477.

Eadem ætate Antonius Rosellus Aretinus Ius Pontificiū interpretatus est; qui scripsit de Monarchia Mundi libros tres: commentarios multos in leges: Tractatum de potestate Imperatoris, ac Pontificis, & concilij: & An penes Pontificem sit potestas vtriusq; gladij: & de materia conciliorum: de successionibus: de legitimatione nothorum.

Idem Ius professi sunt Io. Iacobus Leonissa: & Io. Iacobus Canis; qui scripsit de modo studendi in Iure: de iniurijs, & damno dato, & ijs, quæ barbare appellantur Repressalia: de executionibus vltimarum voluntatum: de Tabellionibus: de Iudo hastarum.

An. 1431. Paullus Castrensis Patauium accitus prius Angelum Perillium Patauinum: mox Io. Franciscum capillitium in Iure ciuili interpretando collegas habuit: clarissimis commentarijs codicem, pandectas, Institutiones illustrauit: opus conciliorum in duo volumina diuisum confecit: maximę auctoritatis apud omnes habitus; quod Florentia testatur, cuius ipse Ius municipale instaurauit, & in qua Vicariatus officium in spiritualibus Romani Pontificis decreto exercuit: Ius ciuile docendo floruit Florentiæ, Senis, Bononię, Patauij.

An. 1440. Iacobus Zochus Ferrariensis Ius pontificium declarauit, qui commentarios edidit in quartum Decretaliū, Qui filij sint legitimi, c. per venerabilem: & in quintum de pænitentia, & remissione .c. omnis.

An. 1447. Raphael Raimundus Comensis ad Ius ciuile explicandum accersitus vespere docuit.

Et Raphael Fulgosius Placentinus eodem tempore mane Ius explanauit; quorum vterque præceptoris sui mores imitatus est Christophori à Castelliono, qui cōtra communem doctrinam ad excitanda studiosorū ingenia multa tentauit. scripsit Fulgosius commentarios in codicem: & in primum, ac tertium volumen pandectarum: consiliaq. multa.

Victor autem Dulcis Feltrensis Iuris pontificij Interpretatus fuit; obijtq; an. 1483.

De Gymn. Pat.

Et Io. Frācisus Capilistius patauinus ei collega datus est. per eadem tempora Ioannes ab Imola Bononiensis Ius ciuile professus est, qui commentarios edidit in primum, secundum, & tertium Decretalium: item in sextum: & in clementinas: & in secundum, & tertium volumen pandectarum: & consilia, in quibus habentur multorum canonici Iuris capitū materiæ fusi, & enucleatius explanatę.

Antonius autem à Prato veteri Florentinus, primum vespertinus, deinde matutinus Iuris ciuilis explicator fuit; Paulumq. castrensem collegam habuit, quo tempore & Paullus Aretinus Ius ciuile interpretabatur.

Et Iacobus Aluarotus Patauinus Feudorum libros interpretatus è vita excessit an. 1453. cuius citantur commentarij de Feudis: & consilia.

Et Bartholomæus Cepolla Veronensis, cum diu Ius ciuile docuisset, decessit. an. 1470; cuius exstant commentarij de cautelis Iuris in causis ciuilibus: de simulatis contractibus: de prædijs vrbanis: de prædijs rusticis: de re militari: de furtis: cōsilia criminalia: & alia.

Eius fuit collega Alexander Tartagnus, cuius leguntur cōsiliorum libri septem.

An. 1474 Pet. Franciscus Rauennas Iuris ciuilis explicator fuit.

An. 1484. Angelus Filius Paulli castrensis primum Iuris canonici, deinde Iuris ciuilis Interpres fuit; quadragintaq; annos Iura docuit, vt legitur in Epitaphio eius, & patris posito ad S. Mariæ Seruorum à Nicolao Castrensi Angeli filio; qui & ipse Ius pontificium explicauit; fuitq; Canonicus patauinus.

Angelus autem Aretinus, quem alias Angelum Gambi-lioneum ab Aretio oriundum vocant, commentarios peruulgauit in Iustiniani Institutiones Leonello Estensi Marchioni Ferrarię inscriptos: & de testamentis, ac clausulis testamentorum: & de maleficijs in iure, & clausulis processus Inquisitionalis: & in tertium librum codicis de Inuentario: & consiliorum volumina duo: & Repertorium iuris: & explicationem legis, Si vacantia, capite codicis de bonis vacantibus, libro decimo.

Eodem

Eodem tempore Alexander Nævus Vicetinus Iuris canonicus fuit professor; qui scripsit de gestis Romanorum: itidem consilium contra Iudæos foenerantes: & consiliorum volumen: Abbatisq. Panormitani libros supra omnes editiones locupletauit: commentariumq. fecit in quattuor libros Decretalium.

Et Io. Georgius Branditius Vicetinus Patavij publice Ius civile declarauit, fecitq; commentarios in Iustiniani Institutiones.

Et Gallianus Ancaranus, & Galeacius Gurses similiter Vicetini fuerunt Iuris civilis explicatores.

An. 1498. Bartholomæus Sozinus Mariani senioris filius Ius civile explicationibus suis illustrauit; cuius exstant scripta de Regulis Iuris, & ut ipse appellauit, fallentijs: & non nulla in secundum, & tertium uolumen pandectarum, & in omnes octo partes Iuris civilis: & consiliorum volumina quattuor; quamuis nonnulli putent commentarium de Regulis Iuris, earumq; fallentijs ipsius Bartholomæi non esse.

Sub idem tempus M. Antonius Bauerius Bononiensis in Iure civili interpretando excelluit; cuius leguntur cōsilia: & comentarius in Institutiones: & scripta quædam de legatis, de iureiurando, de mora.

An. 1496. Iason Maynus Mediolanensis Patavium profectus mille ducatorum præmio vocatus Antonium Vrsatum patavinum collegam habuit; ac per tres tantum annos in hoc Gymnasio Ius civile docuit; scripsitq. orationem, quam Romæ ad Alexandrum III. Pontificem Max. dicitur habuisse: itidemq. commentarios in caput Institutionum de actionibus: in codicem: in pandectas: consilia: Epitalamium ad Maximilianum Romanorum Regem, in ipsius, & Augustæ Blanche Mariæ nuptijs, impressum cum orationibus Philippi Beroldi.

Ioannes Campegius bononiensis Iasoni successit; collegâq. habuit Hieronymum Buttigellam Ticinensem. Exstat Campegiij Tractatus de dote: & volumen consiliorum: & alia. Buttigellæ autem exstant Repetitiones: & commentarij in codicem, & in multa capita pandectarum.

Petrus Thomas Rauennas eodem tempore ad Ius pontificium

De Gymn. Pat.

cium interpretandum incubuit.

An. 1502. Carolus Ruinus Reginus Iuris ciuili interpretando operam dedit; qui magna nominis celebritate etiam Bononiæ docuit. ac scripsit in primum, & secundum secundum voluminis pandectarum: & consiliorum volumina quinque: & in quattuor Iuris ciuilis post meridianos Tractatus.

Atq. hi fere omnes egregie celebrati sunt ab egregio I. C. Guido Pancirolo in libro de claris iurisconsultis.

Hisq. addi potest Franciscus Malchiostrus Parmensis, quæ in hoc Gymnasio Ius profitentem sicarij crudelissime extinxerunt, vt patet ex eius Epitaphio posito à Brocardo fratre in basilica Eremitarum an. 1507.

Et Balthasar Carducius Florentinus, qui ius tum pontificium, tum cæsareum in eodem Gymnasio docuit.

Et Thomas Zanechinus Vicetinus Iuris pontificij Interpreter.

2. A Bernardino autem Scardeonio alij multi commemorantur, oēs Patauini, de quibus ab eo tantum agebatur; quique nobis breuiter adnotabuntur.

Præter Franciscum Zabarellam, de quo supra, Bartholomæus Zabarella ex Andrea Francisci fratre ortus, Iuris pontificij in Gymnasio Patauino explicator: Referendarius Apostolicus; Archiepiscopus primum Spalatinus, deinde Florentinus; Eugenij iij. Pontificis Max. in Hispania Legatus, in qua legatione obiit an. 1445.

Daniel Ridus circiter an. 1400. Iuris ciuilis Interpreter clarissimus.

Bellofortius Chechileus.

Antonius Sanctolunardius.

Præter Io. Franciscum Capilistium, qui quidem in Patauino Gymnasio claruit cum collegis præcellentissimis, Paulo Castrensi, Iacobo Saliceto, Raphaele Fulgoso; fuitq. legatus in Concilio cœpto Basileæ primum pro Venetis an. 1431. deinde per Eugenio iij.

An. 1434 etiam Io. Fridericus Capilistius à Bartholomæo Cepolla celebratus in cōsilio 54. præceptor Bertachini clarissimi scriptoris, vt ipse Bertachinus confitetur.

Et Bartholomæus Capilistius, qui docuit in eodem Gymnasio

nanasio annos tres, & triginta, obiitq. an. 1459.

Marinus Zabarella in legibus publice interpretandis clarissimus, extinctus an. 1427. cuius vestigijs egregie postea insitit M. Ant. Zabarella, Eques, Iuris Pontificij explanator.

Præter Iacobum Aluarotum, qui præceptoribus perillustribus operam dedit, in Iure Ciuili Bartholomæo Saliceto, & in Iure Pontificio Francisco Zabarellæ: etiam Petrus Aluarotus, qui in Iure interpretando celeberrimi I. C. Raphaelis Fulgositæ collega fuit: scripsitq. in caput primi voluminis Pandectarum de pactis, explicans legis, Rescriptum, paragraphum, si pacto.

Et Comes, & Franciscus Aluaroti, & Iacobus iunior, Iuris interpretes præstantissimi.

Petrus Barbobus, seu Sozinus, professor Iuris Ciuilis per annos octo, & viginti, citatus à Cepolla in consilijs.

Paullus Doctus in Iure pontificio interpretando excellentissimus.

Ioannes Sanlazarus extraordinaria explicatione ordinaria rum quæstionum Iuris Ciuilis cum maxima omnium admiratione functus.

Laurus Palatiolus explicator Iuris ciuilis præstantissimus.

Franciscus Verzelesius, clarissimus interpres Iuris Pontif.

Et Ioannes Verzelesius eiusdem Iuris professor egregius, qui cum Cepolla sæpe consuluit.

Franciscus Porcellinus, in hoc, & in Ferrariensi Gymnasio Iuris tum Pontificij, tum Ciuilis per octo, & triginta annos explanator admirabilis, adhibitus sæpe in consilium cum Paulo Castrensi, & Bartholomæo Cepolla, vt legitur in eorum consilijs, auctor libri de inuentario, & eius confectioe, ac scriptor plurimorum consiliorum.

Ioannes à Prato inter Iuris Pontificij, & Ciuilis interpretes acutissimus, qui commentarium edidit in duodecimum librum primi voluminis Pandectarum, explicans in capite, Si certum petatur, legem Certum, & legem Omnia: & legem Certi conditio, & legem Siquis nec causam.

Petrus Bagarotus tum docendo, tum cōsulendo in patrio Gymnasio cum maxima nominis celebritate versatus.

Io. Baptista Samblasius in legibus publice interpretandis

E valde

De Gymn. Pat.

valde laudatus, plurimorum operum scriptor.

Io. Baptista Rosellus per quinquaginta, & amplius annos Ius ciuile cum maxima auditorum frequentia professus, auctor consiliorum de Sacro Monte pietatis, instituto Patavij an. 1494.

Antonius Turchetus inter Iuris interpretes perillustis.

Petrus Canis Io. Iacobi filius, Iuris Pontificij explicator præclarus.

Antonius Zachus in Institutionibus explicandis summam laudem adeptus.

Franciscus Facius in Iure Pontificio explanando summe celebratus.

Antonius Vrsatus Ius Ciuile in publicis scholis per annos quattuor, & triginta interpretatus.

Gaspar Vrsatus & ipse Iuris Ciuilis per annos quattuor, & viginti explicator.

Io. Franciscus Musaptus Iuris Pontificij professor celebratissimus, electus circiter an. 1515. & professus vsque ad pestilentem annum 1528. cum mortuus est; cuius nomen nunc re præsentatis, qui in alijs generibus litterarum omnem superat laudis excellentiam, in cognitione linguarum, Græcæ, Latinæ, eiusq. quam sibi Etrusci vindicant, in notitia omnis antiquitatis, in studio Rhetoricæ, Poeticæ, philosophiæ, in veterum poetarum imitatione, quorum cum laude pulcherrima versibus maxime Græcis pangendis, & orationibus conscribendis contendere merito posse existimatur. Eiusdem Io. Francisci I. C. præclaris vestigijs institit Aloysius Alexandri filius, doctus & ipse litteris Græcis, & Latinis, qui an. 1594. Salernum accitus est, ibiq. Ius Ciuile docuit vsq. ad an. 1594. cum ad idem Ius profitendum Romam vocatus est, ubi an. 1596. vitam cum morte commutauit, quadraginta tantum annos natus, menses quattuor, dies decem, immortalis gloria dignus, posteaquàm corpus tam cito mortale habuit.

Aloysius Pontanus Iuris Pontificij explicationem cum magna laude professus.

Otronellus Pasinus egregie imitatus Ant. Franciscum patrem, & Otronellum patrum, egregios iurisperitos, & præaunculum Io. Franciscum, clarissimum scriptorem, adhibitusq.

tusq. primum ad institutiones Iustiniani, deinde ad Ius pontificium explicandum in sexto Decretalium.

Albertus, seu Bertucius Bagarotus Iuris itidem pontificij explanator excellentissimus.

*De Doctōribus clarioribus Gymnasij Artes profitentibus sub Venetis
ab adeptione Patauij vsq; ad bellum ex sēdere Cameracensi
susceptum. Cap. XIII.*

INter Philosophiæ, Medicinæq. professores permulti recensentur; in quibus an. 1428. Caietanus Thieneus Vicetinus, Canonicus Patauinus, Philosophus, & Theologus celebratissimus Patauij publicum docendi munus obiit; ac Commētariorum reliquit in Aristotelis tres libros de anima: in quattuor libros de cælo, & mundo: in quattuor libros Meteorologicorum: in libros octo physicorum.

Bartholomæus Montagnana Patauinus Medicæ facultatis professor clarissimus floruit circiter an. 1440. cuius habentur opera luculentissima: consiliaq. plurima: & Tractatus tres de balneis Patauinis, de compositione, & dosi Medicinarum, Antidotarium; quemq. præclare imitatus est Bartholomæus iunior, Medicinæ itidem explanator, qui obiit an. 1525.

Io. Antonius Lidius Patauinus in tradenda Medica facultate Princeps claruit circiter an. 1464.

Christophorus Ricinensis Philosophus, & Medicus inclutus vitam cum morte commutauit an. 1480. quem, vt legitur in eius Epitaphio ad Di. Bernardini, vniuersa Italiæ Gymnasia peripateticæ Scholæ Principem luxere.

An. 1487. cum maxima sua laude, ac prope incredibili omnium cum admiratione audita est Cassandra Fidelis, Virgo Veneta, in Gymnasio Patauino, pro Alberto Lamberto Canonico Concordiensi consanguineo suo, Philosophiæ insignia suscipiente, luculentissimam, qua edita est, habens orationem. Ad eandem, tamquàm ad litteratissimam Virginē exstat epistola Angeli Politiani in libro tertio Epistolarum eam tamquàm decus Italię celebrantis.

Petrus Rocabonella Venetus Philosophiam, Medicināq. quadraginta annis docuit, decessitq. an. 1493. cuius Epitaphium legitur ad Di. Francisci.

De Gymn. Pat.

Paulus Bagelardus, seu à Flumine primum Philosophiā, deinde Medicinam de superiore loco professus est; scripsitq. de ægri tudinibus infantium ad Nicolaum Thronum Venetiarum Principem; morreque. sublatu s est an. 1494.

Bartholomæus, & Franciscus Noualij fratres philosophiā, & Artē Medicam publice docuerunt, & circiter an. 1500. floruerunt.

Medicinam quoque cum maxima gloria professus est Nicolaus Passer, seu Genua, pater celeberrimi philosophi M. Antonij, de quo inferius; atq. è vita excessit. an. 1522.

Antonius Tubeta Patauinus, Athenarum Archiepiscopus, ea, quę dicuntur Metaphysica, duos, & quadraginta annos interpretatus est; obiitq. an. 1518.

De Doctōribus clarioribus Gymnasij Ius profitentibus ab an. 1520. vsque ad an. circiter. 1570. Cap. XIII.

VSceptum est bellum contra Venetos ex fœdere Cameracensi, quod quidem anno nono supra millesimum, & quingentesimum ad Cameracum Belgarum oppidū initum est inter Iulium II. Pontificem Max. Imperatorem Maximilianum, Regem Gallię Ludouicum, Regem Hispanię Ferdinandum, Alphonsum Ducem Ferrarię, Franciscum Ducem Mantuę; quo tempore in maximo armorum ardore Gymnasium Patauinum parum potuit illucere; donec tam graui, & periculoso bello anno millesimo quingentesimo decimo septimo finis impositus est. Itaq. paullo post clarissimę ipsius Gymnasij exercitationes diutius intermissę Veneti Senatus iussu restitutę sunt.

Tunc Iacobus quidam Patauinus ad Ius pontificium explicandum adhibitus est.

Eodem tempore Ant. Franciscus Doctōrius Patauinus idē Ius est professus, collega grauisimorum Iurisconsultorum, atq; inter ceteros Philippī Decij Mediolanensis, vt tradidit Bernardinus Scardeonius, & Antonij Corseti, vt obseruauit Guidus Pancirolus; ediditq. eruditissima additamenta ad ABBATEM Pancerm tanum in Decretales, & ad Alexandrum Tartagnum Imolesem; cumq. per annos tres, & quinquaginta publice docuisset, an. 1528. diē obiit suū.

Reliquit

Reliquit Decius in vtrumq; Ius scripta doctrinæ plenissima; Consiliorum libros quattuor: explicationes in Decretales, in Pandectas, in Codicem: Commentarium in caput de Regulis Iuris; extrinsectusq. est Senis an. 1535.

Scriptis Corsetus de materia Trebellianica: de priuilegijs pacis: fallentias ad Regulam, quod spoliatus ante omnia debet restitui: Tractatū de potestate Regis: de brauiio: de decisionibus gem. Repertorium in Panormitanū; & quædā alia. An. 1521. Pet. Paullus Parisius Cōsenrinus Patanium ad Ius ciuile explicandum accitus Franciscum Sfrondatum Cremonensem collegam habuit; scripsitq; commentarios quosdam in Ius Pontificium, & in quattuor Iuris ciuilis postmeridianos Tractatus.

An. 1528. Ludouicus Gometius Hispanus M. Mantuæ Benaudio ad Ius Pontificium explicandum collega datus est, is, qui Ioannis Neuizani indicem scriptorum in Iure locupletauit; & multos commentarius fecit in caput Institutionum de actionibus: in caput pandectarum, Si certum petatur: in Clementinas: in Decretales: in alia.

Cum autem Hieronymus Butigella Ticinensis collega fuerit Ioannis Campegij Bononiensis, vt supra notatum est; Butigellæ successit Franciscus Burla Placentinus, annisq; duodecim docendo floruit cum Achille Comite collega.

An. 1530. Marianus Sozinus iunior Mariani senioris nepos, qui ante docuerat Senis, & Pisis, docuit etiam Patauij, Francisco Sfrondato succedens: inde Bononiam honestissime accitus summa cum laude multos ibi annos professus est. Eius scripta in multas Pandectarum partes leguntur: & in quattuor vespertinas materias in celeberrimis Italiæ Gymnasijs pertractatas: magna. consiliorum volumina.

Io. Antonius Rubeus Francisco Curtio iuniori cū successisset, mortuus est an. 1544. qui fuit Patricius Alexandrinus, summi Senat⁹ Sabaudia Senator, Eques, Comesq; Cæsareus, optimus vir, & I. C. in profitendo iure Ticini primum, deinde Valentia, tū Taurini, postremo Patauij primum locum summa cum gloria consecutus, vt legitur in eius Epitaphio ad Di. Ioannis Viridarij.

Huius successor fuit Hieronymus Cagnolus Vercellensis
Curtij

De Gymn. Pat.

Curtij Iunioris exstant commentarij in aliquot partes pandectarum: & consiliorum volumen.

Rubei quoque in Ius ciuile, & in tertij voluminis pandectarum caput de acquirendo rerum dominio, legem Ea, quæ ciuilitèr, paragraphum Post mortem.

Cagnoli autem de origine Iuris, de Regulis Iuris, de recta principis institutione, & opus in tria volumina distributum.

Fabius Acorambonus Eugubinus Mariani Sozini fuit collega; scripsitq. ad S. C. Trebellianum in legem Heredes mei paragraphum Cum ita: de acquirenda possessione in legem Naturali, paragraphum Nihil commune: Vnde liberi in legem Qui se patris.

An. 1533. Viglius Zuichemus Frisius Institutiones Iustiniani in hoc Gymnasio disertissime explanauit, is, qui Theophili Institutiones Iuris ciuilis in Græcum sermonem translatas in lucem eruit, ac studiosis communes fecit cum doctissima præfatione ad Carolum V. Cæsarem: ediditq. etiam commentarios in decem capita secundi libri Institutionum, quibus omnia propemodum Testamentorum iura eleganter, dilucidèq. sunt explicata.

An. 1542. Iulius Oradinus Perusinus, vir acutissimus uespere Ius ciuile interpretatus est: Sansouinumq. collegam habuit: cui Hieronymus Torniellus successest; scripsitq. in legem Gallus, secundi voluminis Pandectarum capite de liberis, & posthumis: in librum de legatis primum: de conditionibus, & demonstrationibus: ad legem Falcidiam: ad S. C. Trebellianum: & in caput tertij voluminis de verborum obligationibus: & de utilitate, ac potestate actionum.

An. 1548. Matthæus Gribaldus Cheriensis collega fuit Tornielli, auctor commentariorum in Pandectas Iuris, & librorum trium de methodo, ac ratione studendi in iure ciuili; qui de hæretica prauitate suspectus abire Patauio necesse habuit.

Decanus Bonfius Patauinus mane Ius canonicum explanauit; cuius fuit successor Iacobus Philippus Imolensis. Ac de his legendus est liber Guidi Panciroli; qui est de claris Iurisconsultis.

Alij uero multi Patauini celebrantur; inter quos Antonius Trapolinus clarissimi philosophi, & Medici filius, eius, qui scripsit

scripsit de humido radicali, & de actu Medicinarum, cum maxima auditorum frequentia Iustiniani Institutiones explicauit.

Post Antonium Leonium non modo Iacobus eius nepos, sed etiam Ludouicus alter eiusdem nepos Ius ciuile cum magna sua laude pertractauit.

Bartholomæus Vrbinius in Iure pontificio explicando per annos triginta uersatus est.

Hieronymus Iustus leges, & decreta circiter annos triginta docuit; cuius filius M. Antonius & ipse Iuris ciuilib Interpres fuit.

Lazarus Baldus in legibus explicandis excelluit.

Præter Franciscum Porcellinum, quem supra notauimus in Patuino, & Ferrariensi Gymnasio egregium Iuris pontificij, ac Ciuilib explicatorem se ostendisse, sæpeq; cum Paulo Castrẽfi, & Bartholomæo Cepolla consulisse, in eorum Consiliis citatum: etiam Antonius Porcellinus in legibus de superiore loco interpretandis maximam præstantiam præ se tulit.

Similiterq. Clarissimi Iuris Interpretes fuerunt Michael Millarius: Bartholomæus Gloria: Franciscus Bradipolus: Mar filius Papifauus: Alexander Papifauus: Io. Marius Chartularius: Iulius Bonocius Tolentinus: Georgius Caballinus: Ludouicus Braynus: post Angelum Buzacharenum, & Bernardum Buzacharenum etiam Arcuanus ad Institutiones explicandas adhibitus: Leo Lazara: Michael Marostica: Hieronymus Targulinus: Sigismundus Brunellus: Carolus Guarnacius: Vincentinus Rubeus: M. Antonius Blancus: Nascimbenus Peetenellus in declaranda arte Tabellionum egregie uersatus: Antonius Eagarotus: Hieronymus Campisampetrus: M. Mantua Benaudius: Baptista Panzeta: Petrus Leonius: Fridericus Rogerius: Antonius Catarus: Gaspar Fabianus: Daniel Blasius: Annibal Buzacharenus: Philippus Octavianus; de quibus omnibus legendus est Bernardinus Scardeonius.

Catalogus Doctorum, qui Artes in Gymnasio professi sunt ab an. 1520.

vsq; ad an. circiter 1570. Cap. XV.

Quod attinet ad Philosophiæ, & Medicinæ, atq. Artium professores, ut in Rotatis paginis à me lecti sunt, hic adscribentur;

Expli-

De Gymn. Pat.

EXPLICATORES THEOLOGIE EX DOCTRINA DI. THOMÆ ELECTI SVNT.

- An. 1520. Gaspar Perusinus.
1532. Thomas Omnibonus Venetus.
1536. Bartholomæus Spina Pisanus, qui scripsit de po-
testate Pontificis super coniugijs in gradibus le-
ge Diuina prohibitis, & de strigibus.
1545. Siftus Medices Venetus, cuius legitur liber de fu-
rore Iudæorum, & alia.
1554. Hieronymus Vielmus Venetus.
1561. Io. Ambrosius Barbauarius Mediolanēsis auctor
orationis de S. Thoma.

EX DOCTRINA SCOTI.

- An. 1520. Simon Ardeus.
1539. Hieronymus Girelus Brixianus.
1566. Bonauentura Manentus Gabianensis.

EXPLICATORES SACRÆ SCRIPTURÆ.

- An. 1551. Adrianus Venetus.
1565. Hieronymus Vielmus.
1571. Hieronymus Quanus.

EXPLICATORES EORVM, QVÆ METAPHYSICA DICVNTVR EX DOCTRINA DI. THOMÆ.

- An. 1520. Albertus Vtinensis.
1535. Io. Franciscus Beatus Venetus.
1544. Adrianus Venetus, qui postea fuit Theologiæ
explicator, & Episcopus Iustinopolitanus.
1551. Hieronymus Vielmus, Venetus, qui itidem fuit
postea Theologiæ explicator, & Episcopus Argo-
licensis, & suffraganeus Ecclesiæ Cathedralis
Patauinae.
1552. Io. Matthæus Valdensis Siculus.
1560. Thomas peregrinus Venetus.

EX

EX DOCTRINA SCOTI.

- An. 1520. Iacobus Bargius.
 1563. Antonius Garignanensis.
 1565. Martialis Peregrinus Calaber.

EXPLICATORES MEDICINÆ THEORICÆ ORDINARIÆ.

- An. 1520. Ludouicus Carrariensis.
 1523. Ioannes Laurentius Saxaferratenfis.
 Franciscus Viſtorius Bergomas, ſcriptor multarum rerum in Philoſophia, & Medicina, quæ incendio perierunt; de quibus legenda eſt præſatio Aldi Manutij Græcis Alexandri Aphrodiſienſis in Topica Ariſtotelis commentarijs præfixa.
 1524. Matthæus Curtius Ticinenſis auctor variorum operum de venæ ſeſtione in pleuritide: de aquæ bonitate: in Anatomen Mundini: de methodo doſandæ ad Tyrunculos.
 1530. Ludouicus Charenſius Toſettus, cuius legitur introduſtorium in Artem Medicam practicam.
 1532. Benediſtus Viſtorius Fauentinus:
 Franciſcus Frigimelica Patauinus.
 1535. Oddus de Oddis Patauinus.
 1540. Franciſcus Caſſianus.
 1541. Pamphilus Montius Bononiienſis.
 1543. Io. Baptiſta Montius Veronenſis.
 1551. Baſſianus Landus Placentinus; cuius celebratur

Iatrologia, quam adhuc iuuenis conſcripſit, ſeu Dialogi duo ad Herculem Eſtenſem ſecundum Ferrariæ Ducem, quibus continetur methodus ad cognoscendos, & curandos morbos: de humana hiſtoria libri duo, vel de ſingularum hominis partium cognitione: orationis Demoſthenis contra Androſtionein latina conuerſio: ecphraſis de motu: ecphraſis de tempore: ecphraſis de loco: præſatio in Aphoriſmos Hippocratis: libellus de vacuatione: liber, cui titulus eſt Epiphyli- des: Annotationes in Terentium: paraphraſis in libros Ariſtotelis de anima: commentarius in Artem parauam: de ori-

F gine,



De Gymn. Pat.

gine, & caussa pestis Patauinae an. 1555. de incremento : de natura caelesti .

1559. Paullus Crassus Patauinus .

1563. Bernardinus Paternus Saloensis .

EXPLICATORES MEDICINÆ PRACTICÆ ORDINARIÆ.

An. 1521. Christophorus Aretinus .

1521. Ludouicus Carrariensis à theorica ad practicam traductus .

1522. Hieronymus Bagolinus Veronensis ; qui fecit Annotationes in Auerrois cōpendium super Aristotelis priora resolutoria : interpretationem Ioannis Grammatici Philoponi in Aristotelis libros de generatione , & corruptione ; & quæstionum moralium Alexandri Aphrodisiensis , & de fato : Annotationes , & dubitationes in primum resolutorium Aristotelis : Interpretationes Syriani in Metaphysica .

1524. Bernardinus Speronius :

Ludouicus Charensius etiam à Theorica ad practicam translatus .

1527. Hieronymus Acorambonus Eugubinus , cuius habetur Tractatus de catarrho : item de usu , & natura lactis : & de putredine .

1528. Franciscus Victorius Memoria traductus à Theorica ad practicam .

1531. Franciscus Bonafidius Patauinus , qui edidit Tractatum de pleuritide curanda aduersus Curtium ; diciturque tres tomos conscripsisse , quorum primus septem volumina comprehendebat ; primo loco commentarios in Aristotelis libros de spiritibus , & plantis : secundo de nominibus ad historiam plantarum pertinentibus : tertio de nexu vtriusque mundi : quarto de semestri partu : quinto de disceptatione orta inter Antonium Fumanellum , & Bartholomæum Clivianum Medicos Veronenses de vino inuicem disceptantes , quorum iudex Fracastorius fuit : sexto de nomenclatura simplicium medicamentorum : septimo de ponderibus minoribus , & grano . Alter tomus quattuor libros continebat ; primo loco de fine artis Medicinalis : secundo de duplici ratione componendi

ponendi medicinas: tertio expositionem Canonum vniuersalium cum modo curandi spasmodum: quarto modum intelligendi gradus medicinarum secundum Dioscoridem. Tertius Tomus erat de pleuritide cum expositione theorematum, seu canticorum Auicennæ, & vtrum Medicina sit scientia, an ars: de lex rebus non naturalibus: de Medicina practica.

1535. Franciscus Frigimelica translatus à Theorica ad practicam.

1540. Io. Baptista Montanus Veronensis, qui Aetij Medici libros decem latine conuertit, nempe septem priores, & tres posteriores, aliaq. complura conscripsit, è quibus edita sunt Metaphrasis summaria eorum, quæ ad medicamentorū doctrinam attinent; libellus de gradibus, & facultatibus medicamentorum: expositio in nonum librum Rasis ad Almenforem Regem Arabum: explicationes in Aphorismos Hippocratis cum tabula de causa fluoris alui, & siccitatis, & altera de alimentorum differentiis: libri duo, alter de fecibus, vel excrementis alui, alter de vrinis; quibus accessit quæstio, quomodo medicamentum æquale, vel inæquale dicatur, videlicet calidum, frigidum, humidum, siccum: Consiliorum Medicinalium centuria prima: in primum Fen Auicennæ: in artem curandi ad Glauconem: de simplicibus medicamentis: in artem paruam: in primum Hippocratis Epidemiorum: examen Aureæ Alexandrinæ: Idea Hippocratis: de aquis de stillatis: de coctione, & præparatione humorum: de differentiis medicamentorum simplicium: explicatio qualitarum simplicium, & compositorum medicamentorum: periocha Methodica in Galeni libros, de elementis, de atrabile, de natura humana, de temperamentis, & naturalibus facultatibus, de generatione pituitæ: methodus vniuersalis in artem Galeni ad Glauconem: de componendis medicamentis: explicatio locorum Medicinæ: de morbo Gallico: de vteri affectibus: summaria declaratio eorum, quæ ad vniuersam cognitionem maxime faciunt: de characteris febrium: quæstiones de febre sanguinis, de febre hæctica, de febre pestilente: consultatio num Medicarum opus absolutum, atq; perfectum: de ordine in edendis. legendisq. Galeni libris seruando.

1544. Pamphilus Montius Bo. ior. ien. fis.

De Gymn. Pat.

1546. Antonius Fracantianus Vicetinus; cuius editus est Tractatus de morbo Gallico.
Paullus Crassus Patauinus.
1551. Victor Trincauella.
1563. Aloysius Bellacatus Brixianus.
1564. Hieronymus Capiuacceus Patauinus.
1569. Hieronymus Mercurialis Foroliuensis

EXPLICATORES PHILOSOPHIÆ ORDINARIÆ.

- An. 1520. Brandaporus Mediolanensis.
Hieronymus Bagolinus Veronensis, qui postea ad Medicinam Practicam ordinariā explicandam.
1521. Ioannes Montisdocha Hispanus.
1524. M. Antonius Passer cognomento Genua Patauinus, cuius editi sunt commentarij in tres libros Aristotelis de anima.
1525. M. Antonius Zimara Sanctipetrinas; cuius exstant Theoremata, seu memorabilium propositionum limitationes: tabula dilucidationum in dicta Aristotelis, & Auerrois, ubi verba, & sententiæ utriusque per omnes philosophiæ partes ordine Alphabeti breuiter proponuntur, cum indicatione locorum, in quibus ipsi auctores de rebus quæsitis copiosius disputant: solutiones contradictionum in dictis Aristotelis, & Auerrois in vnum collectæ, & in ordinem redactæ, iuxta librorum Aristotelis, & Auerrois contextus.
1532. Vicentius Madius Brixianus; cuius leguntur in Aristotelis librum de Poetica explanationes communes cum Bartholomæo Lombardo Veronensi, & propriæ Annotationes: ac de ridiculis liber: & in Horatii librum de Poetica Interpretatio.
1543. Abracius Apulus.
1564. Franciscus Piccolomineus Senensis.
Fridericus Pendasius Mantuanus.

EXPLICATORES MEDICINÆ THEORICÆ EXTRAORDINARIÆ.

- A n. 1520. Hieronymus Pedemontius Veronensis:

- Bartholomæus Barifonus Patauinus.
 Petrus Noualius Patauinus.
1534. Petrus Maynardus Veronensis.
 Franciscus Bonafidius Patauinus.
1526. Franciscus Frigimelica patauinus:
 Oddus de Oddis patauinus.
1527. Bartholomæus Petronius patauinus.
1531. Magnus Mantuanus.
 Christophorus à S. Maximo patauinus.
1532. Octavianus Tabula Vicetinus.
 Ant. Thomas Sapientius pedemontanus.
1533. Ioannes Oliuus à S. Elpidio.
1534. Iacobus Ferdinandus à Bario.
1535. Iosephus Strutius polonus.
1536. Bernardinus Paternus Saloenfis.
1537. Alexander Landus Veronensis.
1538. Antonius Fracantianus Vicetinus:
 Ioannes Bertonijs Tridentinus:
 Ludouicus Campilongus patauinus.
1539. Franciscus Cyrochus Fulginas.
1540. Hieronymus Balneus Bergomas.
1541. Iosephus Salandrus Bergomas:
 Iulius Coradinus patauinus.
1542. Hieronymus Donzelinus Brixianus.
1543. Paullus Dionysius Veronensis.
1544. Pompeius Maceranus Brixianus:
 Baptista Vitanus Comensis.
1545. Bassianus Landus placentinus:
 Vincentius Odeschalcus Comensis.
1546. Io. Baptista Puteus Veronensis.
1547. Franciscus Richardus Romanus.
1548. Ludouicus Lazizius Veronensis.
1550. Albertus Zambonardus Veronensis.
1551. Comes Montanus Vicetinus.
 Iulius Gellus à Bario.
1552. Franciscus Vrseolus Vrbinus.
1553. Hieronymus Consalonarius Brixianus.
1554. Galeacius Burgofortius Mantuanus.

De Gymn. Pat.

- 1555. Franciscus Morzentius Brixianus
Iulius Bonifacius Vicetinus.
- 1556. Io. Nicolas Coradinus Ariminensis.
- 1557. Io. Baptista Arlotus Reginus.
- 1558. Hieronymus Sala Brixianus.
- 1559. Gualdus Gualdius Vicetinus.
- 1560. Gaspar Ronchus Brixianus.
- 1561. Hieronymus Capiuacceus patauinus:
Sebastianus Marcellanus patauinus.
- 1566. Bernardinus Triuifanus patauinus:
Albertinus Bottonus patauinus.
- 1567. Ludouicus Agnellus patauinus.

EXPLICATORES MEDICINÆ PRACTICÆ EXTRAORDINARIAE.

- An. 1520. Hieronymus Vrbinius patauinus :
Franciscus Lignamineus Taurifanus:
Ludouicus Pasinus patauinus.
- 1524. Hieronymus Bagolinus Veronensis.
- 1526. Franciscus Bonafidius patauinus.
- 1527. Petrus Maynardus Veronensis:
Paullus Placiola patauinus.
- 1528. Hieronymus Tolentinus patauinus:
Gaspar Marzola Montanianensis.
- 1529. Hieronymus Tirabuscus patauinus.
- 1531. Paullus Crassus patauinus.
- 1532. Io. Hieronymus Blasius patauinus.
- 1538. Christophorus Maximus patauinus.
- 1539. Aloysius Bellacatus Brixianus.
- 1546. Andreas Appellatus Brixianus :
Hieronymus Ferrarius patauinus:
- 1552. Hieronymus Capiuacceus patauinus.
- 1559. Nicolaus Curtius Brixianus.
- 1562. Hieronymus Niger patauinus.
- 1564. Maxianus Stephanelus patauinus.

EXPLICATORES PHILOSOPHIÆ
EXTRAORDINARIÆ.

- An. 1520 Andreas Aleotus Patauinus.
Io. Baptista Confalonierius Veronensis:
Oddus de Oddis Patauinus.
1523. M. Antonius Genua patauinus.
1524. Spero Speronius patauinus.
1526. Aurelius Thedoldus patauinus.
1528. Vincentius Madius Brixianus:
Vincentius Catena Vicetinus.
Antonius Frigimelica patauinus.
1529. Octavianus Tabula Vicetinus.
1531. Abracius Apulus.
Hieronymus Stephanellus patauinus.
1532. Petrus Siculus.
1533. Vincentius Silmus Dalmata.
1540. Io. Baptista Balneatus.
1544. Bassianus Landus Placentinus.
1546. Gabriel Albertus pedemontanus.
Io. Iacobus Calaber.
1552. Augustinus Brugnara patauinus.
1560. Franciscus Piccolomineus Senensis.
Archangelus Mercenarius à Monte Sancto.
1563. Ludouicus Tomitanus patauinus.
1567. Bernardinus Petrella Burgenfis.
Alexander Buccalius patauinus.
1568. Comes Iacobus Zabarella.

EXPLICATOR PARVORVM MORALIVM.

- An. 1532. Lombardus Amuleus patauinus.
quæ explicatio non est continuata, sed proximo
sequenti anno dimissa.

EXPLICATORES PHILOSOPHIÆ MORALIS.

- An. 1520 Lucius Carminiola.
1521. Antonius Marinus Taurisanus.
1523. Palamedes Gualdius à Castro Caro.

*Catalogus alter Doſtorum, qui Artes in Gymnaſio profeſſi ſunt ab an. 1520.
uſque ad an. 1570. Cap. XVI.*

EXPLICATORES CHIRVRGIAE.

- An. 1520. Petrus Maynardus Veronenſis.
1523. Io. Baptiſta Pigaſera Vicetinus.
1525. Hieronymus Vails Hiſpanus.
1527. Nicolaus Muſicus Patauinus.
1530. Io. Baptiſta Lombardus patauinus.
1535. Franciſcus Litigatus Lendenarienſis :
M. Antonius Montagnana patauinus.
1536. Paullus Columbus Cremenſis.
1537. Andreas Veſalius Bruxellenſis; qui ſcripſit para-
phraſim in nonum librum Raviſ ad Almenſorem Regem Ara-
bum de affectuum ſingularum corporis partium curatione :
Epiſtolam, qua docet venam axillarem dexteri cubiti in do-
lore laterali ſecandam : de humani corporis fabrica libros ſe-
ptem cum elegantiffimis omnium figuris : Epiſtolam, qua ra-
tionem docet propinandi radicis chyna decocti, in qua mul-
ta anatomica pertractantur.
1544. Realdus Columbus, auctor librorum quindecim
de re anatomica, qui ea continent, quæ raro in Anatome
conſpiciuntur.
1547. Io. Paullus Guiducius Vrbinaſ.
1551. Gabriel Fallôpius Mutinenſis, cuius legitur Tra-
ctatus de medicatis aquis, atq. de foſſilibus in Patauina Aca-
demia habitus: liber de morbo Gallico: liber de arcanis qui-
busdam compositionibus medicis, & quæ extra Medicinam
in uſu habentur, ut ſunt varia vina, & Chynica multa, & ſimi-
lia: expoſitio in librum Galeni de oſſibus: obſervationes Ana-
tomicae: Tractatus de compositione medicamentorum, cui
acceſſerunt tabulae de cauterijs: opuscula tria, quorum pri-
mum eſt de vulneribus: ſecundum cõplectitur explicatio-
nem in librum Hippocratis de vulneribus capitis: tertium
continet Tractatum de vulneribus oculorum, aliarumq. par-
tium capitis: liber de vlceribus, & tumoribus: explicationes
de partibus ſimilaribus humani corporis.
1565. Hieronymus Fabricius ab Aquapendente.

De Gymn. Pat.

EXPLICATORES LIBRI TERTII A V I C E N N A E .

- An. 1520. Albertus Albertinus Vicetinus.
Nicolaus Monopolitanns.
1521. Lucas Imolensis:
Lucius Cæsar Mansfredonienfis.
1522. Venturas Forestus Bergomas:
Ioannes Salicius Parauinus.
1523. Eugenius Scriuanza:
Laurentius Manatus Pedemontanus.
1524. Hieronymus Salinus Veronenfis:
Ioannes Gandinus Bergomas.
1525. Marcus Frascata Brixianus.
Franciscus Albanus Bergomas.
1526. Matthias Maphius Cremenfis:
Georgius Alemanus.
1527. Franciscus Apostolius Nouarienfis:
Io. Baptista Palermus Veronenfis.
1529. Nicolaus à S. Michaelè Cremenfis:
Valentinus Piscarius Brixianus.
1530. Christophorus Fridericius Bergomas.
Marcus Bossius Brixianus.
1531. Aloysius Bellacatus Brixianus:
Bernardinus Lifinus Bergomas.
1532. Hieronymus Amaltheus Opiterginus:
Georgius Aurelius Liburnenfis:
1533. Panutius Syllanus Spoletinus:
Io. Baptista Mantuanus.
1534. Stephanus Iordanus Bergomas:
Aloysius Triuifanus.
1535. Hieronymus Cerconus Bellunenfis:
Cornelius Blancus.
1536. Hieronymus Riccius Murianenfis:
Laurentius Strangolinus Mantuanus.
1537. Nicolaus Flaccus Firmanus:
Gulielmus Pratarolus Bergomas.
1538. Gregorius Fanenfis:

- Ioannes Butironus Veronenfis.
1539. Octavianus Thomafinus à S. Agatha.
Alphonfus Lucanus Melphitenfis.
1540. Antonius Secundus Monopolitanus.
Iofephus Salandrus Bergomas.
1541. Robertus Robertinus Brixianus:
Francifcus Manfredus Cremonenfis.
1542. Antonius Gattus Vicetinus:
Io. Baptifta Vaccellus Brixianus.
1543. Octavianus Monaldus Pifaurenfis:
Ioannes Gratarolus Bergomas.
1544. Defendens Galeacius Mediolanenfis:
Laurentius Monsfilicius Veronenfis.
1545. Iulius Dolionus Bellunenfis:
Ioannes Bosfius Genuenfis.
1546. Pet. Paullus Vitalis Picens:
Io. Maria Salomonius Pedemontanus.
1547. Matthæus Fucius Taurifanus:
Hieronymus Iulianus Veronenfis.
1548. Simon Pellicerius Picens:
Vincentius Ramufcus Eugubinus.
1549. Antonius Safinanus Picens:
Paullus Polonus.
1550. Io. Francifcus Comitius Mediolanenfis:
Bafilius Parauicinus Nouocomenfis.
1551. Albertus Comitius:
Sentrinus Patauinus.
1552. Hieronymus Matthæacius Marofticenfis:
Ioannes Carnarius Belga.
1553. ViCTOR Rizardus Feltrenfis:
Antonius Fama Siculus.
1554. Dietarutus Dietarutius Auximas:
Nicolaus Curtius Brixianus.
1555. Io. Antonius Stricellus Materatenfis:
Marianus Pius Siculus.
1556. Io. Baptifta Balifta Parmenfis:
Scipio Carlius Brixianus.
1557. Celfus Pigafeta Vicetinus.

De Gymn. Pat.

- Alexander Brillus Lendenariensis.
1558. Erasmus Sydereus Germanus:
Ludouicus Capellanus Cremonensis.
1559. Franciscus Pulueus Romanus:
Ioannes, Montriolus Veronensis.
1560. Iosephus Ouitarius patauinus:
Antonius Lobetus pedemontanus.

EXPLICATOR SIMPLICIVM MEDICAMENTORVM IN SCHOLIS.

- An. 1533. Franciscus Bonafidius patauinus.
1555. Gabriel Fallopius Mutinensis coniuncta Chirurgia cum Simplicium explicatione.
1563. Bernardinus Truifanus patauinus.

IN HORTO MEDICINALI.

An. 1561. Melchior Guilandinus.

- ### EXPLICATORES LOGICÆ.
- An. 1520. Guidus Angelus Mengutius Faentinus:
Ioannes Prata patauinus.
1521. Pax Bonagentius:
Christophorus Lignamineus patauinus.
Richardus Politus Recanatensis.
1524. Cola Antonius Landus à Bario.
1525. Syluius Fuscus Camerinenfis:
Paullus Carerius Patauinus.
1526. Thomas Vitus Vicetinus:
Hieronymus Vitelienfis Fulginas:
Lombardus Amuleus Patauinus.
1527. Bartholomæus Fossatus:
Hieronymus Tirabuscus.
1528. Andreas Brentionus Mutinensis.
1529. Policletus Breuius à Monte Arduo:
Antonius Fracantianus Vicetinus.
1530. Thaddæus Edentulus ab Vrbe Veteri.
1531. Iustinianus Finerus à Monte Lignano:
Alexander Guantus patauinus.

1532. Bartholomæus Carabetus Thuscus.
 1533. Io. Baptista Bagolinus Veronenfis.
 1534. Fr. Stephanus Carmelitanus.
 1535. Iustinianus Bazutus à Monte Arduo.
 1536. Dominicus Bonusfilius Bononiensis:
 Antonius à Terra Macra.
 1537. Antonius Bulgaronius Veronenfis.
 1538. Remigius Melioratus; qui etiam Pisis Philo-
 phiam professus est; scripsitq. libellum de putrefactione con-
 tra Ioannem Argenterium:

Bernardinus Tomitanus Patauinus; cuius edita sunt o-
 pera multa; & inter cetera Coridon, siue de Venetorum lau-
 dibus: Clonicus, siue de Reginaldi Poli Cardinalis laudi-
 bus: Introductio ad Sophisticos Elenchos Aristotelis, & bre-
 uis Methodus diluendorum Paralogismorum per diuisionē
 præter illa, quæ Aristoteles tradidit in Elenchis: Thetis in
 aduentu Regis Henrici iij. Galliæ Christianissimæ, Poloniæ
 Serenissimæ ad felicissimam Veneram Urbem: & alia complu-
 ra tum soluta oratione, tum carmine, tum sermone Latino,
 tum Etrusco conscripta:

Christophorus Vercius Iustinopolitanus.

1540. Nicolaus Tinctus.
 1541. Gabriel Albertus Pedemonranus.
 1542. Nicolaus Guarinonus Comensis.
 1546. Angelus Thijs Apulus:
 Marcus Oddus Patauinus.
 1548. Dominicus Tonellus Feltrensis.
 1549. Fr. Antonius Feltrensis.
 1550. Iacobus Gattus Vicetinus.
 1551. Petrus Viola Vicetinus:
 Io. Antonius Expertus Patauinus.
 1552. Pet. Maria Arquanus Brixianus.
 1555. Albertinus Botronus Patauinus.
 1564. Comes Iacobus Zabarella patauinus:
 Bernardinus Petrella Burgenfis.
 Petrus Fallerotus Patauinus.
 1567. Octavius Amalthæus Opiterginus.

1543. Antonius Secundus Monopolitanus:
Franciscus Magradus Vicetinus:
Andreas Flauus Picens.
1544. Bartholomæus Valentinus Mediolanensis:
Ioannes Gratarolus Bergomas.
1545. Io. Franciscus Colateranus:
Io. Carolus Merlus Genuensis.
1548. Stanislaus Polonus:
Io. Andreas Rubeus Apulus.
1549. Ioannes Stuppinus.
1550. Alexander Montainus Picens:
Lucas Gemma Parmensis.
1551. Alphonsus Corsutus Romanus.
1552. Camillus Venturonus Picens:
Io. Iacobus Birettus Siculus.
1553. Io. Baptista Rota Saloensis:
Bernardinus Crippa Mediolanensis.
1554. Franciscus Porellus Siculus:
Petrus Gonescius polonus.
1555. Sylus Perorus à Saxoferrato:
Nicolaus Curtius Brixianus.
1556. Iulius Burgarutius Campionensis:
Franciscus Faustinus perusinus.
1557. Dominicus Calamardius Saloensis:
Fridericus Faianus Mantuanus.
1558. Marinus Masutius Picens:
Rochus Lucius à Monte florum.
1559. Prosper Columbus Romanus:
Celsus Pigafeta Vicetinus.
1560. Iacobus Cleopifus Neapolitanus:
Iacobus Ardelinus Germanus.

EXPLICATORES MATHEMATICARVM
DISCIPLINARVM.

- An. 1520. Thomas Philologus; qui excelluit etiam in Medi-
ca facultate; scripsitq; librum de vita vltra annos
centum, & viginti producenda: & morbi Galli-
ci sanandi modos omnes, vini, ligni, & aquæ, vn-
ctio-

De Gymn. Pat.

tionis, ceroti, fuffumigij, & ceterorum; instituitq; collegium, de quo supra.

1521. Fridericus Delphinus Patauinus; qui scripsit de fluxu, & refluxu maris: itemq. de motu octauæ Sphæræ.

1543. Petrus Catena Venetus; qui edidit quædam de Sphæra.

1559. Franciscus Barocius, Patricius Venetus; cuius exstat Cosmographia in quattuor libros distributa; & admirandum illud Geometricum problema tredecim modis demonstratum, quod docet duas lineas in eodem plano designare, quæ numquam inuicem coincidunt, etiam si in infinitum protrahantur, & quanto longius producuntur, tanto sibi inuicem propiores euadant.

EXPLICATORES HVMANITATIS GRAECAE, AC LATINAE.

An. 1520. Marinus Becichemus Scodreſis; qui Rhetoricā profitebatur; cuiusq. opera quædam edita sunt, prælectio in Plinium cum aliis quibusdam: Ratio scribendarum Epistolarū: Castigationes in libros Ciceronis de oratore, de Inuentione, & in Rhetorica ad Herennium: tres orationes altera ad Sereñissimum Venetorum Principem Antonium Grimanum, altera ad piissimum Cardinalem Marcum Cornelium, tertia ad Andreā Priolum, philosophum eloquentissimum; qui denique (vt hoc obiter notem) dum Rotata pagina Doctorum Gymnasii Patauini peruulgaretur, an 1521. statim post Ioannem Montisdocham Hispanum, & Brandaporum philosophos ordinarios, mandato Præsidi, Marini Georgii Doctoris, & Prætoris, Andreæq. Magni Præfecti, ac cum consensu Rectoris, Ioannis Carrariensis, Philosophiæ, ac Medicinæ Doctoris fuit pronunciatus, obiitq; an. 1526.

Romulus Amasæus Vtinenſis, qui litteras Græcas interpretabatur, ac latine conuertit Xenophontis libros septem de Cyri minoris expeditione: & Pausaniam: composuitq. Scholas duas de ratione instituendi; & de dignitate linguæ latinæ aduersus Etruscos libros duos.

1526. Bernardinus Donatus Veronenſis, Amasæi successor; qui edidit opusculum de Platoniciæ, atq. Aristoteliciæ Philo-

philosophiæ differentia, vbi Georgij Gemisti super eadem re libellum in dialogum redegit, & quædam de suo adiecit: Aristotelisq. Oeconomicorum libros duos latinos fecit: & è Cia leno librum de cognoscendis, curandisq; animi morbis conuertit.

1530. Lazarus Bonamicus Baslianensis; à quo epistolæ carmine sunt conscriptæ ad Vrsinum Velium Silesium, ad Donatum Rullum Venetum, ad Altenerium Auogadrū Veronensem, ad Carolum Capellum, & Matthæum Dandum Venetos, ad Diegum Mendozam Hispanum, ad Fridericum Fregosium Genuensem, & alia quædam, & epistolæ quindecim soluta oratione eleganter exaratæ, quæ cum aliorum clarorum hominum epistolis coniunctæ sunt: qui cum Becichemo, & Donato successisset, institutum peruulgandi professores Rhetoricæ in Rotara pagina statim post philosophos ordinarios, quemadmodum fuisse peruulgatum ipsum Becichemum post Ioannem Montisdocham Hispanum, & Brandaporum, modo notauimus, dimissum est.

1545. Ioannes Fasciolus Patauinus, qui tempore Bonamici uespere cœpit publice docere, & Simplicii cōmentarios primus latine conuertit, ac cum eis tres epistolas edidit cultissimas; quarum prima imperitos, & inelegantes interpretes deferendos monet: altera Arabas relinquendos probat: tertia ad bonos, probatosq; auctores perlegendos inuitat.

1552. Franciscus Robortellus Vtinensis Bonamici successor, qui sex post annis in Gymnasium Bononiense inuitatus, profectusq; est.

1560. Carolus Sigonius Mutinensis, post quem anno proximo sequenti reuocatus est Robortellus in Gymnasium Patauinum, vt Humanitatem profiteretur coniunctim cum Morali Philosophia; diemq; suum obiit an. 1563. cum multo ante Sigonius post habitum satis longum cum Robortello, & quidem honorificum concursum Bononiam se contulisset.

Scripsit Robortellus variorum locorum Annotationes in auctores aliquot vtriusq; linguæ, nempe in omnes Callimachi hymnos: in Apophthegmata Erasmica quædam Diogenis Cynici ex Laertio non bene versa; in aliquot locos Horatii, Cæsaris, Tibulli, Catulli, Propertij, Ciceronis Rhetorice,

De Gymn. Pat.

rica, Poetica, Oeconomica Aristotelis: de historica faculta-
te disputationem: item Laconici, seu Sudationis explicatio-
nem: de nominibus Romanorum: de Rhetorica facultate:
explicationem in Catulli Epithalamium: Annotationum in
varia tam Græcorum, quàm Latinorum loca libros duos:
Oden Græcam: quæ *προχρησµαδία* inscribitur: explanationes
in primum librum Aeneidos Virgilij: explanationes in librū
Aristotelis de poetica: Paraphrasim in Horatium de Poeti-
ca: explanationes de Satyra, Epigrammate, Comoedia, Sali-
bus, Elegia: Annotationes in obscuriora loca Familiarium
Epistolarum Ciceronis: Scholia in Aeschyli Tragœdias se-
ptem: conuersionem Latinam Aeliani de militaribus ordi-
nibus more Græcorum instituendis: librum de artificio di-
cendi: Tabulas oratorias: de nominibus arborum: de conue-
nientia supputationis Liuiana cum marmoribus: de Rep. Ro-
mana: multa contra Carolum Sigonium.

Ipsius autem Caroli Sigonii opera sunt Scholia, quibus
T. Liuij Patauini historiæ, & earum Epitomæ partim emen-
dantur, partim etiam explanantur: in eosdem libros Chrono-
logia ipsorum & auctororum verbis confirmata, & impressa cum
Liuij historia ab eo emendata: Fasti consulares, ac triumphi
acti à Romulo Rege vsque ad Tiberium Cæsarem: in Fastos,
& triumphos, id est, in vniuersam Romanam historiam Com-
mentarius: de nomine Romanorum liber: de antiquo iure
ciuium Romanorum libri duo: de antiquo iure Italiæ libri
tres: de antiquo iure prouinciarum libri duo: de Rep. He-
bræorum libri septem: de Rep. Atheniensium libri quattuor,
cum libro de Atheniensium, Lacedæmoniorumq. tempori-
bus: de lege Curiata Magistratuum, atq. Imperatorum, ac
iure eorum liber: de vita, & rebus gestis P. Scipionis Aemi-
liani liber: orationum volumen: emendationum libri duo,
in quibus Francisci Robortelli reprehensionibus respondet,
ac vitissim multa in eius scriptis reprehendit: Aristotelis Rhe-
toricorum libri tres Latine conuersi: de dialogo liber: Histo-
ria de regno Italiæ: Historia de regno Orientali: libri de iudi-
cijs: collectio fragmentorum Ciceronis cum Scholijs: de cō-
solatione edita sub nomine Ciceronis orationes duæ: eadem
de re dialogus sub nomine Accusatoris.

1567. Ioannes Fafeolus Robortello successit.

1571. Ego ipse Fafeolo collega datus sum.

Atque hæc habui, quæ altius repetendo strictim explicare usq; ad annum millesimum quingentesimum septuagesimum primum, cum in hoc Gymnasium receptus sum. Consequens modo est, ut quæ deinceps in eo euenerint memoratu digna, aliquanto enucleatius exprimam; & quæ facta sit inter Gymnasii Doctores mutatio, quæq. ipsis, & eorum auditoribus magna, & memorabilia contigerint, obseruem. Quod, quâ diligentissime potero, efficiam, si prius notauero, nos hoc totum temporis spatium felicibus auspicijs quinque Principum Venetorum, quattuor Patauij Episcoporum, multorum Præsidum, Moderatorum, atq. vtriusque Vniuersitatis Rectorum feliciter transegisse. Quos ne sæpius ego singulis annis, & in singulorum annorum narratione nominem, ut semel hoc ipso labore defungar, omnes in vnum locum conducam.

De ijs, quorum auspicijs Gymnasium est gubernatum post an.

1570. Cap. XVII.

1571 **V**enetiarum Princeps erat is, qui superiore proximo anno in Petri Lauredani locum electus fuerat, Aloysius Mocenicus; extinctusq; est septimo anno sui Principatus.

Ei successit Sebastianus Venerius; qui cum sequenti proximo anno diem suum obiisset, successorem habuit Nicolaum Pontium, postea vita functum an. 1585.

In huius locum Paschalis Ciconia susceptus est; Principatumq. administravit usq. ad an. 1595. cum ipse vitam cum morte commutauit, Marinusq. Grimanus, qui nunc floret, principem in Rep. locum est consecutus.

Cum autem Patauij Episcopus sit Patauini Gymnasii, ut vocant, Cancellarius, Episcopatum an. 1571. is gerebat, qui superiore proximo anno Francisci Pisani Cardinalis successor factus fuerat, Nicolaus Ormanetus Veronensis, obiitque an. 1577.

In eius locum Fridericus Cornelius successit, qui an. 1586 ad Cardinalatum euectus est, sibiq. in Patauino Episcopatu Coadiutorem cum futura post mortem suam successione constituit Aloysium Cornelium ex M. Antonio ipsius fratre ortum,

H 2 atq.

De Gymn. Pat.

atq. ex hac vita discessit an. 1590.

Aloysius an. 1594. decessit: eiusq. locus Marco Cornelio
datus est, cuius præstissima nunc administratione perfruimur

Eodem anno 1571. fuerunt Patauij Præsides Io. Aimus
Prætor: Petrus Fuscarius præfectus 1572. iidem.

1573. Gaspar Rhenerius: Victor Bagradenus.

1574. Iacobus Fuscarenus Doctor: Franc. Duodus.

1575. Idem.

1576. Paschalis Ciconia, qui postea Princeps factus est:
Aloysius Georgius.

1577. Idem.

1578. Hieronymus Priolus: Vidus Maurocenus.

1579. Aloysius Iustinianus: Franciscus Cornelius.

1580. Idem.

1581. Aloysius Grimanus: Daniel Priolus.

1582. Marcus Cornelius: Laurentius Bagradenus.

1583. Natalis Donatus: Andreas Fuscarenus.

1584. Andreas Bernardus: Laurentius Donatus.

1585. Idem.

1586. M. Antonius Memmius: Petrus Marcellus.

1587. Georgius Contarenus: Marinus Grim. Eques.

1588. Idem.

1589. Idem Georgius Contar. Prætor, & Propriæfectus.

1590. Io. Superantius Eques: Fridericus Sanutus.

1591. Io. Bapt. Veturius: idem Fridericus Sanutus.

1592. Idem Io. Bapt. Vetur. Vincētius Gradon. Eques.

1593. Iustinianus Iustinianus: Nicolaus Guffonus.

1594. Thomas Maurocenus: Zacharias Contarenus.

1595. Idem.

1596. Fridericus Rhenerius: Hieronymus Surianus.

1597. Aloysius Bagradenus: Dominicus Delphinus.

Quemadmodum aut Gymn. moderando primū quattuor
primarij ciues Patauini præfici cōsueuerunt, vt statutū quoq;
fuisse legitur an. 1420. Marco Dandulo Pratōre, Laurentio
Bagradeno Præfecto: sic postea III. Viri studiorū, & Modera
tores Gymn. electi sunt per biēniū primarij Reip. Veneræ Se
natores; &, quamuis tres constitui soleant: tamen, quia eo
rum aliqui non solum morte quandoque præripiuntur, sed
etiam

etiam ad alia munera publica adhibentur: iccirco non trium
semper, sed interdum vnus, non numquam duorum fit ele-
ctio; erantq. an. 1571. Moderatores Fridericus Valareffius :
Nicolaus Pontius Doctor, & Eques, qui postea fuit Princeps:
Marinus Caballius Eques; quorū duopriores, absente Reip.
caussa tercio, me delegerunt.

An. 1572. die 22. Aprilis declarati sunt III. Viri Littera-
rij Ioannes Michael Eques: Iacobus Surianus E-
ques: Iacobus Fuscarenus Doctor.

1573. 27. Iulij, Petrus Sanutus. 17. Septembris Michael
Surianus Eques.

1574. 20. Iunij, Ioannes Donatus: M. Antonius Barba-
rus Di. Marci Procurator: Nicolaus Pontius Dô-
ctor, Eques, Procurator Marcius.

1575. 15. Decembris: Franciscus Venerius: Paullus
Theupolus Eques: Iacobus Fuscarenus Doctor.

1578. 20. Decembris, Aloysius Georgius Consiliarius:
Franc. Longus: Io. Michael Eques, Cōsiliarius.

1580. 4. Maii, Ioannes Superantius Eques: Ioannes
Donatus.

1581. 14. Aprilis, Paullus Theupolus Eques Di. Mar-
ci Procurator.

1582. 15. Maij, Ioannes Corarius Eques: Franciscus
Longus.

1583. 18. Iunij, Iacobus Superantius Eques, Procura-
tor Marcius:

7. Ianuarii Leonardus Donatus.

1584. 3. Maii, Vincentius Maurocenus Eques, Di. Mar-
ci Procurator:

24. Augusti Marinus Grimanus, qui nunc Prin-
ceps est.

1585. 23. Ianuarii, Ioannes Michael Eques Di. Marci
Procurator.

1586. 9. Maii, Laurentius Priolus Eques, qui postea ad
Patriarcharum Venetiarum euectus est, deinde à
Clemente VIII. Pontifice Max. Cardinalis decla-
ratus. 24. Septembris Aloysius Georgius.

1587. 30. Ianuarij M. Antonius Barbarus Eques, Di.
Marci

De Gymn. Pat.

Marci Procurator.

- 1588. 3. Octobris Gabriel Cornelius: Iacobus Fuscarenus Eques, Procurator Marcius.
- 1589. 1. Septembris Fridericus Sanutus. 25. Ianuarii Leonardus Donatus Eques.
- 1590. 3. Martii Io. Franciscus Priolus, Di. Marci Proc. 20. Octobris Zacharias Contarenus.
- 1591. 12. Martii Aloysius Georgius, Procurator Marcius: Ioānes Michael Eques Procurator Marcius. 16. Octobris Ioannes Supernanus Eques.
- 1593. ultimo Iulii M. Antonius Barbarus Eques, Procurator Di. Marci. 26. Septembris Marinus Grimanus.
- 1594. 12. Martii Leonardus Donatus Eques, Procurator Di. Marci. 30. Decembris M. Antonius Barbarus Eques, Procurator Di. Marci.
- 1595. 9. Maii Nicolaus Gufsonus: Hieronymus Capellius: Mathæus Zanius.
- 1596. mense Martio Iacobus Fuscarenus Eques, Procurator Marcius in locum Hieronymi Capellii designati Legati, seu, vt appellant, Baili ad Regem Turcarum.
- 1597. 26. Iunii in locum Nicolai Guffoni, & Matthei Zanii Ioannes Superantius, & Paullus Paruta. Di. Marci Procuratores.

Ac præerat quidem an. 1571. Vniuersitati Iuris studiosorum Ioannes Cladius Cretensis Rector: Vniuersitati vero studiosorum philosophiæ, ac medicinæ Faustus Durastantius Picens Prorektor substitutus.

- 1572. Bartholomæus Botia Cretensis Rector: idem Durastantius Rector.
- 1573. Pompeius Brigida Cyprius Prorektor: Benedictus Flanginus Cyprius Prorektor.
- 1574. Iosephus Spinellius Castrofrāciensis Rector: Constantinus Paleocapa Cretensis Eques Rector.
- 1575. Bernardinus Nigrinus Lantianensis Rector: Iacobus

- cobus Paleocapa Cretensis Rector ;
1576. Idem Bernardinus Nigrinus : primum Nicolaus Caballius Veronensis: deinde Antonius Buclarius Veronensis Prorector.
1577. Idem Bernardinus Nigrinus Rector: Stephanus Cereolus Colonienſis Rector.
1578. Petrus Polidorus Picens : idem Stephanus Cereolus.
1579. Idē Petrus Polidorus : Dominicus Slatarichius Ragufinus Rector.
1580. Aloysius Ancaranus Spoletinus Rector: Flaminus Franciscinus Rector.
1581. Iulius Abaquiſ Vicetinus Rector: idem Flaminus Franciscinus.
1582. Renatus Iulianus Bertiniolus Gallus Rector : Pet. Antonius Roncatus Veronensis Rector.
1583. Thomas à Scharuſtein Germanus Rector: Nicolaus Andronicus Tragurinus Rector.
1584. Idem Thomas: Alphoſus Tragetinus Brixianus Prorector ſubſtitutus.
1585. Andreas Auria Caſtrofrancienſis Rector : Iacobus Sauoianus ex vrbe Nauplio Prorector.
1586. Io. Franciſcus Lombardus Cretenſis Rector: idē Iacobus Sauoianus Rector.
1587. Alexander Puteus pedemontanus Prorector ſubſtitutus : Franciſcus Magnus Veronenſis Prorector.
1588. Fabius Turca Tauriſanus Rector : Io. Paullus Vbalдинus Muglenſis Rector.
1589. Antonius Vlaſtus Cretenſis Rector : Vincentius Lumatius Mantuanus Rector.
1590. Lancellotus Lancellotius Aſculanus Rector: Auguſtinus Dominicus Fulginas Prorector.
1591. Petrus Alzanns Bergomas Rector, qui proximo ſequenti anno, cum diſceſſurus eſſet Patauio, miſerrime necatus eſt: idem Auguſtinus Rector.
1592. Antonius Cerro Bergomas Rector: Iacobus Donatus Veronenſis Prorector, quo propter nō nullus rixas in exſiliū pulſo Marius Bibilaqua Saloeſis

De Gymn. Pat.

sis Vicarius in reliqua parte anni Vniuers. admi-
nistravit, electus Substitutus ab ipsa Vniuersitate.

1593. Nicolaus Bolitius Ascruius Rector: Georgius
Pipanus Polonus Cracouiensis Rector.

1594. Idem Nicolaus Bolitius : Antonius Sauoldus
Brix. Syndicus, loco deficientis Rectoris.

1595. Ant. Prosper Genuensis Prorektor: Marius Bibi-
laqua Saloentis Syndicus, loco deficientis Rect.

1596. Dardius Cauacia Vicetinus Syndicus: Io. Iacob.
Grandius Veron. Syndicus, loco deficientis Rect.

1597. Hieronymus Parolarius Coloniensis Rect. Mat-
thias Iacobeus Ripensis Danus Syndicus, loco
deficientis Rectoris.

Seruiebat tamquam summi Administri Gymn. Patauini,
quos Bidellos Generales appellant, eodem an. 1571. Vniuer-
sitati Iuris studioforū successor Syluestri Basilicæ, Antonius
Centofantius: in cuius locum postea successus est Bernardi-
nus Marostica: inde Iosephus Mainus: inde Baptista Tolfa :
& an. 1597. Io. Antonius Zarra.

Vniuersitati autem studioforum Philosophiæ, ac Medicinæ
is, qui superiore proximo anno Iacobo Ceronio successerat,
Antonius Nonius. Cumq. hic an. 1572. è vita excessisset, suc-
cessorem habuit Andream Talentum, bonis litteris præditū,
ac poetica facultate instructū: eoq. an. 1574. peracerba mor-
te subtrahito, & quidem cum magno vniuersi Gymnasii mœ-
rore (honeste enim seruiebat, quàm qui honestissime) dela-
tum est munus ipsius filio Baptistæ Talento: cuius an. 1576.
demortui locus Antonio Rosato datus est, viro solertissimo,
ac diligentissimo, tenente locū inferioris Bidelli Leone Tal-
tos altero Andree filio, viro probò, & oībus studiosis charo.

★ *Finis Primi Libri.* ★



DE GYMNASIO

PATAVINO

ANTONII RICCOBONI

*Commentariorum Liber Secundus.**De Doctoribus Gymnasij Patauini An. 1571. Cap. I.*

HÆC erat quasi facies Gymnasij Patauini anno septuagesimo primo supra millesimum, & quingentesimum, cum in tantam ego claritatem receptus sum.

Explicabat Ius Canonicum matutinū Iacobus Menochius Ticinensis in primo loco: Michael Quarantocius Patauinus in secundo.

Ius Canonicum vespertinum Gaspar Fabianus Patauinus in primo loco: Guarinus Soacia Patauinus in altero: Clemens Thealdinus Patauinus in tertio.

Ius Civile ordinarium matutinum Marcus Mantua Patauinus in primo loco: Tiberius Decianus Vtinenſis in æqualitate primi loci: Martius Rutilius Vicetinus in tertio.

Ius Civile ordinarium vespertinum Ioānes Cephalus Ferrariensis in primo loco: Franciscus Mantica Vtinenſis in secundo: Bonifacius Rogerius Patauinus in tertio: Franciscus Zabarella Patauinus in tertio Patauino.

Eam partem Iuris, quæ dicitur ad crimina pertinere, Bartholomæus Syluaticus Patauinus.

Artem Actuariorum Ioannes Leonissa Patauinus.

Contextum, glossemā, & Bartholum, mane Nicolaus Bottonus Patauinus in primo loco: Petrus Antonius Godius Vicetinus in secundo.

Vesperī Terentius Terentianus Patauinus in primo loco.

Iustiniani Institutiones Philippus Octavianus Montanienſis in primo loco: Sebastianus Monticulus Vicetinus in secundo: Laurentius Castellanus Patauinus in tertio.

I Sextum

De Gymn. Pat.

Sextum Iuris Canonici Franciscus Branca Patavinus.

Ius Civile meridianum Bartholomæus Sforzia Patavinus.

Theologiam desiderat explicare ex doctrina Di. Thomæ Magister Ambrosius Barbauarius Mediolanensis accitus à Hieronymo Ruuereco Taurini Archiepiscopo, eo, qui postea Cardinalis factus est: sed proximo sequenti anno reuocatus est, ut tempus suæ conductionis absolueret: explicabat autem ex doctrina Scoti Magister Bonauentura Manentus Gabianensis.

Sacram Scripturam Magister Hieronymus Quainus ex eorum ordine, quos Seruitas appellant.

Ea, quæ Metaphysica nuncupantur, ex doctrina S. Thomæ Magister Thomas Peregrinus Venetus: ex doctrina Scoti Magister Martialis Peregrinus Calaber.

Medicinam Theoricam ordinariam Bernardinus Paternus Saloësis in primo loco: Paullus Crassus Patavinus in secundo.

Medicinam Practicam ordinariam Hieronymus Mercenarius Foroliuensis in primo loco: Hieronymus Capuaccus Patavinus in secundo.

Philosophiam ordinariam desiderat explanare Fridericus Pendasius Mantuanus in Gymnasium traductus Bononiense: solus explicabat Franciscus Piccolomineus Senensis, quocum ille habuerat loci æqualitatem.

Medicinam Theoricam extraordinariam Bernardinus Truisanus patavinus: Albertinusq. Bottonus patavinus in primi loci æqualitate: & Ludouicus Agnellus patavinus in tertio loco.

Medicinam practicam extraordinariam Marianus Stephanellus patavinus: & Nicolaus Curtius Brixianus: ambo in primi loci æqualitate: ac Hieronymus Niger patavinus in tertio loco.

Chirurgiam Hieronymus Fabricius ab Aquapendente.

Simplicia medicamenta Melchior Guilandinus, non in Scholis, sed in hortu Medicinali.

Philosophiam extraordinariam Archægelus Mercenarius Picens in primo loco: Comes Iacobus Zabarella patavinus in secundo loco.

Logicam Bernardinus Petrella Burgenis in primo loco: Faustinus Summus in altero.

Mathe-

Mathematicas disciplinas Petrus Catena Venetus.
Humanitatem, & Rhetoricam Græcam, atq. Latinam Io.
Fascolus Patauinus; cui ego Senatus Veneti decreto collega
datus sum.
Iam uero de his singulis breuiter agendum est: postea uero
de eorum successoribus.

De Iacobo Menochio. Cap. II.

Iacobus Menochius, homo per se cognitus, nulla commen-
datione maiorum, ex Academia Ticinensi ad Gymnasium
subalpinum Montis Regalis multo ante ab Allobrogum Du-
ce, Hemanuele Philiberto fuerat accitus, omniq. humanita-
ris, & benignitatis genere honoratus; ac Thomæ Langusci
Stropianæ Comitis, Magniq. vt appellant, Cancellarij, atq.
Cassiani Putei, qui Senatui præsidebat, clarissimo testimonio
apud Principem illum ita laudatus, vt dignus factus sit, quem
ille suis litteris ad se vocaret, & ad declarandum suum ipsius
ius in Marchia Montis Ferrati adhiberet. Cumq. circiter an-
nos sex in percelebri Montis Regalis Gymnasio floruisset, à
Rep. Veneta honestissimo præmio inuitatus est, vt primi In-
terpretis Iuris pontificij matutini in patauina Academia per-
sonam sustineret. quod ipse munus an. 1566. accepit, & vsq.
ad an. 1572. continuauit, cum cessante propter incommodā
valetudinem Martio Rutilio Vicetino, ad Ius Ciuile matu-
tinum interpretandum Tiberij Deciani collega factus est: &
quidem collega in secundo loco. nam anno tantum 1582.
extincto Tiberio Deciano primum locum est consecutus. Iā,
cum Ius Pontificium matutinum per sex annos, & Ius ciuile
matutinum alijs sex annis docuisset, à Francisco Mediceo Ma-
gno Etruriæ Duce ostingentorum aureorum præmium, vt
Pisano in Gymnasio primum Iuris Cæsarei interpretandi lo-
cum obtineret, ei propositum fuit: sed se eam conditio-
nem recusasse in quadam præfatione, quam Ticini habuit,
testatus est, tum quòd Pisani aeris intemperies suæ parum
conduceret valetudini: tum quòd tanta esset Patauini Gym-
nassij celebritas, vt cum eo Pisenum comparare posse nemo
merito videretur: tum quòd Resp. Veneta eodem propemo-
dum dato præmio vt eius opera diutius uolui sset. Quattuor

De Gymn. Pat.

antem alios hoc ipso in Gymnasio annos floruerat, cum Bononiensis Senatus suis ad eum litteris, & nuncio misto, illustri Equite, Lucio Magio, ciue Bononiensi, promisso mille aureorum præmio ipsum in suam Academiam conducere conatus est. Conuenerant: eò erat profecturus: itineri se accingebat: cum Reip. Venetæ studio effectum est, vt vinculum, quo se hic cum illis obstrinxerat, dissolueretur. Itaque suum in hoc Gymnasio explicandi munus continuauit, & principibus Venetis honestissime seruiendo tres, ac viginti annos compleuit, non solum ad docendum, verum etiam ad grauissima eorum cum Gregorio XIII. Pontifice Max. negotia conficienda honorifice adhibitus. Cumq. an. 1588. Nicolaus Gratiannus, qui eruditione, ac religione Gymnasium Ticinense valde illustrauerat, ex hac vita excéssisset, Menochius Senatus Mediolanensis decreto accitus fuerat, vt in eius demortui locum succederet. Quo etiam tempore Ferdinandus Medicus, Magnus Etruriæ Dux per litteras Io. Baptistæ Arcimboldi sibi charissimi cum iterum in Gymnasium Pisani inuitauerat, proposita ea numerum ui, quæ nemini fortasse alii fuerat antea numerata. Conditionem tamen non accepit, quòd iam fidem suam Mediolanensi Senatui obstrinxisset. Cum enim se excusasset, quòd onus docendi horis vespertinis, quemadmodum Gratiannus fecerat, quominus ipse subiret, impedimento sibi esset non satis firma valetudo, quæ, vt nouis susceptis laboribus, ac vigiliis profiteri Ius ciuile horis pomeridianis posset, minime ferre videbatur, suamq. operam in horas matutinas, quibus semper antea professus fuerat, detulisset: eum voti compotem Senatores Mediolanenses fecerunt, constituto ei præmio mille aureorum, quantum etiam à Venetis acceperat. Quamobrem an 1589. ad id munitis obetndum se còtulit, luculentamq. habuit præfationem, ex qua mecum còmunicata hæc omnia sumpsit, factus aliquot post annis Senator Mediolanensis, in quo Senatu adhuc floret. Eius præclarissima exstant opera signata ad gloriam sempiternam;

Tractatus de arbitrariis iudicum quæstionibus, & causis.

De adipiscenda, & retinenda possessione Commentarii.

De recuperanda possessione Commentarii.

In omnes præcipuas recuperandæ possessionis constitutio
nes

nes commentarii cum Responsis causæ Ferrariensis datis à multis Italiæ Iurifconsultorum collegiis.

Ad librum secundum de arbitrariis iudicum quæstionibus, & causis, adiuncta centuria quinta, centum casus iudicibus arbitrarios continens, ad quotidianum usum in forensibus negotiis perutilis.

Consiliorum, seu Responsorum Tomi permulti.

De præsumptionibus, coniecturis, signis, & iudiciis Tomi tres.

De Michael Quarantoctio. Cap. III.

Michael Quarantoctius Nobilis Patauinus originem traxit à præstantissimo viro, Quarantoctio Florentino, eo, qui obsidente Patauium exercitu Veneto aduersus Carrarienses, ad portam S. Crucis cum vno comite muros ascendit, occlusq. vigiliis, req. Galleacio Gonzagæ Summo Venetarum copiarum Imperatori significata, & præsidii ab eo missis, causa fuisse dicitur, cur ipsa porta caperetur, & per eam exercitus introduceretur, Principe Michael Steno, an. 1404. vt Bernardinus Corius narrat in Historia Mediolanensi. Quamobrem ipse Quarantoctius, tamquam benemeritus, magnis muneribus fuit donatus, & præfectura Militari honoratus, cuiusq. Patauinus factus. Idemq. an. 1437. custodiæ Palatii Bononiensis, vbi Eugenius IIII. Pontifex Max. Venetus ex familia Condolmeria tunc residebat, summo cum imperio præfectus est. Eius Frater Michael Quarantoctius senior, Iuris Põrificii, ac Cæsarei Doctor celeberrimus, circiter an. 1441. in Ditione Ecclesiastica ciuitates administravit, is, qui an. 1435. cum esset Præses Patauini Iurifconsultorum collegii, auctor fuerat illius statuti, Vt cuncti Doctores ipsius Collegii in die festo Di. Antonii Confessoris, & in solennibus eius diei supplicationibus circumspecte procederent, cum cereis in manibus, & pellibus de ipsorum collo pendentibus, singulis comitati minoribus Franciscanis. Quod pium institutum etiã Philosophorum, & Medicorum collegium est imitatum.

Ac in familia quidem Quarantoctia ab his duobus, qui modo nominati sunt, Patauii propagata ortus Michael iunior, cum in legum diuinarum, & humanarum studio plurimum profecisset, datiq. egregiis doctrinæ suæ documentis sum.

De Gymn. Pat.

summa cum laude doctoris insignia fuisset consecutus, an. 1564. factus est explicator Iuris ciuilis in tertio loco: an. 1566. adhibitus ad textum, glossam, & Bartholum horis vespertinis in primo loco explicandum: an. 1568. electus ad Ius Pontificium matutinum in secundo loco explanandum, collega celeberrimi I. C. Iacobi Menochii: an. 1577. ad explicationem Feudorum traductus: quam vsque ad an. 1586. cum Sebastia ni Monticuli, Interpretis Iuris canonici vespertini collega factus est, propter præstantiam suam omnibus probatam continuauit; etiamsi an. 1579. S. C. factum esset, vt explanatio Feudorum à Gymnasii Moderatoribus vni eorum, qui Ius ciuile in secundo loco explanarent, aut alicui alteri, prout eis visum fuisset, committeretur: neminem enim ipsi Moderatores Michaeli Quarantotto præferendum iudicarunt. Idem an. 1594. propter celebrem famam doctrinæ, experientiæ, integritatis suæ (vt in litteris publicis legitur ea de re datis), Auditor Rotæ Ciuilis Genuensis declaratus est ad ordinarias Genuæ causas diiudicandas, & à Principe illius Reip. ac Senatoribus honestissime inuitatus. Quam tamen dignitatem recusauit, ne suo ipsius Principi, atq. adeo suæ patriæ deesset: vir non solum iurisprudentia, sed etiam bonitate clarissimus, vereq. dignus, qui & auunculum habuerit excellenti pietate virum, Archiepiscopum Vrbini, Prolegatum Bononiæ, Antonium Iano tium, & duos fratres præstantissimos, tum Horatium virum religiosum, Theologiæ Doctorem, per quattuor, & viginti annos in multis muneribus Patauinæ Ecclesiæ Administrum, atq. inter cetera Nicolai Ormaneti, Episcopi Patauini, Vicarim: tum Camillum I. C. & oratorem egregium, in Patauino foro, & in causis criminalibus magna cum laude versatum, Principis Venetiarum, & Ducis Ferrariæ Equitem. Obijt diem suum an. 1597.

De Gaspare Fabiano. Cap. I V.

GAspar Fabianus ciuis Patauinus ad Ius Canonicum vespertinum interpretandum an. 1560. in locum M. Antonij Zabarella fuerat electus, vir, donec vixit, semper summæ habitus auctoritatis propter celebrē famam doctrinæ, ac probitatis suæ, atq. ab omnibus, tamquam alter Aristides, iustissimus

finus celebratus, ita vt non solum ad eum publice docentem plurimi studiosi confluere, verum etiam ad eius iudicium, tamquam sapientissimum, & sanctissimum maximus vndiq. concursus fieret, atq. in eo prorsus omnes conquirerent. Diu tenuit primum locum Iuris Pontificij vespertini explicandi, qui eo extincto datus est Sebastiano Monticulo Vicetino anno 1582.

De Guarino Pisone Soaciano . Cap. V.

Guarinus Piso Soacia Patauinus, cuius maiores ex oppido Rhætorum Soaci Patauium venerant, fuit vir doctissimus, atq. in studio legum Hieronymi Cagnoli alumnus præstantissimus: qui, cum primum Doctoris insignia est consecutus, ad Institutiones Iustiniani Imperatoris explicandas adhibitus est; etiam si ab eo munere postea incommoda valetudine impeditus cessare necesse habuerit. Artem deinde oratoris, & aduocati Venetijs, & Patauij maxima sua cum laude, atq. eorum, quos defendebat, vtilitate exercuit. Rursus ad publicum explicandi munus est reuocatus; factusq. Interpreter Textus, Glossæ, & Bartholian. 1568. Inde explicator Iuris Canonici vespertini an. 1570. postea ad tertiū locū Iuris Ciuilis matutini an. 1574. est traductus: & an. 1575. dignus habitus, quī celeberrimi L. C. Iacobi Menochij in æqualitate secundi loci collega esset. An. aut 1579. in duo clarissima Gym. magnō proposito præmio est inuitatus, Taurinense, & Pisanū; elegitq. Pisanum, vbi tredecim annis Ius ciuile matutinum in primo loco professus est vsque ad mortem suam, quā obiit an. 1591. Pridie Non. Augusti, Patauii, quō incommoda valetudine Laborans se contulerat, vt melioris aeris beneficio, medicorumq. Patauinorum præstantia suam recuperaret sanitatem, quod tamen ipse obtinere non potuit: nulla funeris pompa sepulchris, quoniam ita ipsemet mandasset, alioqui omni honore quā dignissimus. Reliquit duos filios magna virtute præstantes, & magnos Iurisconsultos, Petrum, & Thadæum; quorum quidem primus an. 1589. die 12. Maii à Præsidibus Salerni, per Io. Angelum Papium vtriusque signaturæ, vt appellant, Referendarium in Sixti V. Pontificatu electus est ad Ius ciuile ordinarium matutinum interpretandū,

con-

De Gymn. Pat.

constituto ei præmio trecentorum aureorum, à quo munere infirma valetudine laborans an. 1591. vix potuit cessationem impetrare, & cum ea tantum cōditione, vt posteaquàm esset sanitati pristinæ restitutus, ad publice docendum rediret. qđ tamen diutius ægrotans præstare non potuit, ita vt in eius locum sufficere alterum necesse fuerit, suffectusq. sit Aloysius Musaptus Alexandri filius Patauinus: an. autem 1593. cum iam conualuisset, litteris Galli celeberrimi I. C. die 2. Septembris Romæ datis inuitatus est in Gymnasium Messanense ad declarandum quoque Ius ciuile ordinarium matutinum, proposito quadringentorum aureorum præmio; quod cum ipse recusasset, Galeotus Ferrus Patauinus accepit. Alter uero Guarini filius ad Ius Pontificium matutinum in hoc Gymnasio explanandum adhibitus est, vt suo loco apparebit. Eiusdē Guarini exstant duo opera vtilissima; vnum de Romanorū, & Venetorum magistratuum inter se comparatione ad legē primam, capite Pandectarum de officio eius, cui mandata est iurisdictio, & in superiora de magistratibus capita: alterum in scriptum In Feudorum vsus præludia, methodice, diligenterque conscripta.

De Clemente Thealdino. Cap. VI.

NVlla vrbs in Italia feracior est hominum in optimarum artium studiis excellentissimorum, quàm Patauium, ubi inter alios quàmplurimos ortus est Clemens Thealdinus, & electus an. 1565. ad Ius Pontificium vespertinum de superiore loco profitendum, collega clarissimorum Iurisconsultorū, Gasparis Fabiani, & Guarini Pisonis Soaciæ. quod munus ipse præclare obiuit usque ad mortem suam, dato eius loco Paulo Bradiolo, Iulii optimi ciuis Patauini, & maximi I. C. filio an. 1576.

De Mantua Benauidio. Cap. VII.

MARCUS Mantua Benauidius Patauinus in patria sua maiores omnes gessit dignitates: ac pro ea etiam honestissimo legationis munere functus est, cum Francisco Donato Venetiarum Principi nomine publico principatum est gratulatus. Ad criminum causas pertractandas, & defendendas magna sua cum laude adhibitus eloquentia sua non nullis ad summum

nam supplicium condemnatis uitæ peperit incolumitatem. Cœpit publice docere an. 1517. fuitq. Interpres primum Institutionum Iustiniani cum eiusdem muneris collega Nicolao Ianotio Patauino, eo, quem Urbini Dux consiliarium, Episcopus Foroliuiensis parentem habuit: deinde sexti voluminis Iuris Canonici cum Ludouico Gometio Hispano, eo qui Romæ fuit postea, vt appellant, Rotæ Auditor, cuiusq. monumenta exstant litterarum præclarissima: præterea Iuris ciuilem cum Vincentio Dallochio Bononiensi, & Aloysio Descaltio Patauino: inde Iuris Canonici cum Balthasare Cardutio Florentino, eoq. ex hac vrbe profecto cum Bernardino Claricino Bononiensi: rursus Iuris ciuilem cum Francisco Curtio Ticinensi, cum Io. Antonio Rubeo Alexandrino, cum Hieronymo Cagnolo Vercellensi, cum Tiberio Deciano Vtinenfi. An. 1572. ad Ius Canonicum matutinum interpretandum in locum Iacobi Menochii traductus est. An. 1574. altissimum, & eminentissimum in Scholis dignitatis locum, quem supraordinarium nominant, obtinuit, cum facultate publice docendi, & non docendi ex arbitrio suo. Cuius ualde laudandus est conatus in multis operibus conficiendis, & libris, ac voluminibus conscribendis, flagrantissimumq. quotidianis laboribus, atq. assidujs vigilijs suis præclaræ litterarum studia iuuandi desiderium; cum ediderit varios tum in Ius Cæsareum, tum in Ius Pontificium Commentarios, Collectanea, Consilia, Scholia, Apophthegmata, Problemata, Dialogos, Enchiridia, Epitomas, Centurias, Orationes, Epistolas, & id genus alia longe plura, quàm vt hic commemorari posse commode videantur. Vt taceam ingentes diuitias ab eo paratas, magnificentissimas ædes erectas, amplissimum Musæum mirabiliter adornatum. Bononienses maxima ei præmia proposuerunt, vt eum in suum ipsorum Gymnasium adduceret, Et non modo Rex Lusitaniz eundem accersendum curauit: sed etiam Paullus III. Pontifex Max. inter eos, quos appellat Rotæ Auditores, habere concupiuit. alijq. Principes eum expetierunt: sed nemo potuit ei persuadere, vt patriam suam relinqueret, ingratiq. animi crimen in Principes Venetos committeret, à quibus tantopere fuerat honoratus. Comes, & Eques amplissimis Priuilegijs à Summis Principibus est factus,

De Gymn. Pat.

& declaratus, primum à Carolo V. Imperatore an. 1545. deinde à Ferdinando itidem Imperatore, an. 1561. denique à Pio IIII. Pontifice Max. an. 1564. Qui plura de hoc viro præstantissimo cupit cognoscere, legat funebrem orationem meâ de eo habitam an. 1582.

De Tiberio Deciano. Cap. VIII.

Tiberius Decianus Vtinenfis, pæsteaquàm Doctoris insignia est consecutus, præcipuas patriæ suæ dignitates administrauit; deq. rebus grauissimis ad Venetiarum Principem Legatus missus est: aliquod temporis spatium amicorum temporibus transmisit, summaq. animi, & corporis contentione in priuatorum periculis caste, integreque versatus est, potissimum Venetijs, vbi ad eum audiendum, tamquàm alterum Demosthenem, vel alterum Ciceronem maximus fiebat hominum concursus: assessor fuit tum Vicetiæ amplissimo viro Laurentio Venerio; tum Patauij ei, qui postea factus est Cardinalis, Bernardo Naugerio; tum Veronæ Francisco Venerio, ei, qui Venetorum Principatum adeptus est. Cum autem esset assessor Naugerio, deficiente in hoc Gymnasio explicatore eius partis iuris, quæ ad crimina dicitur pertinere proptermortem Marci Blanci Patauini, huiusmodi onus an. 1549. sibi honorifice impositum feliciter sustinuit. Ex qua publici muneris functione ad exercendum Veronæ iudicium, vt Frâncisco Venerio gratificaretur, se contulit, ita tamen, vt ei Iuris publice interpretandi locus reseruaretur; ac Verona reuersus in locum Hieronymi Cagnoli, tunc extincti, ad explanationes Iuris ciuilis ordinarias, & matutinas suffectus est an. 1552. ætatis suæ 43. cum ortus esset an. 1509. Habuit collegam in Iure ciuili interpretando primum Marcum Mantuam Benauidium: deinde Franciscum Mantuam ciuem suum: postremo Iacobum Menochium Ticinensem; maximo semper auditorum concursu honoratus, & sæpius, quàm quisquam alius vnumquam, de Iure consultus. Edidit Responsorum volumina tria vna cum Apologia pro Iurisconsultorum Responsis aduersus Andream Alciatum: & reliquit edendum Tractatum criminalem, qui vtramque continet Censuram, duobusq. Tomis distinctus est, ac post eius mortem editus. De hoc

hoc quoq. qui plura velit cognoscere, potest eam legere an.
1582. in eius funere habitam orationem .

De Martio Rutilio. Cap. VI.

Martius Rutilius Vicetinus illustribus institit vestigijs celeberrimi patris sui, Bernardini Rutilij eius, qui vitas descripsit veterum Iurisperitorum, aliaq. opera edidit, quorum celebri fama annos natus circiter quattuor, & triginta ad primam Cathedram Iuris Ciuilis in Gymnasium Avinionense inuitatus est; etiam si, cum ad illud iter se accingeret, acerba morte fuerit præreptus an. 1538. Adhibitus est Martius primum ad textum, glossam, & Bartholum explicandum an. 1564. cum tantum egregia documenta dedisset doctrinæ, ac præstantiæ suæ publicis disputationibus, & aduersus Doctores publice docentes doctis argumentationibus, sed nondum Doctoris insignia esset consecutus. Itaq; adeptus est id muneris nouo exemplo, quamuis nondum Doctor: decreto .n. Senatus fuerat prohibitum, vt illi, qui Doctoris laurea coronati non essent, ad publicas cathedras aditum haberent. Sed paria sunt, Doctorem esse, & qualibet honesta Doctoris Cathedra dignum se ostendisse. Postea factus Doctor electus est ad Ius Canonicum vespertinum interpretandum an. 1568. collega Gasparis Fabiani, & an. 1571. Ius Ciuile ordinarium matutinum interpretabatur, collega Marci Mantuz, & Tiberij Deciani. Cum autem propter nimios labores, diuturnasq. vigilias suas incommoda valetudine multos menses, circiterq. duos annos laborasset, nec propterea dimissus esset, sed propter excellentissimam in hoc Gymnasio operam suam per tot annos cognitam, & perspectam diutius expectatus fuisset, dū conualesceret: tandem ipse ex consilio Medicorum an. 1572. necessario se excusauit, vixq. missionem impetrauit. Inchoauerat commentarium, ac prope finem perduxerat, de Doctoribus, vbi disertissime declarabat originem dandorum Doctoris Insignium, qui talia Insignia dare, qui accipere possent, multaq. alia ad huiusmodi rem pertinentia: sed propter infirmam valetudinem perficere eum non potuit, cultui diuino mirifice deditus, & nunc summus in Episcopatu Vicetino Vicarius, successor in eum Vicariatum reuigiosissimi viri, An

De Gymn. Pat.

tonij fratris sui, fulgensq. simul clarissimo lumine Pet. Pauli, alterius fratris, I. C. eximij, ac superioribus annis in hoc ipso Gymnasio præstantissimi Interpretis Iuris ciuilis ordinarij vespertini, vt suo loco declarabitur.

De Ioanne Cephalo. Cap. X.

IOannes Cephalus Ferrariensis in tribus floruit clarissimis Italiae Gymnasiis, Ferrariensi, Ticinensi, Patauino: clarissimosq. Iurisconsultos Collegas habuit; Ferrariæ Roncagallum; Ticini Franciscum Alciatum, propter summam sapientiam suam, singularemq; probitatem postea euectum ad Cardinalatum; Patauii, quò in locum Iulii Salerni an. 1565. accitus est, primum Guidum Pancirolum, deinde Franciscum Mantica, Bonifacium Rogerium, Franciscum Zabarellam. Eius tam celebris fuit fama, vt in aliis multis Gymnasiis summo opere fuerit expetitus, potissimumq; Bononiæ, quò sæpe honestissimis præmiis inuitatus est; ac Pisis, quò admodum reuerendus, & illustis vir nomine Tonsus, illius Gymnasii tunc Moderator, cum se ob id vnum Patauium contulisset, an. 1579. honestissime accersuit, proposito præmio mille, & trecentorum aureorum. Idem ex diuturno sex, & quadraginta annorū profitendi tempore bis habuit ius Comitum Palatini, quod uiginti annorum spatio acquiritur ex libro Codicis duodecimo, capite de professoribus, qui in vrbe Constantinopolitana docentes ex lege meruerunt comitatum; Senatorq. Mediolani dicitur esse potuisse, si relinquere publicum interpretandi munus voluisset, procurante id potissimum excellentissimo viro Gabriele Cueva, Mediolanensis Ditionis Guberratore, qui per prudentissimum eius consilium magnū quendam Ducatum fuerat consecutus.

Exstat huius celeberrimi I. C. Consiliorum, seu Responsorum Iuris volumina quinque; de cuius laudibus ego funebre habui orationem an. 1580. vt, qui plura de eo velit cognoscere, eam possit perlegete.

De Francisco Mantica. Cap. XI.

FRanciscus Mantica Vtinensis primū explicauit textum glossam, & Bartholum deinde an. 1560. in secundo Institutum

num loco, quem Nicolaus Gratianus tenuerat, positus est: postea an. 1566. Ius ciuile matutinum in tertio explanauit: in de ad secundum Iuris ciuilis vespertini traductus est, eumq. an. 1571, tenebat: an. autem 1582. secundum Iuris ciuilis matutini obtinuit; Doctor in quotidianis studiorum laboribus, assiduusq. vigiliis numquam defessus, & ob id summam doctrinam consecutus, vt luce clarius constat ex præclarissimo eius opere de coniecturis ultimarum voluntatum; & vt re ipsa est comprobatum: siquidem cum à Summo Pontifice Sisto V. honestatis, amplitudinisq. gratia an. 1586. Reip. Venetæ facultas data esset ponendi Romæ vnum de suis in numero eorum, quos nominant Rotæ Auditores, atq; ex publico decreto nominati fuissent quattuor, de quibus vnus ab ipso Pontifice eligeretur, is propter doctrinæ suæ præstantiam, simulq. morum integritatem, ac modestiam ceteris prælatus est, & electus in locum Hippolyti Aldobrandini, ad Cardinalatum euecti, ac factus etiam an. 1596. ab ipso Hippolyto Aldobrandino, nunc Clemente VIII. Pontifice Maximo, S. R. E. Cardinalis.

De Bonifacio Rogerio : Cap. XII.

Bonifacius Rogerius fuit Reginus, & Patauinus, Filius Friderici eius, qui ob insignem Iuris Pontificii, & Cæsarei doctrinam Patauii inter summos legum Interpretes permultos annos de Rep. litteraria optime meritus est, atq; adeo à Summo Imperatore Carolo V. dignus habitus, qui Equestris ordinis dignitate ornaretur; quemadmodum & ipse Bonifacius cum se peregregium legum Interpretem præstitit: tum Nobilis, & Miles, & Eques Auratus, sacriq. Lateranensis Palatii, Aulaq. Cæsareæ, & Imperialis Consistorii à Maximiliano II. Imperatore an. 1569. declaratus est: & à Rudolpho II. an. 1583. in eadem dignitate confirmatus, amplissimoq. privilegio auctus. Primum autem textum, glossam, & Bartholum horis vespertinis cœpit explicare loco Friderici parentis sui incommoda valetudine laborantis: deinde à signatu ad id munus obeundum an. 1563. electus est: postea vero ad Ius ciuile vespertinum in tertio loco explicandum an. 1566. adhibitus: inde in secundo loco an. 1572. positus, collega Francisci Manticiæ cum loci æqualitate. Quod ipse munus vsque ad mortem

De Gymn. Pat.

mortem suam, id est, usque ad an. 1591. quàm dignissime obiit multis modis honoratus, & in primis florentum septingentorum præmio, ad studiosorum vtilitatem concurrens cū Iuriconsultis præclarissimis, atq. inter ceteros cum Ioanne Cephalo Ferrariensi, cum eo, qui modo nominatus est, Francisco Mantica Vtinenfi, cum Guido Pancirolo ciue suo Regi no. charus fuit multis Principibus, & S. R. E. Cardinalibus, in primisq. Nicolao Sfrondato, qui anno, cum ille obiit, erat Pontifex Max. Gregorius xiiij. nuncupatus: Hieronymo Ruuereo: Scipioni Gonzagæ; Francisco Mariæ ex Marchionibus Montis S. Mariæ; ex quibus Ruuereus, cum esset Archiepiscopus Augustæ Taurinorum, mandatoq. Ducis Allobrogum clarissimum perquireret. I. C. qui in locum succederet celeberrimi viri, Guidi Panciroli, ex Gymnasio illius ciuitatis in Patauinum acciti, vna cum ceteris, quibus id negotiū datum fuerat, inter multos, qui proponebantur, Iuriconsultos præclarissimos statuit ad eam successionem ipsum Bonifacium Rogerium inuitare; litterisq. de hoc datis honestissimum ei præmium septingentorum aureorū proposuit, quod quidem munus quò minus ipse susciperet, se excusauit, ne Veneto Principi, & Senatui, cui erat addictus, & obstrictus, minus gratus, minusq. beneficiorum, & ornamentorum memor videretur. Controuersiam habuit de præfessione cum Angelo Matthæacio, de qua infra. Duo reliquit Consiliorū satis magna volumina, quæ typis impressa sunt. Fuitq. vt apellant, sapiens Deputatus ad vtilia Patauina ciuitatis. plura de eo legi possunt in ea, quam ego de ipso habui, funebre oratione.

De Francisco Zabarella. Cap. XIII.

Zabarella quàm excellenter floruerint inter publicos Interpretes in Gymnasio Patauino, satis apparere potest ex ijs, quæ supra notauimus de Francisco Zabarella Cardinali: de Bartholomæo Zabarella Archiepiscopo Florentino: de Marino Zabarella: de M. Antonio Zabarella. Ex hoc ortus est is, qui an. 1571. electus est Ioannis Cephalæ collega tertius ad Ius Ciuile vespertinum interpretandum Franciscus Zabarella, vir vt nobili genere ortus, sic nobilibus moribus

præditus, & non minori probitate, quàm doctrina ornatus, qui vsque ad annum 1580. quo ipse Cephalus est mortuus, tale munus honestissime continuauit.

De Bartholomæo Syluatico .¹ Cap. XIV.

Bartholomæus Syluaticus Nobilis Patauinus cœpit Iustiani Institutiones in secundo loco explicare, collega primum Guidi Panciroli Regini, deinde Philippi Octauiani Montanianensis; idq. muneris obiuit ab an. 1555. vsq. ad an. 1559. cum facto S. C. de vallibus exsiccandis, cœptisq. ad culturam reduci agris, qui inculti erant, ipse, qui ex ijs vna cum fratribus circiter quadringenta iugera possidebat, vtilitati rei suæ domesticæ consulens ab Institutionum explicatione cessauit vsq. ad an. 1562. quo in locum Philippi Octauiani Montanianensis delectus est collega Francisci Mantice Vtinenfis: cūq. maximum I. C. se ostendisset, vir altissima mente præditus, & optimis, ac suauissimis moribus ornatus, atq. ita dignus, vt nulla tanta existat dignitas, quæ eius doctrinæ, ac virtuti debita non videatur, dignus visus est, qui à primo loco Institutionum ad explanandam eam partem iuris, quæ ad crimina dicitur pertinere, an. 1563. in locum Antonij Catari, celeberrimi I. C. extolleretur. Dumq. id publicum munus obiret, praxim coniunxit cum theoria, pluribusq. in periculo capitis patrocিনatus est tanta eloquentiæ, & sapientiæ præstantiâ, vt eorum plerosq. à summo supplicio liberauerit: ac persuasissimum habens, Duri hominis, vel potius vix hominis videri capitis periculum inferre multis; nec ignorans, quàm sordidū ad famam fuerit nomen accusatoris M. Bruto, summo genere nato, illius filio, qui Iuris Ciuilis in primis peritus fuit, neminem vmquàm accusauit, nullumq. contra reos consilium dedit, sed in hominum defensione perpetuo versatus est, potiusq. nocentes, & nefarios defendit, id quod vult multitudo, patitur consuetudo, fert etiam humanitas, quàm innocentes in iudicio capitis arcesseuit, id quod sine scelere præstari nullo modo potest. Adhibitus postea est ad Ius Pontificium matutinum explicandum an. 1575. in locum Benedicti Bariselli Montanianensis; nec ob id desuit reos defendere, quousq. Consultor Principis factus est, quo nimirum tempore non solum

De Gymn. Pat.

solum ab officio defensoris, verum etiam ab omnibus dignitatibus, & muneribus publicis; quæ ipse cum maximo patriæ suo commodo, atq. ornamento administrabat, se abduxit. An. enim 1581. mense Februario Consultor Reip. Venetæ delectus est, qui vna cum Erasmo Gratiano Vtinenſi de iure, cū opus eſſet, ipſi Reip. conſuleret, duobuſq. muneribus quaſi gladius Delphicus ſungeretur, tum Interpretis in Gymnaſio Patauino, tum Conſultoris, cum res poſtularer. ob quam ſe cundi muneris functionem quoniam ſæpe neceſſe haberet ad Venetiarum Principem ſe conferre, iccirco aliud munus, quod ſibi propter præſtantiam ſuam deferreſſetur, accipere non potuit, interpretandi Iuris ciuiliſ matutini, in cuius ſtudium longe plures incumbere notum eſt, ita vt eiſ explicatio non ſine magno detrimento intermitteri poſſe videatur, qđ de iure non euenit Pontificio. Præterea propter idem Conſultoris munus aliam non accepit Bartholomæuſ dignitatē, ad quam prior eſt inuitatus. Cum enim Siſſus V. Pontifex Max. honoris gratia Venetæ Reip. facultatem dedieſſet ponēdi vnum de ſuis Romæ in numero eorum, quos appellant Romæ Auditores, Patauij Præſides, Andreas Bernardus Prætor, & Laurentiuſ Donatuſ Præſectus, nomine publico ab eo petierunt, an vellet in eo dignitatis gradu collocari; quibuſ modieſtiſſimuſ, & Principi ſuo obſequentiſſimuſ Doctör reſpondit, contentum eſſe ſe eo munere, quod iam ſibi publico eſſet decreto delatum, eoq. libentiſſime ſungi, nec quidquam vltius quærere, niſi ſi aliter Principi ſuo placeret, cui vt obſequeretur, paratum eſſe ſe patriam, familiam, liberos relinquere, atq; in omnem locum, quocumque iuberetur, proſiſci. Id quod etiam publicis patet litteriſ. Quo reſponſo publice cognito, ſenatu placuit eiſ voluntati nullam uim aſſerre: eaq. dignitas poſtea Franciſco Mantica Vtinenſi delata eſt, qui Iuſ ciuile matutinum in hoc Gymnaſio interpreta- batur, quemq. à Clemente VIII. Pontifice Max. factum ſuiſſe Cardinalem ſuperius narratum eſt. Nec mirum proſecto, ſi Bartholomæi Syluatici opera multis modis publice expetita eſt: ſemper enim ſe oſtendit præſantiſſimuſ, ſimulq. fide- liſſimuſ, & inflammato quoddam ſtudio, atq. incredibili de uotioniſ ardore Reip. deditiſſimuſ, qui in pectore, & corde
nomen

nomen Venetum sculptum gestaret, vna cum perillustri E-
quite, Hieronymo fratre suo, qui posteaquàm Hippolyto E-
stensi Cardinali tum Romæ, tum in Gallia honestissime ser-
uauit, in patriam reuersus omnem operam suam senatoribus
Venetis dicauit. Itaq; multos legatos à Senatu ad Principes
missos fidelissime, magnificentissimeq; est comitatus; iuitq;
cum Matthæo Zanio ad Ducem Urbini: cum Iacobo Superā
tio Byzantium: cum Vincentio Throno, Hieronymo Lippo
mano, Matthæo Zanio in Hispaniam; quæ Legatio Philippo
Regi Catholico adeptam Lusitaniam gratulata est: cum Frā
ciscò Contareno ad Ducem Mantuæ, cui ductam vxorem il-
le est gratulatus: cum eodem Contareno ad Magnum Etru-
riæ Ducem, & ad celebres eius nuptias: cum Marino Grima
no, qui nunc Princeps est, & à quo Equestri dignitate est de-
coratus, ad Clementem VIII. Pontificem Max. statim vt is
ad Pontificatum euectus est; hisq; omnibus operam nobilif-
simam, elegantissimamq; nauauit. Neque vero solum Bartho-
lomæus Syluaticus se totum Principi suo consecrauit: verum
etiam filios, quos satis multos habet, & quidem omnes bene
educatos, beneq; institutos, ac generosis animis præditos, ne
quaquam à præstantia maiorum suorum, & à splendore viro-
rum perillustrium, parentis, patruiq; degenerantes; ex qui-
bus cum Aloysius, Iuris Pontificij, & Cæsarei Doctor, in Ec-
clesia Cathedrali factus fuisset Archidiaconus, existimassetq;
se maxime Reip. seruiturum, dum Ecclesiæ, & Deo seruiret;
Petrus rei militari prorsus deditus, & Io. Baptista, iuris vtri-
usq; itidem Doctor, facti sunt ipsius Reip. clarissimi admini-
stri. Siquidem Petrus, posteaquàm è ludo, atq; pueritiæ di-
sciplina; bellis grauissimis tum in Belgio, tum in Gallia gestis,
atq; acerrimis hostibus in militiæ disciplinam se dedisset; seiē
tiamq; rei militaris cum maximo vitæ suæ periculo, & pila et
vulneratus vnus de ijs tormentis militarium, quæ sæpe nul-
lum robur vitare, nulla fortitudo potest, satis comparasse vi-
sus est, ita charus fuit Principi, & Senatui vniuerso, vt primū
declaratus sit vnus de Reip. militaribus Proceribus ad seruiē
dum Principi designatis, deinde Marani Præsidio Præfectus
sub nomine Gubernatoris, atq; in Consilium etiam adhibi-
tus, quamuis iunior, de præstantia, & fidelitate, alijsq; condi-

De Gymn. Pat.

tionibus nonnullorum Præfectorum. Ac de eo quidem datæ sunt litteræ, quæ hic adscribentur ad perpetuum decus præstantiæ in iuvene singularis.

- „ Dux Maynius Locutenēs Generalis Regni, & Coronæ Galliæ.
„ Notum facimus Petrum Syluaticum, Nobilem Italum, sanctę
„ coniunctioni, & fœderationi Catholicorum spatio vnus
„ anni, quo apud nos fuit, egregiam, & præstantem operam nauasse,
„ quęcumq; occasiones oblatæ fuerint: vtq. id omnibus
„ patere possit, has litteras dedimus nostro sigillo munitas.
„ Augustę Vessonum die, 24. Aprilis, 1590.
„ Serenissimo Venetiarum Principi Alexander Farnesius S.D.
„ Serenissime Princeps, Cum Petrus Syluaticus necesse nunc
„ habeat se in Italiam conferre ad absoluendam vulneris curationem
„ facti pila minoris tormenti militaris à perduellibus, superioribus
„ proximis mensibus, occasione honestissima feruiendi Regię
„ Maiestati, quo quidem eius brachium est valde impeditum: non
„ solum ei potestatem concessi veniendi: sed etiam, vt meo satisfaciam
„ officio, & documento, quod ipse hoc, alijsq. temporibus
„ dedit præstantiæ suæ, non potui non ei has litteras dare ad
„ vestram Serenitatem; non equidem, vt cum benignitati vestrę
„ commendem, plusquàm efficere debeat cognitio, quam ipsa habet
„ parentis, illiusq. familię vniuersę: sed vt eam certio-
„ rem faciam, quodcumq. beneficiū, & signum honoris ipse
„ acceperit à vestra Serenitate, optime collocatum iri; mihiq. ita
„ gratum fore, vt ei plurimū debeā. Vale. Brixelli. die, xxvi,
„ Septembris 1591.

Has litteras commemorauit Senatus in decreto, quod Petrus Syluaticum ad rem militarem pro Rep. designauit, constituto ei præmio quadringentorum ducatorum, die, 19. Februarii, 1592. post quod decretum idem Præfectus est præsidio Marani sub nomine Gubernatoris, die, 8. octobris, 1593. & ad eum, tamquàm rei militaris peritissimum, quamuis adulescentem, hæ litteræ sunt perscriptæ;

- „ Moderatores Militiæ Clarissimo viro, Sebastiano Lando,
„ Præsidi Marani, S. D.
„ Cum valde cupiamus propter onus nobis impositum moderandi militiam vniuersam habere claram, distinctamq. notitiam eorum, qui in schedula hic inclusa notati sunt, Præfecto-
rum

rum à Gubernatore Syluatico : voluimus has litteras ad tuam dare Amplitudinem, vt nostro ipsorum nomine ipsi Gubernatori desiderium nostrum aperias, Videlicet cognoscendi ex eius litteris iureiurando confirmatis, quales omnino illi Præfecti sint, quàm honeste seruiant, an milites habeant bene compositos, an vnumquam militauerint, an bonum ab eis opus expectari possit. quod nobis significari volumus, quàm fieri possit, occultissime. Amplitudo tua curet, vt quàmprimum de his ipsis rebus certiores efficiamur. Vale. Venetijs. die. iv. Februarij. 1594.

Hæc ad iuuenem ; qui profecto, si diutius vixisset, omnem suum peraturus esse in re militari laudis excellentiam videbatur : sed vix annos natus quattuor, & viginti mortuus est ; si modo mortui dicendi sunt, qui pro Rep. extincti perpetua gloria, & laude lucere existimantur. Præclare enim scriptum est, Qui pro Rep. vitam reddiderunt, nunquam eos existimandos mortem potius, quàm immortalitatem assecutos. & , Iis, qui ob Rempublicam mortem obierunt , merito pro breui vita diuturnam memoriam reddi solitam. & Eos, qui pro Rep. ceciderunt , in perpetuum per gloriam intelligi viuere. Sic Petrus Syluaticus post militiam anno ætatis suæ vndeicesimo pro Christi fide susceptam, & fortem operam per totum quadriennium nauatam, ac vulnera excepta, dum Marani præsidium gubernaret, acerba morte præreptus ; immortalitatem potius, quàm mortem, & pro breui vita diuturnam memoriam fuisse assecutus , atq. in perpetuum per gloriam viuere putandus est. Io. vero Baptista, vir non minori probitate, ac morum cando re, quàm doctrina præditus, & philosophiæ quoque, cui ante studium legum assiduam operam dedit, bonarumq. litterarum cognitione ornatus, ad Feuda explicanda in hoc Gymnasio adhibitus est; præclareq. insistit vestigiis parentis sui fixis ad memoriam hominum sempiternam vna cum Benedicto, fratre, qui & ipse philosophiæ Doctor declaratus, & magnū curriculum, atq. progressum faciens ad excellentiam Medicinæ, se nequaquam degeneraturum esse à præstantia maiorum suorum profitetur.

An. autem 1582. idem Bartholomæus Syluaticus Consul Reip. vna cum Erasmo Gratiano ad Aulam Cæsaream se

De Gymn. Pat.

conulit, dati enim fuerant comites amplissimis legatis Ioanni Michaeli, & Ioanni Gritto, primariis Senatoribus, ut cum de finibus Fori Iulij inter Domum Austriacam, & Remp. Venetam essent controuersia, Rudolphusq. II. Imperator suam ipsius operam Senatu Veneto detulisset ad tales controuersias amice sedandas, ipsis legatis adessent in consilio; ex quibus Gratianus quidem ob publica negotia Venetias missus amplius non rediit: Syluaticus vero vsq. ad illius negotii finem in Germania permansit, egregieq; se gessit; à quo finium negotio per annos duos, mensesq. quattuor pertractato posteaquam reditum est, Senatus, ut gratum animum ostenderet in consultores suos, Syluaticum, & Gratianum, ex publico decreto eos Equites declarauit, aureoq; torque donauit æstimationis trecentorum aureorum cum Insigni S. Marci, in quohæc verba leguntur; **SENATVS DECRETO FIDEI, VIRTUTISQ. TESTIMONIUM.**

Idem Syluaticus an. 1596. cum Franciscus Mantica Vinetis Romæ pro Rep. Veneta Rotæ Auditor ad Cardinalatum euectus esset, pro eius successione ad munus Auditoris Summo Pontifici à Senatu propositus est cum Camillo Peregrino Veronensi, M. Antonio Martinengo Brixiano, & Veneto, Laurentio Preciato Bergomate, ac Veneto, & quidem propositus primus, licet ei non modo alienior ab huiusmodi dignitate animus, sed etiam filiorum numerus dicatur maxime obstitisse, quominus ipse eligere iur. Hac de re Ioannes Delphinus, ordinarius apud Pontificem Max. Venetus Legatus ad ipsum Syluaticum has litteras dedit.

- „ Quod te nominatum viderim inter quattuor ab excellentis-
„ simo Senatu propositos pro successione Auditoris Rotæ, non
„ modo mihi iucundum fuit, verum etiam præstantissimæ vir-
„ tuti tuæ debitum, maximisq. promeritis tuis congruens.
„ Quamobrem tum ut officio meo satisfacerem, tum propter
„ publicam rationem, tum propter meam in te beneuolentiā
„ nulla alia te excitatus, nisi mea ipsius conscientia, singulariq.
„ de te opinione, superiori proxima hebdomade satis longum,
„ & honoratum cum Summo Pontifice de te, ac uirtutibus tuis
„ sermonem habui; de quo dies ab hinc octo quid publice per-
„ scripserim, facile intelligere potuisti. Nunc vero reliquum
„ est,

est, ut tibi aperiam, eius sanctitatem ita se ostendisse scientē
ornamentorum tuorum, ut, si liberorum multitudinem non
habuisses, sine dubio ceteris omnibus præferendus esse videris,
nulla habita ratione trium, & sexaginta annorum; quod
tamen plurimum interesse eius Beatitudo arbitratur. propterea
superioribus proximis diebus reuerendum virum, Camillum Peregrinum Veronensem, iam diu vnum de illis, qui
referendis negotiis sunt constituti, delegit. De quo te volui
certiorem facere, simulque id tibi affirmare, quod est verissimum,
hanc nominationem, quam secutam esse sine vlla tua ambitione,
immo vero etiam sine assensu tuo omnibus patefeci, auxisse hic maxime hominum de te estimationem, usque
adeo, ut debeamus omnes contenti esse, gratiasque præpotenti
Deo agere, quod per reliquum tempus vitæ tuæ perfrui patriæ
quiete, atque tranquillitate queas, fortasse commodius, &
lætius, quam hic faceres. Id quod Diuina Maiestas tibi diutius
concedat, eaque cum felicitate, quam optas. Interim tibi
affirmo, quæ cumque occasiones mihi oblata fuerint, me esse
æturum profecto, ut meam optimam, sinceramque voluntatem
re ipsa cognoscas. Vale. Roma. XIII. Kal. Augusti. 1596.

Missus est Syluaticus an. 1597. Comes Aloysii Mocenici, cognomento Philosophi, Senatoris sapientissimi, atque eloquentissimi ad fines regendos inter Remp. Venetam, & Alphonsum II. Ferrariæ Ducem: eique etiam collega datus est in ipsa negotii pertractatione. M. Antonius Peregrinus Patavinus, auctor præclarissimorum operum de Iure Feudi, & de Fideicommissis, vir doctissimus, & disertissimus, & in Patauino foro princeps, qui & ipse Consultor Reip. quamuis non petens, electus est. Quod finium negotium extincto ipso Alphonso II. confici non potuit. Scripsit Syluaticus multa consilia de rebus grauib, præcipue vero in causis sibi commissis ad referendum in Iurisconsultorum Collegio Patauino, ubi referendum ei deferri plerumque consuevit. Commentarios composuit in eas partes Iuris tum Ciuilis, tum Pontificij, quas publice explicandas suscepit; qui quidem si edentur, non est dubium, quin plurimum luminis Iuris studio, & adiumenti legum studiosis importaturi sint. Inter ceteros autem Commentarium confecit, quem mecum pro singulari eius in me benevolentia

De Gymn. Pat.

uolentia communicatum vtilissimum, & omnis doctrinæ plenum iudicaui, de Iurisdictione seculari in personas, & res Ecclesiasticas, vel mistas.

*Principi in Ecclesiam qua iurisdictio detur,
Hoc libro monstrat præclare Bartholomæus
Sylvanus Doctor, quo non civilior alter
Moribus, & generoso animo, non doctior alter:
Quo merito vrbs Patauina suo letatur alumno,
Legum Explanatore, à Consilijsq. Senatus,
Magno Equite, ac generis Sylvani lumine claro.*

De Ioanne Leonissa. Cap. XV.

1571 **I**Oannes Leonissa Patauinus Artem Tabellionum cœpit interpretari, vir doctus, & diligens; cuius de maioribus vnus fuit Iacobus Leonissa ille, quæ à Bernardino Scardeonio memoriæ proditum est docuisse & ipsum multos annos in hoc Gymnasio Lus Pontificium: factum Canonicum Ecclesiæ Cathedralis in Romana Curia aliquandiu floruisse, & à Pio II. Pontifice Max. vniuersæ Flaminie Legatum à latere an. 1460. constitutum esse: posteaq. ad Romanorum Regem Nuncium, & Exactorem Apostolicum creatum in vtroq. munere sapientissime se gessisse: denique in patriam reuersum in sacrarum litterarum studium incumbentem, officiaq. Ecclesiastica exercentem, senectutem egisse tranquillissimam: scripsisse in studio legum præclara multa, in primisq. Consilia, quæ apud Petrum Leonissæ pronepotem suum, I. C. doctissimum reperiebantur: mortem obiisse an. 1474.

De Nicolao Bottono. Cap. XVI.

ORiginem traxit Nicolaus Bottonus Patauinus à Bottonis illis, qui antiquitus duo tenuisse oppida in agro Parmensi dicuntur. Cum autem Obelerius Obelezerius Lothario Caroli Magni Imperatoris filio in Italiam venienti Venetias prodere tentasset, illo à populo interfecto, Gentilis Bottonus pacis auctor fuit inter Lotharium, & Venetos componendæ, an. 884. Gregorio II. Pontifice Maximo sedente. Bernardus vero Bottonus circiter an. 1240. glossemata in Decretales Gregorij IX. edidit, dum eas Bononiæ interpretaretur

tus

tur; ubi præter Iuris Pontificij interpretationem primum Canonici est creatus; deinde Sacri Palatii Quæstor declaratus, quem tunc summi Pontificis Auditorē vocabant, & in cuius locum, postea duodecim Rotæ Auditores successerunt: denique Academiæ Bononiensis Cancellarius factus, id est, ut qui dam interpretantur, Iudex constitutus, & vita ibidem cum morte commutata, magno cum honore in maiori templo huiusmodi. Horum posterius rerum suarum domicilium Patavium transtulerunt, & in hac civitate inter ceteros claruit alter Bernardus Bottonus copiis militum Reip. Venetæ Præfectus, qui ad pacem cum Imperatore, atq. Archiducibus Austriæ faciendam missus fines etiam inter eos, & Remp. Venetam posuit: similiter vero etiam cum Albertino fratre, Philosopho, & Medico, de quo agetur infra suo loco, ipse Nicolaus, qui cum optime vestigijs insisteret signatis ad gloriam sempiternam superius nominati Bernardi Bottoni, primi, ut appellant, Decretalium Glossatoris, an. 1564. ad interpretandum textum, glossam, & Bartholum mane in primo loco electus est: seq. ostendit Iuris peritissimum, atq. in tractandis legum quæstionibus acutissimum: Quamobrem an. 1574. Iuris Canonici uespertini in secundo loco, quem Guarinus Piso Soacia tenuerat, interpres factus est: proximoq. sequenti anno, IIII. Kal. Maij è vita excessit, atq. admirabile sui desiderium reliquit, cum utilissimus Gymnasio existimaretur; cui quidem mortuo id honoris est habitum, ut Moderatorum mandato reliqui temporis præmium usq. ad annum completum eius filijs, & heredibus fuerit persolutum.

De Pau. Antonio Godio. Cap. XVII.

Cum alijs multis rebus alias multas Italiæ vrbes Vicetia vocat, iucundissimi celi clementia, fertilissimæ terræ halitu, placidissimorum fluminum afflatu, pulcherrimorum collium amœnitatem, amœnissimorum agrorum ubertate, plurimorum fructuum varietate, frumenti copia, leguminum abundantia, vini præstantia, magnitudine passionis, multitudine earum rerum, quæ exportantur, uniuersa re cibaria, & felici prorsus, ac plane diuino genio suo per quam omnibus excolendo: tum in primis vicit virorum generosissimorum excellentia, omni genere

De Gymn. Pat. I

nere laudis ornatissimorum, & non solum armis, verum etiā litteris præstantissimorum; quos omnes si recensere vellem; præter quā quoddam difficulter orationis exitum inuenirē, non parum viderer à proposito aberrare. Quamobrem id tantū dicam, quod ad rem præsentē attinet, multos doctissimos, & disertissimos Vicetinos in hoc Gymn. illuxisse, atq. inter ceteros non parū floruisse Pau. Ant. Godium, Iuris doctissimum, & ad omnem de iure quæstionem declarandam aptissimū, qui an. 1571. collega erat Nicolai Bottoni in secundo loco ad textum, glossam, & Bartholum interpretandum, atq. in comunere obeundo valde excellebat, etiam si proximo sequenti anno eam interpretationem dimiserit.

De Terentio Terentiano. Cap. XVIII.

Terentius Patauinus ex Terentia familia ortus, Alexandri Terentii frater, Iuris peritissimi, & in Ecclesia Cathedrali Canonici religiosissimi, atq. nonnumquam in Episcopatu Vicarii Generalis meritissimi, vir ad cathedram natus, ac ad docendum ita accommodatus, ut iuris studiosi, cum eum audirent, melius non quærent; primum electus est ad Sextum volumen iuris Canonici explicandum: deinde an. 1570. adhibitus ad textum, glossam, & Bartholum vesperi in primo loco explanandum: & an. 1577. ad Ius Pontificium traductus, & positus in loco Michaelis Quarantostii, cui pro Iure Canonico munus explicandi Ius Feudorum delatum est, factusq. collega celeberrimi I. C. Bartholomei Syluatici. Quam interpretationem an. 1590. cum egregie obiret, vitam cum morte commutauit, maximumq. legum studiosis sui desiderium reliquit propter præstantiam ingenii, ac doctrinæ suæ in hoc Gymnasio fructuosissimam. Scripsit commentarios in Institutiones Iustiniani: in omnes eas partes Iuris Civilis, quæ solent publice explicari; itidemq. in partes Iuris Canonici: & consilia prudentissima; quæ quidem si edentur, non poterunt legum studio non maximum importare adiumentum. suscepit filios generosissimos, Ioannem, & Alexandrum, ex quibus ille disputatis publice Iuris Pontificii, ac Cæsarei quæstionibus, & vtriusq. iuris Doctor factus, ac datis magnæ præstantiæ documentis, se similem fore patri in legitime scientiæ

scientię exercitatione ostendit: hīc vero se dedit rei familiari administrandę propter probitatem suam, & ingenuum animum, atq; propensionem ad bene de omnibus merendum omnibus charus, atq. iucundus.

De Philippo Octauiano. Cap. XIX.

Philippus Octauianus Montanianensis factus est Institutio-
num Interpres an. 1553. collega Guidi Panciroli: inde an.
1561. adhibitus ad Ius Canonicum mane interpretandum lo-
co Philippi Porcii Romam tunc profecti: denique an. 1567.
ad Institutiones reuocatus in locum Francisci Mantice Vti-
nensis, qui in secundo loco Iuris ciuilis vespertini positus fue-
rat. Idcirco autem est reuocatus, quia in ea explicatione mi-
rabiliter excellebat, omnemq; superabat laudis excellentiā,
dum ad ipsarum Institutionum interpretationem altiores
omnes de iure quęstiones tam facile adhiberet, vr studiosi iu-
uenes maximum fructum eo audiendo, ac prope incredibilē
utilitatem reportarent, cum maxima delectatione coniunctā:
erat enim facetus, quā̃ qui maxime. Diē suū obiit. an. 1588.

De Sebastiano Monticulo. Cap. XX.

Sebastianus Monticulus Vicetinus semper studiosissimus
fuit, ac propter assiduum studium, magnamq; ingenii per-
spicacitatem ad quamlibet de iure quęstionem decidendā
maxime idoneus, electus primum ad interpretandum textū,
glossam, & Bartholum horis matutinis an. 1562: postea ad ex-
plicandas Institutiones Iustiniani an. 1565: inde traductus ad
Ius Canonicum vespertinum an. 1576. in locum Ottonelli Di-
scalciij, qui Donato Finę successerat ad criminalia explanan-
da: denique ā secundo loco Iuris Pontificij vespertini ad pri-
mum, quem tenuerat Gaspar Fabianus, an. 1582. translatus.
Exstat eius Commentarius in tres titulos Institutionum de
rerum diuisione: de rebus corporalibus, & incorporalibus:
de actionibus; ac Tractatus de inuentario heredis, cum glos-
semate ad legem vltimam capite Codicis de iure delibera-
di: & cum altero glossemate ad Authenticum de heredibus,
& Falcidia: & cum Antiphanutio, hoc est, defensione eiuf-
dem aduersus Phanutium.

De Gymn. Pat.

De Laurentio Castellano . Cap. XXI.

LAurentius Castellanus Patauinus habitus est perspicacissimus, & diligentissimus legum contemplator, atq. ad iuuenum studia summopere adiuuanda maxime aptus, & natus; ad locum tertium Patauinorum electus an. 1566. & ad secundum locum traductus an. 1584. atque ad eam partem iuris, quæ crimina dicitur pertractare, adhibitus an. 1589. in locum Ottonelli Descalcij. Eius edita est clara, & subtilis interpretatio in Rubricam, & Principium Institutionum de testamentis ordinandis: ac solennis explicatio quæstionū, quæ à Doctoribus disputantur.

De Francisco Branca . Cap. XXII.

FRanciscus Branca Patauinus an. 1571. sextum volumen Iuris Pontificij publice tractabat; adhibitus postea ad interpretandum textum, glossam, & Bartholum in locum Nicolai Bottoni an. 1574. & ad explicandas Iustiniani Institutiones in primo loco post mortē Philippi Octauiani an. 1588.

De Bartholomæo Sforcia . Cap. XXIII.

Bartholomæus Sforcia Pataninus augebat numerum præstantium Iurisconsultorum in Patauino Gymnasio docentium, dum an. 1571. Ius ciuile meridianum magna sua cum laude, & non parua Iuris studiosorum cum utilitate publice explicabat, clarumq. specimen dabat ingenij, atq. industriæ singularis.

De Bonauentura Manento . Cap. XXIV.

Bonauentura Manentus Theologiam ex doctrina Scoti interpretatus est ab an. 1566. vsque ad an. 1587. id est, per annos vnum, & viginti. Ortus est in nobili oppido Gabiano, quod in agro floret Brixiano, ex familia Manenta, ex qua præstantissimi viri prodierunt, atq. inter ceteros clarissimi Iurisconsulti Antonius pater, & Franciscus filius, nobiles Brixiani, nunc vocati Gabiani, & Io. Dominicus, egregius Philosophus, ac Medicus præstantissimus, Marcusq. Antonius eiusdem ordinis, cuius est & ipse Bonauentura, Minoris Franciscani, Theo-

Theologus præclarus, & concionator disertissimus. Cumq. eas artes, quæ ad Humanitatem pertinent, studiosissime persecutus esset, Musicæq. simul operam dedisset; ad maiora studia, ad quæ erat maxime aptus, & natus, animum appulit; primumq. Brixie studere cœpit philosophiæ, ac Theologiæ, audiuitq. per aliquot annos Antonium Sapientium Augustanum, tunc in conuentu Brixiano Regentem, qui postea summus extitit Franciscanæ Religionis Magister: deinde Patavij auditor fuit assiduus eloquentissimi Philosophi M. Antonij Genuæ; subtilissimi Metaphysici Iacobi Bargij; acutissimi Philosophi, ac Theologi, Hieronymi Girelli; tantumq. profecit, vt magno suo cum honore publicas disputationes habuerit, tum Veronæ, tum alibi, in Comitijis Generalibus Fræciscanorum; Doctorisq. insignia honestissime est consecutus; factusq. Regens in eo ipso Conuentu, vbi eius studia initium habuerant. Fuit postea Regens in Conuentu Vtinenſi, tunc cum sancta Sedes Apostolica eum Quæsitorem delegit hæreticæ prauitatis in Patriarchatu Aquileienſi. Inde rexit studia in conuentu Patauino an. 1565. simulq. à Senatu Veneto ad Theologiam ex doctrina Scoti explicandam electus est: quo quidem tempore cum congressiones fierent, & circuli disputantium Doctorum, dici non potest, quàm ipse in illis congressionibus, & circulis mirabiliter excelleret, quem adspiciabant, cuiusq. ob os omnes studiosi ora obuertebant sua. atq. huiusmodi certamina cum magna vniuersi Gymnasij admiratione per quindecim annos exercuit: eodemq. temporis spatio per tres annos Di. Antonij prouinciam summa sua cū laude, ac omnium approbatione administrait. Denique à Cardinali Turriano, Episcopo Cenetensi, accitus, & à sancta Sede Apostolica Quæſitor summus hæreticæ prauitatis in ead. dioccesi vniuersa declaratus, publicum docendi munus dimisit, & difficulter quidem, ac non sine molestia Moderatorum Gymnasij, sed merito, & tamquàm miles emeritus potestatem impetrauit cessandi à publicis explicationibus, seq. recipiendi in oppidum Serauallium, vbi adhuc Deo, & Sanctæ Ecclesiæ Catholicæ, atq. Apostolicæ Romanæ quàm honestissime seruit.

De Gymn. Pat.

De Hieronymo Quaino . Cap. XXV.

Hieronymus Quainus Seruita Patauinus an. 1571. ad sacram Scripturam interpretandam electus fuit; qui, cum ostendisset se in concionando plurimum valere, post duos grauissimos, sapientissimosq. Sacræ Scripturæ Interpretes, Adrianum Venetum, factum postea Iustinopolitanæ Ecclesiæ Episcopum, & Hieronymum Gulielmum, Episcopum Argolicensem, dum publico interpretandi munere fungere tur, incertum reddebat, quid nam in ipso plus posset, sacram ne litterarum doctrina, an eloquentia. Gratulatus fuerat superiori proximo anno Nicolai Ormaneti, Episcopi Patauini aduentum pro Theologorum Collegio elegantissima, quæ exstat oratione. Alteram habuit in Gymnasio Patauino, cum Actus Apostolorum in ipso principio professionis suæ inciperet explicare, quæ itidem oratio in manibus studiosorum versatur. Diem suum obiit an 1582.

De Thoma Peregrino . Cap. XXVI.

Thomas Peregrinus Venetus ordinis Prædicatorum ad explicanda ex doctrina Di. Thomæ ea, quæ Metaphysica dicuntur, an. 1560. Io. Matthæo Valdina Siculo successit; tantumq. in eo munere obeundo profecit, ac tantam sibi auctoritatem summa sapientia sua comparauit, vt, tamquam Pythagoras alter obseruaretur, atq. suspiceretur, &, quidquid de doctrina Aristotelis, & de eorum, quæ ab Aristotele tradita sunt, intelligentia ipse statuisset, ab eo recedere prope nefas esset, primariiq. Philosophi eum consulere, tãquam quoddam Philosophiæ oraculum, non erubescerent. Vitam cum morte commutauit an. 1582.

De Martiali Peregrino . Cap. XXVII.

Martialis Peregrinus Calaber ordinis Minorum Franciscanorum ad explananda ex doctrina Scotie eadem Metaphysica an. 1565. adhibitus est, vir omnium confessione doctissimus, & in disputando acutissimus, successor Antonij Garinianensis, qui Iacobino Bargo successerat. Obijt an. 1575.

De

De Bernardino Paterno. Cap. XXVIII.

Bernardinus Paternus Saloensis parentem habuit Medicū clarissimum; cumq. in Philosophiæ, & Medicinæ studiis admirabilem cursum, ac prope Incredibilem progressionem fecisset ad excellētiā, oblata occasione Iacobino Bargo præceptorī suo, qui Metaphysica explicabat, propter negotia quædam Franciscanæ religionis Romam proficiscendi, ab eo delectus est (quod per Gymnasii leges licebat) qui eius ipsius munus in florentissima obiret Academia, adhuc adolescens, annos natus nouem decim; eaq. documenta dedit ingenii, atq. doctrinæ suæ, vt omnes eum admirarentur, & cōlerent. Veneriis, Patauī, Veronæ publicas disputationes cū maxima omnium, qui affuerunt, admiratione, summaq. sua cum laude habuit. In Veneto Philosophorum, ac Medicorū Collegio incredibili omnium applausu an. 1536. ætatis suæ, 27. Philosophiæ ac Medicinæ Doctor declaratus est. Conductus fuit in tria celeberrima Gymnasia ad Medicinam Theoricam ordinariam explanandam, Ticinense, Pisanum, Montis Regalis: dumq; Ticini publice doceret, propter maximas, clarissimasq. uirtutes suas, & ingenii, ac doctrinæ præstantiā, Francisco Venerio, egregio philosopho, Veronæ Prætorē maximopere fauente, dignus visus est, qui iure Veronensis ciuitatis cum familia sua vniuersa donaretur. Floruit Romæ apud Martinum Grimanum Cardinalem, qui eum propter famæ celebritatem ad se vocauerat, & in domum suam insigni cum honore receperat. Cum in Gymnasio Patauino secundum Medicinæ Theoricæ extraordinariæ locum an. 1536. obtinuisset, proximo sequenti anno ab eo munere cessauit. Sed postea Basiliano Lando Placentino an. 1563. successit ad Medicinam Theoricam ordinariam explicandam, In tali professione ex Galeni doctrina ita excellens, vt Galeni anima nuncuparetur, & ne Galenus quidem ipse, si reuiuisceret, posse melius mentem suam exprimere existimaretur, incredibiliter ab aliis principibus expetitus, atq. inter ceteros à Stephano Bathoreo, Poloniæ Rege, qui eū amplissimo proposito præmio in uirauit. Ex hac vita excessit an. 1592. Eius editus est *Tractatus de humorum purgatione in morborum iniuriis tentanda:*

De Gymn. Pat.

da : & tractatus probans coenam vberiore prandio esse debere: & post obitum explanationes in primam partem primi Canonis Auicennæ.

De Paulo Crasso. Cap. XXIX.

PAullus Crassus Patauinus an. 1559. cœpit cum Bassiano Lando Placentino ad studioforum vtilitatē concurrere in declaranda Medicina Theorica ordinaria: & post mortem Bassiani fuit collega Bernardini Paterni in secūda cathedra; vir non solum Medicæ scientiæ, sed etiam eloquentiæ laude clarissimus, optimisq. litteris tum Græcis, tum Latinis ornatissimus. Edidit Anatomen, seu de humani corporis Fabrica Theophili Protospatharii, quam de Græco in Latinum sermonem conuertit: & præclarum opus Arethæi, Græci Medici præcellentissimi: & Rufi Ephesii opuscula: & Galeni complures libros à se latine conuersos. Scripsit idem Crassus de balneis agri Patauini: & Annotationes in Theophrasti libros de plantis. Ex hac vita excessit an. 1574.

De Hieronymo Mercuriali. Cap. XXX.

Hieronymus Mercurialis Foroliuiensis, vt in Medica facultate excelleret, non contentus iis, quæ tum vetustiores, tum recentiores Medici tradiderunt, philosophiam studiosissime persecutus est: antiquitatem scientiæ, & memoria comprehendit: litterarum Græcarum, & Latinarum rationem percepit. Summa ei fuit amicitia necessitudo cum Alexandro Farnesio, Cardinali amplissimo, apud quem ipse Romæ diu vixit, & magno in honore fuit, quousque Senatus Veneti decreto an. 1569. munus ei delatū est, vt in Academia Patauina principem interpretandi Medicinæ Practicæ locum obtineret, quæ ante Antonius Fracantianus Vicetinus cum maxima sua laude tenuerat, extinctus an. 1567. Dignus visus est Mercurialis, qui an. 1583. à Maximiliano II. Imperatore ad ipsum curandum propter famæ celebritatem accerferetur, litteris datis ea de re ad Nicolaum Pontium Venetorum Principem, vt ei potestatem concederet ad ipsum Imperatorem eūdi, quemadmodum maxime cupiebat; quod iter impetrata licētia ipse fecit quàm felicissime, Imperatoriq. mirabiliter
satis-

satisfecit; à quo non modo magnis laudibus, verum etiam multis muneribus est exornatus, scilicet trecentis scutatis, torque alteros trecentos valente, duobus magni precii equis, satisfactioneq. pro impensis itineris; Comitibusq. atq. Equitis dignitate honoratus. Eius comites in eo itinere fuerunt Hercules Saxonia Patavinus, & Antonius Tertius Vicetinus, donati & ipsi aureo numismate, ac mirifice honorati. Discessit ex hoc Gymnasio Mercurialis an. 1587. in Gymnasium accitus Bononiense, constituto ei præmio mille ducentorum scutatorum, mutuoq. datis duobus millibus in eius postea præmio compensandis. Exstant huius celeberrimi Medici multa, eademq. præclara opera;

Variarum lectionum libri quattuor, in quibus complurium, maxime vero Medicinæ scriptorum infinita prope loca uel corrupta restituuntur, vel obscura declarantur, cum Alexandri Tralliani Epistola de Lumbricis eiusdem opera Græce, & Latine edita.

Variarum lectionum libri duo quattuor prioribus additi.

Variarum lectionum in Medicinæ scriptoribus, aliisque libri sex priores recogniti, & aucti.

De arte Gymnastica libri sex.

De morbis cutaneis, & omnibus corporis humani excrementis Tractatus ex ore Mercurialis excepti, & in quinque libros digesti, opera Pauli Aicardi; quibus accessit pulcherrimus Tractatus de decoratione.

Explicationes de pestilentia, in quibus de peste in vniuersum, præsertim vero de Veneta, & Patavina singulari quadam eruditione disputatur, à Hieronymo Zacho exceptæ, & in capita diuise.

De Morbis Puerorum, item de venenis, & morbis venenosis Tractatus locupletissimi varia doctrina referti, non solum Medicis verum etiam philosophis maxime utiles, ex ore eius diligenter excepti, atq. in tres libros digesti opera Alberti Schelgii Vbaschauensis.

Censura, & dispositio operum Hippocratis edita locupletior, & emendatior.

Hippocratis opera omnia Græce, & Latine edita, ac Scholiis illustrata ab eodem.

Galenus

De Gymn. Pat.

Galenī opera latine conuersa ab eodem emendata.

Responſorum, & conſultationum Medicinalium Tomus primus à Michaele Columbo collectus.

Responſorum, & Conſultationum Medicinalium Tomus ſecundus. Tractatus de compoſitione medicamentorum tres libros complectēs. Item de morbis oculorum, & aurium, ipſo explicante Patauī diligenter excepti, & à Michaele Columbo editi.

Liber de morbis muliebribus.

Prælectiones Piſanæ.

De Hieronymo Capiuacceo. Cap. XXXI.

Hieronymus Capiuacceus Patauinus an. 1552. electus fuit ad Medicinam Practicam extraordinariam explicandam in tertio loco; idq. munus obiuit vsque ad an. 1561. cum ad Medicinam Theoricam extraordinariam in secundum locum traductus est. An. autem 1564. Antonii Fracantiani collega factus est ad Medicinam Practicam ordinariam interpretandam, & post mortuum Fracantianum Hieronymi Mercurialis primum in secundo loco, postea in æqualitate primi loci. Cum autem ex veteri instituto inter professores collegas congressiones, & disputationes fierent uehementes, & fructuosæ ad rerum veritatem perſcrutandam, ipse per litteras Ducales diei xi. Octobris, An. 1575. id honoris est consecutus, vt tamquàm miles emeritus in militia litteraria à talib. congressionib. & disputationibus circulariq. contentioſis immunis eſſet. An. 1587. à Magno Etruræ Duce, Franciſco Mediceo est per litteras inuitatus ad principem in Gymnāſio Piſano locum Medicinæ Practicæ interpretandæ maximo propoſito præmio, ſcilicet mille, & quingentorum ſcutatorum in ſingulos annos, quingentorumq. præ impenſis itineris, atq. tranſuectionis, & duorum milliū mutuo dandorum, atq. in ipſius poſtea præmio compenſandorum. Quibus tamen per amplis conditionibus ipſe prætulit commoditatem, ac dignitatē Gymnaſii Patauini; maluitq. in hac vrbe patria ſua longe minori præmio perſoui, videlicet octingentorum, & triginta ſlorenorum, quàm illuc ad tam amplum ſtipendium ſe conſerre. Mortuus est an. 1589. vir ſola quidē

Medica

Medica laude inter litteratos, sed summa ornatus, ppter eaq. ad plurimas curationes adhibitus, & maximo auditorum cōcursu honoratus, ingentesq. diuitias consecutus, vt vel anslus sit montes muris sepire, nedum magnificentissimas ædes fabricare. Eius edita sunt opera hæc; Medicina Practica, seu Methodus cognoscendorum, & curandorum omnium corporis humani affectuum in septem libros distributa: Tractatus de vrinis: Libellus de ratione componendi medicamenta: Explicationes triginta quattuor de methodo medendi: Liber de methodo Anatomica: Liber de differentijs doctrinarum, seu de methodis.

De Francisco Piccolomineo. Cap. XXXII.

FRANCISCUS Piccolomineus Senensis ex illustrissima familia ortus, cum in Senensi Gymnasio Logicam tribus annis interpretatus esset; & in Maceratenſi Philosophiam ordinariam per annum docuiſſet; atq. in Perusiſino per decem annos idem munus obuiſſet: in magna celebritate famæ Patauium inuitatus eſt; primumq. fuit explicator Philoſophiæ extraordinariæ in primo loco, tenente ſecundum Archangelo Mercenario, electus anno 1560. cum ipſo Mercenario; qui duo Io. Gabrieli Alberto Pedemontano, & Io. Iacobo Calabro, alteri primum, alteri ſecundum locum obtinenti ſucceſſerūt, cum Auguſtinus Brugnara Patauinus tertium poſſideret: deinde vero Philoſophiæ ordinariæ in æqualitate loci cum Friderico Pendaſio Mantuano an. 1564. quorum vterq; M. Antonio Genuæ Patauino philoſophorum tunc coryphæo collega datus eſt, traduſto Abracio Apulo à ſecundo loco philoſophiæ ordinariæ ad primum extraordinariæ, cum ſecundum teneret Archangelus Mercenarius, & tertium Ludouicus Tomitanus Patauinus. An. autem 1571. Friderico Pendaſio in Gymnaſium Bononiēſe proſecto, erat ſine collega; vir multiplici rerum cognitione fulgens, non minus Platonicus, quā Ariſtoteliuſ; cuius exſtat vniuerſa Philoſophia de moribus in decem gradus redacta: & Commentarij in Philoſophiam naturalem Ariſtoteliſ: in libros de cœlo: de generatione: Meteorologicorum: de anima.

De Gymn. Pat.

De Bernardino Triuifano. Cap. XXXIII.

Bernardinus Triuifanus Patauinus annos natus vix octodecim an. 1544. nondum Doctoris insignia consecutus, qui in vrbe Salerno Logicam publice explicaret, dignus habitus est: postea vero Patauij Philosophiæ, ac Medicinæ Doctor summo collegij consensu cum an. 1547. declaratus fuisset, an. 1563. Simplicium medicamentorum Interpret factus est: inde Medicinæ Theoricæ extraordinariæ explicator electus; quem quidem locum duodecim annos cum magna nominis prædicatione obtinuit: postremo Medicinæ Theoricæ ordinariæ explanator declaratus an. 1578. collega Bernardini Paterni. Decessit an. 1583. mea funebri oratione exornatus.

De Albertino Bottono. Cap. xxxiv.

Albertinus Bottonus Patauinus, cum Logicam cœpisset explicare an. 1555. in tertio loco, successor Io. Antonij Experti Patauini, & Collega Bernardini Tomitani, ac Pet. Mariæ Arquani; idq. muneris per sex annos obiisset (ab eo enim munere cessauit an. 1561.) ad Medicinam Theoricam extraordinariam explanandā adhibitus est an. 1566. factusq. postea Interpret Medicinæ Practicæ extraordinariæ in primo loco an. 1576. & Medicinæ Theoricæ ordinariæ in secundo, an. 1583. quem propter famæ celebritatem Gymnasij Moderatores delegerunt, priusquàm ipse tale munus petierit, ita vt, cum iuit ad petendum, iam factam esse sui electionem intellexerit, & loco petendi gratias ipsis Moderatoribus egerit. Diem suum obiit an. 1596. cum Horatij Augenij collegæ sui consensu parilitas primi loci ei data fuisset. Eius exstāt de morbis muliebribus libri tres: de vita conseruanda opus: de ratione consultandi in re medica disputatio.

De Ludouico Agnellio. Cap. xxxv.

Ludouicus Agnellius Patauinus magnam spem sui concitauerat præclaris, quæ dederat, documentis ingenij, atq. doctrinæ suæ. Itaq; factus fuerat collega Bernardini Triuifani in tertio loco ad Medicinam Theoricam extraordinariam explanandam, successor Sebastiani Marcellani Patauini an.

1564. successit postea Hieronymo Nigro ad Medicinam Practicam extraordinariam declarandam an. 1574. Obijtq. an. 1575.

De Mariano Stephanello. Cap. xxxvi.

Marianus Stephanellus Patauinus ad Medicinam Practicam extraordinariam in primo loco interpretandam Aloysio Bellacato Brixiano successit an. 1564. Decessit an. 1575.

De Nicolao Curtio. Cap. xxxvij.

Nicolaus Curtius Brixianus, cum explicasset librum tertium Auicennę an. 1554. & Sophisticen an. 1555. & positus fuisset in secundo loco Medicinę Practicę extraordinarię, successor Andreę Appellati itidem Brixiani an. 1559. collega erat Mariani Stephanelli i æqualitate primi loci an. 1571 successitq. Paulo Crasso, Philosopho, & Medico celeberrimo ad Medicinam Theoricam ordinariam explicandam, collega Bernardini Paterni an. 1574. cumq. in patriam suam iuisset, vt Patauij pestilentiam fugeret, in Brixia pestem incurrit, eamq. vitare non potuit. an. 1576.

De Hieronymo Nigro. Cap. xxxviii.

Hieronymus Niger Patauinus electus est an. 1562. collega Mariani Stephanelli in tertio loco ad Medicinam Practicam extraordinariam explanandam, successorq. Hieronymi Capiuaccei, qui ad Medicinam Theoricam ordinariam traductus fuerat. an. autem 1574. cum adhuc floruiisset in publico docendi munere, ad plurimas ægrotorum curationes adhibitus id exsequi diutius non potuit.

De Hieronymo Fabricio. Cap. xxxix.

Hieronymus Fabricius ab Aquapendente electus est Chirurgię professor in locum Gabrielis Fallopij Mutinensis, an. 1565. tribus scilicet annis post eius mortem, de quo illud à quodam amico meo satis eleganter conscriptum exstat;

Martia Fabricio iactat se nomine Roma:

Pendula Fabricios tu quoque gignis Aqua.

Donatusq. fuit iure Patauinę ciuitatis. An. autem 1584. præter munus, quod adhuc ipse obiuerat, Chirurgię interpretan

De Gymn. Pat.

Atque, alterum munus à Senatu consecutus est Anatomes quot annis pertractandæ in hunc scilicet modum, vt per omnes hyemis menses ipsam Anatomem declararet, membra humani corporis incideret, dissectionem ostenderet, resq. omnes explicaret ad negotium Anatomicum pertinentes: post menses vero hyemis Chirurgiam doceret; quas explicationes Senatus voluit, & iussit esse ordinarias Medicinæ, omnibusq. ijs dignitatibus, & vtilitatibus ornauit, quæcumq. primis locis ordinarijs Medicinæ Theoricæ, & Practicæ in Gymnasio conceduntur; vt ob id necesse fuerit eum in collegium Philosophorum, & Medicorum recipere, & an. etiam 1597. in Rotata pagina professorum Gymnasii ante Philosophos ordinarios peruulgatus fuerit. Eius exstant quinque libri disputationum de Chirurgia ex eius ore exceptarum, & eo inscio editarum, quæ sunt imperfectæ, cum eis desint peculiaria humorum, vulnerum, vlcærum; & Chirurgiæ operationes; & Icones instrumentorum. Eiusdem propediem edentur opera quædam perquam vtilia, & grauiâ, Medicinæq. studiosis maxime expectanda, De visione, & oculis: De voce, & eius instrumento Larynge: De auditu, & meatu auditus. Præterea vero etiam Magnum opus Anatomicum, scilicet Totius animalis fabricæ Theatrum: Anatomica Methodus: De partibus similibus, & dissimilibus; Vtrum actiones sint partium similiarum, an organorum.

De Melchiore Guilandino. Cap. xl.

Melchior Guilandinus an. 1561. electus est Horti Medicinalis custos, ad ostendendas ibi herbas, earumq. nomina, & vires aperiendas. Cum autem in Rotata pagina professorum Gymnasii non commemoraretur, sed tantum fieret mentio eius, qui in scholis simplicia medicamenta explicaret; an. 1583. in ipsius gratiam mandatio Moderatorum Gymnasii statim post Chirurgum est nominatus ad hunc modum; Ad explicationem simplicium locus vacat in Gymnasio: sed excellens vir, Melchior Guilandinus, vt sui moris est, docebit in Horto Medicinali suo tempore, more solito. An. autem 1589. ex hac vita excessit: testamentoq. bona sua dedit partim Reip. Venetæ, partim Clarissimo viro, Benedicto Georgio,

Aloyſi

Aloyſii Marci Procuratoris filio; cui domui præ ceteris ſemper chariſſimus fuerat. Eius exſtat Papyrus, hoc eſt, Commẽtarius in tria C. Plinii maioris de papyro capita cum Hieronymi Mercurialis repugnantia, qua pro Galeno ſtrenue pugnatur, & ipſius Guilandini diſputatione pro ſententia à ſe pronunciata. Libri, qui erant in eius Bibliotheca, ſane multi, & exquiſiti, in Di. Marci Bibliotheca poſiti ſunt, & in armarijs eiſdem pecunia conſectis, ſiquidem cum libris mille ſcutatos Reip. reliquerat: cetera Benediſto Georgio. Fuit vir ſine dubio litteratiſſimus, qui inſtar Gorgiæ de qualibet re poſita cum ad alia omnia, tum ad ſtirpes, & herbas pẽrtinente doctiſſime, ac diſertiſſime diſputabat.

De Archangelo Mercenario. Cap. xli.

Archangelus Mercenarius à Monte Sancto munus docendi philoſophiam extraordinariam in ſecundo loco cœpit obire, cum Franciſcus Piccolomineus Senenſis primum teneret, an. 1560. poſtea primum locum adeptus collegam habuit in ſecundo Bernardinum Petrellam Burgopolitanũ an. 1567. deinde Comitem Iacobum Zabarellam, electũ an. 1568. cum Petrella ad Logicam fuit reuocatus. an. aut. 1577. ei datus eſt locus ſecundus Philoſophiæ ordinariæ. Deceſſit an. 1585. Eius exſtant in plurima Ariſtotelis perobſcura, & non nulla Auerrois loca Dilucidationes. Eiſdem obſcuriorum locorum, & quæſtionum Philoſophiæ naturalis Ariſtotelis, eiſq. Interpretum Dilucidationes; quibus acceſſerunt Diſputationes de putredine eiſdem Mercenarij, & Thomæ Eraſti aduerſariæ quattuor.

De Iacobo Zabarella. Cap. xlii.

Iacobus Zabarella Patauinus, cum originem traheret à Iacobo iiij. quem Maximilianus Imperator ſecerat Comitem cum filijs, & poſteris omnibus primogenitis, ita vt ob id etiã ipſe, tamquã primogenitus, Comes eſſet; poſteaquã in primo loco fuit Logicus, electus an. 1564. ſucceſſor Bernardini Tomitani patauini: factus eſt collega Archangeli Mercenarij Picentis ad declarandã Philoſophiam extraordinariam in ſecundo loco an. 1568. obtinuit vero æqualitatem primi lo

De Gymn. Pat.

cum eodem Archangelo Mercenario an. 1574. & post eum elatum ad secundum locum Philosophiæ ordinariæ, an. 1577. in prima Cathedra Philosophiæ extraordinariæ est collocatus: & post eiusdem mortem, an. 1585. in secundum locum successit Philosophiæ ordinariæ. obiitq. an. 1599. à me copiosa oratione in funere laudatus. Eius exstant Tabulæ Logicæ: Opera Logica: Commentarii in duos Aristotelis libros posteriores Analyticos: de ordine doctrinæ Apologia: de constitutione Naturalis scientiæ liber: Triginta libri in naturalē Philosophiam.

De Bernardino Petrella. Cap. III.

Bernardinus Petrella Burgopolitanus locum secundum Logicæ obtinuit, collega Comitit Jacobi Zabarellæ an. 1564 cum ambo Bernardino Tomitano, & Pet. Mariæ Arquano successissent: postea factus fuit collega Archangeli Mercenarii ad philosophiā extraordinariam interpretandam an. 1567. sed proximo sequenti anno ad Logicam, in qua mirandum in modum excellere videbatur, in primam Cathedram reuocatus est; cum alteram teneret Octavius Amaltheus Opiterginus, filius Hieronymi eius, qui an. 1531. ad primum locum libri tertii Auicennæ in eodem Gymnasio adhibitus est, collega Georgii Aurelii Liburnensis: & anno proximo sequenti ad explicationem Philosophiæ Moralis traductus. Editi sūt Petrellæ Logicarum disputationum libri septem: & in duos Aristotelis libros posteriorum Analyticorum Commentarii.

De Faustino Summo. Cap. XLIV.

Faustinus Summus, ciuis Patauinus, vir doctus, & magna probitate præditus, an. 1571. cessante Octauio Amaltheo Opitergino cœpit Logicam in secundo loco profiteri, oriundus per lineam fœmininam ab Vgoloto Blancardo, nobilissimo ciue Parmensi, viro tantæ auctoritatis, & estimationis apud Ioannem Galeacium Vicecomitem, Mediolani Ducē, vt an. 1399. pro eo factus sit summus Veronæ Præfectus. Cuius Præfecturæ tempore emit à nobili viro Mapheo Petronio Francisceni filio castellanum, seu Arcem Gallinellæ in agro Parmensi. atq. cum quattuor generosas suscepisset filias,

Cata-

Catarinam, Ioannam, Agnetem, Palmam, vt ceteras nobilissime collocauit: ita tertiam matrimonio dedit Ioanni Summo, cuius Cremonensi, eique nomine dotis inter alia constituit castellum, seu Arcem Gallinellæ. an. 1410. die 19. Iunii: qui præterea tenebat, tamquam patrimonium suum, castellum Plebis Altæ Villæ, concessum maioribus suis. an. 1331. à Ianne Rege Boemiæ, ac Polonia, comiteq. Lucēburgi, ac Domino Prusiæ: & castellum quoq. S. Danielis: & Villam Summi in agro Cremonensi. Cumq. ortum esset bellum inter Ducem Mediolani, & Venetam Remp. coniunctā cum Florentinis, Marchione Estensi, Io. Francisco Gonzaga, Amadeo Duce Sabaudia, Alphonso Aragonensi, & Senensibus, quod ab an. 1424. vsque ad an. 1428. perdurauit, facta pace per Cardinalem S. Crucis legatum Pontificis Max. & Nicolaum Estensem Marchionem: idem Ioannes Summus declaratus est Reip. Venetæ fidelis, & nobiliter subditus: renouatoq. eodem bello an. 1431. pro Venetis operam nauauit peregre regiam. cuius rei causa cum Vgoloto filio suo captus, ac Mediolanum perductus, non solum suis rebus omnibus, sed etiam vita ipsa priuatus est; eiusq. vxor Agnes cum quatuor filiis, Ioanne, Iacobo, Bosello, Gregorio, & Ioanna sorore, Venetias profecta, à Rep. Veneta in memoriam optime meriti viri, & filii sui, honeste remunerata, & an. 1462. die 16. Martii iussu Senatus à Patauii Præsidibus iure Patauina ciuitatis donata. Horum nobilissimorum parentum nepos fuit ex Gregorio filio Vgolotus: ex Vgoloto Pronepos Io. Antonius: ex Io. Antonio abnepos Faustinus, philosophiæ Doctor, & in Gymnasio Patauino Logicæ explicator.

De Petro Catena. Cap. XLV.

Petrus Catena Venetus electus est ad Mathematicas disciplinas declarandas in locum Fridrici Delphini Patauini an. 1547. & mortem obiit an. 1577.

De Ioanne Fasco. Cap. XLVI.

Notauimus superius Ioannem Fasco Patauinum tempore Lazari Bonamici Bassianensis cepisse vesperi Humanitatem publice docere: & primum latine conuertisse Simplicij

De Gymn. Pat.

cli commentarios, atq. cum eis edidisset tres epistolas mea
 quidem sententia cultissimas. Is post profectum Bononiam
 Carolum Sigonium an. 1563. & extinctum Patauii Franciscū
 Robortellum an. 1567. cum ipsi Robortello successisset, quā
 habuit primam solennis gratia prolusionis orationē, in eius
 primis verbis omnino defecit, vt sine recitatione ipsius ora-
 tionis de cathedra descendere necesse habuerit, praesentibus
 Praesidibus, Ioanne Mocenico Praetore, ac Marco Grimano
 Praefecto, atq; Rectore Vniuersitatis studiosorum Philoso-
 phiæ, ac Medicinæ Alberto Cymerlino Veronensi, magnoq.
 auditorum concursu, vt in huiusmodi principiis solet eueni-
 re. Vix enim ea verba proferre potuit, PLACVIT Serenissi-
 mo Venetiarum Principi, placuit excellentissimo Senatui,
 placuit Illustrissimis Gymnasii Moderatoribus; cum statim
 obmutuit; ita vt à iocosis iuuenibus in multis Scholarum lo-
 cis perscriptum sit, PER VERBUM PLACVIT FASEO
 LVS DISPLICVIT. Sed ipse postridie excusans, quantum
 potuit, reticentiam suam, pluribus verbis ostendit, non num-
 quam vel summis oratoribus non satis ex sententia euentū
 dicendi procedere: L. Crassum, virum eloquentissimum, sic
 initio cuiusdam accusationis exanimatum esse, vt Q. Maxi-
 mus consilium dimiserit, simul ac eum fractum, ac de-
 bilitatum metu vidit: Ciceroni pro familiari reo sum-
 mum oratorem non respondisse Hortensium: ab eodem
 Cicerone hominem audacissimum Catilinam in Senatu ac-
 cusatum obmutuisse: Ciceroni quoque priuata in causa
 magna, & graui cum coepisset Curio pater, vir disertissi-
 mus, respondere, eum subito assedisse, dicentem, sibi vene-
 nis ereptam memoriam esse: ipsum similiter Ciceronem in
 causa Miloniana illa tanta dicendi felicitate, quæ in eo maxi-
 me laudata est, destitutum fuisse: Demosthenem oratorum
 Principem in Senatu Athenarum verba facturum Phocionis
 viri grauisimi praesentia ita conturbatum esse, vt nihil dicere
 aliud potuerit, nisi Phocionem suorum verborum nouacu-
 lam esse: eundem Demosthenem apud Philippum Macedo-
 num Regem orationem habiturum sic expansisse, vt paucis
 admodum verbis expressis obmutuisse feratur: Theophrastū,
 qui à diuinitate loquendi nomen inuenit, apud Alexandrū

Ma-

Magnum dicturum nihil profuse effari potuisse: alios quàm plurimos in exordiendis orationibus eodem modo affectos fuisse, vt cum disertissimi essent, tamen infantissimi visi sint: sic se quoque, qui nequaquam cum illis comparandus esset, in eandem defectionem incidisse, in quam illi multo eloquentiores, multoq. clariores incidissent; quorum exemplo, vt se maxime consolaretur, sic venire in spem fore, vt apud omnes propter rei naturam, atq. difficultatem excusatus haberetur. Qua habita perleganti excusatione ad explicandam Ciceronis orationem pro Rabirio perduellionis reo aggressus est; seq. maxime eloquentem ostendit. An. autem 1571. circiter finem mensis decembris diem suum obiit, vir sine dubio doctissimus, & disertissimus, litterarumq. Græcarum, & Latinarum peritissimus.

De Antonio Riccobono. Cap. XLVII.

TAmetsi non nulla de se dicere, inquit Aristoteles, aut inuidiam, aut loquacitatem, aut obtreptionem habet: tamen, quia id de me facere necesse habeo, quàm modestissime faciam, breuiterq. declarabo, quomodo Ioanni Faseolo ad veterem tradendam eloquentiam collega datus fuerim. Is enim profecto ad excellentem quandam hominum existimationem ex eloquentiæ studio profluxerat: sed, cum in exordinda præfatione sua, vt modo notauimus, obmutuisset, multum eam famam deminuere, quæ de eo celebris erat, visus est, ita vt de altero Humanitatis explicatore, qui cum ipso ad studiorum utilitatem concurreret, cogitari cœptum sit. Qua de re cum an. 1570. ad M. Antonium Muretum Gallum, qui Romæ erat, perscriptum fuisset, atq. is propter maxima commoda, & ornamenta, quibus ibi perfruebatur, quæq. omnibus cõmodis, atq. ornamentis Patauinis anteponebat: se Roma discessurum esse negasset: inuitatus sum ego ad has litteras pertractandas eo ipso tempore, cum de iis relinquendis cogitabam; immo vero, cum iam statueram ipsas mihi esse dimittendas, legumq. studium, tamquàm ad tenuẽ familiam meã subleuandam accommodatius, in quod aliquot annos Patauini incubueram, vel ex consilio virorum optimorum, Riccoboni aui, & Andreæ patris mei, pro virium meorum modulo exer-

O cendum.

tendum. Cum enim Rhodigii, quæ patria mea est, in eum locum successissem, quo in loco cum alii quondam summi viri, tum Ludouicus Cælius Rhodiginus maxima ingenii, ac doctrinæ commendatione floruit, multisq; annis publice eas artes, quæ ad Humanitatem pertinent; docuissem: tandem aliquando ut huic professioni finem imponerem, & ex meo legum studio aliquem fructum perciperem, statui Doctoris insignia, quæ nondum fueram consecutus, quàmprimum petere, eaq; de causa an. 1571. Patavium profectus Iurius utriusq; Doctor declaratus sum; cumq; in patriam rediturus Venetias iuissem, ut ibi aliquot senatores patronos meos consularem, eosq; ad alendam ipsorum in me benevolentiam viserem; vir clarissimus à secretis illustrissimorum Gymnasii Moderatorum, Laurentius Massa, cuius amorem, & gratiam Prosper Fulgineus Rhodiginus, Medicus præcellentissimus, mihi conciliauerat, me statim ut vidit, adhortari cœpit, ut ad hoc munus veteris tradendæ eloquentiæ, quam me si non assecutus, at certe semper secutum esse profitebar; in tam celebri Gymnasio animum appellerem: staturum apud Moderatores esse, Ioanni Faseolo ut daretur collega: M. Antonium Muretum id oneris recusasse: scire se, si nollem eas litteras relinquere, ad quas natus, & factus essem, me gratiæ multum habiturum, ac pro comperto habere, mihi tale munus delatum iri, si permitterem, ut ipse pro me peteret, meq; Nicolao Pontio, & Friderico Valaresio, qui tunc Gymnasii moderationem tractabant, absente Marino Caballio eorum collega, proponeret. Quid plura? Visa est mihi res dignissima, quam experire, etiam semoris prioribus cogitationibus, & rationibus meis. Gratiarum ego Massæ, quod mihi tam præclaræ offerret occasionem: cum rogaui, si speraret se mihi talem dignitatem consecutum esse, ut me Moderatoribus committeret: professusq; sum me plurimum ei propterea debitum. Quamobrem ipse multis apud illos, magnisq; laudibus studia mea perornauit; tantumq; profecit, ut ipsi referre decreuerint, & retulerint in Senatu de tam præstanti munere mihi deferendo explicandæ Humanitaris in Gymnasio Patavino, id est, ut ego merito interpretabar, in conspectu Italiæ, in oculis gentium, in lyce hominum, atq; omnino in ipso doctrina

rum domicilio. Itaq; hanc muneris delationem non parum afferentem secum vtilitatis, & commodorum, multumq. amplitudinis, & ornamentorum, viro clarissimo, Laurentio Masæ, patrono meo, acceptam refero: omniaq. ipsi pro ea me debere confiteor: eamq. clamoribus fori, vel iudicandi professioni merito antetuli: atq. cum Patauium venissem mense Nouembri, in primo studiorum curriculo tribus continuis diebus tres habui orationes; primam de studijs liberalium artium: alteram de studijs Humanitatis: tertiam de studio artis Rhetoricæ; factaq. mihi aditu ad Rhetoricam Aristotelis interpretandam, satis fauste diuino beneficio pergere visus sum: perq. duos tantum menses Ioannem Faseolum collegā habui, qui circiter Kal. Ianuarij è vita migrauit, in scholarum parietibus illo elegantiore, quàm veriore disticho perscripto, quod non sine rubore hic noto;

Riccoboni radijs, magno & fulgore phaselus

Bullij: et en coelus vermibus esca datur.

Facere autem hoc in loco non possum, quin commemorem summam Patauinorum benignitatē in concedendo mihi siui re Patauinae ciuitatis. An. enim 1581. cum in funere exornasem Patarum Buzacharenum Patauinum, atq. in eo exornando non modo laudes familiæ Buzacharenæ, verum etiam Patauij, vt fieri solet, expressissem, iniectus est sermo à benignissimis viris, atq; inter ceteros ab illustri Præfecto, Roberto Traolino, de me donando tali iure, si id mihi gratum fore significassem. Quod cum ad me sermone amicorum perlatum esset, statim has supplices litteras ad Patauij Consiliū exarau;

CVM tanti faciam, quanti debeo, hanc generosissimam Patauij Nobilitatem, potius vt vobis occasionem offeram exercendę vestrę benignitatis, vsq. certiores faciam de mea singulari in tantum honorem propensione, quàm propter vlla merita mea, adductus nimirum excellenti quadam æmulatione non nullorum Humanitatis professorum, præcipueq. M. Antonij Mureti, qui ius ciuitatis Rom. petijt, atque impetrauit, Caroliq. Sigonij, qui factus est ciuis Bononienfis: vobis etiam, atq. etiam supplico, vt, posteaquàm tot annos fui in hac vrbe præclarissima prorsus deditus, & additus huic felici genio Patauino, hanc mihi gratiam concedere ne gra-

De Gymn. Pat.

uemini, vt appellari ciuis Patauinus queam, faciens eò pluris hanc dignissimam ciuitatem, quò ipsa magis Romanam, Bononiensem, aliotumq. populorum superat originis vetustate; affirmoq. vobis nullam re alia moueri me ad supplicandum, quàm vnus honoris ratione; atq. vnicuique vestrum me vòbis in perpetuum deuinctum iri polliceor; perinde ac semper contuli, ac conferam, quantum voce, quantum lingua, quantum aliqua, si qua est in me, dicendi facultate possim, ad vestras maximas, clarissimasq. virtutes perpetuo deprecandas. Valete. His perlectis litteris in Consilio, statim summo omnium consensu Patauina sum ciuitate donatus. Quamobrem in eorum profectus Collegium, qui Sapientes Deputati ad vtilia Patauina ciuitatis appellantur, vniuersaq. ipsius ciuitatis præ se ferunt auctoritatem, hanc gratiarum actionem habui;

DE CET, Patres generosissimi, hanc antiquissimam patriam vestram verus retinere institutum eorum hominum honorandorum, in quibus species aliqua virtutis reperiatur; eòq. maior eius benignitas censeri debet, quò ij minores sũt, qui ab ipsa honorantur; id quod nimirum significat, eos tanto honore dignos esse potius, quia ita digni facti sint, quàm propter sua ipsorum promerita. Et verò non admodum magnum fuit ab ipsa antiquitate non nulla sublimia ingenia decorari, quæ numquàm satis poterant honorari: sed maius profecto censendum est, atq. haud scio, an maximum, eosdem honores ab hac beneficentissima ciuitate ijs haberi, qui nullo modo cum veteribus sint comparandi. Ecquis enim est, qui miretur, multas ciuitates Homerum expetivisse, qui vniuerso terrarum orbi extitit admirabilis, ita vt eum Colophonij ciuem esse dicerent suum, Chij suum vindicarent, Salaminij repeterent, Smyrnei suum esse confirmarent, Rhodij similiter, Argiui, Athenienses de eius origine pugnarent inter se, atq. contenderent? Cui mirum videatur, Archiam poetam Antiochenum à Tarentinis, Rheginis, Neapolitanis, Herácliensibus, Romanis ciuitate, ceterisq. præmijs donatum fuisse, qui cum litteram scripsisset nullam, magnum numerum optimorum versuum de ijs ipsis rebus, quæ tum agebantur, conficiebat ex tempore, ac reuocatus eandem rem dice-

dicebat commutatis verbis, atq. sententijs, cumq. accurate, cogitateq. scribebat, sic probabatur, vt ad veterum scriptorum laudem facile perueniret? Cui sit admirabile alios præstantissimos viros eodem modo honoratos fuisse, qui cum honorarentur, honor profecto maior honorantibus, quàm illis ipsis, qui honorabantur, contingebat? In quibus diuinis ingenijs quoniam certo sciebam me numerari merito non posse, quippe qui ab eo, quod singulare, atq. eximium existit, longe abessem: iccirco, tamen si cupiditate ardebam prope incredibili, ab hac honoratissima ciuitate vt honorarer, patere facere tamen desiderium meum non audebam, nimirum veritus, ne in aliquam arrogantiam, & vanitatis notam incurrerem, à qua quidem animus meus valde semper alienus fuit. Cumq. ancipiti cogitatione distractus essem, eam tandem opinionem concepi, quam verissimam esse comperi, hanc generosissimam ciuitatem, quæ spectare mentem hominum, potiusq. benignitatem, atq. humanitatem suam, quàm eorum merita solita esset intueri, mihi esse gratificaturam; dumq. cu perem me plurimam vnicuique vestrum debere, quò minor existerent promerita mea, ei me vobis magis deuinctum iri. Nec vestrum aliqui defuerunt, qui vix significato eo, quod concupiscerem, benignissima ducti natura, & officiosissima, totiq. benefaciendi cupiditate inflammati, sponte mihi omnem operam suam, officiumq. detulerunt, atq. effecerunt profecto, vt illud petere ausus sim, quod tam prompte, ac benigne datum est. Quamobrem, si benignitas, si humanitas, si beneficentia, si liberalitas, si virtutes omnes, quæ ad motum facilitatem, ac mansuetudinem pertinent, vllum in terris hoc tempore habeant domicilium, eas nimirum Patanijs, & in vestris singulorum testis, atq. penatibus habitare; hocq. in loco virtutem illam sane excellentem maxime florere, quæ homines Deo quàm simillimos reddit, mihi facile persuasi. Etenim in Deo cum alia omnia præstantissima, & optima sunt, tum nihil præstantius, & melius, quàm præclara quædam de hominibus benemerendi voluntas. Quæ diuina virtute cum diuinitus erga me vli fueritis, tantas vobis gratias agere debeo, quanta gaudendi occasio mihi oblata est: tantumq. me percipere gaudium decet, quantum mi

De Gymn. Pat.

hi honorem habitum esse cognosco : tantuſq; in me collatus est honor, quàm hæc ciuitas exiſtit honorata, cuius particeps pro veſtra benignitate factus ſum. Itaq. ſi Patauium illa eſt vrbs antiquiſſima, quæ antiquitate ipſi gentium Principi Romæ, Bononiæ, ac pleriq. aliis Europæ, totiuſq. orbis terrarum vrbibus antecellit, quarum pauciſſimæ videntur poſſe cum Patauio comparari : ſi hæc illa eſt ciuitas generoſiſſima, quæ tam multas perpeſſa procellas, atq. tempeſtates potuit tamen ſeiſam aliquo modo conſeruare, cum aliud eueniret Lauinio Patauii Fratri, aliud Albæ longæ eiſdem Nepti, quæ quidem poſt genitam Romam ipſius Patauii Pronepti interierunt: ſi hoc honoris, & dignitatis verum eſt domicilium: quæ cauſa eſt, cur me inſigniter honoratum eſſe non ducam, qui in tantum ſplendorem receptus ſim? cumq. inſinitum, & immortale ſit beneficium acceptum, cur etiam, atq. etiam, ac immortaliter eo ipſo non gaudeam? Atq. cum tantum in me gaudii propter tantum boni, quod ſum conſecutus, exortum ſit, cur maximas vobis gratias non agam? Sû igitur non modo ciuis Rhodiginus, verum etiam beneficio veſtro Patauinus. Ac Rhodigium quidem originis mihi patria eſt, ſimulq. quantum potuit, ornamēti patria, cum in ſuû me Conſilium cooptauerit: Patauium uero altera patria mea ad eum me gradum extulit dignitatis, vt quodammodo me felicem exiſtimem, qui tanto fuerim ſplendore colluſtratus. Ex illa natus ſum diues, & bonus demiffæ cuiuſdam fortunæ: ab hac factus ſum diues, & bonus præſtantioris conditionis. Quapropter, ſi quæ diuitiæ in me ſunt, non pecuniarum, & prædiorum, quibus ego ut adhuc minime affluxi, ſic animus meus parum cupidus carere facile potuit, ſed ſtudii, indiſtriæ laborum, vigiliarum: ſi qua bonitas in me eſt, præter eam, quam Chriſtianus quilibet proſitetur, bonitas, inquam, facultas, poteſtas officiî, operæ, obſequii, gratificationis, obſeruantia: omnes diuitias, omnemq. bonitatem meam, ſi modo diuitiarum, bonitatisq. nomen aliqua ex parte mihi tribuendû videtur, vobis do, dico, addico; veſterq. Riccobonus Rhodiginus, benignitateq. veſtra Patauinus totum ſe veſtrę tradit humanitati, Deum Opt. Max. qui mētem omnium perſpicit, clara voce conteſtans, quantum ſtudio, officio, labore, diligencia

ria, ingenio, industria efficere umquam potero, id totum perpetuo seruiturum esse, cum vobis vniuersis, tum ei præcipue, qui, cum me vix defacie nosset, mecumq. collocatus esset ante a numquam sua ipsius impulsus benignitate, atq. bonitate ad hoc bonum mihi conficiendum vltro se detulit, auctorq. huius beneficii singularis esse voluit. De cuius peregregij viri grauitate, magnificentia, magnanimitate, prudentia, præstantia, auctoritate, moderatione in huius ciuitatis muneribus obeundis, multa quidem sæpe audiueram: sed tantæ in homine prope ignoto exornando, atq. insigniter extollendo humanitatis, quanta in me ipso expertus sum, prorsus nullum sensum habueram. Quocirca tam benigno patrono meo ipse omnia, quæ à gratisimo proficietia nullo possunt, obsequia me debere confiteor; vestrumq. vnicuique, qui summo mihi consensu fauistis, tam debeo, quàm qui maxime: atq. si rebus ipsis vestra explere merita non potero, at saltem grata animi beneuolentia assequar, qua vna debent vel grauissima, atq. immortalia beneficia compensari; & quantum voce, lingua, dicendi facultate potero, tantum ad vestræ præstantiæ prædicationem perpernam libentissime conferam.

Hæc ego dixi pro gratiarum actione; qua quidem habita, hoc priuilegium mihi datum est;

- „ In nomine præpotentis Dei, Nos Doctus Doctius Eques, Io.
- „ Franciscus Musaptus, Robertus Trapolinus, Albertus Comès, Sapientes Deputati ad vtilia Patauinæ ciuitatis, Antonio Riccobono, ciui Rhodigino, Legum Doctori, in Florentissimo Gymnasio Patauino Humanitatem profitenti S. D.
- „ Semper fuit Troiani proprium sanguinis ius suum cum viris
- „ virtute præstantibus communicare. Itaque Romani cognati nostri præclarissimi, ab Aenea, & Ascanio, Heroibus Troianis, oriundi, quàm plurimis gratuito ciuitatem impertiti sunt; quos sine dubio anteferendos esse Thebanis, Lacedæmonijs, Atheniensibus, alioquin omnem laudis excellentiã superantibus, qui vel nullos, vel paucos in ius ciuitatis suæ admisisse, ac hospites quoq. expulisse commemorantur, doctissimi homines censuerunt. Et Antenor, qui post Troiæ excidium (quemadmodum etiam Aeneas) in Italiam venit, cum urbem Patauium in hac camporum, colliumq. amœnitate

De Gymn. Pat.

condidisset, multos ad hanc rerum vbertatem, & copiam cō
fluentes benigne excipiendo ciuium suorum numerum mi-
rabiliter auxit; cuius præclaris institutis diligentissime seruā
dis se potuit hæc ciuitas tam multos abhinc annos ab interi-
tu vindicare. Et nos eius, à quo originem trahimus, insigni-
bus vestigiis insilendo, tametsi hanc ipsam urbem laudari au-
dimus rebus quibusdam, quæ fortasse nec nobis dissimulan-
dæ, nec aliis contemnendæ sunt, originis uetustate, uiarum
commoditate, ædium elegantia, agrorum, & montium fertili-
tate, fontium, & fluminum pulchritudine, ciuium in armis, &
litteris excellentia, publici Gymnasii celebritate, vtriusque
Collegij, tum Iurisperitorum, tum Philosophorum, & Me-
dicorum, immo vero etiam tertij Theologorum, claritate,
quibus quidem rebus iusto iudicio hæc urbs cum omnibus
Italiæ urbibus certare merito posse existimatur: tamen nul-
lam sane laudem maiori studio consecramur, nullumq. decus,
atq. ornamentum antiquius habemus, quàm vt iure ciuitatis
nostræ, omnibusq. honoribus, quibuscumq. possumus, virtu-
te præstantes viros donasse, ac decorasse dicamur. Quorum
in numero cum esse te maxima tua cum laude notissimum,
atq. exploratissimum sit, qui cum in clarissimo Iurisperito-
rum collegio Legum Doctor nemine penitus dissentiente de-
claratus es, & posteaquàm in locum Caroli Sigonij Mutinē-
sis, viri Clarissimi, ad veterem eloquentiã tū Græcā, tū Lat.
in Florentissimo Gymnasio tradendam publico illustrissimo
Senatorum decreto successisti, præstantiæ tuæ mira de-
deris documenta; cumq. obseruauerimus in honestissimis
muneribus publice obeyndis, & in priuatis quoq; collocutio-
nibus fuisse te semper Patauini nominis obseruantissimum,
huiusq. urbis præconem eloquentissimum, allatis magnificæ
Vniuersitati nostræ litteris, quibus suppliciter petebas, vt te
in numerum Patauinorum ciuium coopraremus; nā (ita nos
Deus amet) propensam tuam in nos voluntatem charissi-
mam, & iucundissimam habuimus; statimq. communi om-
nium consensu, & summo ciuium legitime congregatorū ho-
nori tuo libentissime suffragantium studio, ac prope incredi-
bili vniuersi populi lætitia, & applausu, approbantibus id illu-
strissimis præsidibus huius magnificæ urbis, Aloysio Grima-

no

no Prætorè, ac Daniele Priolo Præfèto, viris integerrimis,
 hodierno die te, quiq. ex te, liberisq. tuis nascentur, omnes
 in numerum ciuium Patauinorum adsciscimus, deligimus,
 adscribimus, referimus, & adscitum, delectum, adscriptum,
 relatum communi omnium voce comprobamus, huiusq. ci-
 uitatis ius, quàm possumus, amplissimum tibi, posterisq. tuis
 omnibus, ex te, liberisq. tuis orituris concedimus, & imper-
 timur, atq. in Patauinam Nobilitatem, ac ciuium, qui in hac
 vrbe orti sunt, cœtum te cum filiis, nepotibus, & à te descen-
 suris omnibus recipimus, & aggregamus. Idq. eò libentius
 facimus, quòd hac in re putamus nos valde gratificari non so-
 lum Rhodiginæ ciuitati, quæ cum voluerit esse te inter Con-
 siliarios non ad certum tempus, sed toto vitæ spatio illam Cõ-
 munitatem gubernantes, lætabitur ciues suos à nobis magni-
 fieri: verum etiam Serenissimo Senatui Veneto, cuius ditio-
 ni subiecti sumus, cuiusq. in te honorando quasi prærogati-
 uam, tunc potissimum datam, cum ad principem veteris tra-
 dendæ eloquentiæ in celeberrimo Gymnasio locum hone-
 stissimo ille te præmio extulit, facile suffragia nostra, quæ ius
 ciuitatis tibi dederunt, sunt consecuta; & quia simul in spem
 certissimam venimus fore, vt, quemadmodum iurasti, leges
 omnes, quibus teneris, tibi seruandas existimes: vt iuri Ve-
 neto, & Patauino pareas: vt munera obeas, & onera subeas,
 quæ sunt tibi cum ceteris ciuibus communia: vt pro Seteniss.
 Rep. Veneta, & pro Mag. Ciuitate Patauina, cum offeretur oc-
 casio, tibi propugnandum putes, atq. vtriusq. iura, cum per
 auctoritatem licebit, defendas: vt imperio Veneto, Patau-
 neq. communitati fidelis sis: vt imminetia ciuibus pericu-
 la tollere studeas: vt concordiam inter discordes ciues pro-
 cures: vt amicis fidem serues: deniq; vt omnia optimi ciuis
 officia exsequaris, nihilq. omittas eorum, quæ Patauino nomi-
 ne digna esse existimentur. Quamobrem, Antoni Riccobo-
 ne, ciuis noster nobis charissime, nobiscum gaudebis pleno
 Patauii iure, omnibusq. priuilegijs, prærogatiuis, beneficijs,
 muneribus, qualiacumq;, & quantacumq; nobis ipsis con-
 cessa sunt, tum in vrbe, tum extra urbem, perfrueris. Quod
 Reip. Venetæ, populoq. Patauino, ac familiæ tuæ bonum,
 faustum, felix, fortunatumq. sit. Cui nostro priuilegio, de-

De Gymn. Pat.

- „ creto, statuto nemo contradicere, contrauenire, aut aliquid
„ derogare audeat; quiq. aduersari, repugnare, obistere visus
„ fuerit, legum inimicus, aduersarius, obrestator habeatur. Ex
„ Tabulario Patauinae Communitatis. V. Kal. Februarij. 1571.

Addam illud, quod Vniuersitas studiosorum Philosophiae, ac Medicinæ fecit, vt me honoraret. Cum enim an. 1583. cōsiliū ei accidisset sua statuta renouare: id muneris mihi detulit, quod cum ego adhibita summa diligentia obuiissem, omniaq. illa exscibenda curassem, prout fuerant emendata, & ad Senatus Veneti voluntatem, horumq. temporum consuetudinem accommodata, iui etiam cum Rectore ipsius Vniuersitatis, & Consiliarijs ad Principem Venetiarum in excellentissimum Collegium ad petendam illorum confirmationem, illaq. reliquimus in Senatu confirmanda. quod sine dubio factum fuisset, si Vniuersitas eam rem diligentius curasset. Quoniam vero propter homicidium quoddam abire Rector coactus est, cui tale negotium maxima erat curæ, succedenti bus alijs Rectoribus res minime procurata est, vt de ea nihil confectum fuerit. Cumq. in eo negotio multos ego labores suscepissem, & in alijs etiam rebus semper me promptum, paratumq. ad gratificandum, & seruiendum ipsi Vniuersitati ostendissem; mihi data est immunitas eorum omnium, quæ persolui ei ex pecunijs professorum consueuerunt,

De quibusdam explicationibus an. 1571. Gymnasio deficientibus.

Cap. XLVIII.

DEficiebat an. 1571. explicatio Philosophiæ Moralis, cuius fuerat posterior explicator Franciscus Robortellus coniunctim cum Rhetorica, atq. Humanitate: & explicatio Sophisticæ in primo, & in secundo loco, quorum vterque an. 1561. vacare cœpit: & explicatio paruorum naturalium Aristotelis, quæ an. 1532. Lombardo Amuleo Patauino data fuerat: & explicatio libri tertij Auicennæ in vtroque loco: & explicatio Simplicium medicamentorum in Scholis; quæ postea, vt infra apparebit, sunt restitutæ, præter illam Sophisticæ, & illam paruorum naturalium.

★ *Finis Libri Secundi.* ★

DE

DE GYMNASIO

PATAVINO

ANTONII RICCOBONI

Commentariorum Liber Tertius.

De successoribus Doctorum, qui an. 1571. & sequentibus annis in Gymn. docuerunt.

De successoribus Iacobi Menochij. Cap. I.

ABVIT successores Iacobus Menochius an. 1572. ad Ius Canonicum matutinū M. Mātuam Benauidium, de quo supra. An. 1589. ad Ius Ciuile matutinum Angelum Matthæacium Marosticensem, quāuis Bassiani ortum, & Patauī, ac Venetijs educatum; qui, posteaquā multis in locis Veneto imperio subiectis Asses-

for fuit, atq; Venetijs multos annos Aduocati munere functus est, an. 1578. Pandectas ex publico decreto coeperat interpretari maxima studiosæ iuuentutis frequentia, ita vt præstantiæ suæ clarissima dederit documenta, non modo cum oratoriam artem in Veneto foro professus est, ibiq; regnavit gloriosissime, adhibitus ad caussas maiores, & grauiores: verum etiam cum ad Pandectas Iuris Ciuilis explicandos primus omnium in hoc Gymnasio aggressus est, tanto studiosorum iuuenum concursu, vt eorum multitudinem vix perampla caperet Schola; quod munus cum ipse multos annos obuiisset, eo temporis spatio ne artem quidem oratoris prorsus dimiserat, sed oblata sibi occasione defendendi Maynardum Bigolinum Parauinum peculatus aceusatum, maxima eloquentia sua eum in periculo capitis, tanquā Sacri Montis pietatis depeculatorem, à summo supplicio liberauerat, tunc cum iudices confessi sunt seruatum esse eum primum à suspēdio, deinde vero etiam ab amputatione manus vi vnius elo-

De Gymn. Pat.

quentiæ Matthæacianæ, qui tantum in exilium pulsus fuit. Et vero existit Matthæacius orator, & I. C. egregius, immo vero etiam Philosophus, & Astrologus non contemnendus; talisq. perspectus, & cognitus vsque adeo, vt Venetijs ad publicas de Philosophia disputationes semper vocaretur, ac sæpe de rebus philosophicis disputaret, tum apud Io. Antoniũ Fachinetum Bononiensem, qui tunc erat Legatus Pontificis Max. apud Principem Venetiarum, fuitq. postea Pontifex Max. Innocentius IX. appellatus, tum apud Aenonæ Episcopum Lauredanum, qui vnaquaq; hebdomade litteratis viris conuiuium apparare solitus erat, eòq. perpetuò Matthæaciũ inuitabat, maxime vero cum aliquis Philosophus magni nominis affuturus esset, vt sæpe aderat Spero Speronius, sæpe Archangelus Mercenarius, quibuscum ille acerrime disserere consuevit: vt faciebat quoq; cum iisdem, & alijs in celebri Academia Francisci Venerij, Philosophi summi, ita vt vix ei à quoquam resisti posse videretur. nam, quod attinet ad Astrologiam, præter alia, quæ dedit, in ea scientia excellentiæ suæ argumenta, etiam ex stellarum obseruatione præuiderat, dum munus obire Pandectarum, se prima Iuris Ciuilis cathedra esse potiturum, duobus ante annis, quàm potitus sit. Id quod cum inter ceteros Philippo Octauiano Montanianensi asseuerasset, præsentem viro excellentissimo Melchiore Chartulario, alijsq. permultis, vt ex ore ipsius Octauiani egomet audiui, irridebatur quidem ante euentum prædictio talis, sed postea nobis maximam admirationem attulit, ita vt Matthæacius nō solum amabilis omnibus, verum etiam admirabilis cœperit videri. In magna igitur famæ celebritate in locum Menochij ad Ius ciuile matut. num explanandum adhibitus est, qui etiā an. 1583. in Dolanam Academiam fuerat inuirsatus, proposito præmio quadringentorum scutatorum, centumq. pro viatico: & posteaquàm munus interpretandi Iuris ciuilis matutini obire cœpit, an. 1590. in Gymnasium Firmanum vocatus est, propositis loco præmij septingentis scutatis, & in viaticũ octoginta, quas ipse conditiones recusauit. An. aut. 1594. à Rudolpho II. Imper. Comes, & Eques factus est. Eius extant duo libri de via, & rōne artificiosa Iuris vniuersi: & Apologia aduersus Bonifacium Rogerium, de qua infra.

De Successore Angeli Matthæacii ad Pandectas, Cap. II.

Cum an. 1579. Angelus Matthæacius ab explicatione Pandectarum ad explicandum Ius civile matutinum traditus fuisset. an. 1590. ei successit ad explanandos pandectas M. Antonius Ottellius Vtinenſis; qui ortus ex familia præstantibus ad laudem viris affluenti, in præclaris litterarum studiis æmulus eſſe voluit fratrum ſuorum iuris vtriuſque Doctoriſſi, Hieronymi deſuncti ſummo ſui deſiderio relicto propter magnam præſtantiam ſuam, & Ottellii adhuc in celebri vrbe Vtino inter præcipuos Iuriſconſultos florentis, ſæpeq. tamquam prudentiſſimi, atq. optimi ciuis ad gubernacula illius nobilis ciuitatis elati. Cum autem clara documenta dediſſet doctrinæ ſuæ non ſolum an. 1574. cum Iuris Pontificii, & Cæſarei Doctör maximo Collegii Patauini conſenſu declaratus eſt deſerere Doctöris inſignia Clariff. I. C. Tiberio Deciano ciue ſuo, quo ſe dignũ alumnũ oſtendit: ſed etiam per nouẽ annos, quibus in patria ſua ex publico decreto Iuſtiniani Inſtitutiones cum ſumma laude explicauit, propter famæ celebritatem apud Gymnaſii Moderatores, ſenatumq. Venetum in hoc Gymnaſium facilem aditum habuerat, etiam nullo vacante loco publicarum explicationum, ſed conceſſa explicatione, quæ tunc non habebatur, capitis de Regulis Iuris, tantum vt Doctör præſtantiſſimus in hanc Academiam introduceretur, & poſtea oblata occasione ad maiora munera, & altiores dignitatis gradus adhiberetur: quemadmodum poſt explicatum per quattuor annos ipſum caput de Regulis Iuris ad interpretãdos Pãdectas adhibitus eſt, & ad maiores quoque Gymnaſii dignitates adhiberi merito poſſe exiſtimatur, communi omnium opinione Tiberij Deciani, celeberrimi præceptoris ſui, gloriam æquaturus, magnumq. lumen adiuncturus clariſſimæ patrię ſuę, ex qua Amaſei, Robortelli, Deciani, Manticeæ, aliiq. præclariffimi viri prodierunt.

*De Successore M. Antonij Ottellij ad Caput de Regulis Iuris
Cap. III.*

VAcavit explicatio capitis de Regulis Iuris ab an. 1590. cum M. Antonius Ottellius ad Pandectarum interpretationem

De Gymn. Pat.

tionem est constitutus, vsque ad an. 1597. cum successio ipsius Ottellii ad tale caput explicandum senatus decreto data est Octauio Salgerio Patauino Doctori magno ingenio, & magna doctrina prædito, vt summa sane omnia ab eo expectari posse videantur.

De Successoribus Michaelis Quarantoctij. Cap. IIII.

Michaeli Quarantoctio successerunt, an. 1577. in secundū locum Iuris Canonici matutini Terentius in Terentia familia ortus, de quo supra.

An. 1587. ad Feuda explananda Hercules Borsatius Mantuanus, Doctor ingeniosissimus, atq. doctissimus, an. 1589. magno vniuersi Gymnasii mœrore extinctus: & post mortem Borsatii Victor Saxonia Patauinus: & an. 1594. Io. Baptista Syluaticus. An. 1597. ad Ius Canonicum vespertinum interpretandum Angelus Saxius Patauinus, qui tamen inferiora Gymnasii munera non obuiisset, tamen propter certissimam spem, quæ habebatur, de eius ingenio, & doctrina ad hoc præcipuum adhibitus est, ope, atq. opera in primis Paulli Parutz Marcii Procuratoris, eiusdemq. Moderatores Gymnasii Patauini, ac iustissimi virtutum, quibus præditus est Saxius, estimatoris.

De Successore Gasparis Fabiani. Cap. V.

Locus primus interpretandi Iuris Pontificij vespertini, quē diu tenuerat Gaspar Fabianus, Sebastiano Monticulo propter præstantiam ingenij, ac doctrinæ an. 1582. datus est.

De Successoribus Guarini Pisonis Soaciz. Cap. VI.

Successores fuerunt Guarini Pisonis Soaciz in secundum locum Iuris Canonici vespertini, an. 1574. Nicolaus Bottonus, de quo supra. Et an. 1575. Ottonellus Discalcus Patauinus; cuius de maioribus vnus fuit Partenopæus ille Discalcus, vir magnanimus, & arte militari admodum præstans; qui, cum Galeacius Mediolanensium Princeps Carrariensibus Pataulum interceptisset, & per annum ac dimidium tenuisset, an. 1390. xiiij. Kal. Iulij. Francisco Iuniori Carrariensi egregiam operam nauauit in hac vrbe recuperanda, eiq. clā ingresso cum centum ballistarijs præsto fuit in platea Carmelitarum,

litarum, pelle vituli, quem in cœna ipsi comederant, vexilli instar hastæ appensa. quæ res principi & ad conterrenda præsidia Galeacii Ducis, & ad excitandos ciuium animos mirabiliter profuit. Originem traxit Ottonellus ab Ottonello Discalcio, qui fuit. I. C. clarissimus, & in interpretandis legibus præcellentissimus, Vicarius in Vrbe Belluno an. 1375. sub regimine Nobilis Militis Parceualli Vienichii Præfecti honorandi pro principibus, & Ducibus Austriæ, Alberto, & Leupoldo fratribus, ciuitatis Belluni, & Feltriæ Dominis: ac Prætor Taurisi an. 1381. pro Francisco Carrariensi, Patauii, Taurisi, & locorum ad eas vrbes pertinentium Domino; cuius præclaris veltigiis signatis ad gloriam sempiternam institit eius abnepos Aloysius Discalcus, præstantissimus I. C. in hoc Gymnasio multos annos Ius Ciuile summa cum laude professus, & in foro etiam Venero dum ita versatus, vt nec eloquentia in differendo, nec sapientia in consulendo cuiquam cederet. Hic ætate iam ingrauescente Antonium Discalcium filium suum, insignem I. C. omnis clientelæ suæ patronum fecit, & in patriam reuersus studiis amœnioribus, quatenus à consiliis litigantium, & à publicis negotiis uacare licebat, operam dedit, Aloysioq; nepoti mirabiliter progresso ad legitimam scientiam cum magna sua lætitia insignia Doctoris suis ipsius manibus, dedit; cuius Frater Ottonellus similiter factus est Iuris vtriusq; Doctor; primumq; Iustiniani Institutiones explanauit, electus an. 1565. in locum Cæsaris Mationii Cæsariensis: deinde, vt modo notauimus, an. 1575. Ius Canonicum vespertinum cœpit interpretari loco Nicolai Bottoni: postea declaratus est eius partis Iuris ciuilis, quæ ad crimina dicitur pertinere, Interpres, an. 1576. Postremo adhibitus ad Ius ciuile maturinum interpretandum, primum in secundo loco an. 1586. deinde in æqualitate primi loci an. 1596. creatusq; Eques à Paschali Ciconia Principe Venetiarum, & Comes, atq; Eques à Rudolpho II. Imperatore.

Post Nicolaum autem Bottonum, & Ottonellum Discalcium successores habuit Guarinus Piso Soacia in secundum locum iuris Canonici vespertini an. 1576. Sebastianum Monriculum: an. 1586. Michaellem Quarantottium: an. 1597. Angelum Saxium; de quibus omnibus supra.

De Gymn. Pat.

In tertium autem, locum Iuris ciuilis matutini, quem an.
1575. reliquit, cum ei data est æqualitas secundi loci cum Ia-
cobo Menochio, successorem habuit neminem: itidemq. in
secundum locum, propter senatus decretum de dimittendis
quibusdam Gymnasii explicationibus, in quibus erat Soaciz
explicatio. An. enim 1579. S. C. in hanc sententiam factū est,
„ Cum Gymnasium nostrum Patauinum nos deceat modera-
„ ri, proponitur decernendum, vt huiusmodi fiat moderatio,
„ post completos scilicet quattuor annos certos in eorum con-
„ ductionibus expressos, qui publica obeunt docendi munera
„ inferius adscribenda; Vt quattuor professores Iuris Pontifi-
„ cii ad duos redigantur, qui doceant aut collegæ inter se in ea
„ dem hora, aut vnus mane, alter uespere, prout à Gymnasii
„ Moderatoribus magis conuenire fuerit iudicatum, cum illi
„ duo, & tertius Patauinus satisfacere studiosis possint. Vt pro-
„ fessores Iuris ciuilis, qui vna cum professoribus in loci parili-
„ tate, & tertio Patauino septem existunt, ad duos matutinos-
„ & duos vespertinos cum tertio Patauino reducantur. Vt ex-
„ plicatio Feudorum finita præsentī conductione à Modetato-
„ ribus vni eorum committatur, qui Ius Ciuile in secundo lo-
„ co explicant, aut alicui alteri, prout eis melius visū fuerit; cū
„ talis explicatio diebus tantum festis habeatur. Vt, cum intro-
„ ducta sit nuper Pandectarum interpretatio, tum in gratiam
„ studiosorum, tum eò quia talis interpretatio etiam in aliis
„ Gymnasiis hoc ipso tempore floreat, duæ cessent de explica-
„ tionibus textus, glossæ, & Bartholi, cum tertius explicator sex-
„ ti voluminis Iuris Pontificii retinendus sit; qui vna cum Pan-
„ dectarum explicatore poterit supplere; siquidem ipsa Pande-
„ ctarum explanatio textum explanat. qui quidem ea hora pro-
„ fiteantur, quæ à Moderatoribus fuerit præstituta. Vt tertius
„ Interpres Institutionum Iustiniani cesset; cum præter duos
„ tertius Patauinus queat sufficere. Vt cessent explicatores Me-
„ dicinæ Theoricæ extraordinariæ, & Medicinæ Practicæ extra-
„ ordinariæ, in secundo loco, cum vnus pro dictis locis vna cū
„ tertio Patauino satisfacere posse videatur, præter præcipuos
„ explicatores ordinarios dictæ professionis, qui quattuor sūt,
„ & cum his septem erunt. Vt interpretatio tertii libri Auicennæ
„ cesset, tamquàm superuacanea. Vt tollatur locus secundus
Philoso-

- „ Philosophiæ extraordinariæ; cum primus vna cum tertio Pa
 „ tauino satis esse queat, præter ordinarios Philosophos, qui
 „ cum his quattuor erunt.

Quod quidem decretum in Senatu probatum est, videlicet de dimittendis

Duabus explicationibus Iuris Pontificij:

Duabus Iuris Ciuilibus:

Vna Feudorum:

Duabus textus, glossæ, & Bartholi:

Vna Institutionum:

Duabus Medicinæ extraordinariæ:

Duabus tertij Auicennæ:

Vna Philosophiæ extraordinariæ;

Quæ fuerunt numero tresdecim.

Propter hoc decretū inter alios dimissus est Guarinus Piso Soacia, qui Ius ciuile matutinum in secundo loco interpretabatur; statimq. cum propter famæ celebritatem in duo clarissima Gymnasia inuitatus fuisset, Taurinense, & Pisanum, se contulit in Pisanum, vt superius quoq; narrauimus.

De Thaddæo Pisone Soacia. Cap. VII.

1592 **A**dhibitus est ad Ius Canonicum matutinum in tertio loco explanandum Thaddæus Piso Soacia Guarini filius, cuius nuper editus est commentarius de sponsalibus, & matrimonio in caput decimum libri primi Institutionum Iustiniani, & promissi sunt Commentarij in omnes ipsarum Institutionum libros. obtinuit hic cum fratribus suis, duobus post annis, amplissimum de origine familiæ suæ à Rep. Rhætorum testimonium; quam familiam, cum supra de eorum patre agerem, ex oppido Rhætorum Soaci Patauium translatam tunc obseruaui: & de qua hæ publicæ litteræ datæ sunt.

- „ **NOS ORATORES** Ex his Reip. Rhæticiæ fidem faci-
 „ mus indubitata, quòd cum apud nos clarum sit, vt ex scri-
 „ pturis, & maiorum nostrorum monumentis constat, ob Ro-
 „ manorum victorias in regionibus nostris, & Romani Imperij
 „ decursiones, ac grummas fere totam Romanam Nobilitatem
 „ hic saluam extitisse, atq. in hodiernum diem tanti exitus so-
 „ latio felicissime viuere, suisq. antecessorum nominibus, ac In-

Q sig ni.

De Gymn. Pat.

„ signibus vnamquamq; prosapiam vbiq; gloriosissimam osten-
„ di; cumq; de ijs vna reperiatur Pisonum familia, quæ aliàs
„ Soaciæ domicilium rerum suarum collocauerat, multis insi-
„ gnibus viris, & honoribus clara; quæq; studiorum occasio-
„ ne Patauij suos lares defixit, ibiq; magnis nominibus fulget;
„ quoniam nullo vmquam tempore huiusmodi familiæ, tanto-
„ rumq; virorum consortium obliuioni est demandandū: ideo
„ ita cupientibus talis familiæ viris præclaris, Petro, & Thad-
„ dæo, I. V. Doctoribus, & Antonio eorum fratre, filijs Claris-
„ simi, & magni nominis I. C. Guarini Pisonis cognomēto Soa-
„ ciæ; nos libenter concedimus, decernimus, statuimus, vt, nul-
„ la obstante temporis horum virorum, & descendantium do-
„ micilij in prouincia nostra præscriptione, omni tempore gau-
„ dere possint priuilegijs, & immunitatibus, quibus gaudent,
„ & gaudere possunt aliæ familiæ, & prosapiæ de numero, &
„ ordine Dominorum, & Nobilium huius excellæ Reip. nostræ
„ Rhæticiæ. In quorum fidem præsentēs hanc sigillo nostro mu-
„ nitas dedimus. Churiæ in Rhætia superiori. die X. Iu-
„ lij, 1594.
„ Paullus Florenus Præses Reip. Rhæticiæ.
„ Iacobus Montalta à secretis Reip. Rhæticiæ.

De successoribus Clementis Thealdini. Cap VIII.

Clementi Thealdino in tertium locum Iuris Canonici ve-
spertini successit an. 1576. Paullus Bradiolus Iulij, Cla-
rissimi I. C. filius, vir doctissimus, & disertissimus, qui præstan-
tiam animi singularem amabilissima præsentia præ se ferebat.
an. 1579. Hermes Forcatura, Doctor & ipse egregius, & egre-
gijs animi bonis ornatissimus. an. 1590. Vbertinus Milliarius,
non minus assiduitate, & diligentia, quàm ingenio, & do-
ctrina præstans.

De successoribus M. Mantuæ Benavidij. Cap. IX.

Marcus Mantua Benavidius habuit succesores in Ius ciui-
le matutinum an. 1572. Iacobum Menochium: in Ius
Canonicum matutinum an. 1574. Benedicium Barisellum
Montanianensem, virum quidem in foro Venetiarum Eccle-
siastico excellentissimum, & clarissimum, sed propter ætate
ingra-

ingrauescentem, & magis fori, quàm Scholarum consuetudinem, non satis, vt non nulli arbitrabantur, accommodatum ad munus publici Interpretis obeundum, qui eodem, quo cepit publice docere, anno vitam cum morte commutauit. an. 1575. Bartholomæum Syluaticum, de quo plura superius.

De successoribus Tiberij Deciani. Cap. X.

Primus locus Iuris Ciuilis matutini explanandi, quem maxima sua cum laude, ac prope incredibili omnium cum admiratione Tiberius Decianus obtinuerat, datus est an. 1572. Iacobo Menochio; an. 1589. Angelo Matthæacio; de quibus plura superius notata sunt, quàm vt hic longiori oratione debeant recenseri.

De successore Martij Rutilij. Cap. XI.

Martius Rutilius cum propter incommodam valetudinẽ missionem impetrasset, successorem habuit in tertium locum Iuris Ciuilis matutini an. 1574. Guarinum Pisonem Soaciam, de quo supra.

De successore Ioannis Cephalij. Cap. XII.

In primum locum Iuris ciuilis vespertini, in quo Ioannes Cephalus mirabiliter claruerat, an. 1582. Guidus Pancirolus Reginus successit; qui quidem natus an. 1523. die 17. Aprilis patrem habuit Albertum omnium patriæ suæ celeberrimum I. C. & virum omnium consensu integerrimum. A Sebastiano Corrado primum, deinde à Bassiano Lando litteris eruditus Græcis, & Latinis, anno ætatis decimo quarto prima Iuris rudimenta accepit; exactoq. triennio Ferrariam profectus Pafetum, & Hippolytum Riminaldum audiuit: deinde Ticini, ac Ferrariæ Alciatum; & Bononiæ Marianum Sozinum: postremo Patauij septimum studiorum suorum annũ egit. Hic publice disputando cum ad aliquam hominum existimationem profluxisset, adhuc Scholasticus, necdum Doctoris insignia consecutus, an. 1547. à Rep. Veneta ad interpretandas Iustiniani Institutiones est constitutus, præmio tantum quinquaginta florenorum, cum postea ad mille sexcentos octoginta peruenerit. Laurea vero Iurisconsulti in Col-

De Gymn. Pat.

legio Patauino à Marco Mantua accepta per septennium in
co munere obeundo perseverauit. Cumq. hinc abiisset Mat
thæus Gribaldus, ad ordinarias Iuris ciuilis explicationes ve
spertinas in secundum locum traductus est; eumq. tenuit sex
decim annos; quoniamq. primum locum, quem ob diutur
nos labores, assiduasq. vigilias suas, atq. auditorum frequen
tiam, & applausum sibi quodammodo deberi censebat, bis ex
teris datum vidisset, ab Allobrogum Duce an. 1571. accitus
Simoni Crauetæ primam Iuris ciuilis Cathedram vespere ob
tinenti successit, ac Bernardi Troti collega duodecim annis
in Taurinensi Gymnasio docuit, vbi mille aureorum stipen
dio est honoratus; aliosq. centum Carolus Hemanuel patri
defuncto succedens adiunxit, plures quoq; daturus, nisi Præ
fecti Gymnasio argumentati fuissent, minime expedire, vt tã
amplum stipendium in exemplum transfiret. Interea Ioan
ne Cephalo Patauij extincto, primum à Rep. Veneta propo
situm est Pancirolæ præmium mille ducatorum, quod ipse
recusauit: deinde post mortem Tiberij Deciani, qui an. 1582.
diem suum obiit, rursus est inuitatus propositis mille scutatis
loco præmij; quod sibi tandem aliquando accipiendum sta
tuit, ea potissimum de causa, quia ob acris Taurinensis graue
dinem fere oculos amiserat. Itaq; , quamuis ab eo Principe,
& ab ea ciuitate mirum in modum amatus, & honoratus, il
linc discessit. Ac tunc quidem ipse Carolus Hemanuel ei sti
pendium volebat augere, vsque ad mille, & quingentos au
reos, vt eum retineret: sed ipse, ne prorsus cecaretur, disce
dere coactus est: discedentiq. ciuitas honoris ergò duo pocu
la argentea, inaurataq. totidemq. salaria rasa donauit, eumq.
ciuem suum declarauit. Patauum igitur venit Pancirolus
maxime ab omnibus expectatus, & expetitus, vbi postea sti
pendium eius auctum est vsq; ad mille sexcentos octoginta
florenos per reliquam ipsius vitam; primusq. ipse fuit, qui in
hoc Gymnasio mille aureorum numerum præmio suo per
transiuerit. Volumen Responsorum: & in Notitiam vtriusq;
Imperij Romani Commentarium edidit. Aliud opus de ori
gine, & auctoritate Iurisconsultorum, & de viris illustribus
composuit. Plurium quoq; illustrium virorum, qui in iure
nominantur, vitas, & catalogum conscripsit. Et opus de ori
gine,

gine, & auctoritate Equitum. Et aliud Antiquitatum Iuris. Et aliud, in quo plurimæ nouæ legum explicationes continentur. Et de Numismatis antiquis. Et Commentarium in vniuersa Tertulliani opera. Præter ordinarias explicationes ordine dispositas.

De Successore Francisci Mantica. Cap. XIII.

CVM Franciscus Mantica in secundo loco Iuris civilis vespertini diu illuxisset, & in parilitate talis loci Bonifacium Rogerium collegam habuisset, factusq. fuisset collega Iacobi Menochij in Iure civili matutino explanando an. 1582. tandem numeratus inter eos, quos appellât Rotæ Auditores an. 1586. successorem habuit in secundum locum ipsius Iuris civilis matutini Ottonellum Discalcium.

De Successoribus Bonifacii Rogerij. Cap. XIV.

Bonifacio Rogerio in locum secundum Iuris civilis vespertini successit quidem an. 1592. Pet. Paulus Rutilius Vicetinus: an. autem 1597. Ioachimus Scainus Saloensis.

Ac Pet. quidem Paullus fuit non solum maximus I. C. sed etiam in præclaris litterarum studijs Rhetoricæ, Poeticæ, Historiæ, Philosophiæ Moralis, & Civilis, omnium optimarum artium ad summam laudē versatus, qui diu munus oratoris, & aduocati cū maxima sua laude, ac nominis celebritate Venetijs obiuerat, præcipueq. in foro regnauerat Ecclesiastico, & fuerat Reip. Venetæ in rebus Ecclesiasticis Consultor, atq. in eum locum successor, quem olim Hieronymus Gygæ tenuerat, quiq. postea Cornelio Frangipani, propter eius summum ingenium, maximamq. doctrinam, ac singulare in ipsâ Remp. studium, atq. admirabilem fidem datus est. Cum autem tantum per annum conductus fuisset, noua Senatui de eo de liberatione in finem ipsius anni reservata: fratre suo extincto, qui erat Vicarius in Episcopatu Vicetiæ, post annum completum loco petendæ confirmationis, & in publico docendi munere continuationis, ad fraternam hereditatem satis locupletem, & rei domesticæ tuitionem vocatus, dimissionem petijt, & vix quidem propter vtilitatem, quam afferebat, sed beneficij loco tandem impetrauit, non accepta honestissima conditione,

De Gymn. Pat.

tione, quæ à viro illustrissimo, Aloysio Georgio, vno de Gymnastii Moderatoribus offerebatur, præmij duplicati. Vicetiamq. profectus in illud nobilissimum Iuriscōsultorum Collegium summo consensu est cooptatus; data etiam dignitate Vicarij Episcopalis Martio fratri, viro præcellentissimo, ei, quem supra notavi fuisse in hoc Gymnasio tum Iuris ciuilibus, tum Pontificij interpretem præstantissimum.

Ioachimus vero, qui Pet. Paulo Rutilio suffectus est, Assessor fuerat multis in locis; Bergomi Maleficiorum Iudex cum Georgio Cornelio Prætore: Taurisi etiam Maleficiorum Iudex bis, nimirum cum Aloysio Michaeli, & cum Petro Gritto Prætoribus: Feltriæ Vicarius cum Andrea Gabriele itidē Prætore: Bononiæ autem, vt appellant, Auditor Rotæ, non modo per quinque annos, quibus illud publicum munus solet perdurare, sed etiam, quod minime concedi consuevit, per alios quinque annos, ac bis Prætor eiusdem ciuitatis: cūq. designatus esset Iuris Pontificij in Bononiensi Gymnasio explicator; eiusmodi tamen munus non obiuit: sed Patauium honestissimo præmio in secundum locum Iuris Ciuilis vespertini conductus est collega celeberrimi I. C. Guidi Panciroli.

De successore Francisci Zabarelle. Cap. XV.

DIu perseueravit Franciscus Zabarella in tertio loco Iuris Ciuilis vespere explicandi vsque ad annos circiter 1580. in eodem loco florere cœpit an. 1590. Claudius Curtius Patauinus, excellenti ingenio, magnaq. doctrina præditus; an. 1589. die 4. Decembris electus ad Ius Ciuile vespertinum in tertio loco explicandum: licet in eius electione nominatus sit successor non Francisci Zabarelle, qui talem locum tenuerat, sed Victoris Saxonie, qui Ius Ciuile meridianum explicauerat. Idem Curtius cum an. 1596. suum munus intermisisset, accitus ad iurisdictionem Gemonæ sub nomine Præfecti exercendam, quod non minus in iudicando, quàm in docendo excellere videretur: tamen proximo sequenti anno idem munus cum magna sua laude repetijt, veteremq. industriam suam sane egregiam, & præclaram reuocauit.

De successoribus Bartholomæi Syluatici. Cap. XVI.

CVM explicaret Bartholomæus Syluaticus eam iuris ciu-
lis partem, quæ ad crimina dicitur pertinere, in eam ex-
plicationem successorem habuit an. 1575. Donatum Finam
Sangrensem, qui Neapoli per quindecim dies subtilissimas
quæstiones de iure propositas publice disputauerat, ac Docto-
ris insignia magno suo cum honore fuerat consecutus: Cæsæ-
næ nobilissimæ urbis à summo Pontifice habuerat administra-
tionem, adeoq. illi ciuitati charus extiterat, vt omnium sena-
torum consensu ciuitate donatus sit: cum Venetæ classis Im-
peratoribus, Hieronymo Zanio, & Sforcie Pallauicino audi-
tor summus eligendus esset, qui eorum nomine ius diceret,
tale munus sibi delatum prudētissime administrauerat, vt po-
stea suis omnibus in rebus non modo Zanium, verum etiam
Pallauicinum adiutorem habuerit, & patronum, atq. à Sena-
tu Veneto suæ industriæ, & fidei priuilegia, testimoniaq. am-
plissima obtinuerit: Patauij Ius Ciuile quindecim annis pri-
uatim docuerat: librum ediderat inscriptum Enchiridion v-
triusq. iuris, qui omnibus iuris ciuilibus studiosis maxime neces-
sarius est iudicatus, pluribusq. in locis Typis impressus: deni-
que à Iuriconsultorum Vniuersitate summa contentione fue-
rat postulatus apud Moderatores Gymnasii, vt criminalium
quæstionum explicator constitueretur. quod summo vniuer-
si Gymnasii gaudio factum est. Cum autem extinctus esset
an. 1576. successus est Ottonellus Discalcus: & Ottonello
adhibito ad secundum locum Iuris ciuilibus matutini an. 1586.
successit Laurentius Castellanus: & Castellani mortui an.
1594. datus est locus Victori Saxonie.

De Successore Nicolai Bottoni. Cap. XVII.

IN locum Nicolai Bottoni, qui horis matutinis textū, glos-
sam, & Partholum explicauerat, successit an. 1574. Franci-
scus Branca, vir in tractandis legibus acutissimus. quæ expli-
catio S. C. superius memorato dimissa est. & in locum eius-
dem demortui an. 1575. ad interpretandum Ius canonicum
vespertinum in secunda Cathedra, Ottonellus Discalcus. &
Ottonello traducto ad criminalia explananda an. 1576. Seba-
stianus

De Gymn. Pat.

Stianus Monticulus. & dato primo loco Monticulo an. 1582.
tandem factus est successor Michael Quarantoctius an. 1586.

De Successore Pau. Antonij Godij. Cap. XVIII.

Collega fuit Pau. Antonius Godius Nicolai Bottoni in textus, glossæ, & Bartholi matutina explicatione: cui successit an. 1574. Galeacius Bigolinus Patauinus, non solum iuris ciuilibis, & Pontificij, verum etiam facultatis oratorix, & poetix laude ornatissimus. Quæ explicatio, vt modo notauimus, fuit S. C. dimissa.

De Successoribus Terentij Terentiani. Cap. XIX.

Terentius in Terentia familia ortus successores habuit in explicationem vespertinam textus, glossæ, & Bartholi an. 1577. Galeacium Bigolinum, de quo modo facta est mentio: & in explanationem Iuris Canonici matutini an. 1591. Antonium Zoncham Patauinum; ex ea domo natum, quæ Bergomiantiqua est, Bergamo j. Venetias, & Patauium est translata; non solum Iuris Pontificij, & Cæsarei doctissimum. & in disputandis questionibus inter ceteros Doctores acutissimum, sed etiam poetam non spernendum, cuius ego vidi carmina ad veterum poetarum imitationem egregie formata; & oratorem disertissimum, ac propter eloquentiam suam ad habendas publicas orationes sæpe adhibitum, atq. inter ceteras pro Capitulo Parochorum ad gratulandum Aloysio Cornelio Patauij Episcopo an. 1588. & Marco Cornelio Aloysii successoris an. 1595.

De Successoribus Philippi Octavianiani. Cap. XX.

Philippus Octavianus diu tenuit primum locum Institutionum Iustiniani Imperatoris explicandarum. Eius successor fuit an. 1588. Franciscus Branca, superius à nobis commemoratus, an. 1589. Aloysius Durantius Venetus, non solum I. C. egregius, sed etiam in alijs litterarum studijs laudabiliter versatus. An. autē 1592. Fabricius Cæconius, qui eisdē quoq. Institutiones Venetijs per vndecim annos explanauerat, non solum vniuersi iuris, sed etiam Philosophix Doctor.

De

De successoribus Sebastiani Monticuli. Cap. XXI.

IN locum secundum Institutionum interpretandarum, quē tenuerat Sebastianus Monticulus, post eum traductum ad Ius Canonicum vespertinum an. 1576. successit Laurentius Castellanus. & an. 1586. Franciscus Branca. & an. 1588. Aloysius Durantius. & an. 1589. Marcus Triuisianus, qui obiit an. 1594. & an. 1596. Octavius Liuellus post philosophiæ studiū ad legitimam philosophiam ita applicatus, vt in ea plurimum profecisse videatur.

De successoribus Laurentij Castellani. Cap. XXII.

Tertius locus Institutionum declarandarum, in quo fuerat Laurentius Castellanus, datus est an. 1577. Vbertino Fabiano Patauino, dum is celeri gradu sequeretur facem sibi mirifice præluculentem Gasparis Fabiani, optimi, ac clarissimi parentis sui. Inde Marco Triuisiano. Inde Octauio Liuello. Inde Ioāni Chartulario. Obtinuit postea secundū locū, in quē quos successores habuerit, in superiori proximo capite est declaratū. Ad explicandā autē eam partem iuris, quæ ad crimina dicitur pertinere, ei successit an. 1594. Victor Saxonia.

De successoribus Francisci Branca. Cap. XXIII.

NE ad interpretandum sextum uolumen Iuris Canonici Francisco Brancæ successor declaratus est ullus, nec ad explanandum textum, glossam, & Bartholum, quæ interpretatio inter eas, quas Senatus dimisit, enumerata est: sed in primum locum Institutionum explicandarum successit an. 1589. Aloysius Durantius. an. 1592. Fabricius Cæconius.

De Successore Bartholomei Sforciæ. Cap. XXIIII.

AD Ius ciuile meridianum explanandum Bartholomei Sforciæ successor factus est Victor Saxonia: qui postea ad Feuda declaranda: denique ad interpretandam eam partem iuris, quæ ad crimina dicitur pertinere, adhibitus est.

De successoribus Io. Ambrosii Barbauara. Cap. XXV.

Cessauerat quidem an. 1571. à munere explicandi Theologiam ex doctrina S. Thomæ Io. Ambrosius Barbauarius

R Medio-

De Gymn. Pat.

Mediolanensis ordinis Fratrum Prædicatorum accitus à Hieronymo Ruuereo Taurini Archiepiscopo, vt superius quoq; notauit: sed proximo sequenti anno à Gymnasii Moderatoribus ad finiendum tempus cōductionis suæ est reuocatus; quo finito an. 1573. discessit: atq. in eius locum Sanctus Cythinus Vtinenſis eiusdem ordinis prædicatorum ſuffectus est. Et an. 1582. Egidius Marchesinus Bononiensis, non solum maximus Theologus, sed etiam eloquentissimus Concionator. Et an. 1586. Alphonsus Sotus Theologus celebratissimus. Et an. 1593. Angelus Andronicus Venetus, Philosophiæ, & Theologiæ laude clarissimus; qui maxima sapientia, & probitate ornatus ad eam hominum existimationem profluxit, ut, cum Venetiis degeret, plurimi Patricii, & Senatores Veneti apud eum de peccatis suis confeterentur, ac salutem animarum quærerent; necesseq. habeat propter tales confesſiones in Gymnasij vacationibus Venetias se conferre, ab omnibus fere summopere expetitus, & accersitus. cumq; adhibitus esset an. 1584. ad ea explicanda, quæ Metaphysica nuncupantur, atq; in ea explicatione maxime excellere videretur: dici tamen non potest, quàm præcipue inter Theologos eniteret, & omnem laudis excellentiam superaret. Quæ causa fuit, quâ obrem ad explicandam Theologiam postea traductus fuerit, & factus sit collega celeberrimi Theologi, Hieronymi Pallanterij. Eleæus est et huius Prouinciæ in sua Relig. Admin.

De successore Bonauentura Manenti. Cap. XXVI.

AD explicandam Theologiam ex doctrina Scoti Bonauenturæ Manento successit Hieronymus Pallanterius, natus loco nobili, & celebri Flaminie oppido, BONONESIO nuncupato, propterea quòd à Bononiensibus fuerit conditū, vt ille cecinit ad hunc modum;

Nobile Castellum, cui docta Bononia nomen,

Indidit, auspicijs semper felicibus vsa:

atq. ex familia Pallanteriâ, claris semper virtis affluentissima; in qua floruerunt inter ceteros

1. Io. Franciscus, vir præstantissimus:
2. Achilles, vir gratiosissimus:
3. Alexander Achilles filius, de quo mentio est honestissima apud Platinam in vita Pij IIII. Pater Pompeij Prorontarij

tarij Apostolici : Caroli, Equitis S. Lazari : Cæsaris, Equitis S. Stephani; fraterq. Catarinæ, Francisco Genasio nuptæ, Medico celeberrimo, matrisq. quinque Doctorum præcellentissimorum.

4. Alter Hieronymus, Clericus sæcularis, poeta in sermone Italico excellens, in conuertendis Virgilij Bucolicis admirabilis, in conficiendis elogijs præclarus:

5. Christophorus, Theologi nostri patruelis, Equitum Præfectus:

6. Io. Paullus, eiusdem Patruelis, ordinis Minorum Franciscanorū, ipsius Theologi alumnus, & Theologus egregius, Commentarijs suis in quattuor libros sententiarum, & in oēs psalmos clarissimus:

7. Diophæbus, Theologi nostri frater, Decurio in bello Senensi, & à Cosmo, Magno Etruriæ Duce venationi nemo rum Pisatorum Præfectus. Cum autem Hieronymus nomen dedisset in Religionem Minorum Franciscanorum; & Cremonæ audiuisset Marcum Tartesium, maximum oratorem, Ioannemq. Musonium, eximium poetam; quorum alterum orationibus conficiendis, alterum versibus pangendis, atq. inter cetera Christi perpeffione primum heroice, deinde Sapphice exprimenda, peregre est imitatus; ac Ferrariæ se dedisset in disciplinam tum Philippi Brasci Faentini, summi Theologi, & Metaphysici, tum Vincentij Madij, philosophi celeberrimi: fuit primum Ferrariæ Magister studentium, & Logicæ Interpres: deinde Bononiæ explicator Philosophiæ, vsus disciplina tū Io. Antoni Delphini à Casale Maiori, viri celebratissimi; tum Francisci Visdomini Ferrariensis, concionatoris præclarissimi. Cumq. in Comitij Generalibus Florentinis decreuisset Pater Generalis Antonius Sapiēs Augustanus propter negotia grauissima Religionis in Hispaniam proficisci, sex de præstantioribus ingenijs secum ducere statuit, ac Hieronymum in primis delegit, qui iam dederat præstantiæ suæ clarissima documenta. Sed extincto eo in itinere, factus est Regens in Conuentu Ferrariensi, & publicus Ferrariæ Metaphysicus. Inde à Felice Pyreto ex Monte Alto, qui Generalatum adeptus est, & postea fuit Cardinalis, & Pōtus Max. Sixtus V. nuncupatus, ad Theologiam in Ticinen

De Gymn. Pat.

si Gymnasio interpretandam missus est, atq. in eum locum successit, quo in loco cum alij quondam summi viri ordinis Minoris Franciscani per annos circiter ducentos, tum Franciscus Saouonensis, qui postea fuit Sixtus IIII. & Petrus Candianus, qui fuit Alexander V. & Gometius Vlyssiponensis, qui fuit Archiepiscopus Ragusii, maxima cum ingenij, ac doctrinae laude floruerunt. Tenuit eam cathedram circiter quinque annos prope incredibili auditorum cum admiratione, solus nouo exemplo, cum ante eum, & post eum nemo fere sine collega eam tenuisse memoretur. Accitus deinde fuit à Cardinali Borromeo, Archiepiscopo Mediolani, cui charissimus exstitit in collegio pauperum clericorum, honestissimeq. seruauit circiter quattuor annos, explicans quattuor partes catechismi Romani, quattuor Euangelistas, multasq. summas exemplorum ad conscientiam pertinentium. Cumq. ad cathedram suam Ticinensem reuersus esset, à Cardinali ex Monte Alto Romam accersitus est, atq. in eius familiam receptus anno sanctissimi Iubilei 1575. ac apud eum fuit circiter octo annos; atq. si continuare maximos labores, maximasq. vigilias, quas quotidie suscipiebat, potuisset, euecto ad Pontificatum ipso Cardinali ex Monte Alto aliquot post annis, elatisq. alijs, qui ei seruiuerant, ad Cardinalatus, Prælaturas, & dignitates Ecclesiasticas, ipse quoq. cõmuni omnium indicio Cardinalis factus fuisset. Sed defessus, non satiatus, cum ab eo discessisset, primum fuit Regens Bononię, illiusq. conuentus gubernator; immo vero etiam totius prouincię Bononiensis Administer: deinde in locum Bonauenturę Manenti Theologus huius Gymnasij electus est, delato ei munere Regentis, atq. Administri etiam huius prouincię S. Antonij, ac dato gratis honore collegij Theologorum, quo similiter Ticini potitus fuerat; cognitus non solum magnus Philosophus, & Theologos, tũ in publicis disputationibus, quas Romę ter habuit, præsentibus, multis, magnisq. Cardinalibus. & Mediolani, & Florentiæ; tum vero, cum fuit Regens in conuentibus præcipuis, Ferrariensi, Ticinensi, Mediolanensi, Bononiensi, Patavino: sed etiam magnus orator, partim in munere concionandi, quod in nobilioribus Italiæ suggestis obiuit; partim etiam in sacello Pontificio apud summum Pontificem Pium V. in die

die Ascensionis Domini habita luculentissima oratione de ascensu Seruatoris : apud Gregorium XIII. in die omnium Sanctorum de gloria beatorum : Mediolani in funere Caroli V. Imperatoris de summis eius laudibus : Ticini , & Patauij initio explicationum suarum de dignitate Sacre Theologiæ , alijsq. disciplinis ad eius vsum , & seruitium reducendis : nomine Patauini Theologorum collegij ad Aloysium Corneliũ Episcopum , qui Friderico patruo Cardinali successit in Episcopatum , & ad Marcum , qui fuit successor Aloysii in eorum ad Episcopalem dignitatem ingressione ; charus , & iucundus Cardinalibus , & principibus , non solum Cardinali ex Monte Alto , dum honestissime ei seruiuit : sed etiam Hemanueli Chi liberto , Allobrogum Duci : Alphonso II. Ferrariæ Duci : Hippolyto II. Cardinali Estensi : Aloysio itidem Cardinali Estensi : Alexandro Estensi , principi generosissimo , dum is Patauij esset studiorum causa : Cardinali Sfrondato , qui fuit Gregorius XIII. Pontifex Max. à quo summa omnia sperare poterat , si is diutius vixisset : in primis autem quinque Tutelari- bus Franciscanæ Religionis , Rudolpho Pio , Cardinali Carpenfi : Cardinali Borromeo : Cardinali Alciato : Cardinali Ruuereoz : Cardinali Cusano , qui gubernationem conuentus Di. Antonij Confessoris ab eo diutius continuari voluit : præterea Cardinali Palæoto , Bononiæ Archiepiscopo . Fuisset autem declaratus summus Magister , & , vt appellant , Pater Generalis Frãciscanæ Religionis , nisi magis virtutis semper , q̃ honoris studio incensus extitisset , & ab omni prorsus præfatione alienũ se ostendisset : cũ tñ vno , aut altero suffragio , ab eo , qui nunc Generalatum administrat , quamvis sapientissimo , atq. optimo , sit superatus . Magnum igitur accersit lumen Gymn. Patauino , cum tam clarus Theologus multis posthabitis præclarissimis , & præstantissimis Theologis , dato ei maiori præmio , quàm vlli vnquam alii in principio talis professionis datum sit , delectus est ; vere Hieronymus , & sacrum nomen ; vereq. Pallanterius , quasi Pallantherus , & Pallade , ac sapientia floridus .

De successoribus Hieronymi Quaini . Cap. XXVII.

Ap. 1582. Ad declarandam Sacram Scripturam in locum Hiero-

De Gymn. Pat.

Hieronymi Quini demortui successit Alphonſus Sotus Florentinus, plurimum ſine dubio & ipſe valens tum ſcientia Theologiæ, tum concionandi facultate. Et an. 1587. Alphonſo Soto ad explicandam Theologiam ex Doctrina Di. Thomæ traduſto, Io. Franciſcus Contarenus, Patricius Venetus, ordinis obſervantium Dominicanorum ſucceſſus eſt. Et an. 1589. cum Contarenus diem ſuum obiſſet, e. uſ ſucceſſor eſt declaratus Franciſcus Zambertus Venetus Ordinis Carmelitani, qui ea, quæ Metaphyſica nuncupantur, in Gymnaſio Ticinenſi cum magna ſua laude explicauerat, eratq. tunc ordinis ſui in hac prouincia Adminiſter. Et an. 1594. mortuo Zamberto Alphonſus Sotus à Theologia interpretanda ex doctrina Di. Thomæ ad Sacram ſcripturam explanandam eſt reuocatus.

De ſucceſſoribus Thomæ Peregrini. Cap. XXIX.

Locum demortui Thomæ Peregrini, celebratiſſimi Metaphyſici, obtinuit primum an. 1584. Angelus Andronicus Venetus, ſummus Philoſophus, ac Theologus, & propter magnam famæ celebritatem digniſſimus habitus, qui tanti viri ſucceſſor declararetur: eoq. poſtea ad Theologiam interpretandam ex doctrina Di. Thomæ traduſto, electus eſt Liuius Leonius Patavinus ordinis Prædicatorum ſummo ingenio, ſummaq. doctrina ornatus, & admirabili quodam curſu prægrediens ad præmia immortalitatis.

De ſucceſſoribus Martialis Peregrini. Cap. XXIX.

Succeſſores fuerunt Martialis Peregrini ad ea, quæ dicuntur Metaphyſica ex doctrina Scoti explicanda, primum an. 1575. Carolus Billeus Siculus, vir maximæ doctrinæ, & ingenii excellentiſſimi. Deinde poſt mortem Billei an. 1580. Saluator Bartholutius; qui ortus Aſiſii, nobili loco, & celebri Vmbriæ vrbe, parentem habuit virum optimum, Ioannem Bartholutium, duosq. proauos præſtantiſſimos ordinis Minorum Franciſcanorum; alterum Ruſinum Bartholutium, Theologum, & Muſicum præcellentiſſimum, eum qui primus fecit modos figuratos cum partibus chori diſiunctis, tanto pere poſtea ab Adriano illo Muſicorum coryphæo probatos, & auſtos, clariſſimaq. dedit documenta Muſicæ præſtantie ſuæ

cum

cum in aliis præcipuis Italiæ urbibus , tum maxime Venetiis, Patauî, Bononiæ: alterum Io. Franciscum Bartholutium, optimis moribus præditum, atq. in agendo ita excellentem , ut cum prouentus administrasset conuentus Aesifatis maxima cum laude prudentiæ suæ, atq. vtilitate conuentus ipsius, Cardinalis Carpenfis , Rudolphus Pius, Tutelaris Franciscanæ Religionis in Comitibus Generalibus Aesifii an. 1559. celebratis, quibus ipse præerat, custodem sacri conuentus eum declarari voluerit; quæ dignitas antea non nisi Sacre Theologiæ Magistris tribui solita erat. Rufino autem Saluatoris cura commissa est, & post eius mortem Io. Francisco, qui iuuenem animaduertens ad religionem propensum, fecit, vt in Franciscanam Religionem nomen daret, studiumq. Musicæ, ad quod minus propendere videbatur , in præclara litterarum studia conuerteret; eumq. misit Cremonam, vbi artes, quæ ad Humanitatem pertinent, maxime florebant. In ea vrbe Saluator operam dedit clarissimis viris, Tartesio, & Musonio, litterasq. Latinas, & Græcas didicit, ac nobiles artes, Rhetoricam , & Poeticam, percepit, admirabiliterq. progressus est ad bene loquendi, eleganterq. scribendi excellentiam; quam semper cum magna sua laude præ se tulit. Cumq. satis instructus esset humaniorum disciplinarum cognitione, grauiorum studiorum causa Bononiam profectus præstantissimos nactus est præceptores; tum Logicæ Nicolaum Turcam tum Philosophiæ Ant. Franciscum Fabium; vtrumq. Bononiensem: tū Theologiæ Antonium Delphinum a Casale Maiori in omni doctrinæ genere versatissimum; Franciscum Visdominum Ferrariensem, concionatorem eloquentissimum, & grauissimum; Octauianum Rauennatē, imitatore, explicatore, defensorē doctrinæ Scoti diligentissimū: quibus ducibus cum plurimum profecisset , factus est primum in Comitibus Generalibus Aesifii an. 1559. Magister studii in conuentu Bononiæ, idq; muneris tribus annis obiuit: deinde in Comitibus Generalibus Mediolani an. 1562. post quæstiones disertissime disputatas, insignia Doctoris a Patre Generali, & Summo Magistro Sapiente Augustano est consecutus; statimq. Patauium missus Magister Artium in Gymnasium conuentus Patauini: inde ab eodem vocatus ad Concilium Tridentinum, ut ibi solennem

De Gymn. Pat.

lénem orationem haberet pro Franciscana Religione: postea in comitiis Generalibus Romæ an. 1568. quibus præerat Fr. Felix Pyretus à Monte Alto, Vicarius Generalis Apostolicus, & Episcopus S. Agathæ, qui postea fuit Cardinalis, & Pontifex Max. sub nomine Sisti V. declaratus Regens Magnæ Domus Venetiarum: in Comitiis Camerini an. 1571. Regens in Conuentu Patauino, ubi inter alios quàm plurimos honestissime seruiuit, tanquàm præceptor Rhetoricæ, Logicæ, Philosophiæ Francisco Mariæ ex Marchionibus Montis, qui postea factus est Cardinalis: an. 1577 in Perusino: an. 1578. iterum in Veneto, vbi Rhetoricam, Logicam, Philosophiam, Theologiam, non modo Franciscanis, quorum regebat studia, sed etiam Patriciis Venetis tanta omnium admiratione interpretabatur, vt prope incredibilis ad eum audiendum cōcursus fieret, multiq. per eum, & eo duce excellentem cursū fecerint, præstantemq. progressionem ad sapientiæ, atq. eloquentiæ excellentiam, atq. inter ceteros Stephanus Theopolus, is, qui Academicas edidit Contemplationes. Orationem autem habuit in multis comitiis, tū generalibus, Acsisi, Mediolani, Florētiæ: tum Prouincialibus, Taurisi, Cremonæ, Vtini, Rhodigii; quem ego ipse audiui patriā meam tam mirabiliter exornantem, vt melius non quærerem, quo cum etiam disputauim, propositis ab eo in illis Comitiis Rhodigii non solum de Logica, Philosophia, Theologia, sed etiam de Rhetorica ingeniosissimis quæstionibus. Acsisi etiam tenebrem orationem habuit in Ecclesia Cathedrali in obitu Episcopi Laurentini ex Monte Politiano: & Venetijs in Ecclesia S. Stephani in obitu Patris Generalis Eremitani, Christophori Patauini: & Patauim in templo Di. Antonij in obitu Francisci Roborrelli Vtinenfis. Concionatus quoq. est disertissime in pluribus Italię vrbibus, Tauriso, Placentia, Florentia, Cremona. Atq. obscurissimo Doctōri suo Scoto singulare lumen afferre visus est, emendando Collibira eius, scriptum Oxoniense, disputationes: illustrando præclaris annotationibus omnia: conficiendo syllabum describendo vitam: faciendo Apologiam in Scotomastigas: explicando formalitates Antonij Siretti, factas ad mētem Scoti. Vt mirum non sit in magna celebritate famę, si à pluribus magnis viris expetitus, & in uita

tus fuerit, atq. inter ceteros ab Adamo Conascio Polono, Episcopo Pofnanienfi: & à Christophoro Madrutio, Cardinali Tridentino: alijsq. Episcopis, & Cardinalibus, qui cum apud se habere maxime cupiuerunt. Quamobrem Moderatores Gymnafii Patauini eum facile delegerunt Caroli Billei fuccefforem ad ea, quæ Metaphyfica dicuntur, in Patauino Gymnafio interpretanda, collegam celebratiffimi Metaphyfici, Thomæ Peregrini, fauentibus ei potiffimum propter maximam eius præftantiam ipsis perpectam, & cognitam ampliffimis Senaroribus Paullo Theupolo Equite, & Di. Marci Procuratore, Franciscoq. Venerio, philofopho celeberrimo. Idem in conuentu Di. Antonij Confefforis ad numerum Patrum Patauinorum vna cum eximio Theologo, Hieronymo Pallanterio, propter illius conuentus conferuationem, vtilitatem, & ornamentum eft aggregatus: atq. in Patauinũ Theologorum collegium honeftiffime cooptatus.

De fucceffore Bernardini Paterni. Cap. XXX.

1592 **I**N locum demortui Bernardini Paterni, qui diu Medicinam Theoricam interpretatus eft, Horatius Augenius à Monte Sancto fucceffit, vir præftantiffimus, parente clariffimo natus Ludouico Augenio, eo, qui annos feptuaginta in præcipuis Flaminie, Piceni, Etrurię ciuitatibus cum maxima famæ celebritate exercuit Medicinam; nomenq. fuum reddidit immortalẽ; & chariffimus fuit Clementi VII. Pontifici Max. cui honeftiffime feruiuit; Medicusq. intimus, ac familiariffimus Alberti Pij, & Leonelli fratrum Comitum Carpenfium, fummeq. dilectus à Rudolpho Pio, Cardinali, Leonelli filio: tantoq. in honore habitus apud Ducem Guifium, & fratres, aliosq. Principes Gallos, cum in Italiam exercitũ duxerunt fummo Pontifici Paullo Caraffæ gratificati, vt præter magnam vim numorum honoris cauffa ei datorum, etiã eius patriam, Montem Sanctum, ab omnibus oneribus, quæcumq. alia loca ob ipfius exercitus tranfitum fultinebant, im munem fecerint: quattuorq. reliquit filios, omnes infig niter honoratos; duos Iurifconfultos clariffimos, Simonem, & Fabricium, quorum primus bis fuit Auditor Rotæ Perufinæ: alter Ius Pontificium in Gymnafio Romano, & Maceratenfi

S cum

De Gymn. Pat.

cum magna sua laude interpretatus est, Vicariatusq. officia splendide obiuit: Lælium Equitem Di. Mariæ Lauretanę: & ipsum Horatium, Philosophum, Medicum, Theologum præcellentissimum, in quo spem suam omnem collocauerat; quiq. cum in Gymnasio Maceratēsi Logicam duobus annis; & in Romano Medicinam Theoricam extraordinariam quinque annis; & in Taurinensi Medicinam Practicam ordinariā in prima cathedra sexdecim annis, videlicet sex cum collega Ioanne Cosleo ex Laude Pompeia, & decem sine collega interpretatus fuisset: tandem in hoc Gymnasium ad Medicinā Theoricam ordinariam explanandam, proposito nongentorum florenorum præmio accitus, ac perductus est. Eius exstāt de sanguinis missione libri decem: Disputationum eiusdem argumenti libri septem: Epistolarum Medicinalium libri viginti quattuor duobus voluminibus comprehensi: liber de partu hominis: alia.

De Successoribus Paulli Crassi. Cap. XXXI.

1574 **C**um ex hac vita excessisset Paullus Crassus, Philosophus, & Medicus celeberrimus, collega Bernardini Paterni ad Medicinam Theoricam ordinariam explicandā, eius loco potitus est Nicolaus Curtius Brixianus, vir doctissimus, corpore quidem paruo, vnde Nicolinus nuncupabatur, sed ingenio magno, ac doctrina prope singulari. An. autem 1578. eius demortui successor factus est Bernardinus Triuifanus Patauinus, qui Medicinam Theoricam extraordinariā explanabat. Et an. 1583. post mortem Triuifani, electus est Albert. nns Bottonus, de quibus omnibus plura superius.

De Successore Hieronymi Mercurialis. Cap. XXXII.

1587 **C**um ex hoc Gymnasio discessisset Hieronymus Mercurialis, in eius locum Alexander Massaria Vicetinus electus est, vir exquisitę litteraturę, & Græcis doctus literis, atq. Latinis, quas à clarissimis didicit nostri ordinis viris, primum Vicetię à Iacobo Grisolo Lucinianensi, qui multos annos ibi publice docuit: deinde Patavi j à Lazaro Bonamico Bassianensi, litterarum Græcarum, & Latinarum explicatore celeberrimo, rectissimamq. studiorum rationem secutus

tus est, vt Latina cum Græcis coniungeret, & non riuulos, sed fontes ipsos peteret disciplinarum, ac simul Græca intelligeret, & Latine loqueretur. Quod tam egregie est assecutus, vt nec eius intelligentia firmitus esse quidquam, nec eius elocutione aut purius, aut rotundius, aut minus spinosum videatur. Cumq; in omni actione sua semper appetiuerit principatum, vt eam obtineret, duces sectatus est eos, qui suarum principes essent professionum, præter Grifolum, & Bonamicum, in Logica Tomitanum: in Philosophia ordinaria Genuam: in Philosophia extraordinaria Albertum: in Metaphysicis Bargium: in Medicina Theorica Oddum seniore: in Medicina Practica Fracantianum: in Chirurgia, & Anatome Fallopium. Ac philosophiæ, Medicinæq; insignia consecutus vnũ de principibus locis inter Philosophos, & Medicos tenuit, tũ Vicetiæ annos quinque, & viginti, Medicinam exercens peregre, atq; in clarissima Olympicorum Academia modo Anatomem, modo Aristotelis Meteora, modo aliquid aliud eiusmodi singulari sua cum laude, ac prope incredibili Academicorum omnium cum admiratione explanãs: tum Veneitiis, quò quidem à multis amicis, & patronis suis, in primisq; ab iis, qui Vicetiæ præsidēs fuerant, partim Prætores, partim Præfecti, eiusq; operam Medicam sane egregiam, & præclarā cum sua, & suorum salute experti fuerant, eumq; sæpe in Academia doctissime, disertissimeq; disputantem audiuerant, inuitatus fuerat; & quò etiam animus propendebat, vt ibi commodius, & splendidius opera quædam sua ederet Medica. Itaq; eò profectus an. 1578. dici non potest, quantum cursum, quantumq; progressum fecerit per nouem annos ad nominis celebritatem, summæq; excellentiæ gloriam. ibiq; typis imprimendos dedit duos luculentissimos libros suos de peste; de quibus placet adscribere duo præclarissima testimonia, alterum Andræ Dudithij, alterum Montani Vicetini, vtriusq; doctissimi, ac clarissimi. Dudithius enim ita scripsit Vuincislao Raphano, Medico, vt constat ex tertio Tomo Cõsiliorum, & Epistolarum Ioannis Cratonis; Aueo tuum iudicium cognoscere de Massaria, atq; illius libro de peste, quem inuitus patior à mea bibliotheca abesse; ita mihi visus est elegans esse, & bene rem examinare. Si cum librũ tuus librarius

De Gymn. Pat.

„ Istichabet, eme mihi quouis precio. Montanus, vero libro ter
„ tio de morbis ex Galeni sententia; Aureus, inquit, de peste
„ Tractatus est editus ab Alexandro Massaria, patriæ nostræ lu-
„ mine, ac ornamento, in quo pestis natura verissime, atq. ele-
„ gantissime describitur; quod hætenus ab alio nemine factū
„ est. Hæc illi. Cum autem Massaria non minus in Medicina
„ Theorica, quàm in Practica valere, atq. excellere videretur,
cupientibus Gymnasii Moderatoribus Bernardino Paterno
gratificari, vt à primo loco Theoricæ ad primum locum Pra-
cticæ, quem Mercurialis tenuerat, traduceretur, req. tracta-
ta, & confecta cum Massaria, vt ipse Paterno succederet, no-
tatum quidem est decretum de Theorica Massariæ, ac Pra-
ctica Paterno committenda: sed, cum tale decretum in Sena-
tu lectum esset, non nulliq. Senatores rem disluasissent, atq.
inter ceteros Senator eloquentissimns, Aloysius Mocenicus,
argumentatus esset, minime expedire, vt Paternus, qui diu
Theoricam explicauerat, ad Practicam explicandam adhibe-
retur; & Massariam quidem in vtraq; prætare, sed tutius es-
se, vt qui Practicam exercuisset, etiam Practicam explanaret;
tantumq. sua profecit persuasione, vt ijs, de quibus agebatur,
inscientibus decretum fuerit conuersum, Paternusq. in Prin-
cipe loco Medicinæ Theoricæ, aucto eius præmio, per honori-
fice sit confirmatus; princeps vero locus Practicæ cum præ-
mio octingentorum florenorum Massariæ datus; qui profe-
cto cum non accèpisset, nisi fuisset primus locus, quotus erat
alter ei assignatus. Idq. sine dubio maximum fuit decus, atq.
ornamentum, vt, cum alij diu soleant in Gymnasio laborare,
quò ab inferioribus gradibus ad superiores perueniant, ipse
tamen, qui munus docendi in nullo ante publico Gymnasio
obiuerat, incertumq. erat, quo exitu tale munus obiturus es-
set, propter solam hominum existimationem sane excellen-
tem, & præclaram, ad quam medendo profluxerat, vnum de
principibus locis, & quidem cum tam amplo præmio sit con-
secutus. Cumq. hoc fuerit admirabile: illud tamen extitit
admirabilius, quantum in ipso initio professionis suæ omni-
bus excellere visus sit, vt, cum Medico iam confirmatæ aucto-
ritatis, & gloriæ, Hieronymo Capuaceo, collega datus sit,
statim parem comparauerit auctoritatem, magnumq. audi-
torum

torum numerum habere cœperit, ac communem opinionem excitauerit in animis studiorum, non posse melius quæri; quam illud ipsum, quod ab eo præstaretur, neminemq. nec peritiorem, nec magis idoneum ad docendum, nec robustiorem, ac vehementiorem ad tolerandos docendi, labores eligi potuisse; quamuis multos habuerit competitores, Medicos præstantissimos, & præclarissimos, atq. inter ceteros Iacobum Scutellarium Medicum Imperatoris, qui quidem id muneris omni petebat contentione, omnemq. conatû amicorum, & patronorum complurium adhibebat ad eam petitionem. Statim igitur orationem habuit maximo litteratorum hominum concursu, quorum multitudinem vix amplissima capiebat Schola, de retinenda Hippocratis, & Galeni doctrina contra non nullos rerum omnium nouatores; quæ oratio meo quidẽ iudicio multas valebat orationes; vt, quemadmodum L. Philippus dixisse dicitur, non se Cn. Pompeium pro consule, sed pro consulibus ad bellum maximum, formidolosissimumq. contra Sertorium in Hispaniam mittere: sic ego Massaria orationem non pro oratione, sed pro orationibus, & quidẽ pro tribus orationibus existimem; siquidem cum in ea ageret de ducibus in medicinæ studio sectandis, eam in tres partes distribuerat, ita yberes, & locupletes, vt earum vnaquæq. instaret integre orationis. ostendebat enim alios adductos esse Græcis Medicis, & in primis Galeno; alios Arabibus, præcipueq. Auicenna; alios veterum nulli, sed recentiore aliqua doctrina mirum in modum oblectari; vt inter ceteros Fernelium, atq. Argenterium. Ac in prima quidem earum parte in tertios inuehebatur, maximeq. in Argenterium, qui vel ipsum Aristotelem, in Logica, in Ethicis, in Meteoris, in Metaphysicis, in vniuersa Philosophia, simulq. Hippocratem, & Galenum reprehendere ausus est, suamq. in infinitum effrenatam iactauit audaciam; similiterq. in Fernelium, qui & ipse Aristotelem, Hippocratem, Galenum magnis conuicijs insectari minime exubuit; in altera vero parte Arabes cum Græcis comparabat, hosq. illis, & Hippo. ac Galenum Auicenna; insigniter præferebat; in tertia autem de præstantia Hippo. & Galeni disputabat; omnesq. medicæ facultatis studiosos ad p̄nolucenda eorum in primis exemplaria, & condiscenda præce-
pta,

De Gymn. Pat.

præ, eosq. imitandos, obseruandos, suspiciendos cohortabatur. Quam vero sit indefessus in docendo non in scholis modo, sed etiam extra scholas, satis declarat vtilissimum eius Institutum propter vtilitatem suam perpetuo retinendum, atq. ad posteros propagandum, eundi statim post publicas explicationes suas per totum tempus interiectum inter initium Nouembris, cum publicum explicandi munus reuocatur, & sanctum Pascha singulis prope diebus ad Nosodochium Di. Francisci cum magna iuuenum rei Medicæ studiosorum multitudine, ac visitandi, & adiuuandi omnium prope generum ægrotos ibi languentes, eligendiq. aliquem insignem morbum, de quo die præstituta ipso præsentē disputent aliqui de prouectioribus auditoribus suis, qui ad eam præclaram, & egregiam exercitationem frequentes dant nomina, vel nuper Doctores facti, vel proxime ad excellentiam progressi, praxim Medicam discere cupientes; quibus ipse diligenter auditis tamquam Doctor Doctorum, quæ bene sint disputata, probet, quæ male, corrigat, & non magis ægrotis proffit optimū dando consilium suum, quam sanis, & bene valentibus optimam commonstrando consultandi rationem, optimosq. Medicos conformando, priusquam se applicent ad medendum; ut huiusmodi Institutum appellari merito possit præstantissimi morum Medicorum seminarium, singulare sine dubio afferens humano generi beneficium, eiusq. auctori gloriam sempiternam. Neque verò solum sapientiæ & eloquentiæ laude floret Massaria; sed etiam magnificentiæ, ac liberalitatis commendatione. ornauit enim ædes suas magnificentissime, multum tapetium, multum peristromatum, multum omnis generis ornamentorum splendide addibendo, ut qui nam ex personis honoratis eo magnificentius habitet, nominari posse nemo videatur: easq. patere vult hospitibus quamplurimis, qui apud eum sapissime diuersantur; atq; in easdem maximam recipit hominum multitudinem, præsertim tempore nundinarum Di. Antonii Confessoris, non solum Vicetinarum qui Patauium confluunt ad solennes, quæ tunc sunt, supplicationes, cum thesaurus ipsius Di. Antonii circumfertur, Doctoresq. vtriusq; Collegii tum Iurisconsulti, tum philoso-
phi, & Medici, singuli singulis minoribus Franciscanis com-
rati

tati pie procedentes conspiciuntur: verum etiam Venetorum, atq. Patauinorum, in primisq. mulierum honestissimarum, quę in ædes ad illud nobile spectaculum se recipiunt, quibus quotannis ientaculum magnificentissimum, omnemq. superans magnificentiam ipse apparare consuevit, cum placetis, & vinis, aliisq. rebus preciosissimis ad id reservatis. Nec minus liberalis in pauperes, & egenos, quàm splendidus in nobiles, & illustres existit, ita vt cum Cimone Atheniensi omnium liberalissimo comparari merito posse uideatur. ille, nisi quem egere ciuein intelligebat, cum suis facultatibus adiunxerat: hic præter alias eleemosynas singulis diebus Veneris per totum annum centum, & pluribus pauperibus dat panem liberalissime. Ille domi conuiuium parari iubebat, quod pauperes conuenirent: hic in die Veneris, qui sanctus appellatur, & in Vigilia Natalis Domini quotannis duodecim egenis prædium ita lautum præbet, vt apparatus esse viris illustribus videatur; certamq. pecunię quantitatem subministrat. Ille prædiorum suorum sepes auferri iubebat, vt omnes, etiam indigni arbitrio suo fructus possent percipere: hic longe prudenter bona quidem sua cum amicis dignis communicat, præcipueq. cellam vinariam, quæ semper vinorum preciosissimorum plena est, cetera vero in usum reservat congruentem magnificentię, atq. liberalitatis. Hæc de Massaria mea quidem sententia numquam satis laudato, qui pluribus sane verbis in his debebat libris celebrari, quorum ipse pars magna fuerit, cum in primo die anni millesimi quingentesimi nonagesimi sexti, quo hæc coepi scribere, conuiuium lautissimo amicis suis apparato, perillustri Equiti, Oratori, & Poetæ Baptista Guarino Ferrariensi, clarissimo Chirurgo, & Anatomico Hieronymo Fabricio ab Aquapendente, excellentissimo explicatori libri tertij Auicennæ Antonio Nigro Patauino; præstantissimo Simplicium medicamentorum interpreti Prospero Alpino Marosticensi, doctissimo viro Paulo Aicardo Genuesi; & mihi: inter alia, de quibus tunc collocuti sumus, sane præclara, & iucunda, primus sermonem iniecerit de huiusmodi Commentarijs conficiendis; meq. nihil tale cogitantes ad eos conscribendos cohortatus sit, atque inflammauerit.

De Gymn. Pat.

De successore Hieronymi Capiuaecci. Cap. XXXIII.

IN locum demortui Hieronymi Capiuaecci an. 1590. successus est Hercules Saxonia ad Medicinam Practicam ordinariam explicandam, collega Alexandri Massariae. Is habuit patrum magnum Victorem, qui Medicinam Theoricam extraordinariam cum maxima sua laude professus est: & auum Hieronymum, qui Ragusum ad medicandum magno praemio accitus delitit publice docere, atq. inde in patriam reuersus totum medendi studio se dedit, cum eximio splendore familiae, atq. excellenti vrilitate patrie suae: & patrem Ludonicum, magnum philosophum, paternae gloriæ successore: & patrum Franciscum, celebrem I. C. habetq. fratrem Victorini, I. V. Doctorem clarissimum, qui primum Ius ciuile meridianum explanauit: inde Feuda interpretatus est: postea adhibitus est ad eam partem declarandam, quæ ad crimina dicitur pertinere. Cum primum autem Hercules Philosophiæ, ac Medicinæ Doctor factus fuisset, per annum, & dimidium munus Logici obiuerat: deinde vero ad librum tertium Auicennæ declarandum adhibitus fuerat, tanto auditorum cōcursu, atq. applausu, in primis Germanorum, ut cum ea explicatio enumerata fuisset inter tresdecim à Senatu dimissas, quod superius narraui, Natio Germana quattuor miserit Legatos ad Principem Venetiarum, ut de hac sola retinenda, quam habebat Hercules, ei supplicarent. Quod quidem cum factum fuisset omni contentione, nec contra S. C. iam pernulgatum id poruisset obtineri, necesse ipse habuit, ut Nationi suae amantissimæ, atq. obseruantissimæ gratificaretur, & satisfaceret, talem explicationem per annum priuatim in amplo Triuisanarum ædium conclauis à clarissimo Medico, Bernardino Triuisano, socero suo, sibi concessio continuare. Cumq. postea per annum Medicinam Theoricam extraordinariam interpretatus esset, à multis patriciis, & senatoribus Venetis rogatus est, ut Venetias rerum suarum domicilium transferret, ibiq. curandis, & sanandis ægrotis operam daret. quod cum ipse fecisset, dici non potest, quam facile ad hominum existimationem profluxerit, ut inter præcipuos Medicos haberetur, & honestissimū, atq. amplissimum faceret lucrum. Ibiq. circiter octo annos floruit.

floruit. Cumq. post mortem Hieronymi Capiuaccei non facile inuenirentur, qui eius successione digni essent; maximeq. aptus, & natus existimaretur Hercules ad cathedras tenēdas, & Medicinam de superiore loco profitendam, conati sunt Gymnasii Moderatores ei persuadere, vt hoc præclarissimum onus subire ne grauaretur. Idq. ita persuaferunt, vt, tamen si perspicerent, propter eius discessum maximo cōmodo, quod ipse doctrina, & diligentia sua Venetijs afferret, illum populum esse cariturum, tamen, cum ne hoc quidem modo priuari prorsus illa ciuitas tanto bono videretur propter Patavij vicinitatem, vnde præcellentissimi Medici facili negotio accersuntur, Gymnasii vtilitatem ceteris rebus antetulerint, eiq. id muneris summo consensu suo, cunctisq. Senatus suffragijs detulerint.

De successoribus in secundum locum Philosophiæ ordinariæ.

Cap. XXXIV.

1564 **M**arco Antonio Genuæ Patavino, tunc summo Philosophorum dati fuerant collegæ ad Philosophiam ordinariam explanandam Franciscus Piccolomineus Senensis, & Fridericus Pendasius Mantuanus, traducto Abracio Apulo à secundo loco Philosophiæ ordinariæ ad primum extraordinariæ. An. autem 1571. profecto in Gymnasium Bononiense Pendasio, solus Piccolomineus Philosophiam ordinariam tractabat; idq. muneris obiit solus vsq. ad an. 1577. cum est declaratum, vt ipse in prima Cathedra, Archangelus autem Mercenarius à Monte Sancto in altera profiteretur. Mortuo autem Mercenario an. 1585. Comes Iacobus Zabarella successus est: extinctoq. Zabarella an. 1589. in eius locum successit an. 1591. Cæsar Cremoninus Centensis; qui quidem in Gymnasio Ferrariensi primum Philosophiam ordinariam matutinam in secundo loco magna cum laude fuerat interpretatus: deinde ad secundum locum Philosophiæ vespertinæ traductus; postea in primo collocatus: deniq. ad secundum in Gymnasium Patavinum accersitus, vt celebratissimi Philosophi, Francisci Piccolominei collega esset, vir ingeniosissimus, doctissimus, disertissimus, ad quamlibet quæstionē explanandam maxime aptus, & promptus, non solum Philoso-

T phica,

De Gymn. Pat.

phica, sed etiam Poetica, & oratoria laude clarissimus; ut merito ille cecinerit;

Cæsar erat, bello qui solus vinceret orbem:

Qui fando vincat, Cæsar & vnus adest.

Sed priscus soio quæsiuit Marte triumphos:

Hic sophia, eloquio, carmine victor erit.

Eius exstat liber in Proœmium Physicorum Aristotelis, continens Tractatum de Pædia: Descriptionem vniuersæ Naturalis Aristotelis Philosophiæ: Præfationem in ipsos libros de Physico Auditu.

Et Fabula Pastoralis eo sermone, quem sibi Etrusci nunc vindicant, eleganter conscripta, cum hac inscriptione, Pomæ Funebres, seu Amyntas, & Cloris.

De successoribus Bernardini Triuifani. Cap. XXXV.

FVit successor Bernardini Triuifani ad Medicinam Theoricam extraordinariam in primo loco explicandam an. 1577. post traductum Triuifanum ad Medicinam Theoricam ordinariam in locum Paulli Crassi, Marcus Oddus Patauinus; qui postea translatus est ad Medicinam Practicam extraordinariam an. 1583. & vitam cum morte commutauit an. 1591. Ediderat autem Oddi de Oddis patris sui expositionem in primam Aphorismorum Hippocratis sectionem: libros nouem de pestis, & pestiferorum omnium affectuum causis, signis, præcautione, & curatione; cum Apologia pro Galeno tum in Logica, tum in Philosophia, tum etiam in Medicina; & cū tractatione de canç, & prandij portione; deniq; cum Apologia pro germana, & nondum explicata Aristotelis, & Galeni sententia de putredine aduersus Argenterium: expositionem in librum Artis Medicinalis Galeni: Interpretationem etiã in Aphorismorū Hippocratis priores duas sectiones. De suo autem peruulgauerat de componendis medicamentis, & aliorum dijudicandis methodum exactissimam, & dilucidissimã.

In eundem primum locum Medicinæ Theoricæ extraordinariæ successit an. 1583. Aemilius Campilongus Patauinus, qui an. 1577. secundum locum obtinuerat. & an. 1591. post mortem Marci Oddi à medicina Theorica extraordinaria ad Practicam traductus est; tunc cum, tametsi eodem anno in
primo

primo loco Theoricæ præmio dato ducentorum florenorū fuerat confirmatus: tamen propter celebrem famam suā etiā in Praxi Medica excellentiæ, ob quam ad plurimas ægrotorū curationes adhibebatur, atq. inter præcipuos Medicos præcti eos habebatur, ei vel incio, nedum non petenti, à Gymnasii Moderatoribus Oddi successio assignata est, vt in primo loco Medicinam Præcticam extraordinariam interpretaretur. Et an. 1596. locus secundus Medicinæ Theoricę ordinariæ, quē tenuerat Albertinus Bottonus, eidem datus est, vt Horatij Augenij collega esset.

Ad eandem Medicinam Theoricam extraordinariam in primo loco declarandam pro Aemilio Campilongo adhibitus est Annibal Bimbiolus, cum Venetijs in patriam magno suo honore reuocatus fuisset. Cum enim an. 1577. Medicinam Præcticam extraordinariā cœpisset explicare, affinis Hieronymi Capiuaccei, eiusq. præclarissimis vestigijs optime insistens signatis ad gloriam sempiternam, an. 1590. domiciliū rerum suarū Venetias transtulerat. Itaq; ibi ei persuasum est, vt ad publicum docendi munus Patauium rediret.

Hos igitur habuit Bernardinus Triuisanus in primum locū Medicinæ Theoricę extraordinarię successores, Marcum Odum, Aemilium Campilongum, Annibalem Bimbiolum.

In secundum autem locum Medicinæ Theoricę ordinariæ an. 1583. Albertinum Bottonum: an. 1596. Aemilium Campilongum.

De Successoribus Albertini Bottoni. Cap. XXXVI.

HAbebat, cum veni Patauium, æqualitatem primi loci cū Bernardino Triuisano ad Medicinam Theoricam extraordinariam interpretandam Albertinus Bottonus: cui successit in secundum locum an. 1577. Aemilius Campilongus: an. 1583. Hercules Saxonia, qui an. 1585 cessauit ab eo munere obeundo, vt Venetias se conferret, quemadmodum fecit.

De Successore Ludonico Angelli. Cap. XXXVII.

Intertia Cathedra diu Medicinam Theoricam extraordinariam professus est Ludouicus Agnellus: cuius locus vacauit an. 1577. & datus est Nicolao Triuisano an. 1585.

De Gymn. Pat.

De Successoribus Mariani Stephanelli. Cap. XXXVIII.

SUCCESSOR fuit Mariani Stephanelli in primum locum Medicinæ Practicæ extraordinariæ an. 1577. Albertinus Bottonus: an. 1583. Marcus Oddus: an. 1591. Aemilius Campilongus, de quibus supra: an. 1596. Io. Thomas Minadous Rhodiginus, in ea familia ortus, quæ originem trahens à Syracusis, inde Neapolim, & Manfredoniam translata est, atque in earum ciuitatum vtraq; plurimum claruit: patreque natus Io. Baptista, Philosopho, & Medico præstantissimo, cuius quidem pater Annibal fratrem habuit patruelem Petrucium, Philosophum clarissimum, Philosophiamque in Pisano Gymnasio professum: frater vero fuit Aurelius, qui Neapoli, & in Regno Neapolitano honestissimas obiuit administrationes, & Carolum V. multis in bellis comitatus est: filij vero fuerunt Doctores præstantissimi, tum Annibal, I. V. D. pluribus in locis Assessor, Patavij, Belluni, Cremæ, Vicetiae, Vtini, Taurisi, Saloi, Brixiae: tum Aurelius Philosophus, & Medicus egregius: tum ipse Io. Thomas, qui duobus Syriae Consulibus Venetis, Theodoro Balbo, & Ioanni Michaeli Medicam operam nauauit peregre: aliquot annos apud Gulielmum Ducem Mantuæ Medici officio functus est: Vtini, Montaniani, Rhodigij publicis, & quidem insolitis medendi præmijs est honoratus: præter Theoremata in hoc Gymnasio per tres dies tunc disputata, cum Philosophiæ, & Medicinæ insignia adeptus est, in lucem, & ad spectum hominum produxit philodicum, seu de diætâ in morbis acutis: Disputationes Medicinales: Historiam de bello persico sermone Italico conscriptam: Apologiam latinam ipsius Historiæ ad obiectiones Leunclauij.

De Successoribus Nicolai Curtij. Cap. XXXIX.

ERAT in æqualitate primi loci cum Mariano Stephanello ad Medicinam Practicam extraordinariam declarandam Nicolaus Curtius: qui an. 1574. Paulo Crasso demortuo successus est ad Medicinam Theoricam ordinariam explanandam. Itaque an. 1575. Curtio successit in secundum locum practicæ extra ord. Iabius Niphus Neapolitanus, vir versatilis ingenij,

&

& maximæ eruditionis, ac non mediocris eloquentiæ; qui quidem per aliquot menses publice docuit: sed cum in cathedra à nonnullis agnitus Apostata, & propterea accusatus fuisset, posteaquàm à sanctissimo quæstionis officio in ius vocatus, ac comprehensus est, vt vitæ suæ redderet rationem, nõ tunc ex altissimo loco Episcopatus, in quẽ erat coniectus, chofda ex lintheis, culcitra, alijsq. rebus, quomodo potuit, confecta periculossime descendit, & aliquandiu latuit, sibiq. salutem fuga quæsiuit. Hic autem secundus locus datus est an. 1578. Annibal Bimbiolo: sed S. C. postea dimissus est. At in secundum locum Medicinæ Theoricę ordinariæ extincto Curtio successit Bernardinus Triuisanus: inde Albertinus Bottonus: inde Aemilius Campilongus, vt supra quoque notatum est.

De Successoribus Hieronymi Nigri. Cap. XL.

Tenebat tertium locum Medicinæ Practicę extraordinarię Hieronymus Niger: cui successit an. 1574. Hieronymus Bradiolus, vnus de præcipuis alumnis Hieronymi Capiuaccei, summę expectationis iuuenis, tam studiosus, & assiduus in Medicinæ præceptis pertractandis, vt summus Medicus euasurus esse videretur, qui tamen an. 1576. morte præreptus est; eoq; maius sui desiderium reliquit, quò maiorem præstantissimi cuiusdam cursus, ac prope incredibilis progressionis ad summam in Medica facultate excellentiam excitauerat expectationem; ac præcellentissimum I. C. parentem suum, Iulium Bradiolum, prorsus miserum reddidisset, qui inter multos filios suos in hoc ipso præcipuam spem collocauerat, nisi ea sapientia fuisset præditus, vt statim secum statuerit in Dei voluntate esse conquiescendum, nec dolorem continuandum; vbi profici nihil posset. In eum locum successit an. 1577. Annibal Bimbiolus, qui an. proximo sequenti à tertio ad secundum est translatus: & an. 1591. Alexander Vigontia, Philosophus egregius, & Medicus præstantissimus, ex præclarissimis maioribus ortus, de quibus plura Bernardinus Scardeonius, Canonicus Patauinus lib. 2. classis 8. & lib. 3. classis 13. & an. 1598. post restitutum secundum locum, qui an. 1579. fuerat dimissus, & Vigontię datum, Io. Petrus Peregrinus ex-

De Gymn. Pat.

cellentissimi philosophi, ac Medici Io. Baptistæ, filius, Doctor doctissimus .

De Successore Melchioris Guilandini. Cap. XLI.

Locus Melchioris Guilandini in horto Medicinali datus est, Iac. Antonio Cortuso Patauino; qui præter generis nobilitatem, de qua plura scripsit Bernardinus Scardeonius, sibi decus, & ornamentum suis ipsius studiis, & virtutibus comparauit. semper enim fuit studiosus, quàm qui maxime; ac, tamen si Medicinam numquam professus est: tantopere tamen simplicium medicamentorum cognitione est delectatus, & herbarum omnium, fruticum, arborum, vires tam exacte cognouit, ut qui huius rei peritior nostris temporibus fuerit, nominari posse nemo videatur. Ei quarundam rerum inuentio aliis incognitarum accepta refertur, atq. inter ceteras eius herbæ, quæ ab ipsius cognomine Cortusa est nuncupata; de qua clarissimus Philosophus, & Medicus Castor Durantius à Gualdo ciuis Romæ in herbario suo Romæ edito an. 1584. ad hunc modum scripsit;

Nervorum lenit, iuncturarumq. dolores.

Cortusa: atq. eadem incundo spirat odore:

Confirmat, stringit, tum vlnera, & vlcera sanat:

Hæc etiam ruptis, discenthericisq. medetur:

Spiritui, & cerebro confert, prodestq. malignis

Vlceribus strictis, quibus est & fistula nomen:

Calfacit, attenuatq., exsiccatur deniq. & ipsa.

Idem ab eodem nominatur plantarum iuuentor, ubi agitur de Doronico, & ponuntur hi versus;

Ignoto fuerat Doronicus ante veneno:

Sed tu tanta orbi dona hæc, Contulisti

Experius canibus: magnas hinc reddere grates,

Et servatorem nostræ te dicere vitæ

Debemus, violasq. tibi iam, & lilia plenis

Dent nymphae manibus, fertis frontemq. coronent.

Sed longius progredere, si colligere testimonia doctissimorum virorum de maximis, clarissimisque Iac. Antonii Cortusi virtutibus vellem. Maximam igitur semper habuit in re Medica auctoritatem, quamuis non Medicus: factusq. est in patria sua prouisor sanitatis an. 1575. cum Io. Bapt. sta Zabarrella,

rella, tunc cum princeps, & senatus Venetiarum pro admirabili sua prouidentia, & benignitate voluit, vt Prouisores sanitatis Patavii, Vicetiar, Taurisi, Bassiani, Cittadellæ sua sententia decernerent, quid agendum esset de animalibus quadrupedibus, cornutis, & non cornutis deducendis ex montibus, qui hæc loca circumstant, quorum numerus ad duos milliones, sexcenta, & quinquaginta quattuor millia perueniebat, ne ibi fame perirent, quo tempore pestilentia Tridentum, locaq; finitima valde affligebat; cui deductioni Germani Principes summopere aduersabantur. Ei tamen rei prudentissimum remedium allatum est per ipsorum Prouisorum sententiam mense Augusto pronunciatam in Vicetiæ Prætorio, ubi aderant Nicolaus Donatus Prætor, & Hermolaus Pisanus Præfectus. Adhibitusq; est ad idem munus prouidendæ in patria sua sanitatis Iac. Antonius Cortusus anno pestilentissimo 1576. cum Matthæo Cumano Equite, Annibale Buzachareno, Doctore, & Iacobo Rubeo. Verum, cum Cumanus incommoda valetudine laborare cœpisset, & Buzacharens se legitimis de causis excusasset, ac Rubei prohibita esset consuetudo propter eius nepotem peste infectum: necesse habuit ipse solus totum illud onus sustinere, tunc cum optime disposuit omnia, quæ ad medicandi negotium pertinerent, distribuens Medicos, Aromatarios, & Tonsores per singulas partes ciuitatis, ceteraq; omnia efficiens, quæ charissimæ patriæ suæ vtilia esse posse viderentur, etiam cum maximo vitæ periculo, cum & ipse peste vulneratus sit, & ob id necesse habuerit suam ipsius domum relinquere, atq; in aliam se recipere, ubi sibi ipsi medicatus est, seq. sanauit; immo vero etiam morbo laborantibus custodibus domus suæ, & filiæ quoque, ac nepti, quas seruauerat, alteram in Monasterio S. Matthiæ, alteram in Monasterio Beati Peregrini, ac perductis in suos ipsius agros, fuerit necessarius Medicus, & Aromatarius, & Tonfor, omnesq; diuino beneficio incolumes conseruauerit. Nec destitit eius patria ipsius opera præcellentissima, & fidelissima vti in aliis grauissimis negotiis, atq; inter cetera in moderatione census generalis Reuerendi Cleri magnificæ Ciuitatis, & totius agri Patavini, tunc cum ei mandatum est à Bartholomæo S. Crucis Archidiacono Patauino, & summo Vicario

De Gymn. Pat.

rio Episcopi Patauini, ac Gaspare Rhenerio Prætorè, Victoreq. Bagradenò Præfecto, mense Maio, an. 1573. vt vna cum Hieronymo Marcatello Canonico Patauino, & Francisco Romaro Montanianensi, viris cum ipso delectis, & constitutis ad reuisionem bonorum cultorum, & incultorum, quàm primum se conferret in Præturam Saccentem, Vicariatum Consyluanum, & Auguillariæ ad munus sibi delatum obeundum; simulq. mandatum est Prætori Saccenti, Vicario Consyluii, & Auguillariæ, Præbyteris omnibus, Deputatis, Decanis, Massariis, Communibus, hominibus cuiusque loci, vt eis fauerent, atq. auxiliarentur, obedirentq. in omnibus, quæcumq. pertinere ad eorum officium viderentur.

De restituta explicatione Simplicium in Scholis, Cap. XLII.

1593 **A**dhbitus est ad explicationem simplicium post Franciscū Bonafidium, qui eam instituit, & Gabrielem Fallopiū, ac Bernardinum Truifanum, diu intermissam, Prosper Alpinus Marosticensis, præcellentissimo Medico Franciscoparente natus; qui, cum fuisset an. 1578. Syndicus Vniuersitatis studioforum Philosophiæ, ac Medicinæ, & Doctoris insignibus eodem anno perornatus esset, in Aegyptum profectus est cum Georgio Aimo consule Veneto an. 1580. ad Venetam Nationem ibi commorantem curandam, & sanandā: & accitus est Genuam an. 1586. à Io. Andrea Auria Principe, classis Hispanæ Imperatore, vt ei Medicam operam nauaret, quemadmodum fecit: denique Patauium se contulit ad munus, quod modo notauimus, obeundum, vir ingenio versatili, maximaq. eruditione præditus. Eius exstat Libellus de Balsamo: libri quattuor de Medicina Aegyptiorum: liber de plantis Aegypti.

De Successoribus Archangeli Mercenarij, Cap. XLIII.

Archangelo Mercenario in primum locum Philosophiæ extraordinariæ successit an. 1577. Iacobus Zabarella post eū translatus ad secundum locum philosophiæ ordinariæ: & an. 1585. Ioannes Carpinetus patauinus, posteaquàm extincto Mercenario Zabarella factus est in secunda cathedra philosophus ordinarius: & an. 1589. Clauius Roscius Brixianus post

post mortem Carpineti: & an. 1591. Camillus Bellonius post obitum Roscii, ortus ex ea familia, in qua claruerunt viri præstantissimi, atq. inter ceteros Rubinus Venetiis nobili monumento sepultus ad templum S. Mariæ Seruorum an. 1382. Rubini filii, Ioānes Philosophus, ac Medicus, Hieronymusq. egregiis animi bonis ornatisissimus: Iacobus Hieronymi filius, & Rubini nepos, suis virtutibus clarissimus: Iacobi filii, Ioannes Episcopus Tēpi circiter an. 1463. & Dominicus, quem an. 1458. ad Rubricandum, vt aiunt, in Tabulario Reip. Venetę, decreto excelsi collegii, & Senatus fuisse constitutum publicis litterarum monumentis constat; quemq. Ducalem Secretarium appellatum in mandato quodam procurationis, scripto an. 1482. manu Actuarii Paxini Grataroli ego ipse legi. M. Antonius Dominici filius, Iuris Cæsarei, ac Pontificij Doctor: Iacobus M. Antonii Pronepos, Iacobi nepos, Baptiste filius, etiam Iuris vtriusq. Doctor; & quidem ortus ex Nicolao, eiusdem M. Antonii nepote, eiusdemq. Iacobi filio, viro prudenti, & probo, qui quidem inter multas, magnasq. laudes suas eam præcipue est consecutus, quod octo filios à se susceptos liberaliter instituerit, & ad verum decus, ueramq. gloriam, quæ à sola virtute proficiscitur, feliciter direxerit; Iacobum poetam Tragicum, & Comicum: Ioannem non solū Philosophiæ, sed etiam Iuris Pontificij, ac Cæsarei Doctore, in Theologiæ studio uersatum, & Canonicum Patauinum, atq. Interpretem Philosophiæ Moralis: eum, qui modo nominatus est, Camillum, philosophum præclarum: Marium Iuris vtriusq. Doctorem: Octauium in præclaris litterarum studiis longe progressum, ac nisi morte præreptus fuisset, sine dubio longius progressurum: M. Antonium philosophum, ac Theologum: Tiberium bonis moribus præditum: Carolum diuino cultui deditum, qui Monachus factus est S. Benedicti in conuentu Veneto S. Georgij, Aloysius nuncupatus. Fuit igitur Camillus Bellonius vnus de successoribus Archangeli Mercenarij ad Philosophiam extraordinariam in primo loco explanandam. Nam in secundum locū Philosophiæ ordinariæ fuit successor an. 1585. Iacobus Zabarella: & an. 1591. Cæsar Cremoninus, vt superius est notatum.

De Gymn. Pat.

De Successoribus Iacobi Zabarellæ. Cap. XLIIII.

Locum secundum Philosophiæ extraordinariæ, quem tenuit Iacobus Zabarella, obtinuit an. 1577. Ioannes Carpinetus philosophus doctissimus, & modestissimus: & an. 1585. locum tertium post dimissum locum secundum Iacobus Pernumia, originem trahens à Petro illo Pernumia Medico sui sæculi præcellentissimo, qui cum in re Medica Patauij ceteris omnibus, & curando, & docendo præstaret, missus fuit ad Frāciscum Carrariensem seniore, dum is arcta custodia à Galeacio Mediolanensium Principe teneretur, ut eum incōmoda valetudine laborantem in sanitatem vindicaret an. 1395. quod noto tantum ex Bernardino Scardeonio, tamquā argumentum celeberrimæ Petri Pernumie famæ, non quod præstantiam suam in eo sanando potuerit exercere, iam febre, & senectute confectio, ac moriente, ut in eo amplius nulla humana remedia valere posse viderentur. Cessante autem à publico docendi munere Iacobo Pernumia, electus est an. 1590. Schinella Comitius Patauinus, Doctor communi omnium iudicio ad tenendam cum omni dignitate cathedram aptissimus, si ad id munus obeundum accommodare prorsus excellentem operam suam, diutiusq. in eo persistere voluisset. An. autem 1595. profecto Romam Schinella, facta est electio Angeli Portenarij Patauini, ordinis Eremitarum, viri non minus docti, & disertī, quā religiosi, & pij, omnibusq. ingenij, & doctrinæ laudibus ornatissimi. Achi quidem fuerunt successores Zabarellæ ad Philosophiam extraordinariam explicandam. In secundum vero locum Philosophiæ ordinariæ ei successisse Cæsarem Cremoninum, superius notavi.

De Successore Bernardini Petrellæ. Cap. XLV.

AD Logicam in prima cathedra, quam tenuerat Bernardinus Petrella, interpretandam, electus est an. 1595. Iulius Librius Florentinus, qui in Gymnasio Pisano non solum Logicam, sed etiam Philosophiam per annos quinque, & viginti professus, proposito præmio quadringentorum florenorū, id est, maiori, quā vnquam antea in ipso initio Logicæ professionis datum sit, à Philosophia ad Logicam se conuertit; vir
do-

doctissimus, & in disputando acutissimus. Eum locum Faustinus Summus Patavinus petierat; qui quinque, & viginti ante annis Logicam in secundo loco cum magna studiosorū vtilitate interpretatus fuerat. Sed, quoniam munera primorum locorum plerumq; peregrinis deferri consueverunt, ut, cum Patavinorum copia habeatur, numerus præstantium virorum per peregrinos in Gymnasio augeatur; non potuit id, quod ipse petebat, impetrare; etiamsi communis opinio esset non modo studiosorum, qui cum maximopere expetebant, verum etiam Doctorum ipsius Gymnasii, qui talem dignitatem ei quodammodo deberi arbitrabantur, eiusmodi honorem ipsi habitum iri. Quam repulsam, dici non potest, quàm æquo animo tulerit vir prudentissimus, & modestissimus, sua ipsius sorte contentus, & in voluntate patronorum suorum prorsus conquiescens, nihilominus honoratus congruenti auditorum frequentia, & bona hominum existimatione, ad quā quotidianis laboribus, atque assiduis vigilijs suis honestissime profluxit.

De successoribus Petri Catenæ. Cap. XLVI.

IN loco demortui Petri Catenæ an. 1577. collocatus est ad Mathematicas disciplinas explanandas Iosephus Moletius Messanensis, vir doctissimus, & non solum Mathematicus, sed etiam Philosophus, & Medicus egregius; qui cum in Medica facultate, Philosophia, & præcipue Mathematicis disciplinis excelleret, Venetiasq. tamquàm in lucem Italiæ, atq. oculos omnium gentium se contulisset: ibi ab omnibus, qui aliquod iudicium facere de ingenijs possent, cognitione, atq. hospitio dignus existimatus est; charissimusq. fuit Venetis Patricijs, Senatoribus, Principibus. In maxima autem famæ celebritatē, cum Gulielmus Dux Mantuæ præstanti aliquo indigeret Doctore ad docendū Mathematicas disciplinas principibus admodum necessarias Vincentium filium suum, honestissimo proposito præmio Venetijs Mantuam Iosephum Moletium acciuit; qui quidem cum maxima sua laude, ac prope incredibili parentis gaudio, filijq. vtilitate, circiter annos septem id muneris obiuit. Cumq. à Moderatoribus Gymnasii inuitaretur maiori præmio, quàm vllō vquam tem-

De Gymn. Pat.

pore in hoc ipso Gymnasio cuiquam Mathematicarum disciplinarum Interpreti propositum fuerit, in gratiam Venetorum dimissus est, ingenti pecunia donatus, singulariter dilectus, insigniter honoratus, ita ut vel Princeps ille, qui patri præstantissimo præstantissimus successit, cum dignum secerit, apud quem non semel in hac vrbe hospitaretur, quemq. in publicis Scholis non numquam honestatis, amplitudinisq. gratia audiret. Visus autem est mirabiliter excellere in interpretandis de superiore loco, quam per annos duodecim in hoc Gymnasio tenuit honestissime, Mathematicis disciplinis, Geometria Euclidis, Sphæra Ioannis Sacroboschi, optica, Mechanica, vniuersaq. Cosmographia. operaq. ad nominis immortalitatem insignia conscripsit, & edidit; librū de Geographia non semel typis impressum: Ephemeridem, quæ in magno est vsu hominum litteratorum: Cōmentarios in Cosmographiam Ptolemæi, qui à doctissimis viris valde collaudatur: Tabulas Gregorianas, quas iussu Senatus Veneti in gratiam Gregorij XIII. Sūmi Pontificis conscriptas non modo ipse Senatus ducentis, ut vocant, ducatis ipsi dono datis, verum etiam ipse Gregorius XIII. trecentis, ut appellant, cameræ scutatis ei dono missis, & pluribus etiam pro earum continuatione promissis censuit honorandos. Obijt an. 1588. successoremq. habuit an. 1592. Galileum Galileium Florentinum ex Gymnasio Pisano accersitum, vbi cum magna sua laude multis annis easdem explicauerat disciplinas.

De restituta explicatione libri tertij Auicennæ. Cap. XLVII.

Du intermissa est explicatio libri tertij Auicennæ: & an. 1577. in personam Herculis Saxonie restituta: an. autem 1579. S. C. inter tresdecim dimissa: sed an. 1591. rursus admissa, & data Antonio Nigro Patauino, præstantissimo alumno, atq. imitatori egregio Alexandri Massariæ summi philosophorum, & Medicorum. An vero 1594. Antonii Nigri collega factus est Hieronymus Francantianus Patauinus in secundo loco. Sed hic an. 1596. à publico docendi munere cessauit: ille vero etiam an. 1597. desit publice docere, quòd nõ eo, quo videbatur dignus, præmij incremento fuerit honoratus. Francantiano autem an. 1598. successus est Andregetus Andre-

Andregetius Patauinus litteris doctus Græcis, & Latinis, & Doctor magnæ expectationis.

De restituta explicatione Ethicorum Aristotelis. Cap. XLVIII.

AD declarandam Philosophiam Moralem Aristotelis, quæ diu fuerat intermissa, an. 1577. electus est Iason Denores Cyprius, vir nobilissimus, & litteratissimus, maximeq. indignus aduersa fortuna, quam propter Cyprum insulam occupatam perpeffus est. Obiit an. 1590. nimio dolore oppressus propter vnicum filium suum Petrum post mortem nobilis eiusdem Veneti, quocum ille rixatus fuerat, in exilium pulsum. Edidit multos libros tum latino, tum eo sermone, quæ sibi Etrusci nunc vindicant, conscriptos. Eius locus datus est an. 1591. Nicolao Colonio Bergomati, qui per annum eam cathedram tenuit, posteaq. in patriam suam rediit. An. autē 1594. ad talem explicationem habendam electus est Ioannes Bellonius Venetus, & Canonicus Patauinus, vir ingeniosissimus, & doctissimus, ac non solum iuris vtriusq. peritus, cuius insignia est consecutus, sed etiam in studio Philosophiæ fructuose versatus, & potissimū in doctrina Platonica exercitatus.

De tertio Loco Logica. Cap. XLIX.

1574 **E**lectus est ad Logicam in tertio loco explicandam Io. Paullus Branca Patauinus: sed aliquot post diebus facta ab eo talis loci recusatione, propterea quod Mantuam accitus fuisset ad docendum differendi facultatem, & Philosophiam Vincetium Principem, Gulielmi Ducis Filiū, ea explicatio data est Herculi Saxoniæ Doctori excellenti ingenio, præstantiq. doctrina prædito, Francisci Piccolomini, & Hieronymi Mercurialis alumno, qui tamen ab eo explicandi munere an. 1575. cessauit. An. autem 1582. in tale munus successit Periander Anoalius, Doctor & ipse ingeniosus, & doctus. & an. 1586. post Anoalii ex hac vrbe professionem Bartholomæus Millarius Patauinus, Doctor quoque magni ingenii, magnæq. eruditionis. & an. 1588. post mortem Millarii Priamus Businellus Patauinus, Philosophus, & Medicus studiosissimus, & nemini modestia cedens. & an. 1598. post profectum Businellum Venetias medendi causa, Iacobus Alexius, Doctor præstantissimus.

De

De Gymn. Pat.

De loco tertio Iuris Canonici vespertini. Cap. L.

1585 **A**D Ius Pontificium vespertinum in tertio loco interpretandum adhibitus est Franciscus Niasius Patauius, vtriusq. iuris peritissimus.

1590. Vbertinus Millarius Patauinus in utroque iure & ipse excellentissimus.

De Nicolao Andronico Rectore. Cap. LI.

1583 **N**icolaus Andronicus Tragurinus Rector Vniuersitatis studiosorum Philosophiæ, & Medicinæ antiquū renouans institutum, ex quo Rectores Vniuersitatis explicare aliquid publice solebant, Meteora Aristotelis maximo studio forum iuuenum concursu interpretatus est, iuuenis altissima mente præditus, & doctissimus, ac disertissimus, qui ad omnem laudis excellentiam progressus fuisset, si fortunatior extitisset: vsus est enim fortuna aduersa, propter quam prius in exilium abire coactus est quam Reactionem finiuisset, de eade cuiusdam Romani suspectus.

De restituto secundo loco Medicinæ Practicæ extraordinariæ. Cap. LII.

Secundus locus Medicinæ practicæ extraordinariæ an. 1579. fuerat quidem inter tresdecim explicationes S. C. dimissus. sed an. 1598. in personam Alexandri Vigontiæ qui tertium Patauinum tenebat, est restitutus.

★ *Finis Libri Tertij.* ★



De

80

DE G Y M N A S I O
P A T A V I N O

A N T O N I I R I C C O B O N I
Commentariorum Liber Quartus.

*Varia opiniones de correctione Calendarij in Gymnasio Patavino
pertractata. Cap. I.*

1582



Peruulgata est correctio Calendarij, ad quam in gratiam Summi Pontificis Gregorij xiiij. à Senatu Veneto adhibitus in primis fuerat Iosephus Moletius Melsanensis in hoc Gymnasio Mathematicarum disciplinarum Interpreter, qui an. 1580. tabulas edidit Gregorianas. De huiusmodi correctione cū fuerint variae doctissimorum virorum opiniones, non erit ab re hoc in loco pauca quædam recensere. C. Iulius Cæsar annum ad cursum Solis aptauerat: vt esset trecentorum sexaginta quinque dierum, & quadrantis: volueratq. vt quarto quoq. anno vnus dies ex illo quadrante, seu ex illis sex horis existens, sexto Kalendas Martias interkalaretur. Compertum postea est in anno præter trecentos, & sexaginta quinque dies non superesse, vt putauerat Cæsar, quartam diei partem, seu sex horas, quæ spatio quattuor annorum diem vnum conficerent, sed fere quartam partem, cui aliquot minuta deessent. Itaq; à tempore Cæsaris vsque ad annum trecentesium trigesium primum, quo Nicæna Synodus est celebrata, æquinoctium vernum, quod in diem vigesimum quintum Martii inciderat, cum Christus humanam carnem assumpsit, per tres fere dies retrocesserat, & in diem vigesimum secundum Martij relapsū erat. Quare ipsa Nicæna Synodus, vt & præterito iam tempore, & parti aliquotæ futuri remedium adhiberet, verno æquinoctio diem vigesimum primum Martii assignauit. A tēpore autem Cæsaris usque ad nostra tempora dicebant docti viri

De Gymn. Pat.

virī errorem factum esse quattuordecim dierum, ita vt tunc quidem æquinoctium uernum fuisset die vigesimo quinto Martii, demū vero esset inter decimum, & vndecimum, ac dies quattuordecim adempti essent temporī futuro, & dati temporī præterito; exempli gratia quattuordecim priores dies Martii facti essent quattuordecim posteriores Februarii, & nomen vigesimi octauī Februarii dandum fuisset decimo quarto, quiq. vigesimus octauus Februarii nominaretur, decimus quartus Martii nominandus esset. Qui quidem error duplex fuit; alter, quòd anno naturali plus temporis datum est, quàm oportebat; alter, quòd cœptum est mutari nomen temporis aliqua ex parte; resq. eò progressura esse videbatur, vt Martius appellaretur nomine Februarii, Februarius nomine Ianuarij, Ianuarius nomine Decembris, ac reliqui similiter; aliquoq. annorum spatio, quamuis longo, tempora confunderentur, & uer in hyemem, hyems in autumnum, autumnus in æstatem relaberetur, diuinaq. mandata minus obseruarentur, certis temporibus obseruanda, & decreto Concilii Niceni non pareretur iubentis celebrari Pascha inter diem decimum quartum, & vigesimum primum mensis primi; deniq. præcepta multarum artium certos dies nominantium, tamquàm inutilia, contemnerentur, Agriculture, Nauiculariæ, Medicinæ, aliarum huiusmodi. Quibus quidem incommodis cum mederi cuperet Gregorius XIII. Pontifex Max. omnes Principes Christianos per litteras rogauit, vt Philosophis, & Mathematicis suis huiusmodi dubitationem proponerēt eximendam, rationemq. indagarent rei corrigendæ, atq. ad ipsum perscriberent, quò bona, & laudabilis fieri posset correctio. Ac alij quidem alia senserunt. Nec defuerūt, qui purarint, nihil amplius quidquam hac de re esse curandū, nisi vt certo die, vel tempore pascha celebraretur, nec in eo celebrando error committeretur, quemadmodum antea factum est. In quibus Spero Speronius diserte disputauit, quèadmodum annus naturalis præcipua puncta quattuor continet, duo æquinoctia, vnum veris, alterum autumnī, duoq. solstitia, vnum hyemis, alterum æstatis: ita in anno Christiano quattuor potissimum esse obseruanda, Conceptionem Io. Baptistæ mense Septembri, quæ respondet æquinoctio autumnī:

tumni: Conceptionem Iesu Christi mense Martio, quæ æquinoctio veris: Natiuitatem Io. Baptistæ mense Iunio, quæ solstitio æstatis: Natiuitatem Iesu Christi mense Decembri, quæ solstitio hyemis. Et rationem celebrandi Paschatis ducendâ esse perpetuo à die conceptionis Iesu Christi, quæ solemniter die vigesimo quinto Martij commemoratur; ita vt illo die Dominico Pascha celebraretur, qui vel esset vigesimus quintus Martij, vel vigesimum quintum proxime antecederet, vel proxime consequeretur. cetera minime curanda, cû facili negotio distingui possent, vel tam longo temporis spatium euentura essent, vt nullam molestiam afferre posse viderentur. Et ad eos, qui argumentabantur, si pascha eo modo stabiliretur, fieri non numquam posse, vt in die Veneris ad celebrandam Iesu Christi perpeffionem constituto sol naturaliter deficeret, vel Luna, opinionemq. ingeneraret, tunc quoq; lumen eo modo deficere potuisse, respondit eclipses, quæ in eo die Veneris naturaliter fierent, quamuis magnas, & admirabiles, numquam tantam habituras esse admirationem, quâ tam illæ habuerunt, sed tales existimatum iri, quales eclipses alijs diebus factæ existimarentur. Alij consueverunt, vt inter ceteros Matthæus Macinus, & is, cui huius contemplationis negotium Senatus Venetus dedit, Iosephus Moletius, si tantum cogitaretur de corrigendo errore Paschatis celebrandi, cum æquinoctia parum sint stabilia, satis esse æquinoctiū veris ab aliquo perito obseruari, ac patefieri, dieq. dominico post plenilunium, quod æquinoctium vernum sequeretur, pascha celebrari. nam, si dies dominicus caderet in plenilunium, non deberemus eo die pascha celebrare, ne cum Hebræis conueniremus, ipsum Pascha in die plenilunii celebrantibus. Sed, si omnibus incommodis remedium adhibendum esset, & vterq; annus corrigendus, tum naturalis, quo Sol ab vno puncto ad idem punctum motu sibi à natura dato perducitur, tum ciuilis, quo annum naturalem ciuitates dimetiuntur, dum dies, & noctes, quas efficit sol toto suo per Zodiacū curriculo dinumerant, & ita corrigendus, vt ambo pari gradu progredierentur, cum æquinoctium veris tempore Conceptionis Iesu Christi fuerit die vigesimo quinto Martij, & nūc sit inter diem decimum, & vndecimum Martij, quattuorde-

De Gymn. Pat.

18
cim dies detrahendos esse, diemq. vigesimum quartum Martij ad decimum eiusdem reducendum, ac diem vigesimum quintum ad vndecimum. De modo autem reducendi tres fuerunt opiniones: quidā enim existimant huiusmodi subtractionem duorum spatio annorum faciendam esse, vt septē menses, qui in anno vnum, & triginta comprehendunt dies, in ijs duobus annis tantum triginta dierum essent: alij vero putarunt talem subtractionem in sex, & quinquaginta annis cōmode fieri posse, omīssa inter Kalatione: is autem, qui modo nominatus est, Iosephus Moletius consuluit, vel vt principiū Ianuarij inciperet à die decimo octauo Decembris, vel vt decimus quintus Februarij nominaretur primus dies Martij, & in futurum idem opinatus est cum eo, quem superius nominauimus, Matthæo Macino, peritum aliquem Astrologum constituendum esse ad æquinoctiorum obseruationem; cumque inueniretur in anno aliquo æquinoctium veris distare viginti quattuor horis à die iam constituto vigesimoquinto Martij, tunc proximam sequentem inter Kalationem diei bis sexti esse prætermittendam. Ita Patavij hac de re iudicatum est. In alijs vero vrbibus alij aliter iudicarunt, vt quidam decem tantummodo dies demendos esse dicerent: non nulli pauciores. Ex quibus inter se diuersis, discrepantibusq. sententijs Romę, vbi à summo Pontifice constitutus fuerat doctissimorum virorum ad emendationem Kalendarij cœtus, qui cognitis, & perspectis aliorum opinionibus illud statuerent, quod melius ipsis videretur; ea tantum probata est, quę inter extremas extitit media; propterea quod & annus inæqualis deprehensus est, & vera eius quantitas hucusq; à nemine indagari potuit. Sed, quęnam hæc media quantitas, & cur in Kalendarij restitutione ea potius fuerit recepta, breuiter explicemus. Annus enim Solaris, ciuilis, seu popularis, & communis constat ex integris diebus trecentis sexaginta quinque, qui si per menses numeretur, duodecim menses complectitur: si per hebdomadas, duas, & quinquaginta hebdomadas, & vnum amplius diem continet. Hic idem annus cum est bissextilis, dies trecentos sexaginta sex habet, & eodem numero mensium, & hebdomadam comprehenditur, ita tamen vt vltra hebdomadas duo dies supersint. Annus vero Solaris Astronomicus

iuxta

iuxta eos Astronomos, qui Hipparchū antecesserunt, & eos, quorum consilio Iulius Cæsar Dictator sui anni ciuilis quantitatem constituit, dies trecentos sexaginta sex, horas sex, & aliquot horarum minimas fractiones cōtinet, vt legitur apud Ptolemæum libri tertij Mag. Com. capite primo, & apud Dionem historicum libro quadragesimo tertio. At secundū hāc anni magnitudinem opus esset singulis mille quadringentis sexaginta vni annis fere diem vnum inter Kalarem extra ordinem addere, vt ratio illarum fractionum haberetur. Verum hæc anni quantitas ab omnibus Astronomis reiecta est, tamquā falsa: quia non sumitur ab intersectionibus æquinoctiorum, & solstitorum, sed à stella fixa ad eandem stellam, quæ in Zodiaco ad motum sui orbis mouetur. Ptolemæus autem annis post Iulium Cæsarem circiter centum octoginta anni solaris obseruans magnitudinem comperit esse dierum trecentorum sexaginta sex, horarum quinque, minutorum quinquaginta quinque, secundorum duodecim; quā quidem ratione necesse fuisset quibuslibet trecentis annis diem vnum inter Kalarem omittere. post hos vero Albategnius Arabs obseruauit anni solaris magnitudinem fuisse dierum trecentorū sexaginta quinque, horarū quinque, minutorū quadraginta sex, secundorum viginti quattuor; iuxta quē vnus dies inter Kalaris in annis centum, & sex, omitti deberet. Alphonsus præterea Rex Hispaniarum ex obseruatione Astrologorum sui temporis anni solaris magnitudinem posuit dierum trecentorum sexaginta quinque, horarum quinque, minutorum quadraginta nouem, secundorum sexdecim, adeo vt in annis centum triginta quattuor fere dies vnus inter Kalaris omittendus esset. Denique Nicolaus Copernicus nostri temporis diligens obseruator suas ipsius obseruationes cum priscorum comparans obseruationibus affirmavit anni magnitudinem inæqualem esse, ita vt quibusdam sæculis sit maxima, quibusdam minor, aliquibus minima. Iccirco in anni quantitate dixit esse anomaliam. Cum igitur hac de re tanta varietas deprehenderetur, ea quantitas tamquā media in Kalendarij restitutione recepta est, quæ dies trecentos sexaginta quinque, horas quinque, minuta quadraginta nouem, secunda sexdecim cōprehendit ex Alphonsi constitutione, ex qua singulis quadrin-

De Gymn. Pat.

gentis annis tres dies interKalares omittendi essent. Hac autē interKalandi ratione adhibita verum æquinoctium ad diē vigesimum primum Martii, in quo à Sanctis Patribus Concilii Niceni fuit collocatum, & ad quem à Gregorio xiii. iterum est restitutum, videtur posse perpetuo conferuari. Quamobrem communis sententia fuit Romæ in Kalendarii emēdatione, vt æquinoctium ad diem vigesimum primum Martii reduceretur, idq. per ablationem decem dierum semel faciendam: & ad euitandum errorem æquinoctii in futurum singuli tres centesimi anni sine interKalatione diei bis sexti relinquerentur, quartus vero centesimus anhus bissextilis efficeretur. Itaq. statuit summus Pontifex, vt illi decem dies de merentur, & pro die quinto Octobris decimus quintus nominaretur, atq. ab eo numerationis progressio fieret. Quod statim effectum est. Hanc uero correctionem qui non acceperunt, fiet, ut quandoq. eodem die dominico celebrent pascha cum iis, qui acceperunt: quandoq. diuerso; nimirum eodem, si plenilunium fiat iuxta veterem dinumerationem post d. ẽ vigesimum primum Martii vsq. ad quintum, vel sextum Aprilis: diuerso autem, si iuxta eandem dinumerationem eueniat plenilunium post diem decimum Martii vsq. ad vigesimum primum Aprilis.

Controuersia Antonij Riccoboni habita cum Carolo Sigonio de consolatione edita sub nomine Ciceronis. Cap. 11.

1583 **E**Dita est Consolatio sub nomine Ciceronis; quam cum ego legissem, simulatamq. iudicassem, scripsi hac de re sententiam meam ad Hieronymum Mercurialem, qui eam scire auebat, Tantum scilicet abesse, ut existimarem eam Ciceronis esse, vt ne Ciceroni quidem congruenter, tū rerum, tum verborum habita ratione fictam arbitrarer; coniecturasq. meas primum de rebus, deinde de verbis ea Epistola expressi, quæ peruulgata est. Has autem coniecturas vt refelleret Carolus Sigonius Mutinēsis Humanitatis in Bononiensi Gymnasio explicator, cui ego & Venetiis, & Patauī operam dederam, duas scripsit orationes, easq. ad me misit cum his litteris Italico sermone perscriptis. Placet enim quasdam litteras & Sigonij, & meas, & aliorum quorundam hac

hac ipsa de re exaratas his meis Commentariis inferere; quas qui non amabunt, præteribunt: cuilibet enim liberum est paginas aliquot transilire.

Carolus Sigonius Antonio Riccobono. S. D.

CVM edita est Consolatio Ciceronis, rogatus, quid de ea sentirem, litteris sententiam meam cōsignaui, multas adducens coniecturas, quibus ea Ciceronis esse mihi videbatur, in quibus illa præcipua est, quòd fieri non posse arbitror, vt ex recentioribus ullus efficere tantum queat. Cumq. iudicium meum peruulgaturus essem, ecce mihi allata est epistola quædam tua, qua eam Ciceronis non esse contendis, sed alicuius indocti recentioris. Quamobrem, vt meam ipsius opinionem defenderem, iam omnibus patefactam, tuas solvere coniecturas coactus sum, inuitusq. à te dissensi. quod feci, quàm potui, modestissime, vt facile perspicias. Te autem rogo, vt non meam voluntatem à tua, sed solum opinionem dissidere arbitreris. Nihil enim umquam minus libenter feci, quàm hoc, tua vnus causa. Sed cogitaui tibi in tua Rhetorica nequaquam molestum fuisse à me ipso discordare, & quantum in te fuit, meam conuersionem, ut obscuram, & minus idoneam euertere. de quo tamen, vt uidisti, numquam conquestus sum. Itaque in re minoris momenti te minime lesum iri mihi ipse persuadeo: cum præsertim pleriq. litterati à tuis partibus sint. Hoc tractaui argumentum tamquàm *uapidosus*: cum tamen rationes meæ minime *uapidosus* mihi videantur. Quid senseris, libenter intelligam. Vale Bononia. 7. Kal. Octobris. 1583.

Cum primū has litteras accepi, eis respondi adhunc modū.

Antonius Riccobonus Carolo Sigonio. S. D.

ILLud scriptum meum Hieronymo Mercuriali dedi, prius quàm Consolationem istam à Francisco Vianello editam esse, tuoq. iudicio Ciceroni tribui intelligerem. nam, cum semper tua probauerim, tamquàm alumnus disciplinæ tuæ, maluissem (vt aiebat Cicero de Platone) tecum errare, quàm cum tam multis aliis recte sentire. Quòd autem opus tuū ad me mittere grauatus non sis, tibi gratias ago. Neque apud me

De Gymn. Pat.

me necessaria erat tua ipsius excusatio, quod mihi scriptis tuis aduersatus esses: cum hæc inter se minime pugnent, vt amici inuicem simus, & de litteris aliquo modo dissideamus: etiam si, vt verum fatear, numquam mihi in mentem venit à te discordare, nisi nunc, & quidem perinuito. Quod, si Rhetoricam Aristotelis conuerti, id feci, non ut tuam euerterem (que madmodum conqueri videris) tamquam obscuram, & minus idoneam, qua vti numquam deli ex eorum arbitrio, qui priuatim mihi operam dabant, vt Hieronymi Velleii, Paulli Gualdi, Hieronymi Ancarani, nobilium Vicetinorum, aliorumq. complurium: sed, quoniam eam publice explicaturus, cum ad eos, quibus munus delatum sit in aliquo publico gymnasio docendi litteras Græcas, & Latinas, pertinere censeam aut verba ipsa Græca interpretari, aut suam ipsorum conuersionem explicare, id commodi sum secutus, ut eam à me cõuersam ederem, qua nimirum in Latina vterer explicatione. Quamobrem mihi valde molestum est, id tibi animi fuisse; tantumq; abest, vt eo ipso, quod nunc fecisti, me læsum esse censeam, ut potius propter oblatam mihi occasionem tam multa videndi multum tibi debeam. Et quoniam nihil dum tui rationibus mihi persuasum est, quæ quidem, dum argumētum tractant *παρ' ὅσῳ*, si non tibi, ac certe aliis *παρ' ὅσῳ* possunt videri, fieri sane potest, non ut pertinacem illum, & garulum, quem exprimis, præ me feram, sed vt, à quo soleo discam, vt cito alias dubitationes tibi dissoluendas proponam; affirmans interim id, quod verissimum est, me tibi quidē doctrina, & eloquentia cedere, numquam vero modestia cessurum. Vale. Patauio, 7, Id. Octobris, id est, eo ipso die, cum tinas accepi, 7, Kal. Octobris datas. 1583.

M. Antonius Muretus Antonio Riccobono. S. D.

Nostra quidem non instituta, sed iam inueterata amicitia postulare non nullam mutuam litterarum salutationem videtur. Quando autem tu hoc muneris obire primus vereris, non desinam ego aliquid ad te scribere; tibiq. elegantissimum opusculum gratulabor, quod merito peruulgasti, vt asininam istam Consolationem sub nomine Ciceronis falso editam esse omnibus patefaceres; de qua ego multis ante diebus

bus idem prorsus iudicaueram, quod & tu iudicas: gauisusq. mihi sum, quod mecum senferit vetus alumnus disciplinæ meæ, qui quidem verum esse illud prouerbum ostendit, πολλὰ μάλιστα πρῶτον διδάσκαλον. Hoc tantum interest, quod ego, quid sentirem, apertissime dixi: tu vero cautius, & modestius egisti. Id quod valde probo. Librum tuum à viro quodam omni reuerentia dignissimo, mecum omnibus amicitiae vinculis coniuncto, mutuatus sum; eumq. legi incredibili mea cum voluptate; maxime vero cum te mihi plurimum ea in re tribuisse animaduerti. Quamobrem multum me tibi debere confiteor: &, quantum potero, satisfaciam. Sed hoc haecenus. Hastibi litteras dabit Abbas Centellius mihi amicissimus, & omnibus de causis dignissimus, qui ab honoratis viris ametur, charus habeatur, magnificat, probus, literatissimus, benignissimus, vno verbo absolutissimus. Ei persuasi me apud te posse omnia; vnamq. meam commendationem satis esse ad conficiendam ipsi summam tecum familiaritatē. Nollem mendax videri. Sed, vt verum fatear, expectabo, dum maximas mihi gratias vestrum vterque agat, quod vestrae conciliator, quasq. ἀρετὰς fuerim amicitiae: tantus erit fructus, quem alter ex alterius percipiet consuetudine. Tuus totus sum: &, quaecumq; occasio tibi gratificandi mihi oblata fuerit, eam libentissime arripiam. Deus te incolumem, florentemq. conseruet. Roma Mense Decemb. 1583. Sic Muretus vulgari sermone, quem ego Latinum feci.

Dominicus Fontanella Spilimbergius Ioanni Bonifacio, ciui Rhodigino, & Patauino, I. C. Oratori, & Historico Clarissimo. S. D.

MAle sane existimauit de ingeniis nostri temporis Sigonius, vir ceteroquin oībus animi ornamentis instructissimus, cum ex tanta hominum multitudine, quos multis in ciuitatibus non minus doctrinae laudibus florere videmus, quam eloquentiae, arbitratus est inueniri posse neminem, qui bonarum artium studiosis fucum factum, & adulterinam Ciceronis Cōsolationem pro vera suppositam esse animaduertet. Nam, si Papirii Frater Seruius, de quo est apud M. Tullium, frequenti, atq. diligenti poetarum lectione effecerat, ut dicere posset, hic versus Plauti non est, hic est: quomodo tot veri illu-

De Gymn. Pat.

illustres, qui Ciceronis tum verbis, tum sententiis norandis aures habent tritissimas, non verum unum, aut alterum, sed totum volumen Ciceronis vel esse, vel non esse intelligere non ualebunt? Ego quidem ceteris in rebus Sigonii prudentiam numquam desideravi, nunquam iudicium: hoc tamen in negotio utrum illi ex his defuerit, nescio; alterutrum certe defuisse res ipsa indicat. nam, si non ita sensit, ut scripsit, sed ingenii viribus fretus causam etiam iniquissimam viris omnibus eruditis probare se posse sperauit, defuit prudentia: si, quod Ciceronis numquam fuit, Ciceronis esse credidit, defuit iudicium: nisi forte verum sit, quod vulgo iactatur, ipsum esse auctorem huius Consolationis, non Ciceronem, & propterea in scribendo laborare, ut, aliena dum videtur tueri, commendet sua. Sed, quemadmodum Cæsar Augustus impurum quendam hominem, qui se Octauiae sororis suae filium esse fingebat, imprudentis mendacii conuictum remo publicæ triremis iussit alligari: ita Riccobonus noster Consolationem istam, quæ se in nobilissimam Ciceronis familiam inferre ausa est, suorum scriptorum stylo, tamquam pugione fractam, & cõsauciatam, cunctis doctorum virorum suffragiis, vel ad falsamenta conuestienda, vel ad perpetuas tenebras damnandam curabit. Vale, & hæc disticha lege Ioannis, Cratonis trium Imperatorum Consilarii Medici.

*De Libello, qui M. Ciceronis nomine de consolatione apparet,
ad Antonium Riccobonum.*

Se similem scriptor Ciceronis forte putauit:

Non erat huic similis: simia crede fuit.

Ad eundem.

Non similis magno Ciceroni: simia certe est:

Attamen hæc magnos fallit amice viros.

Ad Carolum Sigonium.

Desine. confiteor Ciceronem, Carole, tantum

Ingenio, eloquio te superare tuum.

Ad Eundem.

Si tibi seria res agitur, cur ludere pergis?

An dignum censes hoc grauitate tua?

Patauii Mense Decembri. 1583.

Ad

Ad duas orationes Sigonij quattuor rescripti disceptationes; quarum prima vniuerse refellit Sigonij reprehensiones: altera eas singulas refutat, quæ de rebus allatæ sunt: tertia agit de verbis: quarta ad ea, quæ in priore meo iudicio prope rans scripseram, alia multa adiunxit, maximi, vt puto, ponderis, & momenti. Quas disceptationes misi eodem tempore ad Muretum Romam; & ad Sigonium Bononiam, cum litteris, quæ hic adscribentur, vna cum eorum responsis, à me latine conuersis.

Antonius Riccobonus M. Antonio Mureto S. D.

CVM multos abhinc annos Venetijs te in ædibus Fratrum Minorum publice docentem diutius audiuissem, desiderio incensus eram, vt quam tecum tunc iunxi amicitiam, & iniui familiaritatem, per litteras renouarem: sed, cum huiusmodi renouatio maius quiddam postulare, quàm ipsam litterarum significationem videretur, expectabam, dum mihi daretur facultas Romam veniendi, te visendi, arte complectendi, studiose alloquendi, & apud te memoriam eius temporis replicandi, cum me, alijsq. plurimis audientibus, quorum multitudinem amplius vix capiebat locus, libros Ciceronis de finibus, orationes Catilinaras, Tusculanas disputationes, oratorias partitiones, Olynthiacas orationes Demosthenis, aliaq. quàm plurima explicasti; meq. dignum fecisti, qui tecum mea studia priuatim communicarem, qui Satyras ad imitationem Horatii conscriptas, & orationes, aliasq. lucubrationes meas tibi dijudicandas ostenderem, qui tua grauissima, & iucundissima vterer consuetudine. Tantisper autem, dum venire Romam cogitabam, non desinebam tuas maximas laudes tum publice, tum priuatim deprecare: exquisitam librorum tuorum doctrinam, singularemq. elegantiam celebrare: admirabilem illam, ac prope diuinam eloquentiæ tuæ vim crebris sermonibus commemorare: tuis ad immortalitatem fixis vestigijs in tradenda veteri eloquentia ita insistere, vt alumnum me esse disciplinæ tuæ gloriaret: qui Patavium veniebant, & amici esse tui dicebantur, amicos meos habere; eaq. potissimum de causa, quantum possem, fouere, adiuuare, ornare, quod in numero essent amicorum tuorum. Cuius

Y animi

De Gymn. Pat.

animi mei in nomen tuum mirifice propensi cum alij multi idonei testes esse possunt, tum in primis Richardus Esius Belgæ, non elegantî solum ingenio, sed eximia etiam doctrîna, & summa litterarum Græcarum, & Latinarum cognitione, maximaq. probitate, & suauissimis moribus ornatus; cui singulariter tui obseruantissimo, rerumq. tuarum laudatori numquam defesso illud promptissime confeci, vt primum Venetijs, deinde Vicetiæ, vbi nunc est, honestissima conditione publice doceret; quemq. ita amo, & mei amantem esse gaudeo, vt eo amicio rem habeam neminem. Nunc, cum tali patrono egeam, qualem esse te omnibus compertum est, diuturno silentio, quo tecum vsus sum, finem imponendum existimaui; teq. etiam, atq. etiam rogandum; primum, vt contentus sis, me tua vsus esse auctoritate de consolatione edita sub nomine Ciceronis, quam vir eruditissimus Latinus Latinus ad Io. Vincentium Pinellum scripsit exercitationem iuuenilem, & parui faciendam à te iudicatam esse: deinde, vt cum meis partibus fauere cœperis, pergere ne graueris, maxime apud potentissimum aduersarium, qui me vel viuum ad inferos amandare conatur. Ad te autem mitto exemplar defensionis meæ, in qua non nulla, quæ imitatori Consolationis obieci, à te ipso didici, & inter cetera obscenum illum litterarum cōcursum, qui turpissimam seminarum partem denotat. quod vitium quamuis à Cicerone valde reprehensum ita defendit Sigonius, vt in id sæpe incurrat. Sed suum cuiq. Vale, meq. vt ab hinc tot annos amare cœpisti, ama, & protege. Patavij. Kal. Decembris. 1583.

M. Antonius Muretus Antonio Riccobono. S. D.

Heri vesperi mihi redditæ sunt litteræ tuæ cum altero iudicio de Consolatione consolationis penitus indigente, quæ cursim legi. Miror autem Sigonium in hunc quasi labyrinthum ingressum esse: initioq. mihi persuadere non poteram, eum serio agere, quoad vir quidam grauissimus, & religiosissimus eius ad me misit orationes, quarum inscriptionem tantum vidi: statimq. eas remisi, vt omnem occasionem omnibus præriperem petendi à me, quid de ipsis sentirem. Nolo enim eum lædere: & nolo contra animi mei conscientiam loqui.

qui. Quod attinet ad librum de Consolatione, si quis adolescentulus exercendi ingenij causa eum confecisset, cuiusmodi erant exercitationes illæ, *τίνας αὐτὸν ἀπὸ λόγου ὁ δῶνα, ἢ ὁ δειν.*, quæ leguntur in Theone, Aphthonio, alijsq. consimilibus, laudarem eum, & errata corrigens cohortarer, ut pergeret ad literarum studia incumbere. Sed, ut quis velit omnes ad credendum inducere rem tam ineptam, insulsam, nulla gravitate præditam, errorum plenam ad Grammaticam pertinentiū, male compactam, maleq. contextam Ciceronis esse, mihi omnium maxime ridiculum videtur. Luteriæ scripsit ad me consiliarius quidam Regis, vir doctissimus, mihiq. amicissimus, illos omnes viros doctos hac de re ita ridere, ut fere in his partibus risus audiri possit. Equidē tibi consulo, ut omne genus fugias Robortellismi, nisi videas te plus nimio laceffitum. satius fuerit hæc omnia sopiri. Semper te amaui, & amo, tibiq. gratificabor, quæcumq; mihi occasio oblata fuerit. Vale, cumq. ad Richardum Esium scribes, eum meo nomine persaluta. Roma. postridie Id. Decembris. 1583.

Antonius Riccobonus Carolo Sigonio. S. D.

UT te remunerer quàm simillimo munere, pro duabus orationibus, quas ad me misisti, quatuor disceptationes ad tuum *παράδειγμα* rescriptas mitto. Quibus illud addi potest, (ut ea gloria contentus sis, quam in defendenda hac re contra meam, atq; adeo etiam, ut tu ipse confessus es, communē doctorum virorum opinionem tibi adhuc comparasti, neq; ulterius præclaras ingenii, atq. industriæ tuæ vires aduersus famam, atq. existimationem eius, qui te fecit semper plurimi, exerceas) quòd si fides habenda est testimonio eius ipsius Francisci Vianelli, qui Consolationem istam edendam tradidit, potest id verum videri, quod in prima disceptatione mea ab aliis multis, non à me existimari dixi. Cū. n. editum est primum de ea iudicium meum nescientis eam rem aut ad te, aut ad Vianellum pertinere, narrauit mihi vir quidā grauissimus, & clarissimus, post disceptationes meas iam Typographo traditas, atq. imprimi cœptas, & quidem narrauit præsentē, & ad mirante Bernardino Petrella Logicę facultatis in hoc gymnasio Explicatore, ipsum Vianellum interrogatum, an ipse ta

De Gymn. Pat.

em Consolationem contra me defensusus esset, respondisse, eiusmodi defensionem non ad se, sed ad eum, qui librum Cōsolationis edendum ad ipsum miserat, Carolum Sigonium attinere. Itaq. id verissimum esse apparet, quod in mea expressi disceptatione, huiusmodi librum è domo Sigonii exiisse; etiamsi eum præter spem tuam inuentum, in epistola ad Illustrissimum Principem Ascanium Columnam; & ex improviso tali indice insignitum ad te præclari muneris loco delatum esse, in prima oratione tua finxisse videaris. Vt, cum adhuc omnia in eam partem accipi possint, ut ingenium, atq. in dultriam tuam in paradoxo, quemadmodum tu in litteris ad me datis appellasti, defendendo exercueris, si ulterius progrediaris, rei, quæ tua ipsius sit, nimium, & plus nimio amans videri queas. Adhuc enim persto in prima sententia mea, etiamsi è domo tua profecta consolatio esset, tamen tuam esse non posse, propter multos, magnosq. errores, quos in ea re pertos tibi viro doctissimo, & disertissimo numquam tribuerem. Quæ causa fuit, cur non solum meam, sed etiam tuam ipsius causam me suscipere existimauerim, ut eam maculam, quæ penitus iam infederat in tuo nomine, quod ipse talè consolationem talibus erroribus refertam composuisses, me simul defendens delerem. Quod si diutius librum protexeris, nullosq. errores non dicam Cicetone, quem credo iam ab ista suspitione liberatum, sed te ipso indignos, in eo esse mihi persuaseris, non verebor eum tamquam tuum deprædicare, meq. in hac re quoq. tuis partibus, quas semper alias secutus sum, aggregare. Alioqui, quemadmodum mihi abste lacessito mea ipsius causa tuenda fuit: sic tibi etiam, atq. etiam cū clara diuini numinis contestatione affirmo, me manibus, & pedibus laboraturum, ne me grauissima tua opprimas auctoritate, meaq. famę, atq. existimationi, si quam habeo, vllas tenebras offundas, quippe qui non facile cedere à te didicerim, præsertim cum pro veritate propugnauit, quam omnibus esse gratias præferendam verissime conscripsi. Non nego tamen me maxima mea cum molestia à te dissentire; quiq. semper antea Sigonianus fuerim, & me alumnum esse disciplinæ tuæ professus sim; nunc in partibus minime esse Sigonianis. Verum excusari debeo, quod aliter facere nō possum;

idq.

idq. latiori sum aggressus animo, quòd tu ipse mecum sentire plerosq. viros doctos affirmas. Itaq. præpotenti Deo gratias ago, quòd si rationes meæ minus probabûntur, at certe cõclusio ipsa uera existimabitur, etiam si sortasse rationes, quibus vsus sum, nec tibi, nec aliis contemnendæ sint. Vt cumq; se res habeat, omnibus aliis in rebus tuus ero, tuiq. nominis studiosissimus, quemadmodum semper fui. Vale. Patauii. Mense Decembri. 1583.

Carolus Sigonius Antonio Riccobono S. D.

Accepi librum tuum, id est, defensionem alteram de Consolatione; statimq. legi. Iam tecum agam libere, vt debeo: Tuam equidem laudauit industriam: sed duabus læsus sum rebus; altera, quòd me nominaueris, qui à me nominatus non fueras; altera, quòd præter causam nulla adductus necessitate me interdum pupugeris. quòd ego aduersus te non fecerã: & earum rerum vtramq. optime poteras prætermittere. Totã etiam primam partem potuisse reticere arbitror; quæ differit, meus ne sit liber, necne, nonnullosq. nominat, qui mecum de te merito conquiri poterunt. Verum tamen, quando factum infectum reddi non potest, affectum omnem dimitto; &, quæ admodum semper tuus fui, ira eẽ posthac volo, neque hanc molestiam mihi allatam curare; atque si tu, vt scribis, Sigonius esse nolueris, ero ego, vt semper fui, Riccobonianus. Responsum dare huic libro non placet, non quòd ei minime possit responderi, sed quia, si ego nominare te voluero, vt tu me nominasti, & in respondendo par pari referre, sine dubio te læderem, hocq; nolo efficere, quia efficiendi causam non habeo, nec vmquam tale mihi accidit consilium. Præterea chartam, & chalcanthum amplius hac ipsa de re consumere nihil aliud profecto esset, quàm impensam, & operam perdere, ac ridendi occasiõẽ spectatoriis præbere. Equidẽ multa alia habeo; quæ magis me premunt, quàm hoc; primum sexaginta annos, quos non habui, nisi nunc: deinde curã aliquot operum typis imprimendorum de rebus longe diuersis, ita vt vix possis credere tempus mihi superesse ad aliud cogitandum. Optime fecisti, vt hanc Consolationem esse meam negares: sed ad id probandum falso vsus es argumento: nam, cum debe-

De Gymn. Pat.

deberes argumentari, Non est Sigonij, quia ipse tantum non valet, argumentatus es, quia ipse plus valet. Id quod magis cupiditati, quam prae te fers, mei honorandi, quam veritati acceptum refero. Quisquis eam inuenerit, minus recte agit, dum notum non facit, Quomodo inuenerit, hancq. totam non dirimit controuersiam, quæ quidem eò maior erit, quò tu magis in hoc libro deprimendo elaborasti. Nec fore arbitror, ut hoc iudicium nostris tēporibus finiatur. Interim vide, si qua in re tibi gratificari possim, meaq. opera vtere: tibi enim tā libenter seruiam, quā qui libentissime, quemadmodum semper feci: nec uelis, ut hæc aliorum Consolatio nobis sit mœrori. Quòd si alicui ex responsionibus tuis cupias inter nos responderi, mihiq. id significaueris, non desinam tibi morem gerere; ut cognoscas me nulla ignauia cedere, sed tātum quia tecum contendere non libet, quem nimirum semper amauī, & semper amabo, nisi siquid mihi fuerit impedimento. & id, quod feci, etiam nimum fuisse confiteor. Sed iam priorem orationem confeceram, cum tuum mihi iudicium allatum est, & amicorum impulsu ad ea omnia respondi, quæ iā contra fuerant dicta. Quando autem res satis probata esse tibi non videtur, excitauerimus saltē studiosos iuuenes ad illud perlegendum, quod fortasse minime legissent. Perfertur ad me Veronæ quendam esse, qui acerbe contra te scribit: sed puto id falsum esse, quoniam quinque abhinc menses scriptū suum editurus erat, idq. non fecit. Vale. Bononia IX. Kal. Ianuarij 1583.

Sigonius igitur his litteris dare quodammodo manus visus est; ad quem in hunc modum rescripti.

Antonius Riccobonus Carolo Sigonio. S. D.

DOleo te illis duabus rebus, quas scribis, læsum esse; quarum quidem alteram feci potius, ut tuo ipsius nomine me honorarem, quā te ut læderem, cum existimare potuerim, me à te nominatum non fuisse, propter non nullam contempionem, in re maxime nota, iudicio meo edito, & verbis ipsis, quæ scripseram, refutatis: alteram vero prætermittere nō poteram, si nolebam à nonnullis orationum tuarum aculeis me parum defensum existere. Quod ad primam partem at-
tinet,

tinet, eam mihi tacendam non esse censui, vt ad præcipuum argumentum tuum responderem. Qua in re nescio, qui nam alius putare possit se offensus esse, præter eum, qui tam aperte de offensione conquestus est, etiam si quàmmodestissime scripserim; qui cum fuerit is, cuius precibus tu scripsisti, nullo modo se nominari volebat: ego vero eum nominavi, primum vt à quadam eius querimonia iam ubiq; peruulgata me perpurgarem, fuisse eum à me inter librorum subiectores cōmemoratum: præterea vero vt aperirem, qui nam istum librum edidisset. Destiti tamen rem illam notam facere, quā ipse fortasse dicere non debebat, & de qua alias te certiore feci; quòd affirmauerit, vt præsentē Bernardino Petrella Logico Laurentius Massa vir à secretis Reip. Venetę mihi narrauit, non ad se Consolationis defensionem, sed ad eum, qui ipsam edendam misisset, Carolum Sigonium attinere; etiam si tu in tuis editis orationibus, & litteris, ignorare te, quomodo talis liber inuentus fuerit, profitearis. Gratias vero tibi ago, quòd cum ego aliquantisper molestus fuerim, me ipsū defendere coactus, tu tamen à numero tuorum me minime excludas, vt semper fui, & semper ero, modo id tibi placuerit: quantaq; exitit molestia mea, quòd tantus vir contra me scripserit, tanta est consolatio, quòd nullam mihi amplius necessitatem mei ipsius defendendi afferre velis. Quod attinet ad argumentū, quo illam Consolationē non esse tuā confirmari, profecto plus valere vnā de orōnibus tuis censeo, q̃ decem huiusmodi libros. Illud vero mihi molestum non est, quòd quotidie maior hæc controuersia futura sit, nec de ea iudicium nostris temporibus finire possit, cum ex contrariorum argumentorum inspectione, atq; solutione non mediocre voluptatem percipiam, & sat habeam meam, qualiscumq; sit, sententiam aperire, nullam vim afferendo, vt quis eam sequatur. Cumq; tam benigne tuam mihi operam deferas, polliceor tibi ea me vsurum esse, quemadmodum soleo, nec effecturum profecto, ut propter istam consolationem ita me putes consolationis indigere, ut ad tuum auxilium q̃nq; non cōfugiā. Tamen si autē profiteris te inter nos ad meas defensiones responsurum, si ita velim: puto tamen melius fore, vt omnem dimittamus controuersiā, cum præferam tu ipse iudices,

De Gymn. Pat.

iudices, quod verissimum est, nimium adhuc factum esse: nec mihi libeat à te dissentiendi accipere occasionem, cuius volo esse, quàm qui maxime; nec (quod ad me attinet) nostræ cursum, atq. progressionem amicitia ullo modo impediam. Hoc tamen mea quidem sententia cauendum est, ne facile maleuolis hominibus aures patefaciamus, qui falsa nar-rando solent odia profeminare; ideoq. quemadmodum ego nihil quidquam sum crediturus, quod prius à te mihi non fue-rit declaratum: sic te etiam, atq. etiam rogo, vt, siquid perla-tum sit, quod graue videatur, priusquàm aliquid contra me statuas, de eo me certiore facias vt luce clarius ostendam, qui magis res tuas admiretur, quàm ego, & magis cupiat, se ti-bi memorem, gratum q. præbere, esse neminem. Quod scribis de illo, qui Veronæ contra me acerbum opus parat; tibi affir-mo, si acerbe se gesserit, ipsum acerbe à me tractatum iri: scis enim artem, quam profitemur, id boni continere, quòd se ha-bens ad vtramq. partem sibi incuti metum non sinit. Me au-tem sperare iuuat, si, vt vni de discipulis tuis gratificareris, mihi itidem discipulo tuo molestus exitere minime veritus es, te effecturum posthac potius, vt mihi satisfiat, quàm vt cõ-tra me adiumenta augeantur. Vale, & me ama, vt te amo, atq. obseruo, & amaturus, obseruaturusq. sum, donec viuam, nisi si quid mihi fuerit impedimento. Rhodigio postidie Id. Ian. eo ipso die, quo tuas accepi. 1584.

An. 1584. Renouauit Sigonius controuersiam de conso-latione edita sub nomine Ciceronis contra fidem mihi datã. Sed, antequàm talis controaersiaë progressum exarem, libet ad notare litteras cuiusdam Sigoniapi, quæ ad manus meas peruererunt.

Iulius Iacobonius Carolo Sigonio. S. D.

PLane diuinasti. Quid tibi meum silentium excusum? Nem-pe subuerebar, ne, dum tibi soli obsequar, multorum sen-tentis obuersarer: siquidem vno ore doctissimi oēs pugnant, in-consolabilem illam, vt sic loquar, consolationem Cicero-nis esse. Haud clam te est, Sigoni doctissime, me primum omnium eos Bononiæ valde oppugnasse, qui illam Cicero-nianam affirmabant; ita tamen, vt, cum te aduersus me senti-re videbam, tuo iudicio, quod semper feci, vt debeo, plurimi,
minime

minime meum iudicium anteponerem. Scripserat in meum sensum Riccobonus; & quia præclare, & quia mecum sentire videbatur, in sententia confirmor; nec propter te verbum a deo mutire; ita tua apud me attestatio valet. Mox editis, à meq. perleſtis duabus illis præclarissimis tuis orationibus, quibus non modo alios, sed te ipsum mihi superare videbare, scis, quàm me de priori pene sensu auocarim. palam istic tuarum laudum buccinator fio; tibi gratulatum venio, & præsens præfenti animum aperio meum; de quo nō minimam inijsse me apud te gratiam videbā; & iudicij mei laudes abs te eximias reportavi; quod quidem cum Cræsi copijs, Crassiq. diuitijs comparo. Reuertor Romam, bene istic gesta Cardinalis mei Legatione; atq; vbi me, quod tua in animum meum scripta intillarant, alijs persuadere studeo; fabula tota plane vrbe sum; conuicijs vel ab meis amicissimis, ijsq. doctissimis viris oneror; & quò minus me meæ sententiæ penitere ostendo, eò magis irridendi mei facultatem præbeo. Aduocatam adhibeo Papium: puro me summa eius doctrina, summaq. eloquentia munitissimam aduersantium arcem expugnare, nec proficio hilum. Ambo infantissimi appellamur, quòd infantissimi ingenij opus efferre tantopere laudibus contendimus. Vires nostræ debilitari incipiunt. quid quæris? digito commonstramur medio. Neque vero animum plane despōdimus, scutumq. abijcimus: sed alter alterum, vt opinor, ac strenuissimi milites extructa acie solent, cohortatur, stimulosq. alter alteri incutit; pugnamus acriter. Ecce tibi Riccoboni quatuor, velut instructissimi exercitus, orationes; quibus aduersariorum animi elatiores fiunt; franguntur nostri; nec hiscere audere nos amplius; quinimmo, quos nostram in partem adductos omnino putauimus, qui tamen paucissimi fuerant, eos tergiversari illico, ad aduersarios deficere, & priores aduertimus partes pertinacius defendere. Mittuntur abs te suppetic: vires iterum sumimus; & quemadmodum sit, vt res dant se se, ita magni, atq. humiles sumus, nouo exercitu comparato, armis validioribus instructi, maioriq. vallo, atq. aggere communiti; pugna renouata configimus: incerto ramen exitu, vel potius victoria desperata. Hæc ad te, Sigoii, pauca è multis, ne tu me quali macta causa cōdemnes,

De Gymn. Pat

quòd nihil, posteaquàm ab te discessi, ad te litterarum dedi, perscribere volui. Actionum mearum, præter ipsum Papiū, virum integerrimum, tuiq. amantissimum, & Nicolaum Sigonium tuum, testes habeo plurimos; quos necesse nunc commemorare non habeo. Scito me in ære tuo semper fore; & tuarum virtutum, nisi me optimum præconem agnoscam, perpetuum admittatorem profiteri. Vale. Roma.

Ac quas quidem Iacobovius suppetias à Sigonio Romam missas fuisse scribit, cōstat Dialogum extitisse inscriptum Accusatorem, seu de Consolatione Ciceronis; in quo ipsemet Sigonius mihi victoriam concedit conclusionis, etiamsi refellere rationes conetur, quibus probavi conclusionem; non omnes (nihil enim rescribit ad eas, quas ego quarta mea disceptatione complexus sum, maioris sine dubio ponderis, & momenti, quàm quæ refelli posse videantur) sed eas tantū, quas in epistola ad Hieronymum Mercurialem expresseram. nam in hoc Dialogo apertissime confitetur, istam Consolationem Ciceronis non esse, quæ erat mea conclusio, sed incogniti cuiusdam scriptoris, quem ipse appellat nobilem, amicū meū, ingenio valentem, doctrina excellentem, bonitate, atq. innocentia præstantem, idest, ut quidam interpretabantur, Sigonium: ego vero non solum probavi in epistola ad Mercurialem, & prioribus tribus disceptationibus meis in doctum quēdam fuisse, minimeq. Ciceronianum: sed etiam in quarta, ad quam Sigonius ne verbum quidem fecit, prorsus imprudentem, qui contraria, & repugnantia scripserit: prorsus Dialecticæ ignarum, qui absurde, & putide nonnulla conluserit: prorsus veteris historiæ inscium, qui non bene memoriā temporum replicauerit, non bene antiquitatis monumenta excusserit: & non modo parum Ciceronianum, sed etiā Græmaticę ipsius ignarum. Misit igitur Sigonius talem Accusatorem suum in refellendis tantum prioribus cōiecturis meis insistentem, posterioresq. non attingentem, cum hac excusatione fidei non servatę, à me latine conuersa.

¹ *Carolus Sigonius Antonio Riccobono. S. D.*

Non nullorum litteris perfertur ad me, non parum te con-
queri, contra opinionem quòd scripserim tuam, iacta-
re q.

req. non mediocriter tuum ipsius factum, quod me viceris. Qua de re, vt vnique nostrum satisfiat, te volui facere certio- rem. Equidem dixi, & scripsi Consolationem illam, non nullis rationibus existimari posse, Ciceronis esse, neminem reprehendens, qui contra sentiret. postea vero obiectiones tuas mihi soluendas esse cum existimassem, nequis eas fortasse contra me adduceret, respondi eisminem nomi- nans, & nihil quidquam scribens, quod te lādere posse videretur. Idq. eō fidentius feci, quod ne tu quidem à me dis- sentire veritus fueris in conuersione Rhetoricæ Aristotelis à te facta (quod tu ipse dicis) vt meam redderes meliorem: & quia noueram huiusmodi responsum meum aliquid hon- oris esse tibi allaturum. post editas vero orationes tuas scripsi multis de caussis nolle me vltius progredi: sed, si aliquam solutionem cuperes, idq. mihi significares, me tibi gratifica- turum. Iam, cum profitearis effecisse te, vt tacere coactus sim, mihi consilium accidit respondere, non ad nouas tuas obiectiones, quæ mea parum interfunt, sed ad priores defen- siones, nimirum ut intelligas non esse me amantem contro- uersiarum, sed eas præcidendi cupidum. Ac decebat quidē te ita rescribere, vt nullam mihi imponeres replicandi necessi- tatem, quemadmodum imposuisti, me tam sæpe interpellās ad respondendum obiectionibus tuis. quod scriptum meum, & quidem breuissimum, si tu refellere volueris, id tibi con- si- lii dabo, vt, dum id feceris, me minime lacestās, ne alio modo tecum agere mihi necesse sit, posteaquā me tibi omnia vi- des cecedere, quæ honeste possum. Consulam quoq., vt his litteris familiaribus uti desinas, quemadmodum cœpisti, in memoriam reuocans, quā inhumanum sit, ut M. Tullius ait in secunda philippica, litterarum arcana peruulgare. præterea vero cōtumeliæ vocibus ne me appelles, præsertim non lacisfitus, vt versutum, callidum, veteratorem, cum me- mineris Ciceronem in tercio officiorum affirmare huiusmo- di nomina existere vitiorum. Qua in re ostendes maiorem te mihi honorem habere, quā laudando, vt fecisti, & Hebræos quodammodo imitando, qui dicebunt, Aue Rex Iudæorum, & dabant ei alapas. Quod ego nolo facere, nec feci: cum ta- men litteras hominum male in te affectum acceperim, in

De Gymn. Pat.

quarum non nullis verba hæc inter cetera valde te pungentia leguntur; Hoc vnum me angit non mediocriter, qui videam eloquentiæ parentem ab homine, dicam pace tua, qui latine nesciat, Latinitatis reum postulari, id quod est omnium absurdissimum, & c. Quod volui tibi notum facere, vt, si id ad aures tuas venerit, ne mireris: bonoq. animo sis, quòd ego erga te modestius ago, quàm tu erga me fecisti. In te autem positum est vel nostram frangere amicitiam, vel continuare in perpetuum, si tuum ipsius honorem seruaueris, nec offenderis meum. Nolui autem in respondendo amplius continuata vt oratione, vt quasdam dicendi figuras relinquerem, quæ te lædunt: sed breuissimam adhibui rationum collationē, quia tempus non suppetit, quod in his nugis nihil prorsus valentibus consumam. Vale. Bononia. xv. Kal. Febr. 1594.
Sic scripsit Sigonius: ego vero statim ei ad hunc modum rescripsi.

Antonius Riccobonus Carolo Sigonio. S. D.

Litteris tuis ix. Kal. Ian. ad me datis, quæ, dum Rhodigii esse propter Iulium Cananium nuper Cardinalem declaratum mihi allatae sunt, statim respondi; idq. quod tunc scripsi, debere nos, si nostram conseruare amicitiam vellemus, diligentius cauere, ne maleuolis faciles aures præberemus, à te parum seruatum esse comperio, qui tam facile tibi persuaderi passus es, me denuo conquestum esse, quòd contra opinionem meam scripseris, iactasseq. impudenter factum meum, quòd te vicerim, ac tacere coegerim. Id quod tam falsum est, quàm quod falsissimum. Etenim loqui non potui, te quieturum esse, nisi post acceptas tuas litteras mihi allatas Rhodigii postridie Id. Ian. eo ipso die, cum eis respondi: ac de eo certe locutus non sum, quòd rebus grauioribus occupatus essem, præsertim uero confectione orationis nomine patriæ meæ, quam quidem xv. Kal. Februarii habui, vt ex eius editione constat, eo ipso die, cum tu postremo ad me scripsisti. Rhodigii autem sui à decimo quinto Kal. Ian. vsq. ad vndecimum Kal. Febr. ita vt ante decimum quintum Kal. Februarii ea loqui, quæ scribis, Patauij non potuerim, vnde significas te nuncium accepisse: post vndecimum autem Kal. Febr. nihil dixi aliud, nisi vel le te causam nostram relinquere viris doctis diiudicandam
fine

sine aliis scriptis tuis: nec me iactavi, ut tibi persuasum est, vel potius vt tecum cogitasti, & finxisti: sed modestissime id dixi, quod ex litteris tuis verum esse arbitrabar. Quamquam facile animaduerto te vno modo scripsisse, & aliter facere in animum induxisse, videlicet aut illi Veronensi opitulari, quod quodammodo significabas, aut directo contra me scribere, sicut fecisti. Neque hoc verisimilitudinis expers erat. Nam, si scripsisti nulla tibi à me oblata occasione, cur mihi persuadere non debebam, te scripturum, qui illius meæ responsionis prætextum haberes? Neque uero dubitandum est, quin conquestus sim tantum virum se mihi opposuisse, vt scilicet sua auctoritate me viuum ad sepulturam daret; quod etiam in editis scriptis meis confessus sum: sed id denuo non feci: multoq. magis mihi conquerendum est, quòd in mea insistas offensione. Neque est, quòd te excuses ita, ut dicas te nomen meum non expresse: id enim contemptim fecisti, in re, vt aliàs dixi, maxime perspicua, me nihilominus nominans in operis inscriptione, ac mea ipsius verba refellens. Ac facis quidem, quod verum est, vt quodammodo confitearis te ulciscendi mei causa scripsisse, quia Rhetoricam Aristotelis conuerterim post uersionem tuam. At dicas mihi, quæso, cur non licuit Rhetoricam post te conuvertere, quemadmodum tibi licitum fuit post Maioragium, Trapezuntium, aliosq. per multos? Vbinam te nominaui, vt læserim? Si nominatim à Victorio, à Mureto, ab alijs dissensi, qui tamen ad animum non reuocarunt; cur Sigonius, cui maiorem habui reuerentiam, dum nomen eius reticui, occasionem vrget ulciscendi? Et vero mihi in mentem iniicis tua ista offensionis cogitatione tandiu occultata, demumq. patefacta, & repetita eum te mihi amicum minime fuisse, quem profitebaris. Quòd si finis quidem adductum esse te hac re minima, sed altius accepisti, & accipis mei insectandi causam, ab eo scilicet, quod non numquam dixisti, debere te odio habere Rhodiginos omnes, cum ab vno de Rhodiginis in facie vulneratus, & turpiter signatus fueris; inique agis, quòd morbo animi occæcatus minime videas, fuisse me semper tui studiosissimum, omnibusq. modis deditum, & quandoq. etiam contra inimicos tuos armatum, etiam sanguinem per te effusurum; & mortē

oppe-

De Gymn. Pat.

oppetitum, si opus fuisset. Tertia vero causa, qua vteris, quamobrem contra me scripseris, illa est, vt mihi honorẽ habeas. Ego vero sentio, si mihi honorem habere voluisses, expressum te fuisse nomen meum, & non contempturum, vt fecisti, maioremq. mei rationem in scriptis tuis habiturum, & non pro viribus laboraturum, vt omnes me amentem existimarent. Ac detulisti quidem operam tuam ad meas obiectiones inter nos dissoluendas: ipse vero rescripsi, nolle me ex eo capere occasionem tecum diutius controuersandi. Iã, cum fidem tuis litteris datam seruare non cures, manibus, & pedibus laborabo, ne me auctoritate tua magis opprimas: scribas modo, quantum velis: semper enim tibi respondebo, cum à te lacessitus fuerim, ita vt vltimus agendi locus mihi congruere videatur. Nec vllam tibi imposui rescribendi necessitatem: sed, posteaquã statuisti non rescribere, aut maleuoli eam imposuerunt, quibus fidem habere non debebas, aut cupiditas quãdam attulit, qua perspicio te mirabiliter ardere, conculcandi, & prorerendi omnes, etiam quandoq. amicos tuos, immo, vt verius loquar, tui amantes, etiam in causa iniustissima: cum tibi tamen satis esse deberet, confiteri me, vt libenter facio, esse te longe inferiorem. Pro consilijs autẽ, quã mihi das, tibi gratias ago, quem esse cupidum honoris mei semper existimaui; ijsq. paretem, nisi ab eo, qui causã suã seruit, proficiscerentur. Quod attinet ad primum, vt respondendo te minime lacessam: affirmo tibi tale fore responsum meum, quale video existere tuum perpetuum lacessendi genus. Quod ad alterum, vt litteris vtĩ familiaribus desinam, profiteor tantum me eis non vsurũ, quantum pro me non fecerint; cum humanum sit vndiq. auxilia accipere, maxime ex ipsa rei veritate, quã minime debet latere. Quod conquereris appellatum esse te callidum, versutum, veteratorem, scito id euenisse, quia respondendum erat non solum illi tuo aculeo, & maledicto ludibrij pleno; Superbum istud aurium ne, an animi iudicium, & quã sequuntur satis prolixè: sed etiam illi alteri; Graue profecto crimen, si verum sit: sed tamen multo grauius, si temere simulatum sit, quod me facillime demonstraturum esse polliceor. In odium igitur adducar, & simulator temerarius nuncupabor, nihilq. respon-

debo?

debo? Pace tua dixerim, non bene consulis. Quid autem dicere debebam; cum me tamquam canem tractabas his verbis? Quid est, quod huic Commentario tam acriter oblatrent? Præterea cum me representabas omnis iudicii expertem in hunc modum? Quinetiam eandem partem vsq; adeo titubanter, ac timide tetigerunt, vt quo iudicio præditi sint, ne ipsi quidem sibi satis confidere videantur. Deinde cū contra me Ciceronem ab inferis excitabas, tamquam contra indoctum quempiam, & ratione prorsus carentem? Denique cum tam sæpe me illudebas, quamuis tui obseruantissimum? Has agendi rationes si dimiseris, mihi occasionem non offeres par pari referendi. Non enim (licet cupiam) ea, virtute me præditum esse sentio, quæ in Christo enituit, qui quidem dum crucifigeretur, dicebat, Pater ignosces illis, quia nesciunt, quid faciant: sed dum ullis viribus instructus ero, ipse vsat, & quidem minus titubanter, & minus timide, quam adhuc fecerim propter solam reuerentiam, atq; obseruantiam in te meam, contra omnes, quicumq; mihi molesti fuerint, idq; pro comperto habeas. Si vero tibi sunt litteræ quorundam non bene erga me affectorum; ne mihi quidem defunt Epistolæ nō nullorum, qui male in te affecti sunt, atq; in vna de his verba hæc inter cetera te pungentia reperiuntur; Ego quidem ceteris in rebus Sigonii prudentiam numquam defideraui, numquam iudicium: hoc ramen in negotio vtrum illi ex his defuerit, nescio: alterutrum certe defuisse res ipsa indicat. Nam, si non ita sensit, vt scripsit, sed ingenii uiribus fretus causam suam iniquissimam viris omnibus eruditis probare se posse sperauit, defuit prudentia: si, quod Ciceronis numquam fuit, Ciceronis esse credidit, defuit iudicium, &c. Aliis autem litteris vsus non sum, nisi quæ contra illam Cōsolationem faciebant, non contra te: & reticui quoq; illud, quod affirmauit Vianellus, te eam edendam tradidisse; nec verum esse credebam, quod litteris Bononia missis ad me perlatum fuerat, dixisse te, dum ageretur, vtrum ad illas tuas orationes essem responsurus, nec ne; Si responderis, efficiam profecto, ut eum pæniteat. Quod mihi quoq; coram affirmatum est. Quoniam vero video, tamen si ais, tibi tempus non suppetere, quod in his nugis consumas, nihilominus contra fidem

De Gymn. Pat.

fidem mihi firmatam te tempus consumere: si efficies, vt me peniteat, magno meo cum detrimento gloria cumulaberis. Neq. est, quod iactes, agere te modestius, quàm ego egerim: profiteor enim me modestiorem fuisse, quàm tu fueris, maioremq. tui rationem, & maiorem tibi honorem habuisse, quàm tu habueris, nec vmquam pupugisse te, nisi adductum punctionibus tuis. Putes modo, quod velis, & pergas facere, quod tibi placeat: spero enim me numquam reprehensum iri, tamquam amicitiae violatorem, quam tamen te decebat magis obseruare. Vale: Patauii. Nonis Febr. 1584.

Edidi paullo post Dialogū sub nomine Defensoris, seu p primo meo iudicio aduersus secundam Caroli Sigonii accusationem. Scripsit quoq. in meam sententiam Iustus Lipsius Christophoro Plantino, & in Epistola ad Ianum Gulielmū, quæ est sexagesima sexta primæ Centuriæ Epistolarum ad hūc modum; Agnōsco stylum distans, otiosum, lentum; & illam (audco apud te dicere) Sigoneitatem. Idem tamen in Epistola ad Ioachimū Camerarium, quæ est Septuagesima quinta eiusdem centuriæ, reprehendit me, quod non acriter, nec veris armis in Sigonium iuerim, & scribit ridendum esse hoc bellum, quod ipse appellat Italicum, quasi leuia sint illa, quæ ego notauī. Tamen, si legantur eius ipsius annotationes ad Plantinum perscriptæ, fortasse multo leuiorē iudicabuntur, quàm ea, quæ ipse obieci, & longe pauciores; quàm quæ in illo libro poterant obseruari, & quæ ego obseruauī. Sed iste uir morbo animi laborat in nomen Italum & litteratos Italiæ, qui rident, & Lipseitatem non curant.

Fuit quoq. à meis partibus Ianus Gulielmus, qui Lutetiæ librum edidit aduersus Sigonium, probans multis argumentis non esse aut M. Tullii, aut satis dignam M. Tullioeam, quæ illius nomine venditur, Consolationem. Hic me nominat tamquàm cum, qui prior contra talem Consolationē, scripserim; etiamsi post epistolam ad Hieronymum Mercuriale, & quattuor orationes, & Dialogum hac ipsa de re cōscriptum quidam Iesuita in magno suo volumine speciosis pollicitationibus insigni, quamuis pulchræ inscriptioni parum respondente, & multis in locis parum latino, me dignatus non sit honore nominationis suæ, malueritq. ipsum

Ianum

Ianum Gulielmum celebrare quam me ipsum, qui fuissem auctor, & victor illius controuersie. Sed hoc parum mea interest, cum tali honore facile catere queam, quippe qui diuino beneficio ad nonnullam hominum existimationem profluxi à fonte librorum meorum, non modo quos in hac controuersia edidi, & quibus necesse habui me defendere à maledictis Nicolai Colonij de Epistola Horatii ad Pisones: sed etiā aliorum ab ipso Iesuita similiter non nominatorum, vt Commentarij in Vniuersam doctrinam oratoriam Ciceronis, in quo multos patefeci errores Cypriani Suarij Iesuitæ: Conuersionis Rhetoricæ Aristotelis cum Paraphrasi: Commentariorum de vsu Rhetoricæ Aristotelis in qualibet materia: duorum voluminum orationum: libri de Historia cum fragmentis veterum Historicorum: conuersionis Poeticæ Aristotelis cum Paraphrasi: conuersionis Ethicorum Aristotelis cum Commentario; quibus præter hos commentarios de Gymn. Pat. fortasse Deo bene iuuante alia opera, & alia lucubrationes accedēt, futuræ, vt spero, minime obscuræ etiā sine istius Iesuitæ illustratione. Libet quoq; hic adscribere Epistolam Ioannis Cratonis eodem argumento scriptam ad Hieronymum Mercurialem, & meam etiam ad ipsum Cratonem exaratam.

Ioannes Crato Hieronymo Mercuriali. S. D.

Nostrum Riccobonum Bruti litteris offensum esse doleo: & propemodum Scutellario irascor, qui ea, quæ elicere studuit, & amice communicata acceperit, non continuit. Dabit Brutus breui manus, neq; *καταπονεύσει* libellum Ciceronis esse amplius putabit. Andreas parricius nuper ad amicum, qui illius iudicium exquisiuerat, hos versus scripsit;

Huic quicumque libro Ciceronis nobile magni

Imposuit nomen, omnibus imposuit.

Plane autem mecum sentit Sigonius ex animo rem non agere, cum serio cauere studeat, ne cognito auctore existimationis iudicii sui periculum subeat. Quas vero causas habeat, cur hoc modo Riccobonum exagitet, ne diuinare quidē possum. Splendide quidem cum aduersario certat, sed in omnibus ecquod *καταπονεύσει*? Mihi nullum apparet. Itaq; , quod nu

Aa per

De Gymn. Pat.

per scripti, quiescendum Riccobono censeo, cum nemo doctus in Germania, vel Gallia ab eo dissentiat. Quid censeat Lipsius, vidisse vos puto. Satis inclementer auctorem editionis tractat. Legi & aliorum scripta *videtur*, quæ, cum illi ætatem in lectione Ciceronis contriuerint; magni, vt par est, facio. Certe *enim* illam Ciceronianam ab hoc libro adesse, illis etiam, qui mediocriter in lectione Ciceronis sunt versati, apparet. Peto igitur, vt præstantissimo Riccobono persuadere studeas, ne bonam causam male agendam irritatus putet, & benevolentiam amicorum negligat. Animaduerto Ioannem Michaellem Marcium Procuratorem singulari studio iudicia de hoc scripto colligere. Quo animo hoc faciat, nescio. Fortasse Scutellarius ista explanare poterit. Vratislaviæ. XXI. Aprilis. 1584.

Antonius Riccobonus Ioanni Cratoni trium Imperatorum Consiliario Medico, S. D.

EX ijs litteris, quas Hieronymus Mercurialis varijs temporibus à te missas mihi legit, cū haud obscura amoris erga me tui significatione, incredibile in me desiderium exortum est, in numerum amicorum tuorum me vt recipias. Idq. etiā lectis tuis posterioribus litteris XI. Kal. Maias. ad eundem datis volui meis ipsis verbis tibi exprimere, simulq. asfirmare, me plurimum benignitati, atq. humanitati tuæ debere; primum, quòd non ægre tuleris, in controuersia, quæ mihi est cum Carolo Sigonio, diuulgatum esse grauissimum testimonium litterarum tuarum, quod quidem ceteris, vt par erat, anteposui: deinde, quòd mearum sæpe rerum laudator fueris, quibus præclaris officijs tuis si illa singularis gratia addita fuerit, vt amor in me tuus obseruantiam in te meam, quem admodum vehementer cupio, agnoscat, meq. inter amicos tuos enumeres, nā merito gaudebo, tali, tantoq. amico auctus; & ad plurima, quibus Mercurialis me obstrinxit, beneficia maximum accessisse cumulum confitebor, talis, tantiq. viri amorem per eum adeptus. Quod ad ipsum scribis de ijs litteris, quibus per totum terrarum orbem ab eo sparsis, ac disseminatis; qui (nequid grauius nunc dicam) parum amice se gessit, valde offensus sum: amanter quidem scribis: sed scito

me

me hominum arrôgantium , atq. insolentium factum vlturû fuisse, nisi in voluntaté Ioannis Michaelis, Marcij Procuratoris, qui hac de re ad Mercurialem, meq. ipsum litteras dedit, & ne id facerem, rogauit, conquieuissem. Itaq; eos non attigî; alterum, qui etiam prima littera cognominis sui iudiciû se habere deprauatum indicat: alterum animal vere brutû. Quos ego : sed summo præstat parere patrono. Mihi perplacet, Andream Patricium, virum doctissimum, & in obseruando Ciceronianæ scriptionis stylo maxime versatum, de ista inepta consolatione à me non dissentire; cuius distichon à te missum sane elegans est. Vale, meq. vt facere cœpisti, ama. Patauij .

Cum autem Sigonius hoc anno mortuus sit, fama erat eû ad Dialogum meum rescripsisse, ac, priusquàm moreretur, mandasse, vt, quæ rescripsisset, propediem in lucem, & ad spectum hominum proferrentur. in quem apud Aeacum hominibus Europæ datum à Ioue indicem suam ipsius causam per me dixisset Cicero, si illud responsum editum fuisset. Ac multum quidem permisi, quoad potui, amicitia, multum cessi auctoritati, multum tribui senectuti: sed, quoniam homo ille indigna de me scripsit, coegit me oblitum nostræ amicitia habere rationem meæ dignitatis. Itaq; , vt arbitror, eius ferum retudi, flammamq. restinxi, furiosumq. impetum, & insanam ferociam prorsus, ni fallor, compressissem, & fregissem, si diutius vixisset.

De controuersia Antonij Riccoboni habita cum Io. Mario Matio Brixiano. Cap III.

IN controuersia, quam habueram cum Carolo Sigonio de Consolatione edita sub nomine Ciceronis, repetiueram illud, quod antea quoq. exaraueram, Quinctilianum non vnâ figuram Translationem, ut ipse Sigonius argumentatus fuerat, sed res quindecim de Cornificio notasse, quæ omnes veræ essent de auctore ad Herennium. Io. vero Marius Matius Brixianus id non esse satis probatum cōtra me cum sensisset, atq. scripsisset: ego meam ab eo disensionem litteris cōsignaui; nihîq. certius esse demonstraui, quàm Rhetorica ad Herennium non Ciceronis esse, sed Cornificii. Quæ scripta vtri usq. nostrum peruulgata sunt.

De Gymn. Pat.

*Controuersia Hieronymi Fabricij ab Aquapendente habita cum Collegio
Patauino Philosophorum, & Medicorum. Cap. IIII.*

Hieronymus Fabricius ab Aquapendente, cum an. 1584. præter munus, quod antea obiuerat Chirurgiæ interpretandæ, alterum munus à Senatu consecutus esset Anatomes quotannis explicandæ in hunc modum, vt per omnes menses hyemis ipsam Anatomem declararet, membra humani corporis incideret, dissectionem ostenderet, resq; omnes pertractaret ad negotium Anatomicum pertinentes, post menses vero hyemis Chirurgiam explanaret; quas explicationes Senatus voluit esse ordinarias Medicinæ, omnibusq; iis dignitatibus, & vtilitatibus ornauit, quæ primis locis ordinariis Medicinæ Theoricæ, & Practicæ in Gymnasio conceduntur: petiit, vt in Collegium Philosophorum, & Medicorum reciperetur, tamquàm vnus de explicatoribus primorum locorum ordinariis Medicinæ; idq. tunc ei non fuit concessum, etiam si an. 1568. Principe Venetiarum Petro Lauredano, & præsidibus Patauii Ioanne Mocenico Prætor, & Marco Grimano Præfecto, Albertus Cymerlinus Veronensis, Rector Vniuersitatis studioforum Philosophiæ, ac Medicinæ, disputata ex vtraq; parte causâ tum Collegii, tum Vniuersitatis, obtinisset in Senatu, vt non solum explicatores primorum locorum Philosophiæ, & Medicinæ, sed etiam omnes Doctores publico docendi munere in Gymnasio fungentes non excluderentur à suffragio, vbi de studiosis, & Vniuersitate ageretur, atq. hoc modo Ius Collegii haberet. quod postea Cymerlino in patriam profecto, ita flagitantibus Legatis Collegii, nemine interueniente pro ipsa Vniuersitate, declaratum est, intelligendum tantummodo esse de solis explicatoribus primorum locorum Philosophiæ, ac Medicinæ, & non, vt Senatus consulti verba se habebant, de omnibus Doctoribus publico docendi munere in Gymnasio fungentibus. Orta igitur inter Collegium Patauinum, & Hieronymum Fabricium ab Aquapendente de hoc controuersia, disputataq. causâ in excelso Collegio Venetiarum, lata fuit sententiâ, vt ei Patauini Collegii ingressus daretur eodem modo, quo aliis explicatoribus ordinariis primorum locorum Medicinæ Theoricæ,

ritę, & Practicę dari consuevit, die vltimo Septembris. Itaq. ipse in Collegium receptus est.

Controuersia Rectoris de professione. Cap. V.

ORta est controuersia de professione an. 1584. inter Rectorem Vniuersitatis, & Præsidentem Collegii Philosophorum, & Medicorum, quem Priorem appellant: fauitq. insigniter Nicolaus Põtius, Princeps Venetiarum cum excelso suo Collegio ipsi Rectori, atq. Vniuersitati, litteris datis ea de re die vndecimo Iunii. quemadmodum multo ante in eodem Collegio, & in senatu x. uirum decretum fuerat contra Quæstores Patavii, Principe Augustino Barbadico, die 4. Maii, an. 1487. & post etiam in senatu contra Pium Aeneam Obiciũ, Summum Reip. vt vocant, Collateralem, Principe Paschale Ciconia die 23. Februarii, an. 1586.

De Epistola quadam in Fabium Paullinum Vtinensem Cap. VI.

1587. **M**issa est ad me epistola sub nomine Yuonis Villiomari Aremorici in Fabium Paullinum Vtinensem cum his litteris ;

Iacobus Zelenius Polonus Antonio Riccobono. S.D.

Breuitas temporis me quoque in scribendo breuissimum facit: tu pro ea, quæ tua est humanitas: & erga me beneuolentia insignis hanc breuitatem meam vt boni consulas, etiã atq. etiam rogo. Nudius tertius ad diem eum, qui Di. Martio dicatus est, Viennam veni. Hodie mihi iam ad iter accincto oblata est epistola Villiomari cuiusdam, in qua sit mentio tui satis honorifica. Causam, & occasionem offerendæ eius sermones nostri cum de aliis Doctoribus Italis, tum de te ea, quæ par est, obseruantia, in qua nemini cedo, diligenter habiti. Equidem decus hoc nominis tui nõ Italię finibus, qui & ipsi nequaquam exigui sunt, includi solum, sed etiam alpes ad omnes Mundi plagas transcendere, ac penetrare, & plurimas terræ partes tamquã lucidissimum illud sydus fulgore suo perstringere, ita gaudeo, vti debeo, idest maxime. Tibi autem hanc nominis immortalitatem gratulor, adhibitis iis votis, quibus à Deo Opt. Max. precor, vt hoc tibi

per-

De Gymn. Pat.

perpetuum esse velit. Epistolæ autem exempla, quotquot subito Viennæ videre contigit, libenter tuis Italis mitto, ut discant præsens bonum ita colere, prout aliæ nationes absens complecti consueverunt, ne postea præsentī destituti animi ingrati pœnas eas luant, quibus frustra, dum recesserit, illud assequantur. Plura cum scribere nequeam, hoc vnum addo, quod infixum pectori tuo esse cupio, Zelenium tuum esse, foreq. semper. Vale, vir excellentissime, & me tui obseruantissimum in eorum numero habe, qui tuæ prudentiæ, & amicitia plurimum tribuunt. Viennæ, in Austria, vigesimo septimo Aprilis.

Ac illam quidem Epistolam, vti id, quod verum est, ingenue fatear, priusquam auctor ederet, legeram Patauij, cumq. vellet edere, prohibui, quantum potui, quod melius de Paulino sentirem, quam ille iudicare videretur. Itaq., tametsi fama erat, cum cuidam cucullato opitulatum esse, qui aduersus me de nonnullis Laurentij Massæ versibus scripserat, immo scripsisse ipsum, & cucullato illi, tamquam corniculæ Horatianæ suam lucubrationem dedisse; quam iniuriam vitus nō sum, quia id efficere posse sine Massæ patroni mei offensione non videbar: tamen, cum mihi offerebatur occasio, cum laudare non desinebam, quod & ipse in responsione ad Epistolam his verbis confessus est; Riccobonus honorifice & sentit, & loquitur de Paullino; cuius rei recentissimos habeo testes præclaros viros. Cum igitur impedimento fuisset, ne ille in his locis talem Epistolam typis imprimendam daret: facere non potui, quin ipse alibi diuulgaret. Eiusq. exemplaria suppressissem, si ad me omnia missa fuissent, & non pleraq; ad eos, qui magnam eorum partem Venetias miserūt. Cūq. ad huiusmodi Epistolam Paulinus respondisset, auctor quidem eius mordacius, & acerbius, quam decere videbatur, in eum inuictus fuerat: sed (quod ego cum clara diuini numinis contestatione affirmo, non ad aliquid Paullino persuadendum, sed ad veritatem patefaciendam) causa fui, cur talia non ediderit; quodq. prius facere non potui, postea effeci, ut talis controversia dimitteretur; præsertim vero quia ille non modo priorem agebat, causam, verum etiam eiusdem Heliodoradas, siue septem de septenario libris maledicentissime repre-

len-

henderebat, omnibusq. contumelijs personam afficiebat. quod mihi perquam indignum visum est; iccircoq. manibus, & pedibus laboravi, ac minis etiam, atq. obiurgationibus contēdi, ut ipse, si amicitiam meam non duceret despiciatui, ab incepto desisteret, quemadmodum fecit.

Controversia Iasonis Denoris habita cum Baptista Guarino Equite. Cap. VII.

1587 **I**Ason Denores, explicator Philosophiæ Moralis, in qua dam sua edita de Poësis disputatione cum Baptista Guarino Ferrariensi Equite doctissimo, & disertissimo controuersiam excitauit, nimirum dum Tragicomœdias Pastora les tamquam monstra quædam, resq. prorsus inconuenientes reprehendit, eoq. modo Tragicomœdiam Pastoralem ipsius Guarini, inscriptam Pastorem Fidum, quod poema tunc manuscriptum, & nondum editum, multis in locis, præcipueq. Venetijs, & Patauij cum magna eius laude, ac prope incredibili omnium admiratione legebatur, reprehendere visus est. Quamobrem proximo sequenti anno Guarinus de fensionem talis poematis sub nomine Verati conscripsit, atq. in adspēctum hominum produxit. Cumq. Denores eodem anno Apologiam peruulgasset refellens ea, quæ disserrisset Veratus: Guarinus vim eloquentiæ suæ sane admirabilem ostendit in libro, quem alterum Veratum, seu Replicationem Iritati Academici inscripsit; eumq. ibi tam aspere, atq. acerbè, instar Archilochi in Lycambem, perstrinxit, ut, nisi is morte subtraçtus esset, periculum fuisse videatur, ne idem ei eueniret, quod Lycambi euenisse ad laqueum compulso memoriæ proditum est. editum enim est opus tantum an. 1583. cum iam ille diem suum obijisset.

Controversia inter Bonifacium Rogerium, & Angelum Matthæacium Cap. VIII.

1591 **B**onifacius Rogerius Reginus, & Patauinus, Comes, & Eques, ac Iuris vespertini in secundo loco Interpres, ad dignitatem, & Ius suum pertinere existimauit, ut Angelus Matthæacius Iuris ciuilis matutini in primo loco Explicator, ipsi de uia decederet, tamquam digniori. Qua de

De Gymn. Pat.

reinter eos magna exorta est controuersia ; de qua primum Patavij præsides , Ioannes Superantius Prætor, & Fridericus Sanutus Præfectus consulti sunt: deinde vero etiam ad Venetiarum Principem , eiusq. amplissimum Collegium relatum est . Nihil tamen est declaratum: sed tantum Apologia Matthæacii in manibus studioforum versata est , edita primum sola, deinde cum duobus eiusdem libris de uia, & ratione artificiosa iuris vniuersi: si ad quam cum Rogerius respōsum pararet, mors eum præripuit.

Controuersia Antonij Riccoboni habita cum Nicolao Colonio.

Cap. IX.

Nicolaus Colonius Bergomas, qui an. 1591. successit in locum Iasonis Denoris Cyprii ad Philosophiam Moralem Aristotelis explanandam, superioribus proximis annis ediderat Q. Horatii Flacci Methodum de Arte poetica, editoq. Commentario suo demonstrare conatus fuerat, Epistolam Horatii ad Pisones fuisse methodice scriptam, tamquam artem perfectissimam; à quo ego, cum Compendium peruulgarem Artis Poeticæ Aristotelis ad usum conficiendorum poematū à me ordinatum, & quibusdam scholiis explanatum, me dissentire ostendi; ita tamen, ut eum nominatim non exprimerem, sed tantum notarem, viri cuiusdam docti sententiam esse, ut voluerit Horatius tali Epistola perfectam artem conscribere, mihi tamen longe aliter videri, in ea nullam methodū esse, nullamq. artem perfectam, taleq. consilium Horatio non accidisse, ut absolutam methodum, & artem poeticam conficeret, sed tantum ut de non nullis ad artem poeticam pertinentibus, in quibus poetæ sui temporis errabant, Pisones amicos suos faceret certiores, ac esse potius perfectam epistolam, quam artem. quod cum demonstrassem, illud disputatione mea confeci, tantum abesse, ut magni poetæ imminuere auctoritatem scriptis meis voluerim, ut potius me ostendere voluissem professus sim, tamen si methodice scribere in animo mihi me habuisset, contra quam quidam vir doctus censuisset, ex eo tamen, tamquam ex vberissimo omnis doctrinæ fonte, quæ methodice de Poetica traduntur, quam plurima hauriri posset. Quam meam editam disputationem cum vidisset Colonius,

nus, ita excanduit, ut in me indignius, quàm eius ætatem, religionisq. professionem, addo etiam morale susceptum munus decere videbatur, inuectus sit. Ego vero ad eius maledicta dialogo composito respondi quàmmodèstissime; adduxiq. eum ad petendam à me ueniam his ipsis, quæ edita sunt, verbis; PECCAUI, & ueniam peto: ignosce humanæ imbecillitati, quæ facile ruit in peccatum: nec ulla ætas, vlla hominis sapientia est ab hoc lapsu tuta: meritissimo reprehendor à te: nihil contradico. Sic ille scripsit in Epistola ad me data. Quamobrem statim meam cum eo conciliationem edidi: omniq. inter nos controuersia impositus est finis. Ac talis quidem controuersia Alexandrum Estensem, Principem illustrissimum, atq. excellentissimum, iudicem cõstitueram; qui tametsi tum publice, tum priuatim mihi operam dabat, atq. inter auditores meos, tamquàm lumē splendidissimum, mirabiliter fulgebat: eo ramen erat ingenio, tamq. admirandos in præclaris litterarum studiis progressus fecerat, ut causam nostram facile iudicare posset. Itaq. meas hac de re lucubrationes ei dicaui, honoremq. habui, quem potui, maximum, ab eo per tres annos, quibus ipse Patauii floruit, inter litteratos viros, quos domi habebat, quiq. eius domum frequentabant, mirum in modum honoratus, & ad ipsius studia promerum mearum modulo adiuuanda adhibitus, quotidieq. in ædibus eiusdem omni diligentia, & sæpissime etiam publice auditus.

Controuersia Alexandri Massariae, & Herculis Saxoniae. Cap. X.

1591 **C**um febres quædam perniciosissimæ Pisaurum, totamq. eam constiterent regionem, Dux Urbini voluit, ut ea de re Patauij consultaretur; atq. in consilium quinque præcipui Medici Gymnasii Patauini adhibiti sunt; Alexander Massaria Vicetinus Practicus ordinarius: Albertinus Bottonus Patauinus, Theoricus ordinarius: Hieronymus Fabricius ab Aquapendente, Chirurgus, & Anatomicus: Aemilius Campilongus Patauinus Medicinæ Practicæ extraordinariæ tunc explicator: Hercules Saxonia Patauinus Medicinæ Practicæ ordinariæ Interpres; cumq. in duobus remedijs dissentientes inter se fuissent, nimirum in vsu Theriacæ, & in

Bb vsu

De Gymn. Pat.

vsu vesicantium medicamentorum, quorum vtrumq; à Saxonia propositum, hoc duorum iudicio receptum, illud omnium suffragijs reprobatum fuerat; Saxonia vt suam sententiam tueretur, disputationem de Phœnigmorum, quæ vulgo vesicantia vocantur, & de Theriacæ vsu in febribus pestilentibus scripsit, in qua etiam de natura pestis, & pestilentium febrium non nulla disputauit: ad quam statim Massaria disputationem de abusu medicamentorum vesicantium, & Theriacæ in febribus pestilentibus rescripsit. Atq; hæc contentio est proximo sequenti anno continuata est, editis à Saxonia libris tribus de Phœnigmis: & peruulgata à Massaria disputatione secunda Apologetica ad libros Saxonix de Phœnigmis.

Diffensiones inter Iacobum Zabarella, & Bernardinum Petrellam. Cap. XI.

CVM Comes Iacobus Zabarella in operibus suis Logicis an. 1578. editis sæpe à Bernardino Petrella, Gymnasiologo, dissensisset; hæc fuit causa, quamobrem ipse Petrella disputationes suas de rebus Logicis in adspæctum hominum produxerit; & an. 1591. ad easdem disputationes in libros septem distributas multa addiderit, ac diuulgauerit, ita vt Patuij studium Logicæ in duas sectas fuerit diuisum, tum eorum, qui Zabarellam, tum eorum, qui Petrellam consecrarentur, atq; ab vtraq; parte stare quàmplurimi viderentur. post eam controuersiam sane egregiam, & præclaram, Logicæq; studiosis maxime vtilem, & fructuosam editi sunt eorundem Commentarij in duos Aristotelis libros Analyticos Posteriores; quibus sane Commentarijs, quamuis diuersam, discrepantemq; doctrinam continentibus, nihil exquisitius, nihilq; enucleatius communi litteratorum hominum iudicio potest inueniri.

Controuersia Iacobi Zabarella, & Francisci Piccolominei. Cap. XII.

FRANCISCUS Piccolomineus suum ad Apologiam Comitum Iacobi Zabarellæ de doctrinæ ordine responsu edidit. Cum enim Zabarella in libris quattuor, quos an. 1578. de methodis peruulgauit, hoc sibi fundamentum constituisset, (quæ Auerrois opinio fuit) quòd ordo doctrinæ non ab ipsa

ipsa rerum natura, sed à meliore nostra cognitione defumitur: Piccolomineus, qui aliàs talis sententiæ Auerrois impugnator, & contrariæ defensor fuerat, in libris, quos an. 1583. de moribus, & ciuili Philosophia in adspèctum hominum produxit, non illud tantum Auerrois dogma, sed totam Zabarellæ de ordine disputationem, atq. sententiam oppugnare conatus est. Illudq. ipsi Zabarellæ graue admodum visum est, quòd sua pro Auerroce, atq. vt ipse arbitrabatur, pro veritate suscepta disputatio calumnia ab illo fuisset nuncupata.

Etenim in illius introductionem ad ciuilem Philosophiam, non solum cap. 23. sic legitur; Leuissimæ sunt rationes omnes, quibus aliquis ostendere posset artes tantum ordine resolutiuo, scientias vero tantum ordine compositiuo tradi posse; adeo vt ob eas minime suspicari debeamus, viros sapientes, qui alterius sunt opinionis, hallucinatos fuisse: non enim leuibus rationibus firma veterum decreta mutanda sunt, vt nos soli sapere videamur. sed etiam cap. 24. ad hunc modum; Hæc cum mihi pro dicendis seruire debeant, necessario primo explicanda fuerunt: & præsertim ea latius explicare fui coactus, vt meam opinionem à nonnullorum calumnijs vindicans veritatem redderem illustriorem. Quibus Piccolominei scriptis commotus Zabarella an. 1584. Apologiam scripsit de ordine doctrinæ. Cumq. is an. 1589. extinctus esset, Piccolomineus, qui suum responsum edere in animo habebat, cum iterum Commentarij sui de moribus, & ciuili Philosophia imprimerentur, vna cum secunda eorum editione Comitem Politicum diulgauit pro recta ordinis ratione propugnantem; septemq. præcipua disputantem.

1. Quod sit institutum Arist. in Philosophia de moribus.
2. Qualis sit consideratio ordinis, eiusq. distinctio.
3. Quæ sit definitio ordinis, & quæ ad eam pertineant.
4. An conditio ordinis sit, vt cuncta referantur ad vnum primum.
5. An ordo petatur ex natura rerum.
6. Quot sint species ordinis.
7. An cum in Artibus, tum in Scientijs, Compositionis, & resolutionis ordine vti liceat.

De Gymn. Pat.

*Controversia Alexandri Massariæ habita cum Horatio
Augenio. Cap. XIII.*

HOratius Augenius à Monte Sancto, qui successit in locū Bernardini Paterni ad Medicinam Theoricam ordinariā in prima sede explanandam, prius quā Patauium se conferret, accuratissimos scripserat, & ediderat Commentarios de mittendi sanguinis ratione. Postea vero Alexander Massaria Vicetinus Medicinæ Practicæ ordinariæ in prima Cathedra Interpres suas de eodem argumento disputationes in adspēctum hominum produxit, seq. ab Augenio dissentire ostendit, eiusq. explicationem in quendam Galeni locum paullo acerbius tractauit, eamq. esse absurdam, & legitimum verborum Galeni sensum prorsus euerrere, demonstrare conatus est. Augenius autem cum veteres suas lucubrationes recognouisset, nouas disputationes conscripsit aduersus Massariā, vt se ab eius reprehensionibus defenderet, suamq. sententiā tueretur; quas ego valde acerbis cum forte quodam die, quocum honoris causa inuisi, in eius bibliotheca vidissem, acrisq. in Massariam inuehi comperissem, cœpi apud senem amicū, & patronum meū ratiocinari, Nequaquam decere duos principes Medicos huius Gymnasii inter se tam acriter, atq. acerbè controuersari: scire me Massariam ei amicū esse: talem amicitiam meo quidem iudicio non aspernandam, sed amicus agendum, quā in illis disputationibus factū videbatur. Cumq. is contenderet talem controuersiam dimitti nō posse, nisi cum magno humani generis detrimento: pertinere enim eam, si bene decideretur, ad magnam hominum vtilitatem; persuasum est mihi debere eam tractari ob ægrotantium salutem: sed dixi omnem acerbitatem omittendam, voluntatemq. inter amicos eandem retinendam, etiam si opinio diuersa esset. Conquerente autem eo spretum se esse miris modis à Massaria in disputationibus eius; addidi id factum esse, antequā ipsi nec amici, nec inimici essent, nulla inter eos intercederet necessitudo: postea vero quā iuncta inter ipsos amicitia est, & arctior quædam familiaritas exorta, tantum abesse, vt Massaria ab amici officio recesserit, vt potius mutuam beneuolentiam sanctissime coluerit, amicūq.

cumq. publicæ, & priuatim celebrauerit, & commentariis ēē editis vsq; in cælum extulerit, omniaq. ei officia tribuerit, quæ cumque à vero amico proficisci queunt. Quibus argumentis adductus Augenius primum mihi gratias egit pro amabili officio, quo apud ipsum functus fueram: deinde pollicitus est se totum opus disputationum suarum, quamuis longum, & in septem libros diuisum, priusquam ederetur, reuisurum, exscripturum, emendaturum, maledicta omnia relicturum, controuersiam nudam tractaturum, & effecturum profecto, ut diuerse à Massaria opinari, non inimice cum Massaria agere existimaretur. quod cum ipsi Massariæ aperuissē, maximum ei gaudium attuli, ita ut & ipse maximas mihi gratias egerit, atq. affirmauerit, nihil sibi gratius fieri potuisse, quàm ut ei auferretur occasio controuersandi: nihil sibi molestius accidere, quàm cum necesse habet altercari, & tempus consumere in altercationibus, quod longe utilius potest collocari, quodq. ipse libentius ponit in alijs operibus conficiendis: si Augenius suas tantum rationes protulerit, se ne verbum quidem amplius facturum, nihilq. additurum prioribus disputationibus suis: satis enim se probasse sententiam suam: propterea permissurum siue vllò nouo controuersandi, & resellendi studio, ut rei Medicæ studiosi, quam partem velint, consecantur. Hæc cum ita nobiscum statuissēmus, editæ sunt tandem an. 1597. Augenij disputationes, quas Massaria existimauit lōge diuersas ab eo, quod promissum fuerat, quodq. expectabatur: pro maxima enim iniuria accepit, quod inter nostri tēporis Medicos nouatores fuerit numeratus, qui tamen profiteatur perpetuo non modo se non esse nouatorem, sed etiam nouatorum acerrimum hostem, & vnius doctrinæ Hippocratis, & Galeni aduersus Argenterios, Fernelios, ceterosq. nouatores vindicem, vsque adeo; ut à nonnullis reprehensus sit, quod nimium, & plus nimio in verba magistrorum iurauerit, ac eorum auctoritati nimis deditus videatur. cui responsioni solet respondere, se veritatis quidem causa id facere, sed male cum talibus videri errare, quàm cum istis nouatoribus vera sentire: qui enim istis videtur error, meram esse veritatē. Præterea vero alijs aculeis ita offensus est ut se excusauerit apud me, quod stare promissis, & à noua scriptiōne se abstinere

De Gymn. Pat.

re non potuerit; additamentumq. Apologeticum fecerit ad suam de scopis mittendi sanguinem disputationem, quo Augenj opinionem prorsus refellere, atq. euertere nititur; idq. cum tali disputatione rursus edita an. 1598. peruulgauerit. Id quod (ita me Deus amet) mihi permolestum fuit, quippe qui me aliquid profecisse putauerim inter amicos, & patronos meos: nihil tamen profecerim, & tam acerbam hominū insectationem prohibere, atq. impedire, vt maxime cupiebam, nequiuierim.

De dissidijs studiosorum tollendis . Cap. XIV.

1595 **M**arius Bibilaqua Saloensis Sincicus, qui loco deficientis Rectoris cum Iacobo Grandio Veronensi, Abrahamoq; Sandechio Germano, Consiliarijs, atq. Assessoribus Vniuersitatem studiosorum Philosophiæ, ac Medicinæ cum magna sua laude gubernabat, procurans omni suo studio Gymnasij quietem, atq. tranquillitatem, sæpe studiosorum dissidijs, atq. discordijs perturbatam, cum Patauij Præsilibus, Thoma Mauroceno Prætore, & Zacharia Contareno Equite, & Præsædo suam, Assessorumq. sententiam communicauit, optimum remedium fore, ad omnes turbas sedandas, & rixas tollendas, atq; inimicitias extinguendas, vt duo Doctores in facultatibus suis primarij ab Vniuersitate deligerentur, qui nomine ipsius Vniuersitatis prudentem, diligentemq. operam suam interponerent ad studiosorum gratiam reconciliandam, omniaq. officia exsequenda, quæcumque ad talem reconciliationem pertinere viderentur; confugiendumq. si opus esset, ad ipsos Præsides propter maiorem rei grauitatem, atq. auctoritatem. De quo cum perscriptum fuisset die vigesimo quinto Septembris ad Gymnasij Moderatores Nicolaum Gussionum, Matthæum Zanium Equitem, Hieronymum Capellium, vt ab eis facultas Vniuersitati concederetur huiusmodi Doctores eligendi, & ad componendam pacem inter studiosos constituendi: die nono Octobris ab ipsis Moderatoribus Sindici, atq. Assessorum sententia est cōprobata, mandatumq; Præsilibus, vt conuocarent Vniuersitatem, duosq. Doctores primarios procurandæ studiosorum paci præficiendos curarent. Quod statim factum est: delectiq. sunt

sunt ad tam laudabile, honestumq. munus obeundum Horatius Augenus à Monte Sancto princeps Medicus Theoricus ordinarius, Cæsarq. Cremoninus Centensis vnus de præcipuis Philosophis ordinarijs.

De tollendis quibusdam Gymnasii abusionibus, & controuersia Antonij Riccoboni habita cum Institutionum explicatoribus. Cap. XV.

1596 **I**Ta flagitante Mario Bibilaqua Saloenfi Sindico, qui Vniuersitatem studiosorum Philosophiæ, ac Medicinæ loco deficientis Rectoris cum Assessoribus administrabat, allatæ sunt litteræ Moderatorum Gymnasii grauius conquirentium de prauis ipsius Gymnasii consuetudinibus.

Quod institutum dictandi à Senatu prohibitum minime relinqueretur :

Quod propter priuatas eorum exercitationes, qui Praxim Medicam discere cōcupiscunt, Scholę nudarentur, deminuētib^{us} Doctoribus earum caussa publicas disputationes suas, quæ quidem deberent vnus horę curriculum complere, sed hac occasione sæpe dimidia pars, vel etiam duæ partes eis delibarentur, atq. detraherentur.

Quod non deessent, qui sua ipsorum munera S. C. commissa defererent, aliorumq. muneribus se immiscerent.

Quod nonnulli priuatas explicationes suas in publicarum detrimentum obirent, habendo eas iisdem horis, quibus publicæ habentur; eoque modo publicas impediendo; ac propterea mandantium, vt huiusmodi abusiones tollerentur, petentiumq. à Præsidibus Parauij, Prætore, & Præfecto, vt ad remedia huiusmodi corruptelis afferenda omnem diligentiam adhiberent. Quamobrem ipsi Præsides nos omnes conuocarunt, ac de Moderatorum voluntate monuerunt.

Omnibus autem in memoriam reuocarunt decretum de non dictando diligentius esse seruandum: alioquin in eos, qui mandatum Principis, & Senatus contempnissent, grauius animaduersum iri.

Cumq. de ijs, qui studiosos in Praxi Medica statim post publicas explicationes suas exercerēt, & hoc modo Scholas nudarent non sine eorum, qui alijs horis profiterentur, detrimento magna exorta esset difficultas propter ipsorum studiosorū
con-

De Gymn. Pat.

conquestionem, qui ea de causa Venetias ad Gymnasti Moderatores confugerunt, supplicesq. ea de re litteras à plurimis subscriptas detulerunt, flagitantes; vt sibi eodem commodo perfrui liceret, quod antehac percepissent: ipsi Moderatores statuerunt, vt, qui Medicinam Practicam profiterentur, possent ad Praxim Medicam studiosos ducere suo ipsorum arbitratu: qui vero Theoricam, nequaquam.

Iidem Præsides eorum Doctorem causam audierunt, qui aliorum muneribus se immiscere viderentur, eosq. reprehenderunt, &, vt aliter facerent, iusserunt.

Ego quoq; eo die, quo primum fuimus conuocati, Fabricio Cæconio, Institutionum explicatori significauimus, eius, & Octauij Liulli collegæ priuatas explicationes ijs non nihil impediementi importare, qui eadem hora meas publicas audire vellent; de quo multo ante vtrumq; eorum per communes amicos docueram, amiceq. rogaueram, ne ita studiosos impederent. Cum autem is respondisset, quod ante etiam cum collega responderat, suam se consuetudinem nolle dimittere, seq. quidem esse in grege Iurisconsultorum, me vero in numero eorum, qui alias artes tractarent, vt mecum nihil commune haberet, nec, vtrum mihi molestus esset, nec ne, quidquam curaret: dixi nos cunctos, quamuis diuersa proficentes in Gymnasio Patanino eidem Principi subiacere, vt alter alteri molestiam afferre non debeat, deq. hoc apud Præsides conquestus sum; qui eos, ac me ipsum cum per summum Gymnasti administrum ad se conuocassent, causamq. nostram diligentissime audiuisent Nonis Ianuarij, præsentibus ipsorum, vt vocant, Cancellarijs, & Mario Bibilaqua Sindico Vniuersitatis, & alijs quibusdam (nam multitudinem iuuenum non admisissent) eis statim mandarunt, vt Cathedræ Humanitatis amplius impediemento non essent. Summa vero eorū, quæ dixi, hæc fuit;

Adduci me non re vlla, quæ mea ipsius admodum interesset, sed publica utilitate; quippe qui vt muneri meo satisfacere, quemadmodum antea feceram, satis esse arbitrarer, nec, quid alij efficerent, etiam cum aliquo studiosorum detrimento, curare admodum deberem. Vt autem læsis quodam fundamentis totæ ædes læderentur, quæ sine eis consistere minime possent:

possent: sic offensis ijs, quibus tamquam fundamentis scientiæ niterentur; eas constabili non posse. Ac fundamēta quidem scientiarum præcipua esse tria, Logicam, Rhetoricam, Iustiniani Institutiones. Logicam enim omni disciplinæ seruire, in primisq. Philosophiæ, Medicinæ, Theologiæ: Rhetoricam vero esse Logicam Iuris ciuilis, appellatq. à M. Tullio magnam, & amplam partem rationis ciuilis, ab ijs prorsus dissentiente, qui ciuilem scientiam Rhetorica non putant indigere; subijciq. ab Aristotele scientiæ ciuili tamquam vni de præcipuis eius instrumentis; atq. in statutis Iuristudiosorum dici eam, omniaq. Humanitatis studia cū legum studio communionem habere; etiamsi ille Institutionum explicator sibi nihil commune existeret cum Humanitatis explicatore asseuerasset. Institutiones autem esse fundamentum vniuersæ legitimæ disciplinæ. Ac sapientissime quidem ab ineunte Gymnasio constitutum fuisse, vt hæ tres artes separatim traderentur, ita vt iidem auditores possent eas ipsas percipere, si velent. Idcircoq. superiores omnes Institutionum explicatores nullum Logicæ, & Rhetoricæ attulisse impedimentum: sed eadem hora duas explicationes habere solitos esse, vnam glossatum, & quæstionum iuris ciuilis ad Institutiones pertinentium, alteram verborum Iustiniani, vel in eadem schola, vel in duabus, prout eis commodius videretur. Ita fecisse Philippum Octavianum: ita Laurentium Castellanum: ita Et Bartholomæum Syluaticum: ita Ottonellum Discalcium: ita ceteros omnes Institutionum explicatores, duarum nimirum explicationum munera eadem hora obeuntes; quemadmodum & ego eadem hora duas haberem explicationes, Latinam vnam, Græcam alteram. Solos tamen eos, qui eo tempore Institutiones interpretarentur, instituisse, vt verba Iustiniani, non quemadmodum ceteri fecissent, in scholis explicarent, sed in suis ipsorum ædibus, qua hora Rhetorica, & Humanitas explicaretur, posteaq. secum ducerent longo ordine studiosos. Ac distitasse quidem eos, atq. in vulgus iactasse, vt me in odium adducerent, nolle se alia hora id muneris obire. Itaq; si id ipsis fuisset interdictum, culpam omnem in me esse reiiciendam, meq. eius damni, quod studiosi perciperent

Cc causam,

De Gymn. Pat.

causam fore. Tamen me non eo esse animo, ut eam explicationem interturbarem; immo vero, si id dicendum esset, quod sentirem, iudicare, eam præcipue ipsis habendam, ut magis necessariam, & ad munus eis delatum magis pertinentem, ut potius verba Iustiniani, quam glossematum quaestiones interpretarentur. alteram enim ijs, qui Iustiniani noui appellarentur, & ad quorum utilitatem in primis ipsi conducti essent, maxime conuenire: alteram eorum ostentationi seruire, & ingenij, ac doctrinae exercitationi, ut ad altiores Interpretationes sibi aditum pararent; minus tamen necessariam, quod grauioribus quaestionibus explicandis à iunioribus minus intelligerentur, ij vero, qui longius in legum studio prouecti essent, ordinarias Iuris Ciuilis explicationes audirent, parumque Institutionum Interpretibus indigerent. Itaque, si alterutra relinquenda esset explicatio, minori hanc, quam illam, relinqui posse detrimento, & magis illam habere, quam hanc, iure ipsos cogendos videri. Tantum conqueri me, quod satisfacere iunioribus hora Rhetoricae, atque Humanitatis vellent. Nec dicere illud, quod alij dicerent, velle eos tale institutum retinere, inanis gloriolae causa, ut per plateas, & vias ab ipso rum ædibus usque ad scholas agmina studiosorum ipsos comitantia conspicerentur. Cum enim memoriae proditum esset, leuiculum fuisse Demosthenem illo susurro delectari se dicentem aquam ferentis mulierculæ, ut mos in Græcia erat, insu furrantisque alteri, Hic est ille Demosthenes: me tamen eis tam leuitatem, tantamque ambitionem minime tribuere, ut huiusmodi populari gloria delectarentur. Nec itidem dicere, quod circum alij ferrent, eos tali hora domi eam explicationem habere, quod timerent, si sibi auditores non pararent, atque colligerent, fore, ut, qui ipsis operam darent, minime adessent: mihi enim satis notum esse, atque exploratum, etiam si domi nihil explicarent, eos tamen auditoribus minime carituros. Sed tantum illud eorum pace non præterire, distandi consuetudinem, quam domi tenerent, efficere profecto, ut iuniores ei rei assuefacti sibi quoque publice dictari vellent; hancque fortasse causam fuisse, quam obrem semper distassent, & numquam Senatus decreto, atque mandato paruissent. Nec illud itidem tacere, quod iuuenes impedire, quominus Rhetoricæ,

toricę, atq; Humanitatis explicatorem audire possent, nihil mea quidem sententia aliud esset, quàm magnum detrimentum eis importare. Nihilq. esse, cur diceretur, eos, qui Institutionibus operam darent, nec Rhetorica, nec Humanitate indigere, quam in sua ipsorum patria didicerunt, vt vir excellentissimus Fabricius Cęconius se satis superq. didicisse profitebatur, priusquàm studiorum caussa Patauium se contulisset: non enim omnes tantum ingenium habere, quanto ille gloriari posset, Humanitatis, Philosophiæ, Iuris Pontificii, Iuris Cæsarei peritus ad summam excellentiam: ac, si omnes tanto ingenio præditi essent, tantaq. eruditione ornati, cum Patauium studiorum caussa veniunt, Humanitatis explicatio nem in Gymnasio Patauino superuacaneam fore: quoniam vero pauci sunt tales, cuiusmodi se esse profiteretur, multoq. exquisitiora, & abstrusiora solent esse, quæ in aliquo publico Gymnasio tradi consueuerunt, quàm quæ in aliis scholis: iccirco huiusmodi explicationem à sapientissimo Senatu superuacaneam non haberi, etiamsi fortasse à Cęconio parum necessaria haberetur. præterea vero, si illi, qui tunc Institutionibus operam darent, valde decepti essent, quoniam ita eis persuasisset, qui fortasse aliter persuadere debuerant: aliis forsitan temporibus alios, qui eiusmodi persuasionibus seducti non fuissent, aliud sensuros esse, nec bonas litteras deserturos, vt multi facerent, qui nihil aliud, quàm leges scirent, immo ne leges quidem satis intelligerent, cum vim verborum, quæ rerum sunt subsidia, ignorarent; & Doctores quidem efficerentur propter laureæ adipiscendæ facilitatem, sed indocti Doctores, cum maximo scilicet Rerum publicarum, ciuitatum, populorum, gentium, nationum omnium, atq. vniuersi terrarum orbis detrimento: id enim esse tam verum, quàm quod verissimum, qui linguam latinam tenerent, statim eos in qualibet disciplina, etiam priusquàm ei studerent, dimidia propemodum ex parte Doctores existere: contra vero, qui non tenerent, eos adhibito quouis studio, & quauis diligentia difficulter excellere, parumq. rebus vel publicis, vel priuatis prodesse posse. Illud autem disputatione mea confeci, quod efficerent Institutionum explicatores, id tum statutis, tum veteri consuetudini, tum decreto Senatus, tum vtilitati studio-

De Gymn. Pat.

forum sine dubio aduersari; propterea quòd in statutis expressum esset, publicas explicationes nullo modo esse impediendas: vetus autem eorum consuetudo, qui Institutiones explicauissent, alia prorsus fuisset: decretumq. Senatus prohibuisset dictandi abusione, quæ nihilominus eo instituto, quòd retinerent Institutionum explicatores, plurimum foueretur in corruptionē torius Gymnasii, quoniam iuniores sic assuefacti alias postea scholas corrumpere: denique studiosorum vtilitas postulare videretur, vt rebus assuefierent melioribus, nec bonas defererent litteras, matreque ignorantie barbarie nutrentur, sed studium eloquentie cum studio sapientie coniungerent. Quamobrem huiusmodi malo remedium esse adhibendum: ipsos Institutionum explicatores ad veterem superiorum explicatorum consuetudinem reuocandos: Rhetoricæ, atq. Humanitatis horam non amplius impediendam. Hæc ego tunc dicebam.

Sapientissimi autem Præsides, Thomas Maurocenus Prætor, & Zacharias Cornareus Eques, & Præfectus, eis iusserunt, ne Humanitatis explicatori amplius molesti essent. idque fecerunt præsentibus, vt superius quoque notauimus, ipsorum Cancellariis, & Mario Bibilaqua Saloensi, Sindico Vniuersitatis studiosorum Philosophiæ, ac Medicinæ, aliisque nonnullis. Quod iussum quoniam litteris non est consignatum, id enim vt esset, ego parum curauimus: iccirco euenit, vt cum post sapientissimorum Præsidium discessum illi regressi essent ad perniciosissimam consuetudinem suam, & ego an. 1597. apud illustrissimum Prætorem Aloysium Bagradenū illos cupere in officio continere, ipse Prætor incertus de iam lata sententia, quæ scripta ostendi non potuit, quamque vt ego affirmabam, ita illi negabant, & enserit se, qui nihil auctoritatis haberet à Gymnasii Moderatoribus, nihil hac de re debere decernere, sed eam ab ipsis Moderatoribus esse diiudicandam. Ego vero tunc satis habui magnam abusione iterum patefacere; quæ quò magis toleratur, eò maior in dies fit, & abit in exemplum magnæ corruptionis, audentibus multis aliis hoc genere priuatarum explicationum subsellia scholarum nudare, ac publicum Gymnasium depopulari.

De re Iesuitica. Cap. XVI.

1591 **P**hilosophiæ, Medicinæ, aliarumq. optimarum artium in Gymnasio Patauino explicatores aduersus Reuerendos Patres Iesuitas sunt concitati; qui multis ante annis Gymnasium erexerāt, scholasq. publicas aperuerant, non solum ad eas artes tradendas, quæ pertinere præcipue ad Humanitatem dicuntur, & in primis Rhetoricam, atq; vtramque linguam tum Latinam, tum Græcam, sed etiam Logicam, Philosophiam, Mathematicas disciplinas, Metaphysicā, Theologiam; auctoresq; fuisse existimantur dictandarum ad verbum in omni genere explicationum. Quæ dictandi abusus, tamquā contagio, à iuuenibus imperitioribus expetita, ita etiam publicos Doctores occupauerat, ne viderentur minus vtilēs, quā Iesuitæ, vt pro integra explicatione, quæ in vnius horæ curriculum concluditur, ne tertiam quidem partem eius haberent, & nihilominus horæ spatium conficerent; ex quo cum aliquid sæpe multis occasionibus deliberetur, ac detrahatur, illud etiam accedebat deminationis, quodd dictando tempus consumebatur. Quid? quodd sæpenumero iuuenes nobiliores, subterfugiendo incommodum ad scholas proficiscēdi, famulos suos mittebant ad explicationes excipiendas, ac negligentiores fiebant propter apparatus commodum eorum, quæ dictabantur? Rem miram narrabo, sed veram. Cū ego ipse in primo studiorum curriculo & in ipso prope vestibulo publicarum explicationum superioribus annis officij causa magnum quemdam philosophum auditum iuissem, & in magna frequentia auditorū duos famulos animaduertissem Nobilium iuuenum, qui priuatim mihi operam dabant, illis adfōres expectantibus, & nihil se tenere significantibus, quod ad litterarum studia pertineret, qui tamen illius Philosophi disputationem excipiebant, diligenterq; conscribebant; illorum factum admiratus, quippe qui ipsos à studio optimarum artium alienos existimaueram, posteaquā ad finem disputationis ventum est, cum illi ad me accessissent, Gratulor, inquam, vobis, quodd philosophi sitis, & longe, quā putaram, præstantiores. Ad quæ mea verba cum respondissent, & quiddam erubescētes, suscipere se cum scribendū laborem, non quodd

De Gymn. Pat.

quod ipsi litteris operam darent, sed vt id efficerent, quod domini iussissent, qui postea domi rebus conscriptis studebant, statim philosophum ipsum secutus sum, eumq; assecutus, re illa patefacta, Quid prohibet, inquam, quominus tu quoq; famulū mittas tuū, atq; ita hæc res tota per famulos agatur, grauantibus dominis propter introductam dictandi abusione ad scholas venire? Accedit, quod ppeundem abusum multi se conferre in hunc optimarū artium mercatū desinebant, curantes tm̄, vt dictatæ explicationes secum cōmunicarentur. Itaq; illa studiorum frequentia, quæ maxime requiritur, cessabat: & hoc genus prauæ consuetudinis in Gymn. Pat. Reu. Patribus Iesuitis acceptum referebatur. Cum aut ipsi publico Gymn. plurimū afferre detrimenti viderentur, sonitu æris Cāpani ad ipsorum scholas multitudinē iuuenum conuocātis, editione rotatæ paginæ ordinem futurarum explicationū declarantis, apertione scholarum tamq̃ publicarum, alijsq; multis modis qui eorum factum ipsi Gym. detrimentosum apertissime declarabant: Doctores publice docentes id perpeti amplius nō potuerunt, & vt à Principe, Senatuq; Veneto remedium peterent, congregati sunt, tresq; delegerunt Legatos, qui Venetias vniuersi Gym. nomine proficiscerentur, & de Iesuitarum Antigym. conquererentur, Franc. Piccolomineum Senēsem, primarium Philosophum, Cēsarem Cremoninū Centensem, maximum itidē Philosophum, Herculem Sax. Pat., Philosophū, & Medicum præstantiss. qui vna cum Rectoribus Vniu. Petro Alzano Bergomate, Augustinoq; Dominico Fulginate, ac magno studioforū numero ad Principem in excelsum Collegium cum introducti essent, & quidem cum maxima dubitatione futuri euentus, q̃ plurimi Patricij liberos suos ad eorū scholas mitterent erudiendos, plurimumq; illis fauere videretur: Cremoninus eo sermone, quem sibi vindicant Etrusci, luculentam habuit orationem, proximis aut sequentibus diebus res de Collegio in Senatū delata est, orationisq; habitæ à Cremonino exemplar magna ibi attentione recitatū, possq; recitationē omnium prope suffragijs, & quasi viua voce, prout ille suaserat, S. C. factum, & Senatus sententia ad Patruj Præsides, Io. Bapt. Vitturium Prætorē, & Vincentium Gradonicū Equitem Præfectum, die XXIII. Decemb. sic perscripta;

·NOS RATIONE DVCTI admodum necessaria, providendum esse, quibuscūq; modis fieri potest, ut dissensio, & discordia inter studiosos exorta propter eas ipsas causas, quas ad nos conscripsistis, quasq; in Collegio nostro magnifici Rectores, & Legati Uniuersitatum Gymnasii nostri Patauini recensuerunt, minime augeatur, cum euidenti malorum periculo, quae consequi possunt, & extinctionis ipsius Gymnasii; mandamus vobis cum Senatu, ut reuerendos illos Patres Iesuitas accersatis, verbisq; huiusmodi moneatis, quod ab una quidem parte ipsi possunt aperte perspicere nos proptos semper, & paratos fore ad protegendam, & fouendam ipsorum Societatem omnibus in rebus, quacumq; videantur cultui diuino conuenire: ex altera vero parte iustissimis de causis nobis debet mirum videri, quod intellexerimus eos in illam urbem nostram varijs modis Gymnasii formam introduxisse, sonitu aris Campani, editione rotatae paginae, explicatione disciplinarum in iisdem horis, apertis portis, & publicis scholis, hac etiam facta inscriptione, GYMNASIVM PATAVINVM SOCIETATIS IESV, quasi in contentionem cum Dominio nostro, & apertum detrimentum Gymnasii nostri, tam multos ab hinc annos à nobis protecti ob magnā,

De Gymn. Pat.

qua inde omnibus temporibus percepta est, utilitatem, magnumq; omnium Christianarum gentium, & nationum beneficium, nullis antehac ausis quouis modo ei aliquam perturbationem, aut malum exemplum asferre, quemadmodum intelligimus propter nouum Gymnasium ab eis institutum euenire. Quamobrem à nobis statutum est non posse eos, nisi inter ipsos ad suorum ipsorum, & non aliorum utilitatem profiteri, nihil quidquam agentes contra statuta, & priuilegia Gymnasii nostri Patauini. Hoc munus cum apud illos Patres obiueritis, quos in voluntate nostra esse conquieturos, nobis persuademus, volumus, ut Doctores in publico Bouis Gymnasio profitentes ad vos conuocetis, eosq; certiores redatis, cum ab illius Gymnasii Moderatoribus pro ea, quam habent, auctoritate ad superiores Patauij Praesides conscriptum fuerit, ut dictandi prohiberent in publicis cathedris abusionem, perlatumq; ad nos sit, retineri nihilominus istam perniciosissimam consuetudinem, certissimam Senatus nostri voluntatem esse, ut à dictandis explicationibus omnino se abstineant: quoniam si ne dubio id explicandi genus magnum affert damnum, maiusq; etiam fortasse, quàm Uniuersitatum Legati quadam ipsorum scriptura ad nos delata expresisse videantur. Quòd, si quis con-

trasacere

*trafacere ausus fuerit, vobis facultatem damus
huiusmodi malo prouidendi, ijsq; pœnis remediũ
afferendi, quas iudicabitis conuenire. Facito-
te autem nos certiores, quidnam his ipsis de re-
bus effeceritis, curantes, vt ha littera, ubi con-
gruere putaueritis, ad perpetuam rei memoriam
perscribantur.*

Itaq; propter has litteras Gymnasium cessauit Iesuitarum.

An. 1594. Ciuitas Patauij decreto facto in sententiam Bene-
dicti Doct̃orij Philosophi, ad Venetiarum Principem Lega-
tos misit, vt declararetur, S. C. factum anno supra millesimũ,
& quingentesimum nonagesimo primo, quo illi publicas scho-
las exercere Patauij quemadmodum diu fecerant, prohibiti
sunt, in scholis Grammaticæ, Rhetoricæ, vniuersæq; Hu-
manitatis locum non haberet. Quamobrem ego, qui in hoc Gy-
mnasio Artes Humanitatis, in primisq; Rhetoricam profite-
bar, ad pedes ipsius Principis supplex accedere coactus sum
pro plena illius S. C. obseruatione, ita vt, si id de alijs profes-
sionibus non tollebatur, ne de Humanitatis quidem profes-
sione rescinderetur. Qua de re in pleno Venetiarum Colle-
gio die decimo Angusti, qui Di. Laurentio sacer est, postea
quàm vnus de illis Legatis, Beldomandus Candius, Iuris Põ-
tificij, Cæsareiq; Doct̃or finem dicendi fecit, ego pro mea ca-
thedra orationem habui. Qua quidem habita decretum pro-
positum est, vt Patauij Prælidibus his de rebus responsum cõ-
mitteretur; idq; decretum cunctis suffragijs præter duo sola
fuit reprobatum; cumq; inter eos, qui Sapientes Magni vo-
cantur, de hoc ipso negotio ad Senatum referendo ageretur,
inter ipsos non conuenit; fama; erat in Senatu pro Iesuitis
profici nihil posse. Præterea vero Nicolaus Bolgius, Ascrui-
nus, Rector Vniuersitatis Iuris studiosorũ, Di. Marci Eques,
conqueitum eadem de re ad Principẽ venerat; eloquentiaq;
studium aduersus Patres Iesuitas, & quosdam pro patribus Ie-
suitis subscriptores sibi protegendum putauerat; nec tale stu-
dium ab eo, cui in primis præluderet, Iuris ciuilibus studio, quẽ

De Gymn. Pat.

admodum non nulli ab omni Humanitate alieni existimare visifnerant, alienum iudicauerat: sed nullis precibus, nullis minis cedens, integer, & incorruptus constantissime, & perseuerantissime præcipuum Iuris ciuilis instrumentum; vel adhibito eloquentissimo aduocato Bernardo Pesentio defenderat. Quamobrem Legati Patauini ne re quidem ad Senatum relata dimissi sunt.

An. 1596. rursus negotium Iesuiticum tractatum est, quæ tertia fuit tractatio, posteaquàm iterum Ciuitas Patauina adducta est ad supplicandum Serenissimo Principi Venetiarum, vt ipsi ad docendum restituerentur. Qua de re primū est mecum actum, an ego, quī Humanitatem, & præcipue Rhetoricam profiterer, possem cum eis conuenire. Deinde cum id fieri minime potuisset, Patauinorum nomine supplicatum est, vt eis facultas concederetur docendi, si non alia, at saltem Grammaticam, easq. artes ad Humanitatem pertinentes, quæ publicum Humanitatis Explicatorem minime lederent.

Qua honesta, & satis artificiosa petitione videbantur velle sibi aditum fieri ad omnes Humanitatis partes pertractandas, cum profiteantur suum docendi modum, quidquid doceant, nullum publicæ Cathedræ importare detrimentum, tamquàm submissiorem, & priuaris etiam magistris concessum, qui omnia, quæcumque ipsi volunt, pertractant, & tamen non prohibentur. Hæc argumenta satis quidem probabilia, sed, vt arbitrabar, fallacia non solum cum quibusdam eorum colloquendo refutauī, verum etiam quemadmodum refutarem, ad Gymnasii Moderatores perscripsi, cum satis constet hos Patres & summis, & grauitè agere, prout volunt: multumq. interesse inter factum priuatorum magistrorum, qui aliquot paucos docent, & horum ipsorum patrum, qui omnibus gentibus, & nationibus scholas aperunt, & habere se Romæ aliquot auditorum millia, habuisseq. Patauī non minorem iuuenum concursum, quàm publicæ haberent scholæ, gloriantur. De quo negotio Iesuitico Patauī Præsidibus mandatum fuit, vt habita diligenti quæsitio; quid sibi videretur, responderent. Cumq. obseruassẽ non de omnibus Doctoribus quæri, sed eorum selectionem

Qñonem aliquam fieri, incidi in eam suspicionem non omnes passim adhiberi testes, sed eos tantummodo, qui diligenter à fautoribus Iesuitarum, inscijs præsidibus, prensati fuissent. Itaque ego, de quo in primis agebatur, ad ipsos Præsides accessi, dixiq. ad eorum integritatem pertinere, vt responso suo Serenissimum Venetiarum Principem certiore facerent, non modo de eorum dictis, qui non sine prensatione testes producti fuissent, verum etiam de rationibus meis, de quo in primis agi videbatur. Ad quas dicendas per aliquot quidem dies admissus non sum: sed tandem aliquando Gymnasii Doctoribus apud ipsos Præsides congregatis, quibus cum etiam erant Sapientes Deputati ad vtilia Patauina Ciuitatis, & alij plurimi; dataq. vnicuiq. potestate dicendi hac de re, quid quid vellet, cum ego quoque admissus essem, pluribus verbis egi causam meam. Dum hæc ageretur, Vniuersitas eorum, qui dicuntur Artes profiteri, de eodem negotio Iesuitico ad Principem, & Senatum Venetiarum litteras dedit. quibus in Senatu perlectis, & cognita voluntate ipsius Vniuersitatis, quòd de Patribus Iesuitis prius se audiri cuperet, quàm quidquam decerneretur: tale signum datum est publicæ propensionis, vt, qui eis fauebant, rem aliquantisper differendam censuerint, nec tunc tractandam, cum omnia futura esse contraria videbantur.

An. 1597. reuocata negotij Iesuitici tractatione, commissa de eo rursus Patauij Præsidibus responsione, vt, quidnam ipsa Vniuersitas diceret, perscriberetur, datis etiam litteris ad Senatum ab eadem Vniuersitate, primum rogantibus, vt res differretur tantisper, dum ea posset ad Principem accedere, deinde vero etiam Gymnasii rationes exponentibus, adniten- te in primis Marco Cornelio, Patauij Episcopo præstantissimo, conuentio facta est in hanc sententiam;

- „ QVOTIESCVMQVE Reuerendi Patres Iesuitæ in
 „ stituant iuuenes in litteris Humanitatis eò vsque tantum, quo
 „ usque ipsi iuuenes apti sint ad audiendum publicum Huma-
 „ nitatis Explicatorem, abstinentes se perpetuo à quarundam
 „ rerum explicatione, quæ præcipue in publico Gymnasio ex-
 „ plicantur, scilicet Rhetoricæ Aristotelis, Poeticæ eiusdem
 „ Aristotelis, Topicæ facultatis Ciceronis, & quod attinet ad

De Gymn. Pat.

„ alios libros tum earum, quæ dictæ sunt, tum aliarum quarum
„ liber rerum, non attingentes eas illis annis, quibus ipse Hu-
„ manitatis Explicator ipsas suscepit explicandas; omninoq.
„ ita accommodantes operam suam, ut ipsorum scholæ sint pu-
„ blici Gymnasii seminarium, & augentes potius eius nume-
„ rum, quàm deminuentes, adhibitis religiosis cohortationi-
„ bus ad publicos Doctores audiendos apud eos, quos cogno-
„ verint idoneos, & satis instructos ad illorum doctrinam per-
„ cipiendam: AFFIRMO EGO ANTONIVS RIC-
„ CO BONVS Humanitatis in Patauino Gymn. Explicator
„ eos hoc modo nullum impedimentum publico Gymnasio
„ importaturos, sed multum utilitatis studiosæ iuuentuti Ve-
„ netiarum, Patauij, aliarumq. ciuitatum esse allaturos.

Cui scripto se subscripsit Pater Antonius Barisonius, Re-
ctor Iesuitarum.

Et Illustrissimus, ac Religiosissimus Patauij Episcopus, pro
vtraq; parte se prædem constituens;

Et deinceps omnes Doctores publice docentes.

Nondum tamen huiusmodi negotium confectum est.

★ *Finis Quarti Libri.* ★



De

DE GYMNASIO

PATAVINO

ANTONII RICCOBONI

*Commentariorum Liber Quintus.**De victoria Naupactica in Gymnasio Patauino celebrata.**Cap. I.*

NITIO anni septuagesimi secundi supra millesimum, & quingentesimum ego in maiore Iurisconsultorum schola propter maximum non solum iuuenum studiosorum, sed etiam Doctorum, hominumq. omnis generis concursum ea, quæ exstat, oratione gratulatus sum Christianorum victoriam ad Echinadas paucis ante mensibus reportatam; quod quadraginta veteranorum hostium millia cæsa, captaq. dicerentur: quod viginti Christianorum millia, quæ annis superioribus barbari captiua fecerant, in libertatem essent vindicata: quod sæuissimus Turcarum Tyrannus, qui nouo Regno inflatus, & tã amplæ fortunæ insolens, fœdus, quod ipse cum Venetis habebat, nulla ratione aut diuini, aut humani iuris habita turpissime fregerat, mirabiliter frenatus est: in quæ Pius V. Pontifex Max. Philippum Regem Catholicum cum Rep. Veneta fœderatione sanctissima cõiunxerat, seq. suasq. opes eodem fœdere deuinxerat: missiq. erant cum tribus classibus Ioannes Austrins Caroli V. filius, Philippiq. Regis frater, & M. Antonius Columna Romanus, Sebastianusq. Venerius Venetus ad nomen Christianum turandum, quod tæterrimi hostes se deleturos esse minabantur: cumq. eorum classis, quæ trecentarum erat nauium, toto mari prædabunda volitasset, in portu Naupacti de aduentu Christianæ classis nuncium accepisset, certissima concepta spe victoriæ, quasi non ad prælium, sed ad præmium iret, contra Christianos progressa est: cui Christiana classis tam fortiter se obiecit, vt

omnium

De Gymn. Pat.

omnium maxime memorandam retulerit victoriam, per quā centum sexaginta vna triremes, multæ biremes, aliorumq. generum nauigia nō pauca in Christianorum potestatem per uenerunt; ceteræq. triremes aut incensæ, aut depressæ sunt; atq. ex quadraginta triremibus, in quibus erant nocturna luminum insignia, vix vna, aut altera euasit; cum interim nulla nauis ex Christiana classe fuerit capta, duæq. solæ fractæ, & aliquot vulneratæ sint. Quam excellentem victoriam oratione mea censui celebrandam.

*De Pio V. Pontifice Max. iussu Episcopi patroni nostri in funere
ex oratio. Cap. II.*

Cum Pius V. propter Sacerdotum mores optime conformatos, cultumq. diuinum mirabiliter auctum, & sanctissimam, quam modo cōmemorabam, aduersus immanissimos christiani nominis hostes confectam fœderationem Pontifex in Rep. Christiana exemplo sane egregio, & singulari, ex hac vita excessisset: Nicolaus Ormanetus, Patauī Episcopus, & Gymnasi Patauini illustrissimus, vt vocant, Cancellarius, censuit eum ab vno de Doctoribus ipsius Gymnasi in funere esse exornandum; mandauitq. mihi, quippe qui veterem eloquētiā tractarem, vt de eo in Ecclesia Cathedrali orationem haberem. Quod feci quāmlibentissime an. 1572. vt Pontificē pro virium mearum modulo laudarem post hominum, memoriam integerrimum; ortum quidem in Luco loco nobili Liguriæ cis Apenninum, & celebri quondam Marchionatu, atque honesta Guisleriorum familia, in qua splendebat Michael Cardinalis Alexandrinus, sed magis virtute semper, quā generis nobilitate nixum; prius factum Episcopum Nepesinum: deinde Cardinalem à Paulo 4. Pontifice Max: deniq. vniuersę Christianæ Reip. præpositum eo maxime tempore, cum talis Pontifex requirebatur: cum Gallia ex multis hereticorum vulneribus laborans erat adiuuanda: cum Meliteni bus ad mœnia reficiēda, & Panaoniis ad se defendendos contra Turcarum immanitatem opitulandum: cum Philippus Rex Catholicus, & Resp. Veneta ad incundam contra Turcas cum sede Pontificia societatem vtilissime adducenda: cum victoria de tēterrimis christiani nominis hostibus referenda: denique

denique cum maxime procurandum, vt Tridentinæ Synodi Sanctissima decreta Sanctissime obseruarentur, & religiosorum mores ad verum Dei cultum omnino conformarentur, ac vetus Ecclesiastica disciplina reuocaretur, quæ omnia ille quàm diligentissime, ac maxima omnium cum admiratione præstitit, vt ego mea oratione expressi.

De Animosorum Academia ex Gymnasio Patauino Conflata Cap. III.

1573 **F**lorere cœpit Patau. i Animosorum Academia ex Doctoribus, & studiosis iuuenibus Gymnasii Patauini cōflata, in ædibus Aseanii Martinengi Brixiani, præclarissimi, ac religiosissimi Abbatis, per tres annos, dum is Patauii habuit domicilium, mirabiliter culta; cuius sane præclara, & ad veram gloriam insignia extiterunt instituta, admirabiles ad omnium litterarum laudem progressus, singularis optimarum artium pertractatio, excellens in disputandis rerum obscurissimarum quæstionibus ordo, eloquentiæ cum sapientia coniunctio peregregia, ad illustrandum omne doctrinæ genus studium flagrantissimum, atq. ardor prope incredibilis, adhibitis in consilium præclarissimis, & præstantissimis viris, inter ceteros Sperone Speronio sapientium eloquentissimo, & eloquentium sapientissimo: Francisco Piccolomineo philosophorum nostri temporis maximo: Bernardino Tomitano, Philosopho, Medico, Poeta, oratore celeberrimo: Matthæo Macino Philosopho præcellentissimo, & litterarum Græcarū ac Latinarum cognitione ornatissimo, receptisq. in Academicorum numerum summis, ac prope diuinis ingeniis; quæ quidem cum enumerare omnia longissimum esset, faceretamen non possum, quin hoc ipso in loco vnum nomen inter ceteros præstantissimum Antonium Quæren-gum, ciuem Patauinum, litteris Græcis, & Latinis doctissimū, & disertissimum, in primisq. laude poetica perornatum, atq. ad veterum poetarum, Lucretii Virgiliq. imitationem formatum peregregie, vt ex multis eius carminibus constat accurate exquisitèq. conscriptis, atq. editis; qui Romæ diu floruit summe litteratus, fuitq. à secretis sacrosancti Cardinalium Collegii, charissimus Pontificibus, charissimus Cardinalibus, charissimus in Romana curia omnibus, quicumque aliquid

De Gymn. Pat.

de ingeniis, ac doctrina possent iudicare; nuncq. est Canon-
icus Patauinus omni reuerentia, atq. obseruantia colendus.
Præstantissimus autem Animosorum cœtus cum mihi hono-
rem habuit, vt in eius primordiis solemnem haberem oratio-
nem, quæ fuit de felicitate, nimirum de re illa, cuius vnus ra-
tio veteres distinguebat sectas; cum vna ab altera eò distaret,
quò finem bonorum, & malorum diuersum haberet. Immo
vero etiam voluit, vt de singulari eius Insigni publice loque-
rer; quod erat Aries velleris aurei cum Phryxo in mari animo
se se seruante, & Helle in pōtum cadente, cum ea sententia,
FACILIS IACTVRA, & cum Animosorum appellatio-
ne. Neque vero solum huiusmodi honoribus me decorauit,
quorum mentoriā benevolentia colam sempiterna: sed etiā
dignum iudicauit, qui per annum inter Academicos princi-
pem locum obtinerem, datis mihi Consiliariis Faustino Sum-
mo, ciue Patauino, ac Logico præstantissimo, & Stephano
Theupolo, Patricio Veneto Clarissimo, eo, qui non magis
splendore generis sui, quod sine dubio illustissimum est, quā
doctrina summi Philosophorum Francisci Piccolominei de-
cem Academicarum contemplationum libris ab ipso expref-
sa, est illustratus. Cui quidem meo Principatui perillustris
Comes Sigisfrundus Turrianus successit, & merito successit,
quippe qui tam excellentem præstantiam ex personæ splendo-
re arripuerat, ex maiorum dignitate hauserat, ex parentum
institutione expresserat, ex optimarum artium studiis confor-
mauerat, vt Animosorum Academia omnem peritugii, deco-
risq. sui spem in eo collocare merito posse videretur. Acces-
sit alijs honor, quòd, cum Academicarum exercitationum
consuetudo aliquo intervallo dimissa fuisset, à me petiit Aca-
demix Princeps cum Ascanio Martinengo Abbate perillu-
stri, & modestissimo, cum Iacobo Diedo, viro non minus do-
ctrinæ, & eloquentiæ splendore, quā religionis, & generis
claritate ornatissimo, qui postea factus est Cremæ Episcopus,
& cum Matthæo Macino, uno de præcellentissimis Academicæ
parentibus, ut ad repetendas aliquantisper intermissas exerci-
tationes solemnem prolusionem haberem, atq. aliquoties
præterea in eadem Academia operam meam aliquid expli-
cando nauarem. Quamobrem eam orationem habui, quæ de
ascensu

ascensu cæli ex platoniorum doctrina inscripta est, Principe Nicolao Contareno, eodemq. Patauio tunc Quæstore, eo, cuius sex luculentissimi de rerum perfectione extant libri, quiq. ad huc fecit, & quotidie magis facit admirandos in Rep. progressus ad præcipuos dignitatis gradus. Iam cum ipse Animosorum Princeps, & Patauio Quæstor, Nicolaus Contarenius, Patauio Præfides, Iacobus Fuscarenus Doctorem, ac Præto-rem, & Franciscum Duodum Præfectum, iis ipsis diebus, quibus ego inter Academicos sermonem habiturus eram, ad Academiam inuissset, ipsum sermonem ad tales, tantosq. accommodaui auditores, argumentumq. iis quam maxime congruens excogitaui; ut vno die de optimo præside agerem, qualis esse Fuscarenus in primis existimabatur: altero de fortitudine, ac magnanimitate, quæ Duodi propria esse videbatur. Quæ duæ orationes quoniam ad huc peruulgatæ non sunt, iccirco in gratiam studiosorum eloquentiæ, & ut memoriam conseruem patronorum meorum, hoc in loco adscriptæ, nunc edentur: cum ut supra quoq. notaui, facile sit eis, qui talia epistola minus probant, arbitrato suo aliquot progellas transilire.

Ad Iacobum Fuscarenum Philosophum, Patauio Præto-rem, nomine Academiae Animosorum, Oratio.

EX omnibus veterum institutis, quæ multa sunt, & præclara, ad bene, beateq. viuendum accommodata, nullum mea quidem sententia est neque ad excitandos hominum animos opportunius, neque ad vitæ civilis finem aptius, quam ut in bene constituta ciuitate quantum quisque mereatur, tantum eidem laudis publice tribuatur. Ita enim & ad labores suscipiendos, & ad pericula pro communi salute subeunda gloriæ studiosi homines facillime inuitantur. Quapropter si priuatos homines, qui præclare, ac fortiter aliqua in re se gesserunt, intelligimus summis laudibus olim fuisse elatos, & publica oratione celebratos; quanto magis conuenit, Academici ornatissimi, eos commendari, à quibus non modo Rerump. gubernacula tractantur, verum etiam populorum salus cum vitæ commoditate curatur? Quod si antea hoc genus laudis cuiquam iure tributum est: certe nunc tibi, sapientissime Prætor, id maxime deberi censent, & taciti quodammodo cō-

Ec fiten-

De Gymn. Pat.

fitentur Academici omnes Animosi, quorum nullo repugnāte nemini vniquam iustius, quā tibi, hoc ipsum potuisse deferri, verissime audeo affirmare. Neq; id quidem, quod tibi sit magnopere necessarium: omnia enim, quæ ad veram laudem pertinent, in te ipso habes cumulatissime posita: sed ut nos hoc nostro fungentes munere minime ingrati videamur, tuisq. successoribus stimulos adhibeamus, ut ipsi quoq; præclara facitantes simili se laude dignos præbeant. Quamobrē superioribus proximis diebus hæc florentissima Academia mihi iustis de causis charissima, tuæ dignitatis, & amplitudinis studiosissima, ex animo me rogauit, ut te hodierno die ipsam inuisurum, & grauissima præsentia tua honestaturum cōmuni omnium Academicorum nomine salutarem, & tuis laudibus si non possem omnino, at saltem aliqua ex parte satisfacerem, tibiq. pro maxima benignitate, atq. humanitate tua gratias agerem immortales. Quam ego prouinciam tamen si iure poteram recusare, quod tuarum virtutum magnitudo omnem superaret laudis excellentiam, nullaq. esset tanta vis dicendi, tantaq. copia, quæ rerum tuarum gestarum amplitudinem æquare posset: tamen fecit singularis quædam mea in Academicos obseruantia, ut maluerim eorum voluntati obsequens in imprudentiæ fortasse notam incidere, quā, si recusassem, eorundem erga me benignitatis immemor, & ingratus existimari: cum præsertim ad eam rem vehementius idē, qui me dehorretur, etiam quodammodo hortaretur laudū tuarum cumulus prope immensus, in quo nemini oratio, quāuis infantissimo, deesse posse videretur. Cuius amplitudinis tuæ fama clarissima commoti omnes in omnibus terrarū partibus te longe etiam locorum interuallo disiunctum mirifice amant, colunt, obseruant: & nos præsentem propter incredibilem conspectus tui lætitiā gestiētes suspicimus, admiramur, obstupescimus. Itaq; patere, quæso, Illustrissime Prætor, pro tua singulari benignitate atq. humanitate, ut horum tibi sensus, & quam de maximis, ac præstantissimis animi tui bonis conceperunt opinionem, breuissima exponam oratione. Vos vero, Viri conscripti ornatissimi, si quæ in hoc argumento dicenda essent, non potero, ut cupitis, cuncta persequi, quæso, obtestorq. ut id non solum in maximas temporis angu-

angustias, quibus valde premor, verum etiam in suscepi-
 onis magnitudinem, & virium mearum imbecillitatem trans-
 ferendum putetis. Quæ enim potest esse tanta vbertas inge-
 niij, quæ tam incredibilis vnius hominis eloquentia, quod tã
 acre studium, quæ tam accurata diligentia, qua possit satis p-
 dignitate is Præses celebrari, à quo vno, tamquàm cuiuslibet
 rectissimæ administrationis norma, regula, præscriptione, et
 reclamantibus Philosophorum, atq; Dialecticorum præce-
 ptis, ad vniuersam optimi Præsidis conformationem licet as-
 cendere, ita vt ex vno præstantissimo Præsidi excellens eo-
 rum omnium præstantia, quibus aliqua Reip. pars commissa
 fuerit, vniuerse ostendatur? per te enim nunc licebit, Philo-
 sophæ grauissime, à Philosophiæ ratione, quæ tibi semper pro-
 bata est, aliquantisper recedere; eaq. via, quam ipsi etiam phi-
 losophi hominum intelligentiæ planiorem, atq. aptiorem con-
 sulerunt, insistere; ac non vniuerso virtutum genere natu-
 raq. describenda, qualis esse debeas, argumentari; sed singu-
 lis actionibus tuis exponendis, qualis sis, demonstrare; tuâq.
 auctoritatem, & exemplum ceteris omnibus imitandum pro-
 ponere; atq. optimum regendæ Reip. modum ex tuis rebus
 gestis præscribere. Et vero, cum tu publica munera ita obeas,
 vt in te nihil desideretur; atq. in eorū administratione iccirco
 excellas, quod sis non solum sapiens, non solum prudens, ve-
 rum etiam integer, & pius, & beneficus, & omni virtute præ-
 ditus: quis adeo pertinax, adeo obstinatus sit, vt etiam non
 seruata argumentandi formula, illud verissime confici posse
 non fatentur, In omni perfecto Præsidi sapientiam, pruden-
 tiam, integritatem, pietatem, beneficentiam, omnem virtu-
 tem inesse oportere? Equidem cum diligentius in amplitu-
 dinem tuam intueor, vt taceam Serenissimæ Patriæ tuæ splen-
 dorem, quæ sine dubio est lux orbis terrarum clarissima: arx
 omnium gentium munitissima: domicilium virtutis, & glo-
 riæ celeberrimum: templum libertatis sanctissimum: perfu-
 gium afflicte fortunæ tutissimum: ornamentum Italiæ perpe-
 tuum: totius deniq; Christianæ Reip. propugnaculū, bar-
 barorum ferocitati oppositum; quod nisi staret, nullum pro-
 fecto Christianæ religionis vestigium iamdiu videremus in
 Europa; vt omittam Fuscarenæ fam. lxx claritatem, quæ tam

De Gymn. Pat.

multis, tamq. præstātibz in Rep. Senatoribus perpetuo fuit illustrata, vt multos abhinc annos scribi nullæ potuerint historiæ, quin de præclaris rebus ipsorum gestis passim videamus factam esse mentionem; vt talia silentio præteream, quæ quāuis egregia, & præclara, tibi sunt cum multis alijs communia: te potissimum in eo effertendum esse comperio, quod animaduerteris, quā necessarij sunt oculi nobis in corporis actionibus, tam necessariam esse sapientiam, & prudentiā in Reip. administrationibus; vt, quemadmodum T. Manlius Torquatus, cum intellexisset se fuisse consulem declaratum, minus se idoneum existimauit ad summum imperium administrandū propter valetudinem oculorum, & ob id consulatum recusauit, sic, qui carent lumine doctrinarum, & propter inscitiam, atq. imprudentiam suam in omnibus rebus aliorum indigēt opera, minus digni sint, quibus Reip. gubernatio committatur. Præclare enī, qui oraculo Apollinis sapientissimus omnium est iudicatus, Socrates censuit, vt errores omnes tū manuum in apprehendendo, tum pedum in gradiendo, à videndi defectu originem habent: sic errata hominum omnia tum in eligendo, tum in agendo ab intelligentiæ proficisci imbecillitate. Quod, si dux ipse sit cæcus, quomodo rectum iter ab ijs, qui ducuntur, conficietur? Si gubernator sit oculis captus, quomodo beatitudinis portus ab ijs, qui navigant, inueniatur? Hinc manauit sapientissima illa Platonis sententia in ore omnium posita, & satis sermone contrita, de philosophis ad Rerump. rectionem, regibusq. ad philosophiæ tractationē admonendis. Hinc factum est, doctissime Prætor, vt ab incūte ætate ipse tibi imitandos proposueris, non modo quos magnæ familia suppeditaui, viros doctissimos, Aloysium Rhenerium propter magnam doctrinam suam ad procurationem Marciam euectum; & Daniele Rhenerium, Procuratorem itidem Marcium, litterarum Græcarum, & Latinarum cognitione ornatissimum; Franciscumq. Rhenerium, auunculum tuum omni litterarum genere præfulgentem, & in primis poetam perillustrem: verum etiam, quos paternæ domus tulit, vires sapientissimos; atq. inter ceteros magnum illum Philosophum, Sebastianum Fuscarenum, omnium nostri temporis philosophorum coryphaum, philosophiæ quasi limen, immo
potius

potius lumen, Fuscarenominis decus, Venetæ præstantiæ ornamentum; de cuius laudibus nulla vñquam ætas conticeſcet; cuius gloria quò illuſtrior eſt, eò breuior eget comme-
morationis, quippe quæ omnibus notiſſima, omnibus in prò-
ptu ſit. Ad quorum doctiſſimorum hominum imitationem
vt egregie te eſtingeres, præter excellentes multas eloquētiæ
exercitationes omnes philoſophiæ partes quàm ſtudioſiſſime
es perſecutus, atq. in eis mirabiliter excelluiſti, idq. excellen-
tiæ documentum, modo publice argumentando, modo argu-
mentationibus philoſophorum in publicis diſputationibus re-
ſpondendo dediſti, vt facillime fueris non ſolum à clariffimo
Philoſophorum Veneto Collegio Philoſophus declaratus,
verum etiam à Sereniſſimo Senatu dignus iudicatus, qui Ve-
netijs Philoſophiam publice doceres. Quid dicam admirabi-
lena factum ad te audiendum ſtudioſorum iuuenum concur-
ſum, in quorum numero me diutius fuiſſe merito gloriari poſ-
ſum? Quid recenſeam crebras auditorum tuorum aſſenſio-
nes, multas admirationes, magnos applauſus? Quid comme-
morem mirificos patriciæ iuuentutis te duce, atq. auctore in
ſtudijs optimarum artium factos progreſſus ad excellentiam?
Quamobrem immortales tibi à patria tua gratiæ habendæ
ſunt, quòd iuuenes nobiliſſimos erudiueris non modo ad re-
rum veritatem indagandam, & cauſas perueſtigandas, verſi
etiam ad Remp. capeſſendam, ad iura ciuitati deſcribenda,
ad ciuium inter ſe diſſidia componenda, ad legationes cum
laude gerendas, ad omnia publica munera præclare obeūda.
(1) maxima beneficia, & ipsis etiam fortitudinis operibus ante-
ponenda. Viri enim fortes tantum per ſe: ſapientes vero etiā
per alios. illi raro: hi perpetuis temporibus. illi vna tantum
ætate: hi per omnia ſæcula, dum eorū doctrina poſteris quoq.
traditur, Reip. profunt. Cum igitur non ſolum à natura ſin-
gularem prudentiam arripuiſſes: verum etiam ex optimarum
artium ſtudijs hauiſſes, mirum proſecto non fuit, ſi te ſemper
magna patriæ tuæ comitia, vt virum prudentiſſimum, ſuffra-
gijs ſuis cohoneſtarint: ſi tua grauiffima conſilia ampliffimus
Senatus, ad quem à iuuentute tua elatus, & quotannis pro
Reipub. commodo, ac dignitate vocatus fuiſti, ſapiſſime cō-
probarit, ac ſecutus ſit: ſi ſapius receptus in numerum Xu-rū,
ideſt,

De Gymn. Pat.

id est, in eum senatum, qui tamquàm alter Arcopagus omnē superat laudis excellentiam, in grauioribus Reip. negotiis egregium te Senatorem præbuisi. Hæc autem eruditionis, & intelligentiæ laus, viri conscripti eruditissimi, cum clara sit: dici tamen non potest, quantopere in non nullis obscureretur, quos intelligere quidem plus, quàm ceteros, & futura prospicere, atq. ad negotia expedienda, consiliaq. ex tempore capienda idoneos esse comperias: sed, quoniam minime videntur viuere sine alicuius fraudis, ac iniuriæ suspicionem, iccirco illis salutem hominum, & fortunas minus recte committi arbitreris; vt ad laudem senatoriam omnino requiratur integritas, & innocentia cum doctrina, & prudentia coniuncta. Quid enim? an forte putabis senatorem, quantumuis doctū, & prudentem habere satis auctoritatis ad Remp. administrandam, quem videas in administratione sua nihil respicere aliud, quàm quomodo insatiabilis accumulandarum opum auiditas, qua perpetuo ducitur, expleatur? Non ne ex hac magistratuum improbitate omnis priuatarum, publicarumq. rerum perturbatio, omnis labes, & perniciēs ciuitatum proficiscitur? Quod cum tu optime intelligeres, semper curasti, vt non minus æquus, & probus, quàm prudens, & sapiens & esset, & videreris; ac philosophica habendi mediocritate contentus in eo magis laborasti, vt plurimis opitulareris, quàm vt aliorum pecuniis ditareris; omnemq. semper cupiditatē frenasti; priusq. didicisti, quomodo te ipsū contineres, quàm continere alios professus es: eamq. virtutem in primis amasti, qua teste ipso philosophorum principe Aristotele nihil humano generi datum esse clarius, nihil magis amplum, nihil perfectius, nihil vtilius, nihil melius existimandum est. Etenim, vt is sapientissime, ac disertissime disputat, præ ceteris splendet iustitia, tamquàm omnium domina, & regina virtutum, admirabilior, quàm Hesperus, & Lucifer; & Venere ipsa clarior; immo vero, vt cum aliis quibusdam philosophis argumentari possumus, etiam sole ipso splendidior; siquidē solem interdū tantum lucere: iustitiam vero etiam noctū nitere conspiciamus: illum oculis tantum corporis apparere: hanc etiam oculis animi illucere animaduertimus. illum quandoque obesse: hanc semper prodesse experimur. illum
quat-

quattuor anni tempora efficere: hanc perpetuum ver face-
re obferuamus, collocatam in orbe fignifero inter Leonem, &
Libram, vt fortiter, & animofe, æquabiliterq. eam adminiftra-
ri oportere fignificetur. Quid dicam de Iuftitiæ amplitudi-
ne? de qua illud iam tritum, & peruulgatum eft, Iuftitia in fe
alias virtutes continet omnes. Quàm vero perfectâ fit, ne-
mini dubitandum videtur; fiquidem qui ea præditus eft, nõ
folum erga fe, verum etiam erga alios bene fe habere exifti-
matur, quod ad maximam pertinet perfectionem: plerique
enim in fuis ipforum rebus præclare fe poffunt gerere: in alie-
nis non poffunt. Itaq. recte Bias, vir fapientiffimus, Magi-
ftratus virum oftendet. Accedit, quod hæc fola virtus inter
ceteras omnes in bonis ducitur alienis: quia nõ ad fuum, fed
ad aliorum commodum omnia confert: aliorum enim com-
modis, vtilitatiq. feruit, aut principis, aut Reip. ceteræ vero
virtutes non nifi quatenus funt fpecies iuftitiæ, aliorum ferui-
unt commodis, bonumq. exiftunt alienum. Denique iuftitia
in opere maxime arduo verfatur. nam, quemadmodum fcele-
ratiffimus habendus eft, quicumque malitiam cum ad fuam,
tum ad amicorum perniciem, exitiumq. conuertit: fic opti-
mus exiftimandus eft is, qui virtutem non ad fuam, fed ad
aliorum refert vtilitatem. O bonum omnium præftantiffi-
mum; quod infiganter enituit in multis, magnisq. magiftrati-
bus, quos tu iuftiffime, atq. integerrime adminiftrafti: vbi ni-
hil tibi maiori curæ fuit, quàm vt fuum cuiq. tribueretur: vt
nemini contra fas, æquumq. noceretur: vt quilibet commu-
nibus pro communibus, priuatis autem vt fuis vti poffet: vt
non modo nemini inferretur iniuria, fed etiam omni iniuriæ
obfifteretur: vt nulla malitiofa iuris interpretatio admittere-
tur: vt etiam aduerfus infimos iuftitia feruaretur: vt pupillis,
viduis, impotentibus, qui potentium aliquorum opibus cir-
cumueniri, vrgeriq. viderentur, omnibus modis fubuenire-
tur: deniq. vt iuftitia femp. & vbiq. loci haberet. O virum
iuftiffimum, & cum Athenienfi etiam Atiftide merito com-
parandum. Cum autem in aliis magiftratibus iuftiffimum te
præbuiſti: tum potiffimum, cum Sanctiffimo Inquifitionis of-
ficio præfuiſti, hæreticamq. prauitatem mirabiliter compri-
mendam curafti, ac pietatem Chriftianam fouiſti, protexiſti,

De Gymn. Pat.

amplificasti: nam, quemadmodum in tractandis sapientiæ studiis cum Philosophia coniunxisti Theologiam, & hac tanquam regula perpetuo vsus es in ceteris omnibus disciplinis ad rectum, & verum dirigendis, vt non adumbratam, sed verā profitereris philosophiam; non errares, & laboreris, quod plerique faciunt, qui contra præceptum Enniani Neoptolemi in Philosophiam ingurgitant, sed veritatem assequereris; non ita philosophareris, vt nihil crederes, sed ita crederes, vt vere de Deo philosophareris: sic in virtutum actionibus exercendis te maxime pium semper ostendisti, eamq. veram virtutem esse tibi persuasisti, quæ coniunctam haberet pietatem christianam; cumq. in aliis actionibus tuis mira documenta dederis pietatis singularis: nusquam tamen magis hæc virtus tua illuxit, quam in eo, quem modo dicebam, grauissimo magistralu, vbi mirandum in modum hæreticos infectatus es, veramq. Christi fidem ab omni eorum prauitate incredibiliter vindicasti. Quibus maximis, clarissimisq. virtutibus tuis accessit admirabilis quædam benignitas, atq. humanitas: cum in publicis muneribus obeundis hoc potissimum tibi curandum existimes, vt magis diligaris, quam timearis: præclare enim nobilis poeta, Ennius, Quem metuant, oderunt: quem quisque odit, periisse expetit. Præclare Mitio Terentianus; Er errat longe mea quidem sententia, Qui imperium credat grauius esse, aut stabilius, Vi quod fit, quam illud, quod amicitia adiungitur. Præclare Philippus ad Alexandrum, Antipater ad Cassandrum, Antigonus ad Philippum; Difficile dictu esse, quantopere conciliet animos hominum comitas, affabilitasq. sermonis, & iis, qui præ sunt aliis, illud esse diligentissime seruandum, vt oratione benigna multitudinis animos ad beneuolentiam alliciant, ac ditioni suæ subiectos blande appellando sermone deliniant, atq. omnibus, quibuscunque possint, benefician, beneficamue voluntatem ostendant. Ex beneficiis enim omnis proficiscitur honor: cum honoremur illi, qui benefecerunt, & qui benefacere possunt; hominumq. beneuolentia beneficiis capitur maxime: secundo autem loco benefica voluntate mouetur, etiam si res forte non superat. Quamobrem tu, qui honorem semper amasti, qui summam, & perfectam gloriam concupiuisti à multorum amore

amore proficiscentem, qui in multis dignitatis gradibus collocatus te vere dignum dignitatibus tibi delatis ostendisti, in primis delectaris ipsa fama, & opinione liberalitatis, beneficentiae, humanitatis, benignitatis, omniumq. earum virtutū, quæ pertinent ad mansuetudinem morum, & facilitatē. Quas excellentes virtutes cum aliàs semper exercuisti, sane admirabiliter, tum potissimum, cum fuisti Gymnasii Patauini Moderator, in qua dignitate Doctores publice docentes te benignissimum, humanissimum, beneficentissimum, liberalissimum Moderatorem experti sunt, ac paratissimum habuerunt ad se defendendos, & protegendos, ad suam vtilitatem, & commodum augendum, ad suam dignitatem, & ornamentum amplificandum. Testes sunt celeberrimi Iurisperiti Iacobus Menochius, Bonifacius Rogerius, Bartholomæus Syluaticus. Testes sunt præcellentissimi Philosophi, ac Medici, Bernardinus Triuisianus, Albertinus Bottonus, Nicolaus Curtius. Testis est omni doctrinæ genere ornatissimus Melchior Guilandinus; qui omnes te præcipuum adhibuerunt ad ampliora professionis suæ præmia cōsequenda, & parentem, ac prope Deū nuncupant suorum omnium commodorum, atq. ornamentorum. Testes sunt superiores proximi vtriusq. Vniuersitatis studiosorum Iuris Ciuilis, tū studiosorum Philosophiæ, ac Medicinæ Rectores magnifici, qui tuam benignitatē, atq. humanitatem deprædicant. Verum quid hanc ego, vel illam virtutem tuam laudo, in hac clarissima ciuitate, quæ omnium virtutum cumulum in te admiratur, & colit, eoq. ita fruitur, vt te Prætor se beatissimam arbitretur? Tu enim consilio, & dicendi gravitate in publico commodo, ac decore custodiendo plurimum vales. Tu pacem, & concordiam ciuium, quæ vigent leges, excoluntur mores, pertractantur artes, conseruantur familiæ, nutriuntur ciuitates, omnium diligentissime tueris. Tu frugum vbertatem, & copiam, quæ vnicuiq. populo gratissima est, enixe procuras. Tu non magis vnam, quàm alteram ciuitatis partem, non magis nobiles, quàm ignobiles, non magis diuites, quàm pauperes: sed æque totum corpus tua auctoritate, tuis virtutibus foues. Tu omnibus faciles ad te aditus præstas, omnibus liberas apud te de aliorum iniurijs querimonias esse vis, omnibus lenem, & mansuetum

De Gymn. Pat.

te præbes. Tu omnes pariter tum Principes ciuitatis, tum mediocres homines, tum infimos summa patientia audis; nec vnus partis rationibus quidquam tibi vñquam persuasum putas, nisi prius aliterius cognoueris argumenta. Tu aduocatorum tumultuosas contentiones tollis; lites, altercationes, iurgia refecas; mendacia, fraudes, scelera coerces. Tu caussarum multitudinem, ac longitudinem iuris dicundi assiduitate deminuis. Tu omnes, quas dicis, sententias, quàm maximè potes, temperas lenitate; ac cum omnibus moderatissime te geris. Tu denique ita hanc præturam administras, vt te ad huius ciuitatis commodum, dignitatemq. tuẽdam, atq. augendam natum libenter confiteantur omnes, atq. deprecident. O summum Præsidem, omnium vocibus, ac litteris celebrandum. Hic singulæ tuæ in hac prætura maxime insignes res gestæ commemorandæ essent, nisi de tuis singularibus actionibus dicendi locus nobilissimo, eidemq. eloquentissimo Doctori Patauino ad eas celebrandas publice designato referuaretur. Quamobrem in hoc laudum tuarum mari maxime amplo, atq. patente vela complicabo, portumq. me inuenisse existimabo, si prius illud, quod initio dicebam, extrema oratione mea consecero; cum sapientia in rebus pernoscendis, prudentia in peragendis, integritate in publicis muneribus obeundis, pietate in Christiana religione excolenda, beneficentia in benemerendo de hominum litteratorum genere, denique omni virtute, omni excellentia, omni admirabilitate præstes; atq. omnibus ita satisfacias, vt nemo in te ingenium, diligentiam, laborem, æquitatem, facilitatem, tolerantiam, veritatis studium, iudicandi celeritatem, moderationẽ, vllam virtutem desideret: ex te vno pulcherrimum, ac præclarissimum posse exemplum desumi omnis perfectæ, atque absolutæ administrationis; & optimum conformari præsidem ad tuarum virtutum regulam, atq. præscriptionem. Hunc igitur, Viri conscripti, tamquàm vnicam præsidendi ideam spectate, hunc suspicite, hunc admiramini. Ad huius imitationem, tu, Nicolae Contarene, ornatissime Animosorum Princeps, cui diuino beneficio contigit præclaram huius ciuitatis Quæsturam tanto Pratore administrare, tu, Laurenti Iustiniane, tu, Io. Baptista Basadonna, nobilissimi huius Aca-

demie

demix Conſiliarij, voſq. omnes, quotquot a deſtis, Veneti iu-
uenes ſtudioſiſſimi, animos veſtros eſtingite. Huius res ge-
ſtas voſ ceteri propoſitas habete ad veram regendarum Re-
rump. rationem cognoscendam. Ego autem, præſtantiſſime
Præſes, qui ampliſſimo nomini tuo me additum, deditum,
obſtrictum profiteor, vna cum his Academicis tui obſeruan-
tiſſimis, præſtantiam, atq. amplitudinem tuam perpetuo cele-
brabo, ac numquam deſinam humanitatem, benignitatemq.
qua litteratos omnes, bonarumq. artium ſtudioſos comple-
cteris, prædicare. Tu vero vniuerſæ huius Academiae, atque
adeo meam in te propenſionem ne deſpicias; nobiliſſimamq.
Patauinam Ciuitatem, clariffimum Gymnaſium, excellen-
tiſſimos Doctores, optimarum artium ſtudioſiſſimos iuue-
nes, qui omnes à te, tamquam à ſummo litterarum patrono,
& propitio quodam numine pendent, fouere, vt facis, prote-
gere, defendere, ne graueris.

*Ad Franciſcum Duodum Patauij Præſectum, nomine Academiae
Animoſorum, Oratio.*

CUm omnes virtutes, Academici ornatiſſimi, valde ſunt
laudandæ: tum illa præ ceteris eſt efferenda, cuius cauſſa
homines pro honeſtate, pro patria, pro Dei cultu pericula ſu-
beunt, vulnera excipiunt, mortem oppetunt, nihil intoleran-
dum putant, omnia ardua deſpiciunt, nihil extimeſcunt.
Quæ præſtans, & excellens virtus hominum animoſorum, &
fortium cum hodierno die, qui mihi propter hunc frequen-
tiſſimum, & honeſtiſſimum litteratorum hominum concu-
ſum iucundiſſimus illucet, per breui oratione mea exornan-
da ſit, quid eſt, quodd incertum de re tanta dicendi exitum ti-
meam, cum & in Animoſorum Academia verba faciam, quã
omnis dedecet timor, & mihi languentem animum excitet
Franciſcus Duodus, præſtantiſſimus Patauij Præſectus, de
quo ego iuſſu ampliſſimi Academiae Principis, Nicolai Con-
tarenſis, Quæſtoris diligentiffimi, ad ſummam gloriam nati, di-
cturus ſum? Tu igitur in primis, Præſecte generoſiſſime, qui
ſingularem animi excellentiam, & magnitudinem cum incre-
dibili humanitate, ac benignitate ſemper coniunxiſti, tua leni-
tate, & manſuetudine efficis, vt de te orationem habiturus

De Gymn. Pat.

non exalbescam, non contremiscam, non obmutescam. præterquam quòd turpe esset de animoso viro dicere incipientē parum animose agere . Itaq. animose aggrediar ad laudes tuas concelebrandas, non equidem omnes (quis enim id in his temporis angustiis, in hac semihora, quæ datur ad dicendum, non præstare, sed polliceri, non sperare, sed optare, non dicopossit, sed audeat?) verum eas tantum, quæ vni fortitudini tuæ congruere videantur . Neq. enim mihi consilium accidit historici potius, quàm oratoris munus obire, & res tuas gestas sigillatim recensere, quod argumentum ingens potius volumen, quàm breuem orationem mea quidem sententia requirit. Neq. animus est non minus communia cum multis, quàm tui ipsius propria persequi oratione, quod facere solent non nulli, qui partim ostendunt illorum ipsorum, qui laudantur, minorem esse præstantiam, quàm vt ad ipsos exornandos patriæ nobilitas, maiorumq. imagines relinquantur, partim se adeo inopes esse verbis, vt minus possint in ijs, quæ propria sunt, commorari. Non faciam igitur, non committam, vt magis patriæ tuæ amplitudinem, maiorumq. tuorum gloriam efferre, quàm ea, quæ tu ipse gesseris, completi videar. Quid enim tempus conteram Venetijs laudandis, quæ tot litterarum monumentis, tam multis scriptis, tot orationibus, tam multis historijs illustratæ sunt, vt nihil magis sit sermone omnium contritum, nihil magis decantatum, nihil magis peruulgatum, quàm illas esse pulcherrimum libertatis domicilium, tutissimam Italiæ arcem, amplissimum vniuersi terrarum orbis theatrum: nec possunt non multis, magnisq. laudibus defraudari, vbi breuitati sit consulendum? Quid dicam de nobilissima Duodorum familia, quam præstantissimis semper ad omnem laudem viris affluxisse, & ad altissimos honoris, ac dignitatis gradus singulari suorum præstantia ascendisse, notius, atq. exploratius est, quàm vt mea debeat oratione recenseri? At patriæ laus conuenit etiam lanijis, factoribus, sutoribus, opificibus omnibus eiusdem ciuitatis. Et familiæ laudem habent etiam pueri, habent etiam alij parum virtutibus dediti in eadem agnatione. Quamobrem, quemadmodum Achilles non erat in primis ex eo laudandus, quòd Græcus esset, quòd vnus ex semideis, quòd ori-

originem traheret à Peleo, ab Aeaco, ab ipso Ioue, quòd ad Ilium miles iuisset : sed quòd Hectorem Troianorum fortissimum, quòd Cycnum, qui sauciari non poterat, cum exscendere Græcos prohiberet, interfecisset, quòd alia eiusmodi fecisset, quæ non ad Diomedem, non ad alios, sed ad ipsum solum refererentur: sic tua laudatio, præstantissime Duode, non rebus communibus, cum alijs, sed à tuis proprijs, & tibi soli conuenientibus sumenda est. Ac laudari quidem potes, & vere laudari, quòd sis Venetus, & de patricijs Venetis vnus; quòd in numero eorum Senatorum, qui Regiam præ se ferunt maiestatem; quòd in præclarissima familia natus, vbi prope innumerabiles ad omnem virtutem præstantes viri floruerunt; quòd habueris fratres viros præstantissimos, Io. Baptistam, & Andream, alterum singularis industriæ, & domesticæ laudis, alterum eximie fortitudinis, & magnanimitatis specimen, & exemplar; habeasq. adhuc tertium fratrem, Dominicum, egregium Senatorem, qui duos abhinc annos Consiliarius fuit, nuncq. inter Xuiros ita fulget, vt omnem superet laudis excellentiam; deniq. quòd in duobus bellis contra Turcas gestis affueris: sed hæc omnia ita tibi cum multis communia sunt, vt ex eis exiguam dignitatis tuæ partem vindicare videaris. Illa vero magis propria, quòd in Solimanum Turcarum Regem profectus, quo tempore ad Nicopolim pugnatum est, primum simpliciter vt Nobilis cū Andrea fratre tuo, fortissimo Trierarcho, deinde etiam Trierarchus, ipso Andrea maximo omnium nauigio præfecto, & cum maiora nauigia, ad quæ gubernanda fueras designatus, non fuissent armata, rursus Trierarchus, omnibus illius belli negotijs, maiori animo, quàm ceteri, vno fratre tuo excepto, interfueris, atq. cum maxima tua laude cum Calliopolis Præfecto decertaueris; in grauissimo autem bello, quod superioribus proximis temporibus aduersus Selimum, etiam Turcarum Regem, est gestum, maioribus nauigijs, seu quinqueremibus præpositus, quæ dignitas proxime accedit ad summū Generalis Imperatoris imperium, eam animi magnitudinem adhibueris, quæ ipsi patriæ, ipsi familiæ tuæ maximum decus affert, & ornamentum, atq. ex suo fonte, ac flumine in patrios, ac domesticos riuulos plurimum gloriæ infundit. Tua enim laus & patriæ

De Gymn. Pat.

patria, & familiæ laus est. Etenim, quotiescumq. commemoratur te aditum patefecisse ad ingentem illam victoriam, quæ nullam umquam maiorem videre hominibus contigit; quoties Itali, quoties Hispani, quoties Germani, quoties aliarum gentium, & nationum strenui milites, qui pro Christi fide in eo prælio pugnarunt, te tantæ victoriæ auctorem testificantur: toties Venetorum fama celebratur; toties Duodorum gloria collustratur; ut maiorem meo quidem iudicio tu illis, quam illorum amplitudo tibi attulisse videatur. Hæc autem egregia virtus, Viri conscripti, satis constat, quàm necessaria sit Reip. conseruandæ, atq. imperio amplificando. Hæc eximia virtute ceteræ omnes indigent, quæ pertinent ad Rēp. gubernandam. Hanc tu præ ceteris coluisti; cumq. videres, quantum animi tui præstantia Reip. prodesse posset, ac filiis, propinquis, ciuibus tuis facem quandam ad bene de patria merendum, fortiterq. agendum præferre cuperes, ad publicas administrationes, & ad eas præcipue, in quibus non minus mirifica fortitudinis opera, quàm egregia prudentiæ cōsilia requiruntur, te contulisti, ac magnanimitatis stimulis, tamquàm calcaribus impulsus es ad immortalia in Remp. beneficia conferenda. Præclare enim fictum est, vitam hanc nostram iter ira conficere, ut cum ratio quidem repræsentet aurigam, affectiones vero geminos equos, auriga ipse pudoris freno equos suos à rebus turpibus cohibeat, ac magnanimitatis calcaribus ad res omnes arduas impellat. Hæc illa calcaria fuerunt, quæ Leonidam, quæ Epaminondam, quæ Brutū, Decios, Scipiones, Paullum, Marcellum, Albinum, Gracchū quæ vniuersos etiam exercitus ad irortem forti animo optendam incitarunt; quorum pulcherrimum exemplum cum alii multi in Rep. Veneta, tum omnium fortissime Augustinus Barbadius est imitatus. Hæc illa fuerunt, quæ Milciadem, quæ Themistoclem, quæ vtrumq. Africanum, quæ Sebastianum Venerium, quæ alios summos Imperatores ad insignes victorias impulerunt. Hæc fuerunt illa, Franciscus Duode, vir fortissime, quæ primum te, primum quinqueregum tuā, primum eā nauigiorum partem, quibus præeras, deinde vero etiam vniuersam Venetorum classem, & Hispanorum, & Romanorum, in confertissimas Turcarum Triremes perduxit.

duxerunt. Nam, cum maioribus, & firmioribus nauigijs, vt initio dicebam, præpositus esses, eo ipso die, quo te terrimi Christianæ religionis hostes sibi aditum facturi videbantur non modo ad imperium Venetum occupandum, verum etiã ad Hispanorum, & Romanorum vires confringendas, ad Christianorum principatus peruertendos, ad Christianum nomẽ delendum, ad vniuersi terrarum orbis Monarchiam adipiscendam, tu non solum in primis, sed etiam primus superbientiũ & prospera fortuna se efferentium ferociam; atq. immanitatem represisti. Cum enim ex portu Naupaçi munitissima, & numerosissima Turcarum classis ad christianas, quæ non procul aberant, classes aduenisset, atq. non minori superbia, & insolentia, quàm si iam victoriam reportasset, ludibunda irruisset, tu primus sex quinquereuibustuis illorum furorẽ compresisti; tu primus illorum classem verberasti; tu stragem ingentem fecisti; tu eam quinquereuibustuis, in qua eras, ceteris anteriorem, à ceteris, vt quibusdam videri poterat, nimis disiunctam, nimisq. hostium classi appropinquantem, tuæ autem præstantiæ, & animi magnitudini non nimis, ita hostibus opposuisti, ut, dum illorum Triremes militaribus tormentis disuiceres, deprimeres, incenderes, frangeres, Iupiter ipse tonare, fulminare, totum mare, totamq. rerum vniuersitatem permiscere videretur. Itaq. Triremibus, quæ paullatim processerunt, faciliorem victoriam præbuiisti, atq. ita præbuiisti, vt sine illarum etiam subsidio sex quinquereuibustuis, quas regebas, cum singulari firmitudine, tum præstanti gubernatione impetum trecentorum nauigiorum excepturus, victoriamq. reportaturus videreris. O virtutem admirabilem, apud omnes gentes, & nationes celebrandam. O mirificum in patriam, atq. adeo etiam in Vniuersam Christianam Remp. beneficium. O fortitudinem semper admirandam, semper colendam, semper prædicandam. Cui nam igiur tantæ victoriæ exitus est tribuendus, nisi ei, qui initium attulit hostium vincendorum? Cuius rei exstant publica testimonia ad memoriam tuæ virtutis sempiternã: exstãt chirographa Illustrissimorum virorum, Ioannis Austrii, & M. Antonii Columnæ, non officio aliquo facta, non ambitionis, non commendationis gratia data, sed ad persunctum periculum in perpetuum testi-

De Gymn. Pat.

testificandum: extant litteræ illustrissimi Senatus Veneti, quibus pro amplissimo beneficio amplissime tibi gratiæ actæ sūt: extant clarissima, & vna omnium, qui affuerunt, vox, quæ te celebrauit, & quotidie magis celebrat illius omnium nobilissimæ, omnium pulcherrimæ victoriæ auctorem. At quid opus est testimonijs Patauij, vbi, qui vna tecum egregiâ operam nauarunt, fortes, & strenui ciues Patauini quotidie de te prædicant, tuam virtutem extollunt, tuam præstantiam collaudant? Taceo te sequenti proximo post victoriam anno eandem animi magnitudinē adhibuisse, vt tæterrimos Christiani nominis hostes tormentorum militarium eiaculationibus etiam pluribus quàm centum, & quinquaginta, semper aliis omnibus anterior, terrueris, fugaueris, exterminaueris. Id quod etiam honestissimo testimonio Illustrissimi viri, Ioannes Austrius, & M. Antonius Columna, maximisq. laudibus Illustrissimum Senatus per litteras exornauit. Taceo, cum tibi permissum esset, vt propter infirmam valetudinem in patriâ redires, fortissimum Imperatorem Ioannem Austriam prope incredibili molestia affectum esse, quoddam tanti viri opera cariturus esset, & per magnificum Catholici Regis Philippi Legatum apud Summum Pontificem, per Bonericiū, virū à secretis Reip. Venetæ præstantissimum, qui erat Neapoli, per Gusmanum Syluium, apud Serenissimum Venetiarum Principem pro Philippo Hispaniarum Rege Legatum egregium, rogasse, atq. obsecrasse illustrissimum Venetum senatum, vt quàmprimum remittereris, tamquàm ad bellum gerendum, & ad victoriam referendam inter alios excellentissimos duces admodum necessarius. Cum autem non adumbrata, sed vera fortitudine præditus sis; mirum profecto non est, si aliis etiam omnibus virtutibus fulgeas. Nam ex doctissimorum hominum sententia, qui unam virtutem vere habet, ceteras quoq. habet; & fortitudo in primis trahi posse ad quamlibet virtutis materiam videtur. Etenim vir fortis non solum formidines exsuperat, sed etiam ignorantie arrogantiam vincit in omni consultatione, iniuriæ furorem frenat, libidinem domat, & in quaq. re fortiter, animose, patienter sequitur honestatem. Id quod tu notissimū omnibus, atq. exploratissimum fecisti, non solū in iis præclaris administrationibus,

bus, quas modo commemoravi; non solum cum amplissimo Venetiarum Nauali præpositus, cum quinque mibus, quæ mercium causa Berytum mitti solebant, præfectus; cū Præses Corcyræ, nobilissimæ insulæ, constitutus fuisti: sed etiam, cum Vtinum, cum Bergomum rexisti; cum Xuirum caput, cum Consiliarius fuisti; & nunc multo magis declaras in hac clarissima vrbe, cuius præfecturam dum geris, ita cumulatū te omnibus virtutibus præstas, vt præter fortitudinem, laborem, industriam, celeritatem, magnanimitatem, nemo in te aut prudentiam, aut consilium, aut temperantiam, aut facilitatem, aut ingenium, aut humanitatem, aut innocentiam, aut integritatem, aut vllam aliam virtutem desideret. O præsidem summum. O Præfectum præstantissimum. O virum omnibus numeris, & partibus absolutum. Gaude igitur, Patauium, tam excellenti bono, quod ex tanti viri gubernatione in te deriuatur: gaude, quod tibi liceat eius grauissimo, & iucundissimo adspectu perfrui, quem absentem propter egregiam ciuium tuorum de ipso prædicationem amabas, colebas, admirabaris: gaude tanto patrono, custode, defensore: gaudeat Gymn. Patauinum tanti Senatoris in bonas artes proensione: gaudeat Animosorum Academia animosi viri præsentia, fauore, beneuolentia; eiusq. excellentem præstantiam Academici omnes summis, quæ ei debentur, laudibus efferrant; nec ipsæ quidem Musæ de eo taceant, sed modulatis vocibus, & concordantibus sonis multarum tanti herois virtutum concentum, atq; harmoniam imitentur.

Hanc orationem statim Musicus cantus est consecutus, rebus militaribus accommodatus. Quæ ad Animosorum Academiam pertinentia pluribus fortasse verbis, quàm oportebat, exposui; non vllius ostentationis causa: sed quia libenter facio, vt res in ea Academia gestas commemorem, cuius præclarissimo nomini me plurimum debere profiteor.

De obitu Constantini Paleocapa Rectoris. Cap. IIII.

1574 **D**iem suum obiit Rector Vniuersitatis studiosorum Philosophiæ, ac Medicinæ Constantinus Paleocapa Cretensis in funere à me exornatus in templo Di. Antonii Confessoris hac, quæ sequitur, oratio. e.

Gg In

De Gymn. Pat.

*In obitu Constantini Paleocapæ, Rectoris Magnifice Philosophorum,
& Medicorum in Patauino Gymnasio Vniuersitatis, Oratio.*

Cum maximum nobis omnibus dolorem attulerit mors peracerba Constantini Paleocapæ, Rectoris magnificen-
tissimi, ac Equitis perillustri: dici tamen non potest, mœstis-
simi Aud. maiori ne molestia affici debeamus, quod magnifi-
ca Philosophorum, ac Medicorum Vniuersitas tanti Rectoris
gubernatione tam cito caruerit, an voluptate, quod ipse præ-
stātibz suis, eximijsq. virtutibus, quas omnes suspiciebāmus,
& admirabamur, in cælum elatus esse existimetur. Equidem
hunc communem mœrorem hesternā, atq; hodiernā aeris ca-
ligine comitatum non possum non laudibus efferre: sed mi-
nime vereor, ne ex honestissimi iuuenis cōmemoratione vos
mecum in tanto mœrore illam perceptorū sitis consolationē,
quod ipse ita natus sit, ita vixerit, ita mortuus sit, vt ad cæle-
stem peruolasse beatitudinem sine dubio videatur. Hic non
lugebo vitā hominum, nec vobis proponam ante oculos hu-
manæ vitæ mala, de quibus Cyrenaicus Hegesias sic dicitur
disputasse, vt multi eo audito mortem sibi ipsi consensuisse nar-
rentur. quod valde admiratus Ptolemæus, Rex Aegypti, vbi
ille concionabatur, ne ipse amplius tam perniciosā eloquen-
tiam in illo Regno exerceret, fertur prohibuisse. Neq; enim
ego eo sum ingenio, quo ipse fuisse Hegesias perhibetur: nec
voseos arbitror esse, quibus facile persuaderi queat, hæc ter-
rena membrorum vincula, has corporis compages, hunc cor-
poreum carcerem, in quo animi sunt inclusi, iniussu præpo-
tentis Dei esse infringendum; quod tamen fecisse fertur præ-
ter plurimos illius philosophi, quem modo commemorabā,
auditores, etiam Cleombrotus Ambraciota, etiam Cato Vti-
censis, etiam Lucretia Romana. Nec adducam testimonia,
& iudicia Deorum immortalium, vt Iunonis de Argiæ sacer-
dotis filijs Cleobi, & Bitone, inuentis mortuis loco præmij,
quod merebantur ob matrem ad illius sacra pie conuectam;
vt Apollinis de Strophonio, & Agamede, constructoribus
Templi, pro præmio morte donatis; vt Sileni, & aliorum, qui
optimum esse quāprimum emori prædicarunt. Quid est. n.
quod hæc omnium sermone contrita, & peruulgata in hoc no-
bilis-

bilissimo cœtu sapientissimorum hominum, apud Doctores præcellentissimos, & celeberrimos, in corona studiosissimorum, & eruditissimorum iuuenum mea complectar oratione? Vnum tamen silentio non præteribo de humanæ vitæ miserijs, & calamitatibus, si prius vos, quos tanti estimo, quanti debeo, etiam, atq; etiam rogauero, vt hoc, quod dicturus sū, non ad aliquos vestrum referri existimetis, viros præstantissimos, non ad hos præcellentissimos Doctores, omnium doctrinarum lumina præclarissima, omnium virtutum exemplaria pulcherrima, quos omnes obseruo, veneror, & vt debeo, colo, sed ad eos tantum, qui sua ipsorum intelligentia, sua eruditione, suis ingenijs, sua industria abutuntur. Et vero, cum aut corporum, aut animorum, aut externa bona in hominibus spectentur, corporibus Medici, animis Philosophi, externis bonis Iurisperiti negotium facessere non desistunt. Corpora enim imperiosis Medicorum iussis constringuntur, eorumq; sæpè numero inscitia dissoluantur. Animos vero in multas, magnasq; difficultates nonnunquam trahunt philosophi, dum philosophiam ad regulam Theologiæ, & veritatis minime dirigentes, atq; vel animos mortales esse statuentes, vel immortales quidem, sed ita in vnā mentem coeuntes, vt nihil intersit, honestam ne aliquis, an turpem vitam duxerit ad beatitudinem vi vnus immortalitatis consequendam, nec sibi persuadentes vllam tantam potentiam fuisse, quæ hanc rerum vniuersitatem potuerit fabricari, omninoq; de Deo, & de mentibus cælestibus ambigentes, prauis opinionibus mentes hominum inficiunt, & labefaciunt: At externa, dici non potest, quantopere interdum diuexentur tumultuosas quorundam iurisperitorum contentione, qui lites, altercationes, iurgia fouent, mendacia, fraudes, scelera nutriunt, nihilq; respiciunt magis, quàm quomodo pecuniam à miseris hominibus, qui se, suasq; fortunas, & bona eorum fidei, ac clientelæ commiserint, extorqueant, suamq; expleant accumulandarum opum auiditatem. O miseriam ingentem, & admirabilem. O vitam calamitosam, tot hominum insidijs, ac laqueis propositam. Taceo alia innumerabilia huius vitæ mala; à quibus abstractus Constantinus Paleocapa, id est, non hoc corpus, quod terrenum terræ debebatur, sed in hoc corpore

olim inclusus animus, qui cælestis cælum appetebat, non propter vnā animi immortalitatem, quod falso veteres crediderunt, sed propter maximas; clarissimasq. virtutes suas, propter optimos, & suauissimos mores, propter singularem probitatem beatus post mortem futurus erat. Neq; enim iccirco animi post hanc vitam beati sunt, quod immortales sint (quod enim esset discrimen inter mortem Aristidis, & Phalaridis, Catonis, & Catilinæ?) sed animorum, qui è corpore euolauerint, beatitudo ex superioris vitæ actionibus ponderatur. Quāmobrem & Socrates apud Platonem testatus est, duas esse vias, duplicesq. cursus animorum è corpore eredientium: & in Consolatione scriptum reliquit Cicero non eandem sedes incolere iustos, atq; impios, quod illi ad Deos peruolent, hi vero deprimantur in tenebras, atq; in cœno iaceant: & à sapientissimis, iisdemq. sanctissimis viris, Christianæ religionis luminibus præclarissimis, statutum est, mortem bonum esse bonis; malum malis; vt non male actum esse cum Rectore nostro existimandum sit, qui, omnis probitatis specimen, & exemplar, ad eum ipsum locum, qui eius virtuti maxime congruebat, à Deo Opt. Max. vocatus est. Neq; enim, si recte iudicare velimus, aliter existimare possumus de eo, qui multas, magnasq. virtutes ex præstanti patriæ, & familiæ nobilitate hausserit, ex liberali parentis, & patruī institutione arripuerit, ex præclaris litterarum studiis, & assidua tum animi, tum corporis contentione in optimis artibus perdiscēdis expresserit, vt ad rectum à natura factus, & educatione, ac bonarum disciplinarum pertractatione formatus sine dubio esse videretur. Nam originem traxit à nobilissima insula Creta, quæ maximis certe laudibus efferrī consuevit, quod centū clarissimis vrbibus olim fuerit nobilitata: quod eius situs inter orientem, & occidentem ad totius Græciæ imperiū aptus, natusq. esse doctissimorum hominum iudicio visus sit: quod in ea Lycurgus Lacedæmonius sanctissimas suas leges didicerit, & ad Cretensis Reip. exemplar Lacedæmoniam Remp. ordinauerit: quod præstantibus semper ad omnem laudem viris fuerit affluētissima. Atq; hic quidem plura dicenda essent, quā præsens pati tempus videatur, nominandiq. quā plurimi tum ex vetustioribus, tum ex recentioribus, qui eam

insu-

insulam mirabiliter collustrarunt. Sed, ut breuitati, quod nobis necesse est, consulamus, tantummodo considerandum proponimus, cuiusmodi sint Crētēsiū ingenia, cum ex aliorum eius gentis, & nationis iuuenum laboribus, & vigiliis in Patauino Gymnasio susceptis, ubi maximus semper numerus studiosorum ab ea insula professorum florere conspicitur, tum vero ex Danielis cognomento Furlani opere peregre gio, quod nuper editum est in libros Aristotelis de partibus animalium, quo nihil sane doctius, nihil eruditius, nihil elegantius, nihil ornatius, nihil ad eius famam honestius, nihil ad laudem illustrius inuenitur. Cum autem præclarum sit originem traxisse à nobilissima insula Creta: longe tamen præclarius est ortum esse in eius urbis generosissima familia Paleocapa, ubi prope innumerabiles ad omnem virtutem præstantes viri claruerunt; atq. inter ceteros, quos nimis longum esset enumerare, Georgius Constantini pater, & Iacobus patruus, ex quibus hic quidem non solum iuris Pontificij, & Cæsarei Doctor, sed etiam doctissimus Doctor & est, & existimatur: ille vero Iuris studiosorum in hoc amplissimo Gymnasio magnificentissimus Rector factus est, & posteaquam illam magnificam Vniuersitatem tanta magnificentia, grauitate, diligentia, splendore rexit, ut ipsa eius præstantiæ, atq. excellentiæ magnam præsidij, atq. ornamenti sui partem acceptam referat, & eius rectionis vestigia presserit ad perpetui prædicationem temporis, & fixerit ad memoriam sempiternam, maximus extitit Iurisconsultus. O maxima decora, & dignitatis insignia. Ad maiorum igitur suorum omni præstantia præditorum, & potissimum patris, & patruu virorum excellentissimorum, imitationem egregie se effinxerat Constantinus, ut nobilitatis face incensus ad omnem virtutem infāmato studio raperetur, usque adeo, ut, quantum generis splendore fuerat illustratus, tantumdem generi suo splendore afferre videretur. Neq. enim solum maiorum suorum virtutes sibi proposuerat imitandas, sed etiam superandas; idq. tam feliciter est assecutus, ut ex laudum suarum flumine in domesticos riuulos plurimum infudisse laudis videatur. Etenim, ut eius pueritiam prætermittam, quæ tamen multa signa dedit & pudoris, & ingenii, bonamq. spem, & magnam indo-

De Gymn. Pat.

lem præse tulit, ut primum excessit ex pueris, à sapientissimo, & prudentissimo parente suo impetrauit, vt perpetuo in hac esset vrbe, tamquam in amplissimo omnium bonarum artium, & ingenuarum disciplinarum mercatu; quoad in omni doctrinæ genere erudiretur; vbi dici non potest, quam mirabiles in philosophia quattuor anhorum spatio progressus fecerit, quãtumq; in præclaris litterarum studiis profecerit, tum quæ ad veritatem indagandam, tum quæ ad Remp. capeffendam, tũ quæ ad eloquentiam pertinent excolendam. Ac possem quidem testes adducere maximos, ac præcellentissimos Patauini Gymnasi Philosophos, quibus hic assiduam operam dedit, quos studiose audiuit, quos semper in studijs est imitatus. Sed quid opus est testimoniis in eo iuvene exornãdo, cuius dignitas, eo sita erat in loco, vt eius vnus ratio multorum instar argumentorum esse possit? Factus est enim Rector magnificæ Philosophorum, ac Medicorũ Vniuersitatis, non solum quia nobilis, quia ingenuarum artium studiosus, quia doctus esset: verum etiam quia liberalis, quia benignus, quia humanus existeret, quia prudentia, consilio, diligentia, ingenio, quia magnificentia, altitudine animi, quia splendore, grauitate, omni laudis genere præstare videretur. O iuuenem admirandum, atq; omnibus iuuenibus imitandum. Quid dicam, qua prouidentia, & vigilantia hanc Vniuersitatem tueretur, protegeret, defenderet, adiuuaret, adornaret: qua industria, & diligentia Doctores, & studiosos omnes in officio contineret: qua animi propensione, & officii assiduitate statuta omnibus obseruanda curaret: qua magnanimitate, & celeritate communẽ dignitatem, & publicum commodum custodiret, atq; amplificare: quo animo, qua mente omnia diligentissime obiret, quæ ad ipsius Vniu. ytilitatem, & decus pertinere viderentur? Quamobrẽ nemo est, cui non reliquerit maximũ sui desiderium Constantinus, iuuenis nobilissimus, & generosissimus; iuuenis modestissimus, & amabilissimus; iuuenis optimarum artium studiis maxime deditus, & in his ad excellentiã maxime progressus; & non solum Rector magnificentissimus, sed etiã Eques perillustis. Hanc enim dignitatem priusquam Rector fieret, cum maximo splendore est affecutus, ita vt non iccirco Rector factus sit, vt postea Equitis insignia adipisceretur,

tur, quod in plerisq. licet animaduertere, sed Equestre decus attulerit ad Rectoris munus præclarius obeundum. Neq. vero minore cum laude Doctor creatus esset, aliasq. dignitates laboribus, & vigiliis suis comparasset, si ei diutius viuere contigisset, quem quidem immortal corpore donari oportuisse propter maximas, clarissimasq. virtutes suas constans hominum opinio erat. Sed id etiam si esse optabile videtur, humane tamen conditioni repugnat, quæ mortalis est, & morte dirimatur, necesse est. At nimis cito, nimis acerbe, nimis immature decescit. Quid? si id maiorem eius præstantiam quodammodo ostendit? Diuinitus enim fit, vt diuina hæc ingenia mittantur quidem de cælo ob id solum, vt incredibilem præpotentis Dei sapientiam, & admirabilem bonitatem, ac magnitudinem testentur: sed non diu in terris degere permittantur, ne diutius terrenis maculis adspargantur; citiusq. reuocentur, vt citius sempiterno æuo, perpetua quiete, æterna tranquillitate perfruantur. Quamobrem, Aud. vobis dolendi finis est faciendus: consolandiq. sunt Constantini fratres, incredibili quodam mœrore, eodemq. iustissimo confecti: atq. iidem rogandi, vt patrem, & patrum consolentur, qui tamen si sapientes sunt, & alta quadam mente præditi, tamen, cum homines sint, hunc casum tam moderate ferre non possunt, quin vehementer doleant, quod tantum patriæ decus, tantum familiæ ornamentum, tantarum virtutum splendor extinctus sit: præterea vobis Cretensibus in patris sapientissimi memoriam est reuocandum, cum non genuisse filium immortalem; eum habere alios filios, quorum virtutibus recreetur; dolendum quidem ei aliquantisper, ne inhumanus, ne ferreus, ne ex quercu, ex silice natus videatur, sed in dolore diutius nõ consistendum; id enim repugnare eius sapientiæ, eius prudentiæ, eius doctrinæ: deniq. omnibus pro certo habendum, qui cumq. homines nati sunt, non modo mortales existere, verum etiam huius vitæ miseris subiectos esse innumerabilibus.

De Pestilentia an 1576. & Gymnasio reuocato an. 1577. Cap. V.

Anno septuagesimo sexto supra millesimum, & quingentesimum pestilentia non modo totam Italiam, verum etiam Apuliam Calabriam, Siciliam, aliasq. regiones confestauit,

De Gymn. Pat.

ſcavit; quā quidem prope innumerabiles homines interierūt, cum in vna Sicilię vrbe Meſſana ſexaginta hominum millia ſcuiſſimo morbo necata ſint, Venetiis circiter centum millia, Patauii, Vicetię, Veronę, Brixie, Ticini, aliſq. in urbibus tam multa millia, vt incredibiliter mortalium numerus deminutus eſſe videretur. Qua tempeſtate mirabile fuit illud, quod ſe effecturos eſſe duo præſtantiffimi, & præclariffimi Medici in hoc Gymnaſio maxime florentes, Hieronymus Mercurialis Foroliuienſis, & Hieronymus Capiuacceus Patauinus Medicinę practicę ordinarię Interpretes, bona quidem mente, ſed malo exitu profeſſi ſunt. Cum enim Venetias accerſiti eſſent, ut controuerſantibus inter ſe Medicis Venetis de illius morbi natura, ſuam ipſi quoq; ſententiam dicerent, atque ad Principem in excelſum Collegium perducti aſſeueraffent, talem morbum peſtilentiam non eſſe, proteſſiq. poſſe ſe eum curare permiſſu ſenatus in eam curam cœpiſſent incumbere, atq. ob id ægrotantes, qui ante vel leuiter ſuſpecti ad locū hominibus peſte contaminatis aſſignatum exportabantur, in vrbe detinerent, nec iam amplius tamquā præcellentes Medici, ſed veluti noui Appollines, & Aſculapii, vel, ſi id licet dicere, vt Sancti Rochi obſeruarentur, & colerentur: tamen graſſanti quotidie magis, & acrius ſcuiente horribili morbo, peſtilentięq. naturam ſatis clare præ ſe ferente, maxime vero quia detenti in vrbe ægrotātes facile alios corrūperēt, malūq; iſigniter augerēt, poſteaquā perierūt aliquot eorū comites, & adminiſtri, atq. inter alios duo ſacerdotes Ieſuitę, apud quos moribundi de peccatis confitebātur, & duo Chirurgi, unusq. famulus, impetrata venia, & per octo dies in ædibus ſibi datis ad fidem faciendam de bona ipſorum valetudine habita commoratione, dimiſſi ſunt; maxime mea quidem ſententia laudandi, & celebrandi, ſi non ob id, quod alios in principe ciuitate ſeruate, quemadmodum concupiuerant, minime potuerint, at certe, quod, cum peſtilentes domos ſcpiſſime ingrederentur, hominesq. peſtilentia diuexatos ſeruare conarentur, atq. in maximis periculis quotidie verſarentur, nihilominus ſe ipſos ſeruauerint, necatis tali morbo in ea vrbe à menſe Martio vſque ad Septembrem excellentibus Medicis octo, & quinquaginta. Vix autem an. 1577. horribilis morbus

bus cessare cœpit, cū perterritis omnibus, & plerisq; ex vrbe Patauio fugatis, mandato facto à Paschali Ciconia Prætorè, & Aloysio Georgio Præfecto, viris integerrimis, & prudētissimis ad pristinam vrbi faciem reddendam, vt, quamuis nondum aperti essent aditus optimarum artium studiosis, nec dū loca essent prorsus morbo liberata, tamen Doctores omnes principem locum in varijs professionibus obtinentes publicas explicationes nostras suscipere, nulla necessitate imposita Doctoribus secundorum, & tertiorum locorum propter studiosæ iuuentutis paucitatem: illud tamen perquàm admirabile visum est, vt, dum cogitarem vix subsellia ipsa scholarum affutura esse, plures, quàm ducenti studiosi scholas ipsas frequentarent. Itaq; eo potissimum tempore cognitum est, numquam Gymnasio Patauino congruentem studioforum numerum defuturum, si ne in maximo quidem pestilentia, & mortis terrore ducenti defuerunt. Admirabilem autem eo anno Reip. Venetæ benignitatem, & liberalitatem omnes Gymnasii Doctores experti sumus, quòd, tametsi per annum, & eo amplius à publico officio vacaueramus timore pestilentia impediti: tamen stipendium nobis ordinarium promptissime est persolutum, non secus ac si munus nostrum obire potuissemus; cumq; ceteris fere omnibus publicis ministris, vt Assessoris, Cancellarijs, alijsq; huiusmodi pars quædam sui quæstus fuisset adempta, merces tamen nostra nulla ex parte est deminuta; cuius beneficentiæ memoriam obseruantia colimus sempiterna.

De Imagine Beate Virginis in Aedem Carmelitarum translata.

Cap. V I.

Viderunt studiosi iuuenes Gymnasii Patauini, quamuis propter pestilentiam perpauca, translationem Imaginis Beatæ Virginis in Aedem Carmelitarum, Anno enim 1576. post mensem Septembrem cum cœpisset pestilentia mitescere; creditum est id euenisse intercessione Beatissimæ Virginis, de cuius Imagine tunc posita in loco minus celebri pone aulam Præfecti in celebriorem locum, & in augustissimum templū Carmelitarum transferenda facta fuerāt duç clarissimæ Visiones; vna admodū Reuerendi Patris, & Philosophiæ, ac Theo

Hh logiæ

De Gymn. Pat.

logiæ Magistri, Felicis Zucoli Patauini, sacri ordinis Carmelitani in Prouincia Veneta Administri: altera illustrissimi Senatoris Veneti, & Præfetti Patauij, Aloysij Georgij; de quibus publica exstant litteratum monumenta. Felix enim, maximus Theologus, & Concionator, Administerq. vt modo notauimus, Prouincialis, III. Id. Septembris in Aurora duovidit per quietem, primum transferendam esse eam, quam memorauimus, imaginem in Ecclesiam Carmelitarum, ibiq. in maiore ara ponendam, vbi ipse eam in sanctam ecstasim raptus videre visus est cum maximo suo gaudio, & cordis consolatione, quamuis inusitatis sudoribus, vberimisque lacrymis in illo sancto somnio effusus: deinde post eius translationem non solum Patauij, sed etiam Venetijs pestem esse cessaturam; quæ idem prædixit suis Fratribus Carmelitis, adhibitisq. in consilium Sacris Theologis, statuit ex diuino afflatu, non ex cædæmonis illusione fuisse cognita, & perspecta, sed non prius esse patefacienda, quam facto voto eodem die ab vniuersa illius sacri Conuentus congregatione, nudatis pedibus, illa Gloriosa Imago, ac templa sanctorum huius Tutelarium Ciuitatis, Di. Prosdocimi, Di. Iustinæ, Di. Antonij Confessoris inuicerentur, sanctumq. ieiunium diebus Veneris, & Sabati celebraretur, ac proximo sequenti die Dominico quadraginta horarum oratio haberetur; quæ omnia sanctissime effecta sunt, & postea cum viris sanitati præfatis, & cum illustrissimis Patauij Præsidibus diuina reuelatio communicata est. Aloysius vero Georgius, Præfectus illustrissimus, cum post exantlatos ingentes labores, & susceptas diurnas vigilias in eo anno pestilentissimo, circiter principium Octobris incõmoda valetudine laborare cœpisset, lethaliq. febre opprimeretur, inibiq. esse videretur, vt post suam de peccatis confessionem, ac consilium de sanctissima sumenda Eucharistia, quam postea sumpsit, testamentiq. confessionem vitam cum morte commutaret, quod Medici quoq; prædixerant: ea ipsa nocte, qua moriturus esse putabatur, quietem cepit, circiterq. Auroram Angelico Ave pulsato, cum ad dicendam Angelicam Salutationem aggressus esset, antequam eam posset perficere, totus plenus horroris, & lacrymas effundens, ac præter consuetudinem sudans, diuinitus moneri visus est, si-

bi à Virgine Beatissima datam esse illius noctis quietem, im-
mo vero etiam illius ardentissimi morbi extinctionem; Eua-
deret igitur incolumis, & cogitaret de Imagine Beatissimæ
Virginis, quæ pone aulam suam reperiebatur, honoranda,
cumq. animo obuerfaret, quidquid à reuerendo Patre, & Ma-
gistro Felice audisset, per eam quietem sibi visus est esse in Ec-
clesia Carmelitarum, atq. in ara maiore eam imaginem in-
tueri; à quo sanctissimo somnio cum excitatus esset, non sine
maxima Medicorum admiratione inuentus est ab omni mor-
bo ex miraculo liber; quemadmodum ipse fide dignissimus,
eaq. probitate præditus, quæ cum incredibili sapientia, & p-
pe singulari magnanimitate coniuncta eum ad summos in
Rep. honores extulit, testimonio suo grauissimo affirmavit;
data illis patribus ad opus conficiendū magna vi auri, quod
marsupio cæruleo preciosiori monetæ referuato in ipsius scri-
nio continebatur. Quibus de rebus cum certiores facti es-
sēt Nicolaus Galerius Episcopi Vicarius, & Syluius Galassus
Apost. Nuncij summus Aud., has litteras rescripserunt.

„ Nicolaus Galerius, Iuris Pontificij, & Cæsarei Doctor, Ca-
„ nonicus, & Vicarius Patauij, omnibus fidelibus ciuitatis, &
„ diœcesis Patauinæ salutem in Domino.

„ Cum superioribus proximis mensibus fuerit pertractatum,
„ atq. deliberatum ex consilio complurium Sacrorum Theo-
„ logorum, aliorumq. piorum, ac religiosorum hominum, vt
„ illa Imago Beatæ, & Gloriosæ Virginis, quæ pone aulam est
„ illustrissimi Præfecti, in aliquam Ecclesiam transferretur,
„ atq. produceretur, vbi decentius, & maiore cum deuotione
„ debita ei veneratio, atq. honor haberetur; neque adhuc id
„ propter diuersa impedimenta efficit potuerit: præpotenti
„ Deo placuit in his temporibus calamitosis ad hoc sanctum
„ opus mētem nonnullorum pijsimorum hominum excitare,
„ in primisq. illustris. viri, Aloysii Georgij, Præfecti Patauij,
„ qui adductus, ut credere par est, diuina impulsione, se prom-
„ ptum, paratumq. ostendit ad fauendum huic rei omnibus
„ modis, eamq. conficiendam, ita vt in templum raducatur
„ Carmelitarum: Nos collaudantes maximam pietatem tum
„ eius, tum illustrissimi Prætoris, qui similiter huic rei mirum
„ in modum fauet, vna cum magnis Sapiētibus Deputatis

De Gymn. Pat.

„ ad vtilia magnificæ Ciuitatis; cupientesq. quàmprimum ta-
„ lem rem ad effectum perducì, unumquemque hortamur tū
„ Ecclesiasticum, tum sæcularem, vt honorem præstet ipsius
„ Imaginis translationi ad laudem, & gloriàm Domini nostri
„ Iesu Christi, ipsiusq. Gloriosæ Virginis, habitis ad Deum
„ precibus pro felici euentu huius translationis, & pro libera-
„ tione huius afflictæ patriæ nostræ, atq; inclytæ Venetiarum
„ Ciuitatis: mandamusq. in uirtute S. obedientiæ sub pœnis sa-
„ crorum Canonum, atq. excommunicationis in supplemen-
„ tum, vt nemo cuiuslibet generis, & conditionis, siue Eccle-
„ siasticus, siue sæcularis, audeat, aut præsumat sub quouis præ-
„ textu, aut colore, pietatis, aut religionis huic operi se oppo-
„ nere, aut quomodolibet vel directo, vel indirecto id impedi-
„ re, ac turbare: sed omnes ei faueant, & opitulentur, ac preci-
„ bus succurrant, submittentes se, vt viros catholicos, & fide-
„ les christianos decet, ac conformantes ad talem deliberatio-
„ nem, mentemq. superiorum. Ita benignitas Dei ob interces-
„ sionem, & meritum ipsius Gloriosæ Virginis liberare nos à
„ præsentì malo, nobisq. concedere sanctissimā gratiam suam
„ ne grauetur. Datum Patauij. die. 7. Octobris. 1576.

Reuerendo Patri, Felici Zucolo, Syluius Galassus Auditor. S. D.

„ **A**ccepi litteras tuas, quibus certiore me fecisti de Visio-
„ ne Gloriosæ Virginis; quibus prius non respondi propter
„ absentiam meam, quam etiam ex R. P. Vicario Clericato
„ intelligere potuisti, ac propter factam migrationem ex rure
„ in hanc urbem Vicetiam, quò nimirum Religiosissimus Le-
„ gatus nobiscum se recepit, tamquàm in securum portum ex
„ tempestatibus morbi contagiosi, qui tam crudeliter Vene-
„ tias, Patauium, aliasq. Italiæ vrbes diuexauit. Non de-
„ ssi tamen cum eius amplitudine hoc totum negotium com-
„ municare: quemadmodum idem præstiti cum Religiosissi-
„ mo Episcopo, cum Illustrissimo Hispaniæ Legato, & cum a-
„ liis viris primariis huius ciuitatis. quod quidem cum excel-
„ lenti laude probitum, atq. pietatis tuæ commemoratum est,
„ ac nō sine magna spe fore vt, propter vehementem Gloriosæ
„ nostræ Aduocatæ intercessionem illæ ciuitates liberentur, si
„ id quàmprimum effectum fuerit, quod Regina iubet globo-
rum

„ rum cælestium, vt scilicet eius Imago, quæ pone aulam il-
 „ lustrissimi Præfeti existit, in maiorem Ecclesiæ Carmelitanæ
 „ Patauinae aram trāsferatur. Id quod etiam maiorem nactum
 „ est fidem ex noua Visione, quam Illustrissimus habuit Pa-
 „ tauii Præfetus, Senator tam grauis, pius, & studiosus
 „ cultus diuini, atq. incolumitatis serenissimæ Reip. Venetæ
 „ ob quam simul, & ob charitatem christianam in his angustia
 „ atq. difficultatibus ad tam grauiam, tamq. manifesta pericula
 „ se exposuit atq. exponit. Hac de re litteras dedi de meliore
 „ nota ad virum admodum reuerendum, Nicolaum Galerium,
 „ vt non solum huic propensæ voluntati, atq. ordini cælesti nū-
 „ nime se opponat, sed etiam pro viribus opituletur, & faueat:
 „ cum præsertim sciat illam sanctam Imaginem optime collo-
 „ catam, & positum iri apud patres tam pios, & deuotos, & apud
 „ Religiosos in Ecclesia Dei tam antiquos. Mihiq. persuadeo
 „ cum pro sua sapientia, deuotione, ac prudentia ita effecturū
 „ quàm libentissime, ac propter suum in vestram Religionem
 „ studium, suamq. in te ipsum reuerentiam; cuius piis oratio-
 „ nibus me etiam, atq. etiam commendo, cupiens, quàm qui
 „ maxime, vt in eis illustrissimum Legatum, totamq. familiā
 „ eius commemores, quò præpotens Deus, Beatissimaq. eius
 „ mater incolumes nos conseruet. Vale. Vicetia. die 10. Octob.
 „ Magno igitur cum gaudio, multisq. cum millibus persona-
 „ rum integra, & sine vlla labe ea, quæ superius memorata est,
 „ Imago die 12. Octobris in maiorem aram Templi Carmelita-
 „ rum est comportata, admirabilisq. progressus ad pestilentia
 „ extinctionem factus est, vt ex miraculo Patauium visum sit
 „ liberari: quemadmodum etiā Venetiis admirabiliter pestis
 „ extincta est: votumq. vtrobiq. nuncupatum. Etenim die 29.
 „ Octobris congregato Patauii consilio in camera illustrissimi
 „ Prætoris, post disertissimam persuasionem viri præcellentissi-
 „ mi Bartholomæi Syluatici, prudentissimumq. cōsiliū Clau-
 „ dii Cumani Sapientum Deputatorum ad vtilia ciuitatis, cū
 „ consensu tertii Deputati Roberti Trapolini absentis, ac ne-
 „ mine contradicente, hoc decretum perlectum est.
 „ Debet omnis verus, & fidelis Christianus tum in se ipsum,
 „ tum in aliorum actiones conuersus sincero corde, & pia voce
 „ confiteri, malum, in quo hæc misera ciuitas versatur propter
 „ pestem

De Gymn. Pat.

pestem, quæ maiorem huius populi partem adhuc depopula-
ta est, non aliunde manare, quàm ex nostris ipsorum peccatis,
quæ quidem vim habuerunt excitandæ iustæ Iræ Dei, ita vt
non auditis eius admonitionibus, nec curatis minis, sed fa-
ctis quotidie maioribus culpis nostris, merito aduersus nos
exerceri diuina iustitia videatur. Quod tamen credendum
est ad nostrum ipsorum bonum fuisse constitutum, vt tandem
aliquando nostrorum errorum nobis in mentem veniat pœni-
tere, resipiscentesq. ad eius auxilium confugiamus. Idcirco
non solum vnicuiq. conuenit priuatim ad diuinam Maiesta-
tem preces effundere: sed vniuersæ etiam ciuitati publicam
aliquam dare significationem deuotionis, vt precibus, ac vo-
tis tum priuatis, tum publicis iusta ira Dei placetur, eiq. pla-
ceat oculis misericordiæ suæ nos intueri. Quod pro virium
suarum modulo efficere cupientes Sapientes Deputati, & pro-
uisores Sanitatis, qui hoc calamitatissimo tempore vniuer-
sum Ciuitatis Consilium repræsentant, cum præsentia, & con-
sensu illustrissimorum Præsidentum decreuerunt, vt, cum primû
hic morbus contagiosus cessauerit, tres supplicationes fiant
ad tria templa, Di. Iustinæ, Di. Antonii Confessoris, Di. Prof-
docimi, Tutelarium nostrorum; ad quas vniuersus populus in-
uitetur, vt præpotenti Deo gratiæ agantur, quòd hanc ciuita-
tem à tam graui morbo liberauerit; præcipueq. cum illustris-
simis Præsidentibus conueniant Sapientes Deputati, & prouiso-
res sanitatis cum cereis accensis in manibus librarum trium,
ære publico emptis, qui post celebratum sanctissimum sacri-
ficium offerantur. Cumq. deceat etiam aliqua publica demõ-
stratione preces, ac vota facere ad Beatam Virginem, princi-
pem nostram Aduocatam, vt pro nobis miseris misericordiã
intercedat, cui nimirum placuit, vt pie credendum est, diui-
nitus monere nonnullas pias personas, magnæq. auctoritatis,
atq. inter ceteras illustrissimum virum, Aloysium Georgium
Præfectum optime meritum, & admodum reuerendum Ma-
gistrum Felicem Zucolum Patavinum, Prouincialem Admi-
nistrum Carmelitarum in hac prouincia Veneta, vt eius Ima-
go, quæ pone aulam erat ipsius illustrissimi Præfecti, & ad quã
magna vis populi concurrebat cum maxima deuotione, ad
maiores aram Templi Carmelitani comportaretur, quod
quidem

„ quidem quàm maxima solennitate, vt per hæc tempora licuit
 „ calamitosa, effectum est: statutum, & declaratum sit, vt in die
 „ Purificationis Beatæ Virginis anni proximi sequentis publi-
 „ ca, solennisq. supplicatio celebretur, ad quam omni cum de-
 „ uotione populus concurrat vniuersus; præcipueq. totus reue-
 „ rendus Clerus, & omnes ciues Consilij Patauini conueniant
 „ habentes singuli singulos cereos in manibus librarum trium,
 „ proprio singulorum ære emptos; similiterq. ad eandem ve-
 „ niant ij omnes opifices, qui ad Montis consilium admittun-
 „ tur, cum candela accensa in manibus vnus libræ; ordinataq.
 „ serie ex Ecclesia Cathedrali exeundo ad Ecclesiam eatur Car-
 „ melitarum; ibiq. sanctissimū sacrificium modulatis vocibus
 „ celebretur, ac palium offeratur maiori aræ accommodatum
 „ cum sacerdotum ornamento, qui cantibus suis sacrificij cele-
 „ brationem ornauerint, in quod sumptus de publico fiat circi-
 „ ter trecentos numos aureos, omnesq. cerei, & candelæ simul
 „ offerantur; quarum vna pars in ipsa Ecclesia Carmelitarum
 „ comburatur ad honorem ipsius Beatæ Virginis: altera sit Mo-
 „ nacharum S. Bernardini: tertia Matrum Illuminatarum: quar-
 „ ta orphanorum; vt pijs orationibus suis misericordiam apud
 „ Deum intercedant, ad inclytam Venetiarum ciuitatem, do-
 „ minam, & patronam nostram, hancq. ipsam patriam à mor-
 „ bo contagiolo incolumem conseruandam: cum declaratio-
 „ ne, vt illi, qui sunt in Consiliis, tum Ciuitatis, tum Montis,
 „ nisi ab eo fidem habuerint, qui nobis est à secretis, quòd me-
 „ moratæ supplicationi interfuerint, aut habentes impedimen-
 „ tum legitimum apud Sapientes Deputatos agnoscendum
 „ per interpositam personam cereum, aut candelam non mise-
 „ rint, proximo sequenti anno in Consilium non recipiatur;
 „ isq. qui est à secretis Cōmunitatis sub pœna priuationis of-
 „ ficij sui debeat primo die ipsius Consilij, antequàm ad vllam
 „ deueniatur suffragationem, publice illos nominare, qui non
 „ uenerint cum cereo, aut candela ad ipsam supplicationem;
 „ qui statim ab illustrissimis Præsidibus, magnificisq. Deputa-
 „ tis ex Consilio eiciantur; nec possit tunc admitti vlla excusa-
 „ tio; posteaq. quotannis magnifici Deputati, & Prouisores Sa-
 „ nitatis vna cum Illustrissimis Præsidibus ad id templum per-
 „ petuo se conferant in ipso die Purificationis Beatæ Virginis;
 „ solen-

De Gymn. Pat.

„ solenneq. sacrificium ibi celebrandum curent; ac singulis an
„ nis quattuor cereos offerant, singulos librarum sex, qui in ce
„ lebratione ipsius sacrificii ardeant, precibus ad ipsam Beatā
„ Virginem habitis, vt Resp. Veneta, & hæc patria nostra inco
„ lumis conseruetur. Quod uotum posteaquā ab illustrissi
„ mis Præsidiis, magnificisq. Deputatis, ac prouisoribus sani
„ tatis fuerit approbatum, legatur etiam in consilio in primo
„ die ipsius Consilii, antequā aliquid aliud pertractetur; atq.
„ si quis reperiretur, qui ei contradiceret, quod tamen credibi
„ le non est, tunc totius Consilii proponatur suffragationi. Die
„ autem. 18. Mensis Decembris cum tale votum in consilio es
„ set recitatum, vt probaretur; cœptum est ab omnibus concla
„ mari, Fiat, Fiat. Itaque sine vlla suffragatione per verbum
„ Fiat, & viua voce est confirmatum. Similiter Venetiis ab A
„ loysio Mocenico Principe, & Senatu votum est factum exci
„ tandi templi, quod Redemptoris appellaretur, locusq. dele
„ ctus in Iudaica, quem Capuccini Fratres tenebant. eaq. vota
„ proximo sequenti anno sunt executioni mandata.

*De Aloysio Ancarano Spoletino, Rectore Vniuersitatis
Iuris studiosorum. Cap. VII.*

1580 **A**D Aloysium Ancaranum Spoletinum Rectorem
Vniuersitatis Iuris studiosorum hanc orationem ha
buit Reuerendus Dionysius Ferrarius Rhodiginus, alumnus
discipline meę, qui tunc mihi operam dabat, posteaq. factus
est philosophiæ Doct̃or, & nunc est parochus Ecclesiæ Di.
Thomę Apostoli in vrbe Patauio, vir amabilissimus, & ad
modum dignus, cui omnes, quicumque possunt aliquid de
suauissimis hominum moribus iudicare, omnia uela pan
dant, & omnes faces accendant amoris sui.

Quod legum studiosi in hoc clarissimo Gymnasio optabāt
omnes, Aloysi Ancarane, Rector magnifice, & perillustis, vt
regendæ ipsorum Vniuersitatis alicui deferretur munus, qui
grauitate, magnificentia, splendore, diligentia, virtutibus
omnibus ei satisfacere, eiusq. dignitatem, & commodum
optime tueretur, & custodiret: id ipsum te cunctis suffragiis,
maximaq. omnium lætitia, atq. applausu ad hunc honoris gra
dum euecto, & in hac sede collocato videntur esse cumulatissime

me consecuti. Tua enim præstantia ex clarissimo patriæ splendore arrepta, ex præstantissimis maioribus hausta, ex flagrantissimo optimarum artium studio conformata, ea est, ut hæc magnifica Vniuersitas magnam præsidii, decorisq. sui spem in te habere posse merito videatur. Quamobrem omnes id gaudij conceperunt, quod magnus honor magnæ virtuti tributus maximum potuit excitare. Ego vero, cui mandatum est, ut te in hac frequentissima concione exornem, in maxima omnium lætitia iccirco dolendum mihi esse existimarem, quòd respondere tuarum laudum amplitudini me minime posse animaduertam; nisi earumdem multitudo me recrearet, atq. reficeret, quæ quidem ea est, ut, quemadmodum maximos oratores, qui omnia complecti volunt, maxime potest deterrere: sic homines vel infantissimos reddere eloquentissimos possit. Ecquis enim est, qui quantumuis in dicendo inopstimere debeat, ne obmutescat, orationem habiturus de Spoletio nobili Vmbriæ vrbe, ex qua originem trahis: de præstanti Ancarana familia, in qua natus es: de magnis, clarisq. virtutibus, quæ te omnibus amabilem, atq. admirabilem reddiderunt? Nam quot, & quanta sunt ornamenta Spoletij, quò deductam esse Romanā coloniā cōstat Q. Lutatio Cercōne, A. Manlio Torquato cōs. an. ab V. C. DXII. cum ludi Florales sunt instituti? Neque vero in Spoletinorum laudibus tacendum est, cum an. Vr. DXXXVI. Annibal ille Carthaginensium Imperator ad lacum Thrasimenum in agro Perusino C. Flaminium cōsulem occidisset, exercitumq. Rom. deleuisset, ac recto itinere per Vmbriam vsq; Spoletium venisset, cum mira Spoletinorum virtute inde repulsum esse, coniectantem, ut noster Liuius inquit, ex vnius coloniæ viribus, quanta moles esset vrbs Romanæ. Quæ causa fuit, quæ obrem ad obsidendam Romam non sit profectus, sed in Picenum iter suum conuerterit; ut merito eloquentiæ parens Cicero Spoletinam coloniam in primis firmam, atq. illustrem nuncupauerit. Quid commemorem Theodoricum Gothorum Regem Spoletium omnibus studiis complexum fuisse, magnificentissimisq. ædibus adornasse? Quod tanti semper fuit, ut nec iniurijs Gothorum, qui post Theodoricum Regem id oppresserunt: nec sauitia Frederici Barbaroscij Impera-

De Gymn. Pat.

peratoris, qui in bello gesto cum Alexandro III. Pontifice Max. ipsum occupauit: nec armis Perusinorum, qui an. Christi 1321. clam ingressi idem vastare conati sunt; prorsus deleri potuerit: sed ingenti sanctitate Di. Sabini Episcopi, qui Diocletiano imperante sanguinis sui pignore diuinitatis testimonium Iesu Christo dedit, conseruatum; à Narsete capto eius nobilitate restitutum; ab Alboino receptum, & Umbria in formam Ducatus redacta, Duce imposito Faraoldo, caput Ducatus factum; vires receperit, quotidieq. magis floruerit, & in ipsa etiam vrbe Romæ direptione, quæ facta est an. Christi 1527. se incolume, atq. intactum conseruari; immo vero etiam exercitum sanctissimæ conspirationis ad liberandum summum Pontificem Romam proficiscentem benigne exceperit. O mira nobilitatis decora, & dignitatis insignia, omnium vocibus, ac litteris celebranda. Hic nominari possent quàm plurimi, iidemq. præstantissimi viri, qui sati sanguine Romanorum in vrbe Spoletio omnium virtutum egregia dederunt documenta: sed, cum illorum laudibus nec propter temporis angustiam, nec propter virium mearum imbecillitatem possim satisfacere; tantum dico, inter ceteros omnes mirabiliter floruisse maiores tuos; qui quidem claritate nominis sui, virtutumq. splendore, atq. excellenti erga Pontificiam sedem, patriamq. suam fide, domum Ancaranam mirifice collustrarunt. Ac illorum quidem nomina clariora sūt, quàm vt lumen vllum accipere à mea oratione queant. Sed in maximo Ancaranorum numero tum pacis, tum belli laude præstantium præteriri silentio non debet Placidus ille de patria sua tam bene meritus, quem grati cines Spoletini publico funeris honore decorandum putarunt, parentemq. patriæ meritissimo nominarunt. Quid dicam de Pompeio Ancarano, eo, qui post vrbe Romæ direptionem conscriptis pactationibus cum Friderico Imperatore obses patriæ acceptus est, tamquàm Spoletinorum ciuium celeberrimus? Quid recenseam Ofredutium Ancaranum, eum, qui, cum vniuersa Italia in duo esset genera distributa, alterum Guelforum, alterum Gibellinorum, quorum quidem illi summum Pontificem, hi vero summum Imperatorem fouebant, Spoletinæ persuasit ciuitati, vt Guelforum partes sectaretur, seq. cum
viris

viris illustrissimis Vrsinis à Spoletina regione originem trahentibus ita coniunxit, vt etiam Vrsinorum rosa Ancaranorū Insigni fuerit adiecta, posteaq. Ancarana familia Vrsinæ domus affinitate, in qua orta est nobilissima auia tua, mirabiliter refulserit? Sed dies me deficeret, si enumerare omnes Ancaranæ familię præstantes viros mihi consilium accidisset; quos satis per se claros omitto, cum orationem meam ad se le aduocet magnificentia tua, Rector magnifice, & generose, qui cum patriæ nobilitate, familiæ claritate, parentū splendore, fortunarum fulgore illuceas, omnia tamen hæc maximis virtutibus tuis, & fulgentissimis doctrinarum studijs ita obscuras, vt in minimis ornamentis tuis ponatur, quod Spoletinus sis, quod Ancaranus, quod optimis, ac clarissimis parentibus natus, quod admodum diues; potissimumque lauderis, quod benignus sis, quod liberalis, quod alta mente præditus, quod studiosus optimarum artium, in primisq. Iuris Pontificii, & Cæsarei, id est, illius præclaræ disciplinæ, quæ docet, quibus honoribus, præmiis, splendore decorandus sit verus, iustusq. atq. honestus labor; quibus damnis, ignominiiis, suppliciis punienda sint vitia, quomodo dormitę habeantur libidines, cupiditates coerceantur, nostra cōseruentur, aliena non appetantur; omninoq. quomodo omne bonum, siue priuatum, siue publicum sit, retineatur, atq. custodiatur. Quæ quidem omnia cum in vtroq. iure non minus quàm in bibliothecis philosophorum contineri ab oratorum, & Rhetorum Latinorum Principe didicisses, ad legum studium illud animi, atq. ingenii lumen, illamq. industriam, ac diligentiam adhibuisti, ut, quæ alii vix multorum annorū spatio percipere consueuerunt, tu breui perceperis, atq. adhuc adolescens admirabilem cursum, progressionemq. feceris ad legum cognitionem, & excellentiam. Hæc autem tanta, & tā celebris fama effecit profecto, Rector perillustis, vt cū magnificæ studiosorum vniuersitati præficiendus esset de multis iuuenibus in hoc clarissimo Gymnasio florentibus vnus, qui eam, quibuscumq. rebus opus esset, adiuuaret, ornaret, foueret; qui Doctorum, & studiosę iuuentutis priuilegia custodiret; qui apud religiosissimum Antistitem, apud illustrissimos Præsides, apud omnes magistratus, um opus esset, ma-

De Gymn. Pat. I

gnificæ Vniuersitatis dignitatem repræsentaret, & auctoritatem sustineret; qui magnanimitate, magnificentia, grauitate, splendore ei decori esset, & ornamento; deniq. qui nihil prætermitteret eorum, quæ ad eius commodum, amplitudinēq. pertinerent: tu unus inter ceteros dignissimus existimatus sis, qui cunctis suffragiis in publicis studiosorum iuuenum Comitibus Rector deligereris, & ab illustrissimis Gymnasii Moderatoribus, atq. excellentissimo Senatu Veneto facillime confirmareris, hodiernoq. die, qui haud scio, tibi ne cui tantus honor habetur, an magnificæ Vniuersitati, cui tantus Rector datur, iucundior illuceat, in hoc augustissimum templum omnibus honorandus perducereris O rem præclarissimam, & patriam, familia, virtutibus tuis quàm dignissimam. O singularem, atq. eximium honorem, qui, cum per se magnus sit, ut tibi reatio deferatur tot studiosissimorum, & præstantissimorum iuuenum, tot clarissimarum gentium, & nationum, quæ te tãquàm communem omnium principem suspiciunt, admirantur, colunt; magis etiam augetur ex eo, quod in hac clarissima urbe deferatur, quæ originis vetustate ipsi etiam omnium principi Romæ antecellit; in hoc florentissimo Gymnasio, quod veteris, & excellentis Gymnasii mirificam obtinet auctoritatem; hoc concursu hominum nobilissimorum; hoc comitatu Doctorum, & studiosorum; hac benignitate illustrissimorum Præsidentum, qui hanc tradendorum tibi Insignium solennitatem sua grauissima præsentia cohonestant. Gaude igitur, Rector magnifice, & perillustis, ea insigni amplitudine, atq. eo singulari ornamento, quod egregia huius delatio muneris secum affert. Gaude totius Vniuersitatis in te deligendo consensione admirabili. Gaude Serenissimi Venetiarum Principis, & Illustrissimorum Gymnasii Moderatorum facili, benignaq. confirmatione. Gaude Illustrissimorum Præsidentum mansuetudine, atq. humanitate; quoddq. tibi contigerit hanc obire administrationem hoc Prætor, & hoc Præfatus, qui, incertum est, prudentiores, & iustitiores, an benigniores, & humaniores existant. Gaude hac litteratissimorum hominum & studiosissimorum iuuenum corona; tibiq. persuade, si generosam patriæ tuæ consuetudinem retinueris; si præstantissimorum maiorū tuorū vestigiis insliteris si eā viam se-

cutus

cutus fueris, quam ingressus es, signatam, & impressam pedibus ciuium, & propinquorum tuorum; si lumen animi, atq. ingenii tui exercere volueris; si prudentia usus fueris, atq. industria tua, quod te facturum esse per certo habemus: nihil in te desideratum iri, quod ad hanc nobilissimam rectionem rectissime obeundam, & ad hanc magnificam Vniuersitatem optime administrandam pertinere videatur. Tuū igitur est, expectationi, quam tua nobilitas, tuus generosus animus, tua virtus de te concitauit, respondere. Horum vero studiosorum iuuenum est, in te colendo; atq. obseruando constantiam, per seuerantiamq. retinere. Tibi huius magnificæ Vniuersitatis status in pristinum nitorem restituendus, confirmandus, augendus. His tua dignitas, quæ est communis ipsorum dignitas, custodienda, protegenda, conseruanda. Ad te pertinet statuta magnificæ Vniuersitatis obseruanda curare, pro Doctoribus, & studiosis omnibus vigilare, omnibus fauere. Ad hos pertinet tuam voluntatem, tua consilia, tua mandata exsequi. Quod facere debent, & sine dubio facient, vt Illustrissimo Senatui Veneto, à cuius auctoritate, tamquam à numine aliquo sibi propitio pendent; vt Illustrissimis Gymnasii Moderatoribus, qui omni humanitate, & mansuetudine studiosam iuuentutem complectuntur; vt illustrissimis Præsidibus, qui omni studio eam prosequuntur, omnemq. significationem dant singularis in ipsam amoris, & benèuolentiæ, gratificentur.

★ *Finis Quinti Libri.* ★



DE GYMNASIO
PATAVINO
ANTONII RICCOBONI
Commentariorum Liber Sextus.

*De Legationibus Vniuersitatum ad gratulandum Sebastiano Venerio
Principi. Cap. I.*

1577



Ridie Non. Iunij cum Aloysius Mocenicus Veneriarū Princeps extinctus esset (quem Laurentius Massa vir à secretis Serenissimæ Reip. & Moderatorum Gymnasii Patauini in funere exornauit, nimirum propter excellentem eloquentiam suam, id enim muneris antea patriciæ gentis proprium fuerat) & Mocenico aliquis sufficiens esset, qui tantam dignitatem digne administraret, ex vno, & quadraginta viris selectis ad Principem deligendum, de Sebastiano Venerio (quod sane mirabile fuit) nemo prorsus dissensit, cunctisq. suffragijs Princeps est declaratus, & illi ipsi, qui certi esse competitorēs videbantur, vni Venerio facillime cesserunt, viro in primis claro bellica gloria, quam ipse sibi tunc peperit, cum summum Veneræ classis imperium aduersus Turcas optime gessit, atq. illorum classis in Naupactum sinum pugnandi causa progressam, & in Christianas classes Pontificiam, Hispanam, Venetam vehementer insultantem fortissime compressit. Huic ego præstantissimo Principi nomine Vniuersitatis studiosorum Philosophiæ, ac Medicinæ mense Octobri Principatus dignitatem sum gratulatus. Idem munus obiit pro Vniuersitate Iuristudiosorum vir doctissimus, & disertissimus Galeacius Bigolinus, tanta sua cum laude, tantoq. omnium applausu, vt ipse omnibus fuerit admirationi.

De legationibus Doſtorum, & Vniuerſitatum ad gratulandum

Nicolao Pontio Principi. Cap. 11.

1578 **V**. Nonas Martias cum è vita exceſſiſſet Sebaſtianus Venerius, Princeps Venetiarum, quem Io. Baptiſta Baſadonna funebri ornauit oratione, xv. Kal. Aprilis ſuſſeſtus eſt is, qui tam ſæpe fuerat Gymnaſii Moderator, Nicolaus Pontius, vir ingenio, doct̃rina, eloquentia, getēdæ Reip. laude præſtans. Hic, cum iunior eſſet, Venetijs in templo Di. Paulli illa duo cum maxima omnium admiratione diſputauerat, Quidquid tradidit Ariſtoteles, recte tradidit, Quidquid docuit Auerroes, recte docuit. Idem Patauij Doct̃oris inſignia conſecutus, & in Philoſophorum Collegium cooptatus, rurfus Venetijs in Generalibus Fratrum Eremitarum Comitijs, quibus præerat Egidius Cardinalis, cum tres de doct̃rina diſputationes habendæ eſſent, pro tribus clariſſimis p̃uincijs, Gallia, Germania, Italia, honorem Italiæ præſtitiæ ſuæ commiſſum mirabiliter tutatus fuerat. Munus publice docendi Philoſophiam à Senatu obtinuerat, & magna ſua cum laude multis annis obiuerat: ſeq. non ſolum ſapientiſſimum, ſed etiam eloquentiſſimum oſtenderat, tunc cum illi ipſi, qui modo nominatus eſt, Cardinali nomine publico obuiam proceſſit, illiusq. laudes in templo ſancti Spiritus Sancto ſpiritu aſſatus celebrauit; & cum Legatum Caroli V. Imperatoris Hieronymum Adornum Venetijs extinctum in ſu nere laudauit; & alijs ſæpe temporibus. Magna autem cum Reip. vtilitate ab an. 1513. quo, vt Veneti loquuntur, Sapiēs ordinum factus eſt, uſq; ad Principatum ſibi delatum in ipſa Rep. verſatus fuerat: ſummaq. cū laude id præſtiterat, quod fieri non poſſe, aut certe difficulter poſſe exiſtimatur, vt maximas diuitias ſimul, & maximos honores compatatet: atq. incredibili integritate, ac æquitate ampliſſimum quemq; ma giſtratum tū in vrbe, tum extra urbem adminiſtrauerat: omniq. aſſiduitate, ac charitate miſerrimis, & calamitoſiſſimis peſtilentiæ temporibus patriæ ſuæ, quàm plurimis abeſcūtib, præſto fuerat. Ex principali Aduocatione, nondum conſecto legitimo ſpatio, Vtinum Præſes, & Vtino ad Carolum V. Imperatorem in locum Marini Juſtiniani vita ſuncti propter præſtan-

De Gymn. Pat.

stantiam suam ad maiora properantem ordinarius Legatus missus fuerat. Ordinarium Legationis munus apud Paullū III. Pontificem Max. gesserat: & Matthæo Dandulo suffecto, equestri dignitate donatus erat, nouo exemplo, cum ante eum nulli Legato Veneto is honor à summis Pontificibus delatus esset. Gratulationem habuerat ad Iulium III. quòd fuisset ad sedem Pontificiam elatus. Matthæo Dandulo Legato ordinario apud eundem Iulium III. honorificèissime successerat. De morte Henrici Gallorum Regis cum Francisco II. eius filio condoluerat, eidemq. de Regia dignitate gratulauerat. Ad gratulandum Pio III. iuerat, quòd Pontificiam dignitatem adeptus esset. Legatus missus ad Sacrosanctam Synodum Tridentinam aduersus Bavariz Legatos anteire Venetis Legatis volentes egregiam operam nauauerat. Cum iam in medio belli ardore Marcius Procurator declaratus esset, ad gratulandum Gregorio XIII. profectus erat, & Pontificatum obtinuisset, seq. contulerat quoq. ad eiusdem Pontificis iram ex pace cum Turcis composita exortam quāprimum sedandam, & extinguendam, felicissimo scilicet exitu, cum omnia post eius aduentum fuerint pacata, & tranquillata. Hęc ego, aliaq. multa, ea complexus sum oratione, quā ad eum habui mense Maio pro omnibus Patavini Gymnasii Doctoribus, tum Ius Pontificium, & Civile, tum Theologiam, Philosophiam, aliasq. bonas artes profitentibus, mecum Venetias profectis; & quidem habui nouo exemplo, cum præter Legatos, qui nomine scholasticorum missi sunt, alterum pro Vniuersitate Iuris studiosorum Galeacium Bigolinum non minori laude oratorem, quàm I. C. alterum pro Vniuersitate studiosorum Philosophiæ, ac Medicinæ, Herculem Saxoniam, Philosophum, & Medicum disertissimum, cuncti & Doctores ad eum, qui tam sæpe Gymnasium moderatus fuerat, accedere properassent, vt virum optime de litteris meritum, ac communem litteratorum patronum in supremo solio sedentem consularent; meq. delegissent, qui vtriusque partis tum Iuriconsultorum, tum Philosophorum, & Medicorum personam in tali gererem gratulatione, quamvis Iuris consultorum minimum, & Humanitatis in hoc Gymnasio explicatorem, quæ nimirum omnium bonarum artium vinculum

lum cēsetur, & vtriq; studio aditum patefacit, decusq; affert, atq; ornamentum. In eadem gratulatione Patauini professores obtinuerunt, vt antiquum priuilegium, quod eos quoq; cum ipforum familijs ab omni vectigalium solutione immunes reddebat, quodq; obsoleuerat, obseruaretur, petente id omnium nomine Bartholomæo Syluatico Doctore, atq; Equite Patauino, & Iuris Pontificij explicatore celeberrimo, datoq; publico mandato, vt publicani tale priuilegium exsequerentur, vtque in vectigalium locatione ea immunitas exprimeretur.

De Legationibus Vniuersitatum ad gratulandum Paschali Ciconia Principi. Cap. III.

1585 **M**ortuo Nicolao Pontio, Principi supra omnem excellentiam insigni, cuius laudes Antonius Longus elegantissimo ingenio præditus grauissima oratione in funere celebravit, Paschalis Ciconia successit; qui adolescens piratarum biremes, & Monopolim expugnauerat: Vtinensem Quæsturam præclarissime gesserat: Corcyreæ arci præfectus sanctissimam Eucharistiam ex ara, atq; ex ipsis sacerdotis manibus euolantem suis ipsius manibus exceperat: Rithymnæ Præses infestos, & periculosos crudelissimorum piratarum in eam irruentium impetus per sæpe represserat, & fregerat: Taurisi Prætor, & Præfectus admirabili prudentia iustum se, ac prope incredibili iustitia prudentem ostenderat: Cretæ Dux eam plurimis, maximisq; periculis cinctam incolumem conseruauerat: Cydonijs summo cum imperio præfectus Cydonen fame, atq; auxiliariorum militum ad seditionem excitatorum armis liberauerat: Patauij Prætor è ferreis pestilentiæ vnguibus Patauinam ciuitatem eripuerat: deniq; Procuratoria dignitate clarus, & religiosis virginibus pie, sancteq; custodiendis præpositus, dum in augusta Cruciferorū æde Christum deuoto, attentoq; animo coleret, ab vno, & quadraginta viris ad Principem eligendum congregatis dignus iudicatus fuerat, qui ad Principatum eueheretur. Quamobrè vtraq; Vniuersitas tum studiosorum Iuris, tum studiosorum Philosophiæ, ac Medicinæ delegit Legatum suum ad eum honorandū, eiq; gratulandum, altera Marcum, altera Nicolaum,

Kk Tri.

De Gymn. Pat.

Triuifanos fratres, doctrina, & eloquentia præstantes, qui id muneris honeſtiſſime obiuerunt.

*De Legationibus Vniuerſitatum ad gratulandum Marino Grimano
Principi. Cap. II II.*

1595 **C**VM è vita exceſſiſſet Princeps Venetiarum Paſchalis Ciconia, quem oratione luculentiffima in funere celebrauit Aeneas Piccolomineus Senenſis, vir noſtri ordinis clariffimus, & publicus eorum doct̃or, qui Reip. futuri ſunt à ſecretis, non eleganti ſolum ingenio, & modeſtia prope ſingulari, ſed eximia etiam doctrina, & maxima probitate ornatuſ, ad id muneris propter excellentem eloquentiam ſuã adhibituſ, quod plerumq; eloquentioribuſ patriciis deferri cõſueuit; cum, inquam, iſ vitam cum morte commutaſſet, Marinuſ Grimanuſ, VI. Kal. Maias, anno ætatiſ ſuæ ſexageſimo ſecundo ad Principatuſ euectuſ eſt; ex ea familia ortuſ, in qua Prælati, Epiſcopi, Patriarchæ, Cardinales ſplendiſſime floruerunt; & in qua Antoniuſ Venetiaruſ Princepſ, multiq. alij ciuitatuſ, atq. Prouinciaruſ adminiſtratores, ſummi clãſſiuſ Imperatores, publicoruſ conſilioruſ duceſ, Di. Marci Procuratores, atq. inter ceteroſ Hieronymuſ Marini Pater, Marciuſ Procurator, Princepſ Senatuſ, futuruſq. Princepſ Reip. ſi diutiuſ uixiſſet, florentiſſime clareuerunt; non tam ſuſpicienduſ, & admiranduſ, quòd Princepſ declaratuſ ſit, quàm quòd principatuſ ſit digniſſimuſ, nimiruſ propter maximas, illuſtriſſimaſq. virtuteſ ſuaſ, & duaſ in primis, ſapientiam, & probitateſ; quaruſ quidem prima in honoruſ ratione eum adduxit non ad Iudiciſ officiuſ exercenduſ, & ad controuerſiaſ, ac cauſaſ prinataſ dijudicãdaſ, non ad inuiſendaſ ex munere Oratoriſ, & Legati ciuitateſ, & Principuſ aulaſ, quod munuſ ſane magnum, & ſublime exiguo temporis ſpatio ipſe obiuit apud Siſtuſ V. Pontificem Max. à quo ſplendiſſima inſignia reportauit; non ad claſſeſ gubernandaſ, & exercituſ ducendoſ: ſed ad eum finem ſequenduſ, qui longe altior eſt, & finiuſ finis, cui iudiceſ ſeruiunt, oratoreſ ſunt adminiſtri, clãſſiuſ gubernatoreſ, & exercituſ duceſ parent, vt conſilio, atq. eloquentia Remp. gubernaret; qui honor Venetijs nomen affert Sapientiaſ. Iccir-

circoq. is primum fuit Sapiens ordinum : deinde Sapiens cōtinentis oræ : inde Senator perpetuus : postea in numero Xuirum, & Princeps illius Senatus : tūm Sapiens Magnus : deinceps Consiliarius; in quibus dignitatibus administrandis eius mirabiliter enituit sapientia. Altera vero in regendis ciuitatibus, præcipueq. Brixia, & Patauio, eum omnibus amabilē, atq; admirabilem reddidit, cumq. suam perfectionē habeat primum in regendo animo, in quo sit, tamquā animalis ratione præditi, & hominis pij, deinde in regendis alijs, qui eius rectioni commissi sint; eundem omnibus diuinis virtutibus præclare ornatum ostendit, viua fide, inflammata charitate, ardenti spe, ceterisq. omnibus, quæ de cælo descendunt, & in cælum perpetuo tendunt, animumq. perficiunt: simulq. summa præditum iustitia declarauit, summo opere adhibita erga singulos homines, erga vniuersas ciuitates, & tunc maxime, cum Moderator fuit Gymnasii Patauini; qua cum excellenti virtute, virtutumq. regina, coniuncta in eo est admirabilis clementia, in audiendis, & exaudiendis hominum querimonijs maxima patientia, in adiuuandis, & sustentandis pauperibus singularis liberalitas, aliq. innumerabiles virtutes, quæ merito eum an. 1588. dum Præfecturam Patauji administraret, ad Marciam extulerunt Procuracionem, an. autem 1595. ad Principatum euexerunt. Quam dignitatem nomine Vniuersitatis Iuris studiosorum Nicolaus Bolitius Ascruius, Doctor, Eques, Rector: nomine Vniuersitatis studiosorum Philosophiæ, ac Medicinæ Hercules Saxonia Patauinus, Medicinæ Practicæ ordinariæ Interpres, gratulatus est; ille sermone Italico: hic oratione Latina: vterq; magna eloquentia, non magis Principem laudās, quā a Principe, ceterisq. qui tunc cum Principe erant, laudatus.

De Bernardo Pacio olim Iuris Ciuilis in hoc Gymnasio professore,

& familia Pacia. Cap. V.

Commemorabam inter celebres Iurisconsultos Gymnasii Patauini, qui Ius professi sunt sub Venetis ab adeptione Patauij vsq; ad bellum ex fœdere Cameracensi susceptū, Alexandrum Tartagnum ex Foro Cornelij nunc Imola nuncupato, qui habuit multos discipulos suæ alumnos præstantif

De Gymn. Pat.

simos, atq. in primis Bernardum Pacium Ariminensem, & ipsum Iuris Ciuilis in eodem Gymnasio professorem inter annum septuagesimum, & septuagesimum quartū supra millesimum, & quingentesimum, in ipso prope cursu, atq. progressionē ad summam gloriam, quamuis iuuenem, quotidianis laboribus, atq. assiduīs vigilijs superatum, atq. extinctū, ex ea familia oriundum, in qua non modo præclara litterarū studia, verum etiam militaris scientia mirum in modum floruit. Etenim in numero virorum litteratissimorum haud potestremum locum obtinuerunt præter Bernardum etiam Angelus eius Pater, & Io. Franciscus eiusdem frater, celeberrimi Iurisperiti; ex quibus quidem Angelus cum vtriusq. Iuris insignia Patauī an. 1440. consecutus fuisset, ibidem multos annos domicilium habuit, multaq. bona possedit, ac iure Patauina ciuitatis donatus fuit, quemadmodum propter famæ celebritatem etiam iure Ciuitatis Venetæ, & Veronensis, quæ de re exstant publica litterarum monumenta: honestissime seruiuit Reip. Venetæ Assessor, & Vicarius in præcipuis Veneti Imperij Urbibus, Patauio, Verona, Bergamo, Brixia, Rauenna: claruit tempore Alexandri Tartagni Forocorneliensis, seu Imolensis, qui honestissimam eius mentionem fecit in voluminibus consiliorum suorum: scripsit præter aliquot volumina Consiliorum etiam Historiam de bello Cenomano; & de rebus Venetorum suo tempore gestis, præcipueq. contra Philippum Vicecomitem Ducem Mediolani vsque ad sædus istum cum ipso Philippo, & Francisco Sforcia eius genere an. 1441. quem auctorem sæpe citat, & sequitur M. Antonius Sabellicus in historijs suis; cuiusq. Historia manu ipsius auctoris scripta apud perillustrem Equitē Claudium Pacium, & ipsum de rebus Arimini, patriæ suæ Historicum præclarum conseruatur. De eo Epitaphiū hoc legitur;

„ Angelo Pacio Ariminensi, I. C. peritissimo, publicis muneribus per omnes Venetas vrbes insignito, Historiæ Venetæ
„ diligentissimo scriptori, Filij quinque peritissimi posuerunt.
Vixit an. LXXXI. De eodem & filijs eius Vincentius Ruinus
in libro de laudibus patriæ an. 1532. Pisauri edito scripsit ad
„ hunc modum; His animi felicitate iungendus est Angelus
„ Pacius memoranda natorum corona circumseptus, nulla in

re à parente suo degenerantium; in quibus præcipue Io. Franciscus, & Bernardus paternam iuris scientiam cum laude sectati sunt. Mentionem quoq; fecit Hieronymus Rubeus in Historia Rauennate an. 1445. & Franciscus Sanfouinus de nobilioribus Italiæ ciuitatib⁹: & Ioānes Bonifacius, ciuis meus, Historiæ Taurisane lib. 12. Io. vero Franciscus ita institit vestigijs clarissimi I. C. parentis sui, vt & ipse fuerit Iudex, & Vicarius, Patauij, Veronæ, Brixie, Taurisi, Rauennæ, Bergomi; & ductis duabus vxoribus Patricijs Venetis, altera Magna, altera Bôdumeria, ius ciuitatis Venetæ sit consecutus; itidēq. Patauina, & Veronensis, vir omni laude cumulus. Parentis autem, & fratris gloriam non solum æquaturus, sed etiam superaturus esse videbatur Bernardus Pacius, vnus de Gymnassij nostri Doctoribus, si cum diutius viuere præpotens Deus permisisset. Nam, quod attinet ad gloriam militarem, in eadem familia insigniter floruit Marcus, qui Serenissimæ Reip. Venetæ egregiam operam nauauit, & pro ea diu militauit, singulariq. certamine sæpe victoriā reportauit: cuius in primis vigilantia, & virtuti non defunt, qui memoriæ tradiderint acceptam fuisse referendam captiuitatem Francisci Gonzagæ vltimi Mantuæ Marchionis factam nomine Venetorum an. 1509. quiq. fortissime, atq. animosissime arcem Lemniaci defendit; multūq. laborauit in defensione Patauij aduersus Maximilianum Imperatorem; vbi cum ad altiores dignitatis gradus altitudine animi, fide, omniq. virtute sibi aditum patefecisse videretur, morte præreptus est, & publico funere ornatus in templo Eremitarum, ac publica oratione laudatus. De eo sic Vincentius Ruinius; Sed quo Marcū Pacium numquam satis laudatum efferam præconio, pedestrium copiarum sub imperio Venetorum Ductorem fortissimum? qui natura agilis, & vigilantissimus præter alia gesta Mantuanū Principem captiuum fecit. De eodem Petrus Bēbus lib. 9. Historiæ Venetæ ad hunc modum; Marco etiam Ariminensi Centurioni Reip. Lemniaci qui erat, ad eamq. rem conficiendam (locutus supra fuerat de captiuitate Francisci Mantuani) & studio, & diligentia vsus fuerat; duæ auri libræ pensionis nomine annis item singulis, quoad viueret, constitutæ: auctusq. militum numerus ad alteros totidem.

Laude

De Gymn. Pat.

Laude itidem militari floruit Nicòlaus Pacius Marci frater, qui toto vitæ suæ tempore militauit partim sub vexillo Vene-
torum, partim sub illo Roberti Malatestæ, Magnifici nomina-
ti, Principis Arimini, quocum peditibus præfectus egregie
se gessit tunc, cum pro Sancta Ecclesia Romana, eiusq. Pasto-
re Sisto IV. contra Ducem Calabriae victoria est reportata.
Similiterq. arma exercuit honorificentissime pro Rep. Vene-
ta vna cum Marco fratre Augustinus, qui eius fuit, vt appel-
lant, Locumtenens. Nec parum in exercitatione armorum
laudatus est Angelus, ex Simone I. C. Marci etiam fratre or-
tus, Francisci Doctoris, & Equitis, Claudijq. Equitis, & Hi-
storici frater, qui Venetis quoq; diu seruiuit, fuitq. Locum-
tenens Comitis Herculis Rangonij, & Comitis Baptistæ
Martinengi in ductu Equitum Cataphractorum, & præfectus
ducentis peditibus, atq; adhibitus ad custodiã Piscariæ, alio-
rumq. oppidorum. Alij autem Legum Doctores qui fami-
liam Paciam Ariminensem collustrarunt, atq. collustrant, ex
quibus Cæsar Pacius superioribus mensibus in Doctoris insi-
gnibus consequens dissummum ingenium, summamq. do-
ctrinam ostendit, & cum maxima sua laude, ac prope incre-
dibili vniuersi Iurisconsultorum Collegij Patauini admira-
tione, dum quæstiones sibi propositas doctissime, ac disertissi-
me declarabat, argumentaq. contraria dissoluebat, est audi-
tus: & Equestres dignitates, quibus eadem familia adhuc ful-
get, Videlicet Melitæ, S. Mauritij, S. Iacobi, S. Stephani, hoc
in loco breuitatis causâ pluribus verbis non recensentur. si-
lentio tamen non est prætereundum, huius præstantissimæ
familia gentiles florere etiam Vicetia, vbi inter ceteros orti
sunt duo præstantissimi fratres, Iulius Pacius, qui nunc in
Germania rem adiuuat litterariam scriptor multorum ope-
rum in vtroque studio legum, atq. Philosophiæ: & Fabius Pa-
cius, qui nuper edidit luculentissimos Commentarios in ali-
quot Galeni libros Methodi medendi, egregius Medicus,
& litteris doctus Græcis, atq. Latinis, in eoq. sermone, quæ
sibi Etrusci nunc vindicant, poeta non contemnendus, cuius
ego scripta ita laudare Deo, vt melius non quæram.

De studio obtruncato, alijsq. condemnatis. Cap. VI.

1580 **E** Venit factum perquam miserabile, quòd, cum antea studiosi iuvenes maximam habere licentiam viderentur, ut qualibet de causa etiam leui ob aliquem ipsorum in carceres coniectum, vel arma ipsis denegata, vel aliquem aliū prætextum soliti essent gregatim profiteri cum tympanis, buccinis, vexillis vel in Ferrariense, vel in Bononiense Gymnasium se esse profecturos, & nudas Patauī Scholas relicturos, quod sæpe, ac sæpius fecerant: etiam eo ipso anno ob nescio quam causam collecti sunt seditiose, atq. armati ad urbis portas se contulerunt. Cumq. ad portam S. Crucis constitissent, & non modo Ferrariam conclamassent, verum etiam in quædam iustitiæ administrum impetum fecissent, cumq. ita vulnerassent, ut ex eiusmodi vulneribus paulo post è vita excesserit, portamq. ipsam occupasse viderentur: re tota à Præsidentibus ad Xuirum Senatum perscripta, statim responsum est, & mandatum, ut, qui deliquissent, omni diligentia conquirerentur, &, ubicumq; reperiri possent, caperentur, atq. in eos omnes, qui peccassent, vel saltem vnum de ipsis, sine ulla litterarum replicatione animaduerneretur. Quamobrem fecerunt illico Præsides, ut satellites sui eos insectarentur; à quibus aliquot pauci ad Montem Silicis inuenti, & comprehensi sunt, ac Patauī perducti: factaq. diligenti contra eos quaesitione, vnus omnium maxime vacillauit, & in dictis suis parum constitit, ita ut modo diceret facciperium, quod ipse habebat, & in quo pilæ minorum tormentorum militarium inuentæ sunt, suum esse, modo negaret, Petrus Raimundus ex oppido S. Martini, quod in agro est Mantuano; & ob eam titubationem ad mortem damnatus est: cui sententiæ cum Fredericus Cornelius tunc Patauī Episcopus velle obistere videretur, propterea quòd is sacris initiatus esset: lectis tamen litteris à Senatu Xuirum ea de re datis, quas Præsides ei attulerunt, conqueuit. Itaq; ille summo supplicio affectus est: octo carceribus in sex menses additi, posteaq. per septem annos in exilium pulsi sunt: duo, qui in Ecclesia capti fuerant, in Ecclesiam reducti; & Ecclesiæ restituti: vnus tantum absolutus. Quo terrore animis studiosorum iniecto factum est, ut licen-

De Gymn. Pat.

licentiam pristinam prorsus dimiserint, nec amplius ad tympana, ad buccinas, ad vexilla, ad exeundi, & abeundi professionem excitati sint, etiam oblatis grauib. occasionibus, & vel ipsis Vniuersitatum Rectoribus, & Prorektoribus, studio sisq. Nobilioribus, nedum inferioris ordinis iuuenibus male habitis, & tractatis: tantum valet iustitia quandoq; sæuiter administrata, & summum ius ad debita tempora adhibitum.

De horribili spectaculo, quod Studiofis Gymnasij Patauini contingit videre. Cap. VII.

1585 **S**Tudiofi iuuenes Gymnasij Patauini spectaculum per quam horribile viderūt, quod Patauij factum est propter crudelissimam eedem Virginie Acoranibonæ, mulieris venustissimæ, & ingeniosissimæ, atq. altissima mente præditæ; cuius maximum infortunium, facere non possum, quin hic recenseam. Vxor fuerat Francisci Pyreti ex Sisti V. Pontificis Max. fratre orti: cumq. is in Pōuicatu Gregorij XIII. de medio subtractus esset, post multas, magnasq. difficultates Paullo Iordano Vrsino, Duci Arcenni, nupserrat. Statim autem vt Sistus V. ad altissimum peruenit gradum Pontificatus, cum Paullus Iordanus, quamuis de cæde eius, qui modo nominatus est, Francisci Pyreti aliquantisper suspectus, ad pedes abiectus, omni coluit reuerentia, ab eoq. benigne exceptus est, huiusmodi prolatis verbis; Non pertinere ad Sistum V. vlisci iniurias Cardinali ex Monre Alto illatas: Iret igitur ab omni impetu securus: sed caueret in primis, ne in Ducatum suum exsules, & sicarios, sicut solitus erat, reciperet: alioqui pro comperto haberet, in se grauissime animaduersum iri. Quibus verbis aliquantulum perterritus in Venetiam Remp. sibi amicissimam cum vxore charissima, totaq. familia sua se recepit; ac Patauij per aliquot menses fuit; cumq. Saloum se contulisset, vt illius loci amœnitate perfrueretur, ibi è vita excessit, testamento vxori suæ relicto centum millibus numum aureorum; quæ summa cum ex eius bonis hauienda esset, orta controuersia de bonis mobilibus cum Ludouico Vrsino, agnato Paulli Iordani, militum in Rep. Veneta Tribuno, tuncq. ad Corcyræ custodiam designato; postu in vrbe Patauio, vbi ipsa domicilium elegerat prope templū Ere-

Eremitarum ad mœnia, à multitudine hominum armatorū domum per vim ingressorum ſcuiſſime, miſerrimeq. necata eſt vna cum Flaminio fratre ſuo, qui poſt mortem Ducis ad eam venerat conſolādā. nam alter eius frater, nomine Marcellus, natu maior, caſu ea nocte aberat, ita vt propter abſentiam ſuam interfici non potuerit. Et vero ſuſpectus fuit de ea cæde Ludouicus Vrſinus cum permultis ſicarijs, quos apud ſe perpetuo habebat: & nihilominus Patavij permanere auſus eſt, vnde commodè abire poterat, ſola auctoritate Vrſini nominis fretus; donec vnus de Aduocatis Reip. quos appellant Aduocatores, Aloyſius Bagradenus, propter facinoris atrocitatem miſſus, vna cum Præſidibus vrbis, Prætore, & Præfecto, cum per publicos adminiſtros vocauit, vt ſpatio vnus horū adeſſet; negantemq. ſe venturum, ac domi, vbi habitabat, contra omnem vim publicam ſe munientem, magnis tormentis militaribus (quod nouū, atq. admirabile fuit) maxima cum populi multitudine ad æris campani ſonitū congregata aggreſſus eſt ipſo die Natali Ieſu Chriſti, euerſaq. magna parte illius domus, quæ erat ad Di. Auguſtini, ab aurora, vſq; ad vigeliſimam primam diei horam obſeſſe, atq. oppugnata, necatiſq. tribus ex præcipuis comitibus eius, qui cum anteriori pariete diruto conciderunt, ſtatimq. obruncati ſunt, tandem aliquando ad deditiōem compulſi, alioqui vel ruinis ædium obruendum, vel, ſi egreſſus fuiſſet, vt facturus eſſe videbatur, atq. cum comitatu ſuo impetum feciſſet, à multis hominum millibus, qui eas ædes circumiuerant, trucidandum. Deditus igitur, in carcere, noctu, ita iubente Senatu, ſtrangulatus eſt, conſecto teſtamento, ac relictis armis ſuis Reip. Venetæ, quibus poſitis inter Xuirum arma illa verba ſubſcripta ſunt; A R M A à Ludouico Vrſino Reip. legata, ingenuum iuſtæ necis teſtimonium. Eius vero ſicarij ſeptem decim in plateis ſuſpendio vitam finiuerunt: alij mire excruciat, & in quattuor partes diſſecti: alij publicis tiremibus alligati: alij ad perpetuos carceres condemnati. Et Marcellus Acorābonæ frater, tamquàm vnus de coniuratis aduerſus Franciſcum Pyretum, à ſummo Pontifice poſtulat, atq. à Senatu traditus, cum in Pontificiam ditionem perduſus eſſet, ſummo ſupplicio affectus eſt.

De Gymn. Pat.

*De magno periculo cuiusdam Abbatis Studiosi, & summo supplicio
duorum eius comitum. Cap. VIII.*

1587 **I**n diebus Februarij M. Antonius Memmius Patauij Prætor insignem iustitiam administravit aduersus duos armatos homines cuiusdam nobilissimi Abbatis in hoc Gymnasio legum studiosi; qui & ipse maximo in periculo versatus est, inibi q. fuit, vt cum illis summo supplicio afficeretur: sed Ecclesiastica seruatus est dignitate, ita vt in ciuili foro de eo non licuerit iudicare. Cum enim uis nocturna illata fuisset in ædibus Pamphili Salicij Patauini cuidam adolescentulæ eius filix nothæ, nomine Cæcilix, quæ quidem egregie sonabat, & canebat, cuius rei causa ille tamquam amicus fuerat introductus, duobus, vt modo notaui, hominibus armatis comitatus; cumq. Pamphilus minoribus tormentis militaribus ad eum conterrendum displosis totus perterritus ad Prætorē confugisset, ac de graui iniuria conquestus esset; missis statim satellitibus ad eos comprehendendos, captoq. Abbate cum armatis, armisq. adinuentis, propter quæ Xuirum de creto pœna capitis proposita est, totam noctem ipse Prætor vigilauit cum Assessoribus suis, de quibus vnus erat Andreas Nicolius Rhodiginus, ciuis meus, ipsius Prætoris Vicarius, vt diligenter illius criminis faceret inquisitionem, habuit quæstionem in caput illorum, rem totam cognouit, prohibitori armorum inuentione, testimonijsq. conuictos ante lucem ad summum supplicium condemnauit, fecitq. vt mane maturo comites illi duo, quorum alter Hieronymus Bonfantius ex regione Mediolanensi, alter Franciscus Lealius Ariminensis nominabatur, laqueis suspenderentur, pendentibus ex eorum pedibus in furca illis minoribus tormentis militaribus, Abbateq. ad forum Ecclesiasticum dimisso, qui tamen ea de causa Romam missus, omni culpa in administratos collata, absolutus est. Insigne sine dubio exemplum, tum iustitiæ singularis, quæ nullam prorsus adhibuit tarditatem, moramq. iudicij: tum infortunij, quod quandoq. ferre comites, & administri solent, nimium, & plus nimio patronis suis obsequentes, ita vt ne agere quidem propter obsequium contra se quissimas legis minas vereantur: tum periculi, in quod interdum incidunt

dunt patroni, nimium sicarijs suis præfidentes. parum enim absuit, quin & in illū eodem modo animaduertetur. quod sine dubio effectum esset, nisi forum Ecclesiasticum fuisset impedimento. Iulius enim Vrbanus Episcopi Vicarius se opposuit, Abbatemq. in periculo capitis seruauit.

De Testamento Francisci Gasparini. Cap. I X.

1589 **F**RANCISCUS Gasparinus Patauinus, cum suam satis amplam hereditatem virginibus reliquisset & periculo amittendæ, propter paupertatem virginittis ereptis, quas Cite llas vulgo nominant, quasq. in domum ad hoc ædificandā recipi, suisq. bonis nutrirī mandauit, quoniam eius rei procurationem perpetuam esse cupiebāt, Gymnasiumq. Patauinum fore perpetuum cogitabat; iccirco, præter alios quosdam, testamento delegit procuratores suos duos primarios Iuris Interpretes, alterum matutinum, alterum vespertinū, duosq. primarios Artium explicatores, alterum itidem mane, alterum vespere profitentem, quicunque perpetuis temporibus ex successione in Gymnasio floruisent; quam procurationem præclarissime, ac diligentissime tractare cœperunt Angelus Matthæacius Eques, & Guidus Pancitolus, summi Iurisconsulti, Horatiusq. Augenius, atq. Alexander Massaria, summi Medici.

De Nicoletto Verniate Theatino, ciue Vicetino, Gymnasii Patauini Philosopho Primario. Cap. X.

Nicoletus Vernias Theatinus, Ciuis Vicetinus, Philosophus, & Medicus, cum primum locum teneret in Gymn. Patauino eam philosophiæ partem, quæ à Græcis Physice dicitur, profitendi, & crebro, vt fieri consuevit, disputandi, atq. acuendi ingenij gratia falsam illam, & ab omni veritate alienam opinionem Auertois de vnico intellectu argumentis cōfirmare tentasset, vsque adeo vt plebeijs, & minuti Philosophi, qui hebeti, & rudi ingenio contrariam opinionem, quamuis verissimam, defendere non poterant, dictarent, & in vulgus iactarent, eum totam pene Italiā in tam perniciosum errorem compulisse: volens occurrere rumori falso, qui ab inuidis, & maleuolis excitatus fuerat, & venenatum susurrum tol-

De Gymn. Pat.

lere, qui de eo in angulis fiebat, quòd Auerrois sententiam sequeretur; adductus cohortationibus Augustini Barbadici Venetiarum Principis, & Petri Barotij Patauij Episcopi, opusculum scripsit de immortalitate animæ, probans pro fide Catholica plures animas esse, & non vnā, atq. Auerroem maleficæ opinionis perfidum, & vanum auctorem certissimis argumentis refellens; & cum tertius, ac trigessimus annus ageretur suæ primariæ in Patauino Gymnasio, ac sine collega pfectionis, id peruulgauit, Dominicoq. Grimano S. R. E. Cardinali, atq. Aquileiensi Patriarchæ dicauit, cui Cardinalatū prædixerat, & à quo ei Sacerdotium Aquileiense promissum fuerat, si fieret Cardinalis, ita vt ipse speraret, quemadmodū in sua ad eum epistola scripsit, se non superphilosophi, sed Canonici titulo aliquando vsurum. Cuius opusculi consecutionem is, qui modo nominatus est, Petrus Barocius Episcopus Patauinus suis litteris datis XII. Kal. Sextiles 1499. est gratulatus, & editionem suāsit, vt, cum & disputando, & docendo vnum esse in omnibus intellectum sic explanasset, vt tota pene Italia per eum errare à maleuolis, & minutis philosophis diceretur, atq. si id non sensisset, fuisset tamen causa, cur alij ita sentirent, tandem aliquando intelligerent omnes, non solum eum sentire contrarium, sed etiam probare. Quamobrē edidit quæstiones de pluralitate intellectus contra falsam, & ab omni veritate remotam opinionem Auerrois, & de animæ felicitate. Atq. eiusdem exstat quæstio de grauibus, & leuibus simul edita cū superioribus de pluralitate intellectus: & duæ quæstiones, quæ leguntur in principijs commentationum Burlei in libros de Physico auditu, altera de partitione Philosophiæ Naturalis: altera de præstantia Medicinæ, quòd sit nobilior Iure Ciuili: & quæstio etiam, quæ legitur cum quæstionibus Marsilij de Inguen, & Alberti Saxonix in libros generationis, & corruptionis. Idem in epistola superius commemorata ad Dominicum Grimanum, Cardinalem, & Patriarcham professus est se commentationes in omnes Aristotelis libros elucubratum esse.

De morte Speronis Speronij. Cap. XI.

SPERO Speronius Patauinus, qui an. 1524. Philosophiam extraordinariam in hoc Gymnasio explicauerat, an. 1588. ex hac vita excessit, non tribus solis maximis rebus, quibus M. Cato, aut quinque, quibus P. Crassus Mutianus dicitur præstitisse, sed longe pluribus, sane summis, & præcipuis clarissimus; nobilitate patriæ: splendore familiæ: fortunarum amplitudine: corporis firmitate: ingenij præstantia: differendi ratione: Poetica: Rhetorica: scribendi excellentia: Sacræ Scripturæ, omnisq. antiquitatis cognitione: rerum futurarum prudenti quadam prædictione: Equestri dignitate: Principi consuetudine; quæ omnia de eo celebraui oratione habita in Ecclesia Cathedrali Nonis Iunii.

De Gratulatione habita ad Fridericum Cornelium Cardinalem.

Cap. XII.

1586 **F**RIDERICO Cornelio, qui Episcopatum Tragurinum, & Bergomatem administrauerat, ac Nicolao Ormaneto in Episcopatum Patauinum successerat, & an. 1585. à Sisto V. Pontifice Max. Cardinalis factus fuerat, nimirum quintus ex domo Gornelia, post Marcum, Franciscum, Andream, Aloysium: nomine vtriusq. Vniuersitatis tum studioforum Iuris, quam regebat Io. Franciscus Lombardus, tum studioforum Philosophiæ, ac Medicinæ, quam administrabat Iacobus Sauoianus, Cardinalatû est gratulatus doctissimus, & disertissimus Iuris vtriusque Doctor, Galeacius Bigolinus ea, quæ edita est, luculentissima oratione.

De aduentu Marci Cornelij ad Episcopatum Patauij. Cap. XIII.

1595 **A**Duenit Patauium nouus Episcopus, Marcus Cornelius; de quo cum plura possem scribere, quemadmodum oratione, quæ edita est, multa merito dixi: libet tantum breuitatis causâ hic adscribere elogium amici mei, Lucæ Resij Dalmatæ, Philosophi, Medici, & in Sacrosancto Patauino Theologorum Collegio Doctoris eodẽ anno peruulgatû. MARCVS CORNELIVS, Georgij amplissimi Senatoris Veneti F. cum maiorum suorum, Principum, & Cardina-

De Gymn. Pat.

dinaliū, tum sapientię, probitatisq. suę lumine illustrissimus, incredibili omnium gaudio designatus fuit Episcopus Patauī à Clemente VIII. Pontifice Max. in locum demortui Aloysii Cornelij VI. Kal. Nouembris: & coronatus XII. Kal. Ian. an. 1594. ætatis suę XXXVII.

Veronenſi Abbatia S. Zenonis multo ante potitus:

In vrbe gentium Principe Roma Tutelarī factus piissimę societatis Nominis Dei:

In clarissimas congregationes S. Catarinę, S. Marcelli, Indicis librorum prohibitorum coopatus.

In cuius aduentu, Thoma Mauroceno Prętore, Zachariaq. Contareno Equite, ac Pręfeto, à Sacerdotibus, & ciuibus Patauinis, celeberrimisq. Collegijs, ac vtraq; Gymnasii Vniuersitate, delecti fuerunt viri eloquentissimi ad habendas publicas gratulationes,

1 Pro Canonicis, & Sanctę Ecclesię Patauinę Capitulo excellentissimus, & admodum reuerendus Camillus Borromeus, I. V. D. Canonicus, Theologus:

2 Pro Magnifica Ciuitate excellentissimus Benedictus Doctorius Philosophus:

3 Pro Sacrosancto Collegio Theologorum excellentissimus, & admodum reuerendus Pater Hieronymus Pallantius, Theologię publicus explicator.

4 Pro celeberrimo Collegio Iurisconsultorum excellentissimus Franciscus Centonius Iuris Pontificij, & Cæsarei Doctor:

5 Pro clarissimo Collegio Philosophorum, & Medicorū excellentissimus Iacobus Pernumia Philosophus:

6 Pro magnifica Vniuersitate studioforum Iuris excellentissimus Claudius Curtius:

7 Pro magnifica Vniuersitate studioforum Philosophię, ac Medicinę excellentissimus Antonius Riccobonus, I. V. D. Humanitatis in Patauino Gymnasio Interpres:

8 Pro veneranda Parochorum Congregatione excellentissimus, & admodum reuerendus Antonius Zoncha, Iuris Pontificij professor;

Non desinentibus alijs summis oratoribus, clarissimisq. poetis maximas eius laudes celebrare; atq. inter ceteros.

9 Excellentissimo, & admodum reuerendo I. V. D. Galea-
cio Bigolino, cuius edita est in tam luculento argumento lu-
culentissima oratio eo sermone egregie conscripta, quem si-
bi Etrusci nunc vindicant: & excellentissimo, atq. admodum
reuerendo Cornelio Amaltheo, poeta eximio, in Amaltheo-
rum familia, tamquam in Musarum domicilio mirabiliter
florente.

Hęc ille. Itaque hæ omnes orationes habitæ sunt, maxi-
moq. honore ornatus est numquam satis honoratus Episco-
pus præstantissimus.

De Bacchanalibus spiritualibus. Cap. XIII.

N Vmquam studiosi iuuenes Gymnasii Patauini in diebus
Bacchanaliorum fuerūt minus dediti corporeis volupta-
tibus, magisq. intenti cultui diuino, quàm an. 1596. cum Bac-
chanalia Patauij propter diuinum hominem huic diœcesi di-
uinitus præpositum, Marcum Cornelium, non humana, sed
diuina, non adumbrata, sed vera celebrata sunt. Ac horum
quidem auctor fuit is, vnde nomen acceperūt, Bacchus, prius
Osiris nominatus, vineæ, & hederæ inuentor, primus hederæ
coronatus, primus triumphator, & diademate Regio insigni-
tus; in cuius honorem duo Bacchanaliorum genera celebra-
ri solita sunt; alterum die duodecimo mensis Anthesterionis,
seu Nouembris, nuncupatum Pythægia, quasi *πυθαῖα ἀνθή*,
id est, dolij apertio, quoniam dolia relinebant, & amicis po-
tum præbebant, quemadmodum hoc etiam tempore in die
facimus Di. Martini, scilicet vndecimo Nouembris, cū vno
tantum die à veteribus differamus: alterum circiter finem Fe-
bruarii, & principium Martij, desinente hyeme, & vere incē-
te, positum potissimum in delectatione harmoniæ, & rerum
ridicularum; cum Osiris fuerit cupidus risus, delectariq. soli-
tus sit musicis, & choreis; ideoq. secum habuisse dicatur
musicorum multitudinem, & inter eos nouem virgines adole-
scentulas, tum canere solitas, tum in alijs ab Apolline Musi-
co eruditas, & à Græcis Musas appellatas; satyrosq. præterea
ad risum, & animi remissionem, vt scriptum reliquit Diodo-
rus libro primo, etiam si paullatim postea in Bacchanalibus
creuerit licentia, adhibitiq. sint non solum scurræ, personati
homi-

De Gymn. Pat.

homines, histrones, saltatores, aliæ personæ ad delectationē accommodatæ, sed etiam turpissima quædam, commemorata à Varrone lib. xvi. rerum diuinarum, & à Di. Augustino lib. vij. de Ciuitate Dei, in Italię compitis, & in oppido Lauinio vsurpari solita; quæ turpiora sunt, quàm vt hic debeant recenferi. Verum per Bacchum, & Bacchanalja longe aliud intellexisse mystici scriptores videntur, quàm in vulgi consuetudine positum est: siquidem grauissimus omnium auctor Plato in Phædro de quattuor diuinis furoribus vnum tribuit Baccho, qui animum humanum ad mysteriorum cognitionem, Deiq. cultum conuertat. Et in Phædone per Bacchos intelligit eos, qui mysteria nouerunt, vbi ponit hæc verba, *οἱ τερψικόφοροι μὲν πολλοί: βαῖχαι δὲ γινώσκουσι*. In quod dictum facere non possum, quin hoc in loco ea notem, quæ scripsit ci-

- uis meus ad hunc modum; Quid his paucis verbis sanctius?
 „ quid Christianæ veritati magis consentaneum? Religionē,
 „ inquit, sanctitatem prætendunt quidem plures: sed quotus
 „ quisque culpationibus reclinatis, quas vitæ deprecatur casti-
 „ tas, scopum pertingit, aut induit perfectionem? passim quoq;
 „ vocantur omnes: electorum tamen mira paucitas; nemine
 „ non discum potius audiente, quàm vere philosophantem.
 „ Nam & Chrysostomus, Multi, inquit, Sacerdotes, & pauci
 „ Sacerdotes: multi nomine, & pauci re. Non omnis Sacerdos
 „ Sanctus: sed omnis Sanctus est Sacerdos. Non vestis tene-
 „ ra, vti est apud Hieronymum, Clericum facit, aut Sacerdotē:
 „ sed casta mentis intentio, humanæ proprietatis retinētissima,
 „ quæq. peccatorum proluuium prætextu nullo exēptum, pur-
 „ gatumq. eat. Hæc ille. Multi igitur sunt Narthecophori:
 „ pauci Bacchi. Narthecophori, id est, ferulam ferentes Baccho
 „ sacram. Bacchi, id est, veri Sacerdotes. Ante Platonem ve-
 „ ro Musæus dixit, mirum iustitiæ præmium perpetuam vide-
 „ ri ebrietatem. Cui respondere illud Propheticum videtur;
 „ Inebriabor ab vbertate domus tuæ; cum duplex sit ebrietas,
 „ quemadmodum duplex est potus; vnus quidem purissimus,
 „ nectareus nuncupatus, quo animi humani ebrij facti supra se
 „ dinina mysteria contemplando, fauente Baccho, extolluntur:
 „ alter turbidissimus, Lethæus appellatus, quo iidem ad obli-
 „ uionis ebrietatē perducuntur, & infra se, atq. extra se deiciū-

tur,

tur, ac distrahuntur. Ante Musæum autem Orpheus, cum à veteribus Theologis supra Mundum tres Principes excogitati sint; Deus, cuius propria est veritas: Mens, cuius proprius est ordo: Anima, cuius proprius est motus; quemadmodum hanc ipsam animam primam in Mundo, tamquam animali suo, regnantem Iouem appellauit: sic sub Iouis vniuersali prouidentia constitutam animæ mundanæ vegetam potentiam omnia viuificantem Bacchi prouidentiam nuncupauit. Idem glóborum cælestium animas ita constituit, vt singulis duas potentias tribuerit; vnā intelligendi sub nomine Bacchi; alteram corporis cælestis viuificandi, & regēdi sub nomine Musæ. Atque hæc mysteria optime pro sua sapientia nouit Antistes noster illustrissimus; qui vt Bacchanalia humana in Bacchanalia diuina egregie conuerteret, ac maiori cum fructu, animarumq. vtilitate id efficeret, quod sibi efficiendum proposuerat, primum à Clemente VIII. Pōtifice optimo, & Maximo Indulgentiam, quam plenariam appellant, pro die Dominico Bacchanaliorum sanctæ Quadragesimæ proximo impetravit. postea vero, vt, quantum fieri posset, occasione præriperet etiam cogitationum, nedum actionum Venerearum; septum fecit in media Ecclesia altitudine vnus hominis, quo mulieres à viris segregatæ continerentur, quodq. hac occasione factum in perpetuum continuabitur. Præterea, vt magis populum ad concursum inflammaret, totam Ecclesiam magna vi præclarissimorum peristromatum adornauit; atq. in choro eminentem, & auro, argentoq. ac gemmis magni procij onustam parauit, plurimorum luminum plenam, quam cum claustrum coniunctum erat, vbi ipse cum Clero, ac Præsidibus Vrbs, sapientibusq. Deputatis, & primarijs ciuibus permaneret. Acciuit quoque Venetijs, Veronaq. & Mediolano Musicos præcellentissimos, vocibus, & musicis instrumentis admirabiles, cornicinesq. atq. tubicines egregios, ad alliciendos animos populi vniuersi; non solum quia humanus. Bacchus in primis harmonia delectatus est: sed etiam quia mysticus Bacchus debet laudare Deum in chordis, & organo; atq. in posterioribus tribus Bacchanaliorum diebus rei diuinæ operam dedit mirifice cum honestissima omnium delectatione. In die enim Dominico ipse sanctissimum celebrauit

De Gymn. Pat.

Sacrificium: ac statim post cāntatum Euangelium in suggestum ascendens semihoræ spatio luculentissimam habuit concionem: posuitq. sacrosāctam Eucharistiam in locupletissimo tabernaculo per totum diem omnibus adorādam: postq. confectum sacrificium, quod excellens harmonia est comitata, primum Eucharistiam communicauit cum Præsidibus, & sapientibus Depuratis, ac patricijs primarijs Patauinis: deinde ad alteram Ecclesiæ partem se contulit, vbi paratum erat septum ad faciendam communionem; ibiq. Eucharistiam sua ipsius manu (quod fuit mirum in diebus Bacchanaliorum) quāmplurimis impertiuit circiter tria millia; cum in eadem Ecclesia ad alias aras alij Sacerdotes idem fecerint; & multi etiam propter magnam vim populi confluentis in suas se curias receperint, ipsamq. à suis curionibus Eucharistiam acceperint. A prandio autem in Ecclesiam pijsime reditum est: factæq. sunt cantiones, & musicorum instrumentorum cum vocibus consonæ modulationes: statimq. post eas Aloysius Syluaticus Archidiaconus de suggesto doctissime, ac disertissime per semihoram est concionatus: rursusq. Musicorū cāntus, & tonus cælestem suis numeris harmoniā expressit: inde secuta est præclarissima Camilli Borromei Canonici cōcio: denique Augustinus Gradonicus Abbas, & Canonicus suam & ipse habuit egregiam concionem. In die vero Lunæ, cum Aloysius Syluaticus Archidiaconus sanctissimum Sacrificiū celebrasset, post recitatum Euangelium celeberrimus Concionator, Marcellus Tolosa ordinis Clericorum Regulariū, in suggesto ad concionandum aggressus publicum certamen Sancto Spiritu ductum ante oculos prope innumerabilium auditorum subiecit sapientissime, atq. elegātissime: posteaq. sacrum confectum est: ac sacrosācta Eucharistia collocata per totum diem adoranda; vt superiori etiam proximo die factum fuerat. Post prandium vero pulcherrima interiecta vocum, instrumentorumq. musicorū modulatione habiti sūt tres ornatissimi sermones Ecclesiastici; primus à Francisco Biliroto Canonico: alter à Ioanne Bellonio itidem Canonico: tertius à Camillo Peltrario, Priore S. Leonardi. Postremo in die Martis Aloysius Pontius Primicerius sacrum celebravit: ac post Euangelij recitationem Antonius Barisonius

Rector

Reſtor Ieſuitarum præclare concionatus eſt; etiam ſi tam vehementi, atq. inflammato ſtudio ſe geſſerit, tantaq. animi, & corporis contentione laborauerit, vt poſt priorem concionis partem, vltius progredi non potuerit, atq. in ipſo ſuggeſto deſecerit, vnde manibus, & pedibus in lectum eſt comportatus. Nec mirum, ſi in his Bacchanalibus diuinis aliquis deſecerit: cum in Bacchanalibus humanis, & publicis certaminibus aliquorum sæpe vulnera, & cædes conſpiciantur. Conſecto autem ſacro Sanctiſſima Euchariftia in loco conſueto poſita eſt: & poſt prandium ſimiliter duo doctiſſimi, & eloquentiſſimi Ieſuitæ, interiectis quoq; cantibus, & ſonis iucundiſſimis, ſermocinati ſunt peregre. Deinceps vero religioſiſſimus Episcopos Sacroſanctam Euchariftiam cum magna populi multitudine circum Eccleſiam tulit, comitatus ab vniuerſo Clero cum cereis accenſis in manibus ſingulorum Canonikorū, aliorūq. Sacerdotum, & ab illuſtriſſimis Præſidibus, Thoma Mauroceno Prætorē, & Zacharia Contareno Equite, ac Præſecto, ſapientibuſq. Deputatis, qui vmbellam ferebant, magnoq. numero nobilium Patauinorum. Cumq. in Eccleſiam reuerſus eſſet, poſt habitas exquisitas cantiones, atq. modulationes, cum ſanctiſſima in manibus ſuis Ecchariſtia benedixit populo vniuerſo, eamq. in ſuo loco repoſuit. Itaq; Bacchanalia diuina ſunt perfecta, & absoluta; in quæ tametiſi Episcopos ipſe illuſtriſſimus ad faciendos apparatus, & Muſicos conducendos, atq. honorandos pluſquàm ſeptingentos numos aureos dicitur impendiſſe: læto tamen animo impendit, quippe qui nulli impenſæ ſibi parcendum duxerat, vt animas lucrificeret, & ſanctiſſima inſtitueret Bacchanalia; quemadmodum fecit, tanta populi frequentia, vt nulla vquam maior in Eccleſia Cathedrali conſpecta fuerit; tãtoq. ſuo, & omnium bonorum gaudio, vt nullum maius inueniri poſſe videatur; cum illud extitit admirabile, ac prope incredibile, vt qui populus varijs gentibus miſtus, & nationibus, plenuſq. iuuenum externorum his præcipue temporibus feruore iuuentutis vtentium quotannis ſolet omne delectationis genus conſectari, tripudia, ludos publicos, certamina, comœdias, conuiuiâ, perſonatorum hominum iucunditatem, aliaq. id genus quàmplurima, hoc anno in ipſis Bacchanalio-

De Gymn. Pat.

rum diebus totus pius fuerit, nullaq. in eo vestigia apparere
rint ineptiarum, non sine magna multorum dubitatione, ne
consilium, quod Episcopo acciderat, in tam prauis nostri sæ-
culi moribus posset ad effectum perducī, sed tamen felicissi-
mo exitu, & omnibus ex voto progressis ad honorem, & glo-
riam Dei Patris, Dei Filij, Dei Spiritus Sancti.

*De mæore Gymnasij Patavini propter grauissimum casum Helisabete
Polcenigæ. Cap. XV.*

1596 **V**Niuerſum Gymnaſium lacrymas effudit in acerbita-
te mor-tis, quam oppetiit, aquis obruta femina perit-
luſtris, pulchritudine eximia, pietateq. prope ſingulari, ætate
vnius, & viginti annorum, Helisabeta Polceniga, parentibus
nata illuſtribus, Chriſtophoro, Comite Polcenigi, Aemiliaq.
Brandolinia; quæ quidem ex Brandolino orta Brandolinio,
Comite Vallis S. Mariæ, ac Duſtore Equitum Cataphraſto-
rum Reip. Venetæ, cum poſt obitum prioris viri ad ſecundas
nuptias cum Benediſto Triuiſano Patavino Equite contra-
ctas nobiliter tranſuiſſet, filiam apud ſe habebat heredem pa-
ternorum bonorum circiter duo, ac viginti millia numorum
aureorum, nuptamq. Andree Minutio Serauallenti Equiti,
viri religioſiſſimi, Minutij, Iadræ Archiepiſcopi, fratri, ac ſan-
ctiſſimi quadraginta dierum ieiunij tempore arcuato veſta
curru cum filia Helisabeta, nepte Aemilia ex ipſa Helisabe-
ta, ancillisq. quattuor, poſteaquàm auguſtiſſimum Di. Augu-
ſtini templum pijsſime inuiſit, preceſq. ad Deum pijsſimas ha-
buit, dum ſecundum flumen Medoacum domum reuehere-
tur, equis aurigæ imprudentia in furorem verſis, & ab ipſo au-
riga dimiſſis, de curru cum ipſa nepte, vnaq. de ancillis pro-
ſiliit, ac relinquere impeditam filiam cum reliquis ancillis ne-
ceſſe habuit, vixq. ſe ſeruauit: curruq. cum maximo impetu
in rapidum flumen protracto, duabusq. ancillis ægre à peri-
culo liberatis, ac tertia cū duobus furioſis equis flumine mer-
ſa, Helisabeta, quæ iam ſex meſes grauida, vt ſpem illam, q̃
in aluo à viro commendatam continebat, ſeruaret, de curru
exire non niſi in ipſo flumine potuerat, ancillæq. ad rotam ap-
plicatæ adhæſerat, propter infortunatum filium in ventre gra-
uiter commotum, & in illo matris horrore miſere ante nati-
uita-

uitatem mortuum, ab ancillæ collo disiuncta fluctibus miser
rime demersa est, cum iactura etiam preciosissimarum, qui-
bus ornata erat, gemmarum: mœroreque vniuersi Gym. atq.
vniuersæ ciuitatis, quæ tam acerba morte mirum in modum
cum Equite, viro eius, condoluit.

*De morte eiusdem Gymnasi propter mortem Hieronymi Suriani,
Præfeti Patauij. Cap. XVI.*

Eodem anno diem suum obiit vnus de Patauij Præsibus,
Hieronymus Surianus, Præfectus; incredibile sui deside-
rium relinquens, cum Patauij vniuerso, quod felicissime ab
eo vna cum præstantissimo Prætor, Friderico Rhenerio gu-
bernabatur: tum Patauij præcipuæ parti, publico Gymnasio,
cuius per eum pristinus nitor, & dignitas restituebatur; Do-
ctores, & studiosi omnes fouebantur, adiuuabantur, honora-
bantur; iura integra conseruabantur. In fidem igitur, & clien-
telam tanti viri receptum non poterat non eius obitu incredi-
biliter dolere; cumque vtraque Vniuersitas tum studiosorum Iu-
ris, tum studiosorum Philosophiæ, ac Medicinæ summi mœ-
roris significatione daret, & summo opere expeteret, ut omne
grati animi officium ei mortuo præstaretur, qui viuus diuinis,
atque immortalibus laudibus, atque honoribus se dignum osten-
derat, & non solum rebus, sed etiam verbis eius diuinis, atque
immortalibus meritis, quantum fieri posset, satisficeret: dum
multi me rogarent, ut eum in funere pro virum meorum mo-
dulo exornarem, & in primis Vniuersitas nostra, quæ ut alte-
ra Prætor, sic ipsa Præfectum præcipuum habet Tutelaræ,
etiam Fridericus Rhenerius Prætor à me petijt, ut id muneris
obirem, remque gratam Serenissimo Principi, atque Illustrissi-
mo Senatui me facturum affirmauit. Quamobrem ego mu-
nus mihi delatum non recusavi; tantumque eo sum aliquantif-
per perturbatus, quod mihi speciatim mandatum est, ut ea lin-
gua orationem haberem, qua nunc Itali vtuntur, non Latina,
quam multo magis exercui. nam quamuis & ipse in ea lingua
ornanda, quæ nostra est, quam à natura arripuimus, à nutrice
hausimus, in cunis cum lacte ebibimus, non nihil aliquando
studij posuerim, atque alijs multis, ut idem facerent, auctor fue-
rim: tamen mihi magis placuit Latinam linguam sequi, quã

De Gymn. Pat.

tot sæcula fouerunt, tamquàm latius patentem, & comparandę glorię magis accōmodatam. Sed cogitauī posse vtrumq; effici, vt & Latine scriberem orationem, & Italice recitarem, atq. hoc modo & pristinum institutum meum retinerem, & patrono meo gratificarer. Itaq; hęc, quę sequitur, Latine scriptam Italice habui, expressis in vtraq; mea actione rationibus tum Latinę, tum Italicę locutionis.

In Obitu Hieronymi Suriani, Præfati Patauij oratio.

CVM antea, viri Patauini, multa extincta sydera huius cæli vestri defleuerim: nūc mihi potissimū lugendū est, q̃ vnū de duob⁹ Patauij luminibus, quasi vnus de duob⁹ oculis hui⁹ ciuitatis, Hieronymus Surianus Præfatus, defecerit; eoq; magis, quòd alterum lumen, & alter oculus, Fridericus Rhenerius Prætor, tam charo, tam iucundo, tam excelso amico suo priuatus minus quodammodo vigere videatur. Aliquam tamen censeo capiendam esse consolationem, eoq. maiorem, quòd vir illustrissimus miseriis huius vitę liberatus, in extrema iam ætate, posteaquàm diu fructum, voluptatemq. percepit ex Serenissimę patrię splendore, ex illustrissimę familię claritate, ex ijs honoribus, qui suę bonitati, præstantięq. conueniebant, sanctissima morte suā plus consecutus esse boni, quā mali existimetur. De quo cum tu Prætor illustrissime, vna cum Sapientibus constitutis ad vtilia Patauinę ciuitatis, & vniuerso Gymnasio Patauino, mihi mandaueris, vt ad leuandam aliqua ex parte acerbitatem doloris bona non nulla cōmemorem singularia, quibus ipse cum in hac vita felicissimus reddebatur, tum post mortem communi omnium opinione in cælum beatissime elatus esse creditur, quę verę consolationis vera existit causa; lingua vtens tot gentibus, & nationibus in Patauino Gymnasio, tamquàm in amplissimo disciplinarum omnium mercatu, florentibus maxime accomodata: quę non vnius Italię exiguis sane finibus terminatur, sed in omnibus terrarum partibus intelligitur, & trans Alpes, atq. trans maria in omnes prouincias, & ad sola terrarum vltima defertur; vt hūc virum celeberrimum exornem, & merito exornem, satis esse posse mihi videtur, si eum fuisse vnum de principibus senatoribus Reip. Venetę, nobilissimā pro-

propaginem familiæ Surianę, summa bonitate, ac præstantia præditum, quæ nimirum ipsum maioribus omnibus illius inclytæ ciuitatis honoribus dignum reddebat, quàm breuissime dixero. Cumq. nomino Remp. Venetam, eam dico, quæ cum christiana, & libera orta sit, semper christiana, & libera est conseruata nulla alia de causa, nisi quia ab hominibus gubernetur vere natis ad gubernandum, non ferro, aut ære, nec argento, sed obryzo auro permittis: cum egregie scriptum reliquerit summus philosophorum Plato, Iouem Opt. Max. homines formantem in ijs quidem, qui populos recturi sunt, aurum commiscere: in ijs vero, qui alios defensori, argentum, quales milites fortes, ac fideles existunt: in ijs autem, qui artes operosas tractaturi, atq. humanis corporibus seruituri, æs, ac ferrum; illud nimirum significans, ex diuina providentia non nullos oriri ad has, uel illas artes idoneos: quosdam nasci præditos fortitudine, atq. fidelitate, virtutibus militaribus commodum, & dignitatem publicam custodientibus: alios produci ad publicas administrationes aptos, & in publicis muneribus excellentes, quippe qui aliis prudentiores, & iustiores existant, iisq. virtutibus ornatiores, quæ in Patriciis Venetis tam insigniter splendent: ita ut mirandum nequaquam sit, Remp. tam prudentem, tam equam, tam piam, & religiosam, omniq. uirtute ornatam, tam diu à præpotenti Deo fuisse incolumem, florentemq. conseruatam, imperiiq. longitudine non modo Atheniensium, Lacedæmoniorum, Carthaginiensium, Romanorum, aliorum Resp. superasse: uerum etiam communi sapientiorum hominum iudicio perpetuâ, sempiternamq. fore; de quo felici imperio Venetorum idem uere possumus affirmare, quod Theopompus Rex tunc dixit, cum Ephoris, qui erant ueluti Tribuni pl. potentia Regi obiecti, ad temperandam Spartanam Remp. introductis, dum id Regina eius vxor maxime reprehenderet, ac multo debilius, multoq. humilius Regnum filiis, quàm ipse accepisset, relictum iri argumentaretur, sapientissime respondit, Eò certe maius, quò diuturnius; quod nos quoque de imperio Veneto iure optimo possumus asseuerare, Quò diuturnius, eò certe maius. In qua optima Rep. inter tam multas nobilissimas, atq. illustrissimas familias nobilissime, atq. illustrissime semper

De Gymn. Pat.

per claruit familia Suriana, originem trahens, ut uetera litterarum monumenta testantur, à Principibus illis, & Heroibus occidentalibus, qui anno supra millesimum nonagesimo nono ad recuperandam Hierosolymam, Petri Eremitæ, Urbaniq. Pontificis Max. temporibus expeditionem susceperunt, Duce Gothifredo Balionio, & Lotharingio, qui eo anno Rex primus Hierosolymitanus est salutatus. Cum enim Gothifredo in illud Regnum successisset primum Baldoinus primus, deinde Baldoinus secundus, permultos annos huius frater nomine Manasses in urbe TYRO regnavit, corrupto uocabulo dicta SYRO, & SVRO, unde SVRIANI sunt nominati, retento Insigni, quod satis coniunctionem Surianorum cum illis Principibus, & Heroibus declarat, nimirum aurea cruce in argenteo campo ex ueteri consuetudine Regum Hierosolymitanorum, quod quidem integrum domus Lotharingia adhuc retinet, quodq. Suriani post amissum Regnum Hierosolymitanum, cum Guidus Manassis filius Lusinianus primum in urbem Ptolemaidem, deinde in insulam Cyprum se recepit, aliquantisper mutarunt, colore aureo in nigrum cōuerso. Iacobus autem Guidi pronepos, Friderici nepos, Ioānis filius eius, quem primum appellatum fuisse Surianum memorant, translato Venerias rerum suarum domicilio, iure Venetæ Nobilitatis primus donatus est, anno nonagesimo nono supra millesimum, & centesimum, propterea quòd eius maiores fidei Christianæ, Reiq. publicæ Venetæ insigniter serui uissent. Iam uero in hac nobilissima, & illustrissima familia per longum esset recensere, posteaquàm in Venetam Nobilitatem est cooptata, quot Heroes enituerint omni uirtute præstantissimi omniq. laude tum belli, tum pacis ornatisimi. Verum in hac semihora, quæ mihi ad dicendum datur, quinque tantum modo sat habeo commemorare magna famæ claritate illucētes, Iacobū, Antonios duos, Michaelē, Augustinū, ac præterea octo Augustini filios sine dubio celebratissimos, Bernardum, Aloysium, Iacobum, Nicolaum, Hermolaum, Angelum, Georgium, atq. eum, de quo nunc præcipue loquimur, Hieronymum, omnes præstantissimos, omnes præclarissimos, omnes dignissimos, qui ab eloquentioribus oratoribus illustrentur, à clarioribus Historicis describantur, à cele-

celeberrimis poetis decantetur, qui singuli pro integro uolu-
mine, nedum pro minima orationis parte satis esse queunt; ic-
circoq. plerasque, quas ipsi merentur, laudes in alium com-
modiorē locum, aliudq. opportunius tempus reseruabo; &
dicam solummodo quāmbreuiissime, Iacobum summum Eq-
tatus Imperatorem, quo tempore à Venetis Vicetia recupera-
ta est, circiter annos Christi mille quadringentos quattuor, in
eo munere obeundo egregiam operam nauasse; hostilem q.
Carrariensium exercitum, qui magno eam urbem numero
summo opere perturbabat, præstantissime fuisse; posteaq. Ve-
ronam, Feltriam, Ciuidale Bellunianum, Coloniam, Bassia-
num recepisse. Dicam Antonium primum fuisse Monachū
Certusiensem in S. Andreae monasterio, quod in litore Vene-
to reperitur: deinde Patriarcham Venetiarum, electum an.
1504. omnis probitatis, & sanctitatis specimen, & exemplar,
omnibus communiter tum publice, tum priuatim charum,
atq. iucundum. Dicam alterum Antonium Doctorem, & E-
quitem virum fuisse singularem, singulariq. præstantia prædi-
tum, adhibita peregrinie ad multa publica munera obeunda,
multaq. legationes administrandas apud Remp. Florentinā,
apud Mediolani Ducem, apud Britannię, & Pannoniæ Re-
ges, apud Clementem VII. Pontificem Max. qui quidē vna
cum Sebastiano Fuscarenō, Doctore itidem, atque Equite,
Gymn. Patauini gerens moderationem, anno quadagesimo
tertio supra millesimum, & quingēresimum, viris præclarissi-
mis, qui eo tempore Patauio præsidebant, Io. Andreae Badua-
rio, Philippoq. Throno Præfecto mandauit, vt nobilem pu-
blicarum scholarum inciperent fabricam, tunc cum macellū
versus ianua est adornata, quemadmodum elegans eius inscri-
ptio declarat. Dicam Michaelē Equitem, Antonij Docto-
ris, & Equitis filium, virum doctissimum, & disertissimum,
non modo patri æqualem, sed illo etiam superiorē post egre-
gia data documenta illustrissimarum virtutum in multis gra-
uioribus magistratibus, præcipuisq. Legationibus, & grauif-
sima pertractata negotia, felicissimeq. confecta cum maiori-
bus Europę Principibus; cum Ferdinando Romanorum Re-
ge, Caroli V. Imperatoris fratre, ac successore: cum Philippo
Hispaniæ Rege, qui tunc ob connubium cum Regina Maria

De Gymn. Pat.

contractum in Britannia erat: cum Francisco II. Gallie Rege: cum Pio V. Pont. Max. & sapientissimo, admirabili tandem prudentia, ac prope incredibili moderatione vnus potuit Romæ inter Pium V. summum Pont. Philippum Catholicū Regem potentissimum, Serenissimamq. Remp. Venetam sanctissimam fœderationem conficere, tam vtilem, & salutarē, vt per eam tæterrimi Turcarum Tyranni, Selymi Ottomanī audacia, ferociaq. anno septuagesimo primo supra millesimum, & quingenresimum, die sanctissimo Di. Iustinæ repotata memorabili victoria Naupaſtea, fuerit mirabiliter frenata, atq. depressa. Dicam Augustinum, præter alias multas dignitates in Rep. recte administratas, atq. inter ceteras præclaram Præfecturam in Regno Cretensi gestā, vbi maximo suæ præstantiæ relicto desiderio vitam cum morte commutauit; inter quàm plurimas laudes suas ea in primis gloriari potuisse, quòd octo filios suscepit Reip. longe vtilissimos. In quibus Bernardus quidem præcipuos adeptus honores, qui præstantioribus iuuenibus deferri in Rep. consueuerunt, cum ad uitam Ecclesiasticam, cultūq. diuinum animum appulisset, Corcyræ Archiep. à Gregorio XIII. Pont. Opt. & Max. in locū demortui Archiepisc. Antonij Cauchi electus est; quam Cathedralam Archiepiscopalem cum maxima sua laude, ac prope incredibili vniuersi illius Archiepiscopatus felicitate annos tenuit quattuordecim; Visitatorq. Apostolicus Magnæ Græciæ declaratus est, cum celebri fama adipiscendi in prima promotione Cardinalatus, nisi acerba eum mors præripuisset. Aloysius autem multis magistratibus præclarissime gestis, vt prudenti consilio, eloquentiaq. sua Remp. adiuuaret, in Senatorum numerum est cooptatus. Iacobus vero (q. vir, Deus immortalis) incredibili sua cum laude fuit, vt appellant, sapiens ordinum: fuit sæpenumero sapiens continentis orā: fuit Legatus ad Ducem Ferrarię: fuit Legatus ad eum, à quo Eques est creatus, Carolum IX. Regem Gallie Christianissimum: fuit in numero sapientum excelsi Collegij: fuit inter Senatores excellentissimi Xuirum Senatus: fuit Prætor Vicetiæ anno ipso Senatorio: fuit Gymnasij Patauini Moderator: denique tunc maxime cum ad Regem Catholicum extraordinarius Legatus delectus est, totus addictus cultui diuino,

uino, in sanctissimam, & sanctissimi exempli Religionem Reuerendorum Patrum Theatinorum nomen cum dedisset, decem annorum spatio, quos apud celeberrimos illos patres vixit, sanctimonia vitæ, præclaroq. exemplo non minorem asserere vtilitatem studuit, quàm consilio, & eloquentia Reip. attulisset. Præterea numquam satis laudatus Nicolaus, de quo nihil tam amplum dici potest, quod excellentibus eius meritis inferius non existat, cum annos quattuor, & quadraginta Reip. seruiuisset peregre, muneraq. præcipua maritimæ administrasset, sinui Adriatico Præfectus, bisq. factus classis Imperator, quem Prouisorem Generalem appellant: sæpe, ac sapius pro Reip. incolumitate se summis periculis obiecit, multasq. graues pugnas suscepit, atq. in ijs semper victor, semperq. extitit gloriosus cum magna terribilium Christiani nominis hostium internecione, sanguinisq. effusione; vnde in patriam reuersus in excellentissimum Xuirum Consilium est receptus, atq. in eo admirabilem prudentiam, summamq. sapientiam ostendit. Similiter Hermolaus habitus est prudentissimus, & ob id in Rep. multis dignitatis gradibus fuit honoratus. Angelus quoque cum ad publicum in mari munus obeundum se peridoneum esse non semel ostendisset, ac in superiori proximo bello Turcico Triremi Præfectus esset; ita vtilem, & generosum se præbuit, vt eius in primis opera, sane egregia, & præclara classis Veneta vteretur ad recognoscendas hostium regiones, & explorandam classem Ottomanam, eumq. ad difficiliora, magisq. ardua negotia adhiberet. Ac Georgius etiam præstantissimus existimatus, & propter præstantiam suam ad dignitates adhiberi cæptus non parum in Rep. existimationis, in altioribus sine dubio gradibus fuisset collocatus, nisi apud Equitem fratrem suum in Legatione Galliæ morte immatura subtraçtus esset. Denique Hieronymus, qui octo præstantissimorum fratrum quintus fuit, non solum patre generosissimo, sed etiam matre præstantissima, & matrona lectissima, Clara Delphinia natus, cum semper patriæ suæ nobilitati, & familiæ claritati mirifice respondisset; congruenter externis bonis, diuitijsq. ornatus, quæ in eo vere erant diuitiæ, tantum ad gerendas res maxime splendidas adhibuit, cum diuitiæ ex doctissimorum hominum sen-

De Gymn. Pat.

rentia magis in vtendo, quàm possidendo consistant, siquidē definiūtur actus, & vsus rerū: cōgruenti corporis statura: facie ingenua, & amabili: vultu hilari: voce improbis truculenta, probis iucunda: gestu non minus humano, quàm graui: adspēctū virili: natura, & ingenio adeo libero, vt nullius vīquam grauitatem, potentiamq. vtilitati publicē antefereat: postea quàm eas artes perdidicit, quæ ad Remp. pertinent optime ad ministrandam, in primisq. eas, quæ in vsu maris plurimum valere existimantur, sphæram, nauigandi artem, Geographiam, Hydrographiam, Anemographiam, aliasq. Mathematicas disciplines, quarum in primis peritus extitit: omni uirtutum genere se præstantissimum ostendit, atq. adeo dignissimum declarauit, qui maiores omnes Reip. honores gradatim assequeretur. Etenim, cum virtutes partim ad intelligendum, partim ad agendum referantur, prioribus quidem omnibus, maxime vero prudentia valuit, ea nimirum excellenti virtute, quæ omnem continet rectam rationem, ita vt cum virtus nulla sine recta existat ratione, oporteat omnem virtutem aut prudentiam esse, vt Socrates censuit, aut non sine prudentia, vt Aristoteles existimauit. posteriores autem omnes mire tenuit, mire exercuit, mire adhibuit ad omnem actionem suam perficiendam. Cumq. tam verum sit, quàm quod verissimum, qui in Ethicis excellit; etiam in Oeconomicis, & Politicis posse excellere, non solum in actionibus moralibus, sed etiam in domesticis, & publicis se omnibus partibus absolutum, omnibusq. numeris perfectum præbuit. Vt mirum non sit cum facillime ad multos dignitatis gradus peruenisse, egregieq. in illis se gessisse; cum fuerit Trierarchus ad Regnum Cypri custodiendum: Præses Marani: vnus de iis, quos X. sapientes appellant: Præses Iitria: in superiori proximo bello Turcico Præfectus Triremi: anno, qui bellum Turcicum secutus est, Præfectus Quinqueremi: perpetuus Senator: X. uirum Princeps: quinquies Consiliarius: octies sapiens Magnus: Præfectus Patauī. O uirum in muneribus publicis obeundis numquam defessum, omnium vocibus, ac litteris celebrandum. In quibus administrationibus si recensere omnia uellem, quæ ipse gesserit, omnium confessione præclarissima, omniq. laude dignissima; dies, vox, latera me deficerent; faciliusq. cæli
stellas

stellas numerando percenserem, quàm illa singula enumerarem. Idcircoq. satis esse debet, me ea generatim, strictimq. complexum fuisse, potiusq. nutu significasse, quàm re vera expressisse. Cuius bonitas, præstantia, virtutes omnes ita omnibus in vrbe Patauio notæ, ita claræ sunt, vt obscuritate orationis meæ minime indigere videantur; vbi cognitus est mirabiliter prudentissimus: vbi solertissimus: vbi æquissimus, & integerrimus: vbi clementissimus, & mansuetissimus: vbi erga omnes benignissimus, atq. officiosissimus: vbi summus Patauinorum amicus, & Patronus: vbi iuuenum bonis artibus ditorum amantissimus, & studiosissimus: vbi magnanimus, animosus, constans, moderatus: vbi, vt vno verbo cõplectar, absolutissimus. De quo si, quemadmodum oporteret, loqui vellem, numquam dicendi finem facerem, vestraq. patientia abuterer, qui rerum uobis notissimarum, atq. exploratissimarum longiore commemoratione non indigeris: ideoq. si ex huius maris amplitudine me in portum recepero, atq. orationis meæ vela complicauero, excusatione dignus videri debeo. Non sine causa igitur Serenissimus Venetiarum Princeps, Excellentissimus Senatus, vniuersaque illa Serenissima Respub. magnum cepit dolorem ob iacturam in tanto, tamque celebri factam senatore. Non sine causa tu, Prætor illustrissime, vna cum clarissimis Quæstoribus, tãti amici, & in hac publica administratione socii vestri excessu mirum in modum doles. Non sine causa vos, Sapientes assignati ad vtilia huius ipsius ciuitatis, quam totam auctoritate vestra merito repræsentatis, ob tanti uestri amici, & patroni extinctionem prorsus mœsti, omniq. consolatione destituti estis. Non sine causa vniuersum Gymnasium Patauinum conqueritur, & lamentatur, quòd tam potens, tamq. benignus defensor, ac Tutelaris suus ex hac uita excesserit. Non sine causa ciuitas vniuersa in tanta acerbitate plurimum effundit lacrymarum: omnes pauperes suspirant: omnes diuites pleni sunt mœroris: omnes homines tum magni, tum parui, tum medio cres signa edunt mœstitiæ: nemoq. est cuiuslibet generis, atq. conditionis, cui boni huius privatio grauis nō videatur. Quorsum tamen lacrymæ? quorsum suspiria? quorsum lamentationes, si nequaquam profunt? si conuersionibus globorum cœlestium

De Gymn. Pat.

lestium, qui aduersus voluntates nostras conuertuntur, obfisti non potest? si ita præpotenti Deo placuit, vt hoc ipso bono priuaremur? si, quantum nostra causa dolemus, tantum eius ipsius causa gaudere debemus, quòd, posteaquàm quinque, ac sexaginta annos christiane uixit, etiam christiane mortuus sit, feliciterq. in cælum penetrauerit, relictis ex præstantissima vxore Marieta, Marci Zeni summi Senatoris filia, summe expectationis filiis, Marco, Nicolao, Iacobo, iuuenibus ad imitationem præstantissimorum maiorum, & ad summam gloriam natis? Quamobrem, illustrissime Prætor, Magnificentissimi Sapientes, ornatissimi Auditores, simul omnes consolationem percipiamus: in eius voluntate, cuius nutu cælum, terra, mariaq. reguntur, conquiescamus: Hieronymi Suriani mœstissimos filios, & propinquos, iustissimoq. mœrore cōsecratos, quantum possumus, consolemur: eius memoriam bene uolentia perpetua, atq. obseruantia colamus sempiterna. Habita in Cathedrali Ecclesia XI. Kal. Octobris, M. D. XCVI.

De oratore ex Gymnasio Patauino Venetias accersito ad Laurentium Laurentum Episcopum Adriæ in funere exornandum Cap. XVII.

L Laurentius Lauretus, Adriæ Antistes, cupiens dignitatem honorari Episcopalem, quam gesserat quàm dignissime, opinionemq. habens de Gymnasio Patauino excellentem, ut nihil hinc nisi perfectum ingenio, elaboratum industria, posset proficisci, cum laboraret incommoda valetudine, ac testamentum faceret, heredibus suis, Reuerendis Patribus Carmelitanis Venetis, ac Procuratoribus testamentariis, clarissimis Patriciis Venetis, Ioanni Lippomano, Benedictoq. Taliapetræ mandauit, vt, siquid de ipso factū esset, ad honorandum corpus suum ego, qui veterem eloquentiam in Gymnasio profiterer Patauino, accerferer; satisq. amplum ei negotio præmium proposuit. quod negotium cum mihi magis propter munus, quod obo explicandæ in hoc Gym. Humanitatis, & Rhetoricæ Græcæ, & Latinæ, quàm propter vllā præstantiam meam obtigisset; tamen si ipsum prius recusaueram, non solum quia inuidum esse existimabā id præripi tam multis, tamq. excellentibus litteratis viris, qui Venetiis eloquentiæ,

tiæ, ac sapientiæ laude florent, ut ad eum rescripseram, qui prior ad me per litteras petierat, admodum reuerendum, & clarissimum Theologum, Venetæ Prouinciæ in Carmelitana Religione præstantissimum, & benignissimum Administrũ, Gregorium Canalium; verum etiam quia ex pedibus valde laborarem; & ob id me domi continerem, nec facile obire huiusmodi munus possem; accederetq. etiam illud impedimẽti, quòd explicationes publicę appropinquarent, quas Doctoribus publice docentibus deferere minime licet: tamen uno, atq. altero nuncio ad me misso, ut id oneris subirem, promissaque mihi omni commoditate ad iter conficiendum: quoniam apud litteratos Venetos eam habebam excusationem, quòd Rhodiginus ad exornandum Episcopum Adriensem, & Rhodiginum proficisceretur, non vt eis ullam gloriam præriperem, sed vt officium Episcopo meo debitum præstarem; diuinoq. beneficio pedibus tantum, non etiam lingua male affectus eram; atq. illustrissimi Moderatores Gymnasii, Iacobus Fuscarenus, Ioãnes Superantius, Paullus Paruta, Di. Marci Procuratores iis, quos modo dicebam, Reuerendis Patribus Carmelitanis, & Procuratoribus Testamentariis concesserant benignissime, vt illis possem gratificari, etiam vacando per aliquot dies à publicis explicationibus: permisi me exorari, sumptisq. duobus diebus ad me comparandum, tertio die Venetias me contuli, & quarto eam habui orationem, quæ edita est scilicet IIII. Non. Februarij. 1598. in Templo Carmelitarum.

*De ingressu in Theatrum ad spectandam Anatomen, & honore
Anatomici. Cap. XVIII.*

CUm in Theatrum Anatomicum ad spectandam Anatomen non nisi ijs ingredi liceret, qui certam pecuniam soluerent, S. C. factum est, vt omnibus pateret ingressus sine vlla numorum solutione; & ad sumptus faciendos ipsi Anatomæ necessarios quotannis ex vestigalibus Gymnasio assignatis viginti ducati, prout vrgeret necessitas ab Anatomico agnoscenda, quattuor scilicet floreni in singulas hebdomadas, ijs darentur, qui ab Vniuersitate in principio publicarum explicationum ad id negotij fuissent constituti, vel tardante electionem

De Gymn. Pat.

tionem Vniuersitate vlque ad diem decimum quintum Nouembris, duobus, qui ab ipso Anatomico essent suppleti; ad quem declaratum est pertinere eorum ducatorum distributionem, prout ei necessarium videretur, vel, siqua ipsorum pars superesset, eorundem in vsu necessarios referuationem ad Theatrum conseruandum, atq. adornandum, semper sub custodia eius futurum, qui Anatomen in Gymnasio profiteatur. Quoniam vero propter maius ipsius Anatomæ decus, atq. ornamentum an. 1584. eius explicatio facta fuerat ordinaria, quales nimirum sunt alia primariæ explanationes Theoricæ, & Practicæ Medicinæ: iccirco mandatum est, vt in rotata pagina professorum sequentibus annis peruulganda talis explicatio inter ordinarias poneretur, quoniam id par esset, & seruari etiam antiquitus consueuisset. Quæ causâ fuit, quam obrem an. 1597. ipse Anatomicus in ipsa rotata pagina ante Philosophos ordinarios cœperit nominari.

Laudatio Di. Lucæ . Cap. X I X.

HOdierno die, Patres amplissimi, qui Di. Lucæ est consecratus, de ipso Di. Luca Tutelari Medicorum orationem habeo; quasq. laudes ne summi quidem oratores enumerare, nedum exornare queunt, eas ego dicendo adumbrabo; nō vt vos aliquid doceam sapientissimos viros, per totum terrarum orbem celeberrimos, sed vt earum rerum, quas optime nouistis, grata commemoratione animos vestros oblectem: non quod vir sanctissimus humanam egeat laudatione, qui cælesti perfruens beatitudine humanam postulare gloriam minime videtur: sed vt hoc officium ei meritissimo præstetur, nostræ in eum obseruantię, nostræ venerationis, nostræ pietatis argumentum. Itaque quāmbreuissime in memoriam vestrā reuocabo Sanctum Lucam Antiochenum non solum egregium Medicum, verum etiam præcellentem pictorem, pium discipulum, præstantem rerum sacrarum historicum, excellentem martyrem extitisse. Natus enim Antiochiæ, loco nobili, & celebri quondam vrbe diuino afflatu nomen Lucæ, bo ui quoque aliquando tributum, adeptus est, vt diuinitus significaretur sacrum illud insigne, quod inter illa quattuor Euangelii.

gelistarum insignia, primum Ezechieli, deinde Ioanni Euangelistæ diuino plane spiritu demonstrata, & à Sanctis Patribus declarata ab omnibus ei datum est. Faciem enim bouis, à quo ipse Euangelium auspicatur, ei merito pij homines tribuerunt; & ob id fortasse maiores nostri Insigne Gymnasii Patauini bouem esse voluerunt, nimirum vt indicarent, optimarum artium studia, quorum publice tractandorum à die die festo Di. Lucæ initium fiebat, sub tutela esse ipsius Di. Lucæ habentis Insigne bouis, qua insigni appellatione alter quoque studiosorum Tutelaris Di. Thomas per illam celebrem vocem est nuncupatus; Hic bos mugitum edet, qui per vniuersum terrarum orbem audietur; vt (tamen si alia commemoratur ratio appellationis) merito etiam Gymnasium Patauinum à duobus Tutelaribus suis, Di. Luca, & Di. Thomas nomen accepisse bouis videatur. Cum autem Philosophiæ focia quædam sit Medicina, posteaquàm Di. Lucas Philosophiam cognouit, vitæ ducem, virtutis indagatricem, expultricem vitiorum, inuentricem legum, magistram morum, & disciplinæ; in Medica mirabiliter excelluit facultate, & non solum corporum pertractauit curationem, verum etiam animorum, vt, quemadmodum testatur Di. Hieronymus, omnia verba illius in Euangelio animæ languentis sint Medicina; &, quemadmodum ait Nicephorus, pro corporum curatione animarum Medicus factus sit. O præstantissimum, & præcellentissimum Medicum, vtriusque curationis peritissimū, omnibus Medicis imitandum. Quid? quod imagines Seruatoris generis humani, & Beatissimæ Dei genitricis, & Di. Petri, & Di. Paulli, ad quorum imitationem se effinxerat, vt in animo sibi, & corde pinxit, atq. formauit, sic per quasi viuentes, & spirantes picturas in tabellas prope viuis coloribus transtulit, atq; transcripsit, ita vt illæ esse quodammodo viuentia corpora, & diuinitatē quandā præ se ferre viderentur? Fuisse .n. eū diuinum pictorē, & Nicephorus, & alij memoriæ proderunt. Eundē vero inter duos, & septuaginta discipulos Dñi missos ad prædicandum ponit Epiphanius, & discipulum Di. Paulli extitisse, iā certum est, quàm quod certissimū. Etenim cum Paullus ille Tarsensis, qui antea Christianam fidem acerrime insectatus, postea eiusdem acerrimus fuit propugnator,

De Gymn. Pat.

per varias terrarum partes peregrinaretur prædicans Euangelium Dei, ac Troadem peruenisset, ei quàm plurimos, ac innumerabiles homines ad christianam religionem admirabili, ac diuina eloquentia sua conuertenti adhæsit Lucas, eūq. postea in illa peregrinatione perpetuo comitatus est, ab eo modo frater, modo ipsi charissimus nuncupatus, modo propter fidem, modo propter beneuolentiam commendatus, & Romam etiam perductus, ac post martyrium præceptoris sui in Dalmatia, in Gallia, in Italia, in Macedonia prædicatoris munere constantissime functus. O virum Sanctissimum, omnium vocibus, ac litteris de prædicandum. Cum autem anno Christi quinquagesimo octauo in Achaia, & Bœotia Cérinthus, Merinthus, aliique pseudoapostoli, & falsi scriptores fabulas quasdam disseminassent, & genealogias, ac quæstiones non nullas peruulgassent, veritatemq. Christianæ fidei subuere conati essent; quemadmodum Matthæus hebraice, & Hebræis; ac Marcus, vel ut putauit Di. Hieronymus Græce, & Latinis, vel ut alii tradiderunt latine, & Latinis Euangelium scripserat: ita hortante Paulo Lucas græce, & Græcis conscripsit ad Christi veritatem illis in regionibus constituendam; quibus postea accessit Ioannis Euangelium græce scriptum, & antiquitus hebraice conuersum. Litteris igitur consignauit Lucas Euangelium illud, quod Di. Paullum honoris causa nominasse Euangelium suum, Tertullianus, & Di. Hieronymus testantur; misitq. ad Theophilum Antiochenum ciuem suum, quem optimum appellauit. Anno autem sexagesimo secundo opus inscriptum Acta Apostolorum perfecit vsque ad quartum, vel quintum Neronis annum, eidemq. Theophilo dicauit. Quibus in historiis, dici non potest, quanta cautione vsus sit, ut Euangelium, sicut audiuerat non solum à Paulo Apostolo, qui cum Domino non vixerat, verum etiam à ceteris Apostolis, qui à principio eum viderant, & administrari fuerant sermonis, diligentissime narrauerit: ut in Actis Apostolorum à rebus illis conscribendis, quibus ipse non interfuisset, se penumero se abstinerit, ac paucis agere, quàm veritatem uel in minimum discrimen adducere, vel aliqua ex parte lachdere maluerit: ut absolutissimi, & perfectissimi historici munus obiuert. O viri præstantiam singularem, ac pro-

pe diuinam. Quam diuinitatem ipse etiam declarauit martyrio suo sanctissimo, tunc cum in vltima senectute duceus vi tam coelibem, & agens annos ætatis suæ quattuor, & octoginta, Deo spiritum reddidit, & ipso martyrio vitam finiuit, vt inter ceteros testatus est Gregorius Nazianzenus, qui eum cū martyribus enumerauit, & Gaudentius Episcopus, qui eundem martyrem fuisse ad Patras, Achaïæ urbem, memoriæ prodidit, & Nicephorus, qui à diuini verbi contemptoribus ipsum ex fructifera oleæ arbore suspensum fuisse, quod aridi ligni, vnde crux fieret, copia non esset, narrauit; miraculaq. in monumento eius edita, ac reliquias Byzantium translata commemorauit: & Michael Glicanus, & Gregorius Cedrenus, & alii, qui unguentum medicum ex membris Beatissimi Martyris scaturisse, eoq. signo ipsius reliquias fuisse repetas tradiderunt. Merito igitur, patres amplissimi, virum sanctissimum Lucam Antiochenum, Medicum, Pictorem, Discipulum, Historicum, Martyrem omni veneratione colendum veneramini. Merito in eius honorem congregamini. Merito eum in Christianam Remp. beneficentissimum suspicitis, & admiramini; Tutelaremque vestrum cum omnibus laudibus efferendum, omnibus honoribus afficiendum, omni prædicatione celebrandum existimatis, tum vero, tamquam facem lucidissimam vobis prælucentem sequimini. Quod dum perpetuo facietis, vt facere sine dubio debetis, vniuerso huic Collegio apud Deum Opt. Max. ita beatissimus patet fauebit oratione, ac precibus suis, vt quod per vos assequi nō potestis, per sanctissima eius merita consequamini.



De Gymn. Pat.

*Quæ essent præmia Doctorum Gymnasii Patauini an. 1598.
Cap. XX.*

1	Bartholomæi Syluatici explicatoris Iuris Canonici matutini in primo loco Floreni sexcenti.	600
2	Antonij Zonchæ in secundo centum quinquaginta.	150
3	Thaddæi Pisonis Soaciæ in tertio viginti.	20
4	Sebastiani Monticuli explicatoris Iuris Canonici in primo loco quadringenti quinquaginta.	450
5	Angeli Saxij in secundo centum.	100
6	Vbertini Milliarj in tertio viginti.	20
7	Angeli Matthæacij explicatoris Iuris ciuilis ordinarij matutini in primo loco sexcenti.	600
8	Ottonelli Discalcij in æqualitate primi loci quingenti quinquaginta.	550
9	Guidi Panciroli explicatoris Iuris Ciuilis ordinarij vespertini in primo loco mille sexceti octoginta.	1680
10	Ioachimi Scaini in secundo quingenti.	500
11	Claudij Curtiui in tertio viginti.	20
12	Victoris Saxonæ explicatoris Criminalium centum decem.	110
13	Io. Baptistæ Syluatici explicatoris Feudorum quinquaginta.	50
14	M. Antonij Ottellij explicatoris Pandectarū duceti.	200
15	Fabricij Cæconij explicatoris Institutionum in primo loco centum sexaginta.	160
16	Ostauij Liuelli in secundo quinquaginta.	50
17	Ioannis Chartularij in tertio viginti.	20
18	Ostauij Salgerij explicatoris capitis de Regulis Iuris sexaginta.	60
19	Ioannis Leonissæ explicatoris Tabellionatus centum.	100

1	Angeli Andronici Theologi ex doctrina S. Thomæ centum octoginta.	180
2	Hieronymi Pallanterij Theologi ex doctrina Scoti centum octoginta.	180
3	Alphonſi Soti explicatoris Sacræ Scripturæ centum viginti quattuor.	124
4	Liuij Leonij Metaphyſici ex doctrina S. Thomæ ſexa ginta.	60
5	Saluatoris Bartolutij Metaphyſici ex doctrina Scoti centum octoginta.	180
6	Horatij Augenij Medici Theorici ordinarij in primo loco nongenti.	900
7	Aemilij Campilongi in ſecundo quadringenti.	400
8	Alexandri Maſſarię Medici Præctici ordinarij in primo loco mille	1000
9	Herculis Saxoniz in ſecundo ſexcenti.	600
10	Franciſci Piccolominei philoſophi ordinarij in primo loco mille quadringenti.	1400
11	Cæſaris Cremonini in ſecundo quadringenti.	400
12	Annibalidis Bimbioli Medici Theorici extraordinarij in primo loco quadringenti.	400
13	Nicolai Triuiſani in tertio viginti.	20
14	Thomæ Minadoi Medici Præctici extraordinarij in primo loco ducenti.	200
15	Alexandri Vigontiz in ſecundo quadraginta.	40
16	Io. Petri Peregrini in tertio viginti.	20
17	Camilli Bellonij philoſophi extraordinarij in primo loco centum quinquaginta	150
18	Angeli Portinarij in tertio viginti.	20
19	Ioannis Bellonij explicatoris philoſophiæ Moraliſ centum quinquaginta.	150
20	Hieronymi Fabricij, explicatoris Chirurgiæ, & Anatomies mille centum.	1100
21	Andregeti Andregetii explicatoris libri tertij Aui-cennæ viginti.	20
22	Proſperi Alpini explicatoris ſimplicium in Scholis ducenti.	200

De Gymn. Pat.

23 Iac. Antonij Cortusii ostensoris simplicium in horto Medicinali ducenti.	206
24 Iulij Libri explicatoris Logicæ in primo loco qua- dringenti.	406
25 Faustini Summi in secundo trecenti.	300
26 Iacobi Alexij in tertio viginti.	20
27 Galilei Galileii explicatoris Mathematicarum disci- plinarum centum octoginta.	180
28 Antonij Riccoboni explicatoris Humanitatis Græ- cæ, & Latine sexcenti quinquaginta.	650



*De Stationario , seu Librario , & Typographo Vniuersitatis Inrif-
Studioforum . Cap. XXI.*

1588 **C**VM Alexander Puteus Pedemontanus esset Prore-
ctor Substitutus Vniuersitatis Iuristudioforum , ex
publico decreto in locum Simonis Galignani , qui erat Statio-
narius , seu Librarius ipsius Vniuersitatis , electus est Laurētius
Pasquatus Patavinus , factusq. Stationarius , & Librarius , ac
Typographus eiusdem Vniuersitatis . In quem vr illa se gratā
ostenderet virum promptissimum , & paratissimum ad gra-
tificandum illi , ac satisfaciendum quibuscumq. rebus posset
pro virum suarum tenuitate , legitime congregata , procuran-
te id in primis , & proponente , ac suadente Alexandro Putco
Pedemontano Prorectore Substituto , decreto suo cunctis
Consiliariis suffragijs approbato , eum declarauit eius , qui
modo nominatus est , Simonis Galignani successorem , & Ty-
pographum suum amantissimum , statuitq. ipsum gaudere de
bere omnibus , & singulis priuilegijs , quęcumq. , qualiacūq. ,
& quantacūq. ipsi Vniuersitati à Serenissimo Principe , &
Senatu Veneto concessa sunt , æque ac si esset vnus de Docto-
ribus , & Scholasticis ipsius Vniuersitatis (quem etiā honoris
caussa Scholasticum appellauit , id est , Scholasticis priuilegijs
gaudentem) fruiq. immunitatibus , & exemptionibus vectiga-
lium , & portorum , atq. omnium , quę nomine Datij , & Ga-
bellę denotantur ; ac esse immunem , & exemptum ab omni
Datij , & Gabellę solutione cū omnibus bonis suis , & vniuer-
sa familia sua ; litterisq. datis sigillo suo signatis , sub nomine
Matriculę hortata est , ac iussit omnes , & singulos publica-
nos , quos appellant Datiarios , Pallaterios , & Vestigalibus
Pręsidentes Sereniss. Reip. Venetę , vt ipsum Laurentium Pas-
quatum , & nuncios eius cum bonis , & rebus suis , cuiuscumq.
generis extiterint , ad vsum suum , & familię suę necessarijs ire ,
transire , emere , cōducere absq. vlla Datij , & Gabellę solutio-
ne permittant , prout iure , & ex statutorum forma debent effi-
cere , & obligati sunt , propofita pœna librarum centum , si cō-
tra fecerint .

F I N I S .



Errata grauiora sic corrigenda: in leuioribus iudicium
adhibendum.

Pag. 14. a. Iurius Iuris. 24. a. MORALIUM NATURALIUM. 27. a.
Fr. Stephanus Carmelitanus. Fr. Stephanus Facinus Cremonensis Carmelitanus.
32. b. Talentos Talento 38. a. cap VI Cap IX. 43. b. exercecentem exercentem.
48. b. personi perfrui. 54. a. siuire iure. 67. a. Chiliberto Philiberto. 69. a. red
distis reddidit. charissimus charissimus 74. a. Ludonico Ludonici. 81. a. ba
buerunt habuerunt 91. a. daret daret 93. b. adesse abesse. 98. a. introductionem
introductione. 109. a. progellas pagellas. 116. a. igiur igitur. 126. a. um cum
131. b. Deo folco. 134. a. dicarent dictarent.

